

Samuel Maclure

Antonii le Grand

HISTORIA
NATURÆ,

VARIIS

Experimentis & Ratiociniis
ELUCIDATA.

SECUNDUM

PRINCIPIA

Stabilita


In Institutione Philosophiæ

Edita ab eodem Authore.




LONDINI:

Apud J. Martyn, Regalis Societatis Typographum,
ad inligne Campanæ in Cœmeterio Divi
Pauli, MDC LXXIII.



HISTORIA *p n*
NATVRÆ.

W.F. fec.



Antonii le Grand

HISTORIA NATURÆ,

VARIIS

Experimentis & Ratiociniis
ELUCIDATA.

SECUNDUM

PRINCIPIA

Stabilita

In Institutione Philosophiæ

Edita ab eodem Authore.



LONDINI:

Apud J. Martyn, Regalis Societatis Typographum,
ad inigne Campanæ in Cœmeterio Divi
Pauli, MDC LXXIII.

110

111

112

113

114

115

116

117

118

Clarissimo Viro ac Nobilissimo Philosopho

ROBERTO BOYLE,
ARMIGERO,

Honoratissimi Comitis de *Burlington*
Fratris &c.

Illustrissime Domine,



IX ultimam huic
operi manum addi-
deram cum nova su-
bit mentem sollicitudo, illi sci-
licet, patronum conciliandi,
cujus *Authoritati innixum*
prodiret, & contra veræ Phi-
losophiæ Oppugnatores se tue-
retur. Ita anxio, una doctorum,
quos hoc in Regno novi, vox
fuit, illud Tibi soli deberi, &
à nominis tui claritate emen-

EPISTOLA.

dicandum esse patrocinium.

Adeo enim diffusa est per totam Angliam, imo per orbem universum nominis tui gloria, ut vix inter Eruditos annumeretur, qui Sapientiam tuam non agnoscit, & cultu peculiari non amplectitur. Enimvero quis unquam Te Doctior, ut quondam de Aristotele Romanus Orator, quis acutior, quis in rebus vel inveniendis, vel judicandis acrior fuit? Ita enim in rebus adveniendis solers es, ita in detegendis Naturæ arcanis sagax, ita in promovenda experimentis Philosophia foelix, ut non immerito de Te, quod in Aristote-

EPISTOLA.

stotelis laudes aliquando veluti lymphatus est Averroes, diceat, quod Regula & Exemplaris, quod natura invenit, ad demonstrandam ultimam perfectionem humanam. Hæc omnium Doctorum, qui Tenorunt sententia, cui suffragatur celeberrima Londinensis Regia Societas, quæ tam præclara artis & industriæ suæ edidit specimina: dum in omnibus quæ aggreditur, nihil Te inconsulto molitur, Te asserente, nunquam dissentit, Te impugnante, nunquam obluetur.

Quare mirum Tibi (Illustrissime Domine) videri non

EPISTOLĀ.


debet, si Patrocinii tui decus tantopere ambiam, & has qualescumque lacubrationes, nomini Tuo velim nuncupari, cum sciam sub Tutelæ tuæ umbraculo, tutas fore, & contra irruentis vulgi impetus, securas, Aliud etiam non minus urgens motivam, ad id faciendum adigit, quatenus inter publicos Eruditionis & Sapientiæ Tuæ cultores agnosci valeam, & occasione arrepta, palam profiteri, nihil me magis affectare quam agnosci

Illustriissimæ Dominationis Tuæ

Humilimus Servus

LE GRAND.

PRÆFATIO
AD
LECTOREM.

I.  Um principiorum Scientiæ veritas, ex *deductionum* evidentia elucescat, & eorum certitudo indubitata censeatur, si quæ ex illis eruuntur, ab eorum cognitione omnino pendeant; Animum quædam cupido impulit, explorandi, an jactis in *Institutione mea Philosophia* principiis, naturæ Phænomena responderent, atque inter illa talis intercederet nexus, ut apprehendi quidem illa sine istis; ista vero non vicissim absque illis, intelligi possent.

2. Nam quamvis hæc, quibus utor, principia, simplicia sint, nihilq; aliud sint quam rerum *magnitudines*, *figuræ*, *motus*, *situs*, & *quies*, nihilominus asserere audeo, me in toto hoc opere ad nulla alia recurrisse, & omnia, quæ passim pro naturæ *miraculis* ducuntur, sine ullo
sympa-

P R Æ F A T I O.

sympathiæ & antipathiæ adminiculo, citraque *occultarum* qualitatum opem, non solum explicasse, sed veram eorum rationem reddidisse. Adeo ut nullus de eorum certitudine, dubitandi locus esse possit, si animadvertatur, quam multa de *Corporibus*, de *Qualitatibus*, de *Metallis*, de *Animalibus* &c. ex tam paucis Principiis deducta sunt, quæ revera tam apprimè cohærere nequirent, ni vera essent, & extra omnem dubitandi aleam posita. Unde vulgaria hic tantummodo, & quæ passim occurrunt phænomena, explicare est animus; non quod eadem facilitate, eorum, quæ raro contingunt, rationem reddere non valeam; cum par sit omnium causa, & quicquid in universoprehenditur, naturæ sit effectus, & eodem modo nascatur, & intereat: Sed ne ad insolita recurrere videar, ad certitudinem principiorum meorum demonstrandum, & ad *monstra* confugere, tanquam in illorum evidentiæ testes.

3. Meum igitur hoc in opere institutum fuit, non universam *Naturæ Historiam* describere; aut omnia mundi Phænomena uno libro complecti, sed solum ostendere, principiis in *Institutione Philosophiæ* stabilitis, illa quæ passim spectamus,

P R Æ F A T I O.

ſtamus, apprime respondere, & nihil in Philosophia tractari, quod non commodè eorum ope explicari queat. Quare totum Philosophiæ corpus pervado, & ne quid omiſſiſſe videar, ſuis locis reſtituo quæ in Inſtitutione omiſſa ſunt.

4. Primam igitur partem à Corporum natura auſpicor, & contra Clarifſimum *Gaſſendum* oſtendere adnitor, nullum inter materiæ partes, *Inane ſpatium* reperiri. Argumenta & Experimenta quæ pro vacui aſſertione aſſeruntur, evanida eſſe, & perperam explicata contendo. Mox ad Corporum Affectiones pergo, ubi aſſerta indefinita Corporis Diviſibilitate, varia *Rari & Denſi; Duri & Fluidi; Aſperi & Lavis; Perſpicui & Opaci* Experimenta adduco, genuina cuilibet aſſignata ratione.

5. Quia vero Qualitates materialem Subſtantiam comitantur, & illam quocunque in ſtatu afficiunt, lubuit veram illarum indolem per *experimenta* demonſtrare, & rejeſtis illis, quas *Occultas* vulgo appellant, eam in Quantitate, motu, figura, partium corporis ordinatione ſtabilire, quod poſtmodum exemplo *Caloris, Frigoris, Gravitatis & Levitatis, Saporis, Odoris, & aliarum corporum*

P R Æ F A T I O.

porum affectionum, quæ Sensum feriunt, reddo manifestum.

Deinde mundi & cœli Historiam aggreddior, à mundi *principio* ducens exordium, quod rerum *Genesis*, & Universi partium digestio, sequitur; ejus subinde *interitus*, qui ei ex rerum generatione, & corruptione imminet. Mox adsunt Cœli Phænomena, *Sidera*, *Planeta*, *Cometa*. An hæc omnia aliquid in nos, inferioraque corpora, aliquid possint, aut quicquam certi portendant, variis exemplis discutitur, & quid de hujusmodi prædictionibus sit censendum, aperitur.

6. Quartam partem quatuor magna Corpora occupant. Primum *Terra*, quæ pene nihil reputanda est, si cum universo conferatur. Deinde *Aqua*, cum variis ejus proprietatibus. Mox *Flumina* & *Fontes* subeunt, quorum ortus indagatur, sicut & *Maris* fluxus ac refluxus causa. Quippe hæc sunt quæ multorum capita torserunt, adegeruntque ad occultarum Qualitatum asylum confugere, ut quicquam de illis fari possent. Post Aquam, *Ignis* Phænomena se conspicienda offerunt; & varii ejus effectus, non apud nos modo, sed & in Terræ penetralibus aperiuntur.

Agmen

P R Æ F A T I O.

Agmen Elementorum *Aer* claudit, cujus potentia non minus in naturalibus, quam in artificialibus elucet.

7. Quoniam Terra multa recondit, quæ nostram considerationem evocant, nonnulla etiam de *Fossilibus* adjunxi. Primum de *Sale, Auro, Argento, Plumbo, Ære, Ferro, & Metallis aliis*, quorum generatio, non minus mira videri debet, quam illorum operationes, & effectus. Deinde *Lapides* ex eodem Terræ sinu eruo, & discussa varia eorum origine, eorum distinctionem examino, à diversa eorum constitutione petitam. Demum *magnetem* prodo, qui licet inter viles lapides numeretur, & omni splendore careat, peculiare tamen effectus habet, qui iis miri videntur, qui materiam *striatam* ut eorum causam non agnoscunt.

8. Post hæc, *Meteororum* Phænomena panduntur quæ cum inter Sidera, & Terram interjaceant, utriusque naturam participant. Primum de *Vaporibus & exhalationibus*, quæ iis formandis inserviunt, ago: Deinde de *Ventis*, qui veluti vagi per mundum Hospites, nusquam quiescunt, nec ullibi minus, quam domi habitant. Uti ab iis *nubes* librantur, sic inter Meteora locum servant.

Sequi-

P R Æ F A T I O.

Sequitur *Pluvia*, *Grando*, *Nix*, *Ros*, & *Mel*. Mox *Tempestatum*, *Tonitru*, or'go & effectus deteguntur. Mox cur *Fulmen* tantum exasperetur, cur corpora dura scepe corripiat, mollibus intactis. Inter *Meteora* primum sibi locum *Iris* vindicat, uti & alii *Ignes* in Aere accensi, qui prout fortius, aut debilius materiae adhærent, citius aut tardius evanescent.

9. His succedit pars septima de *Plantis*, quarum varietas pene est infinita. Primum de illarum *Partibus*, *Viribus*, *Qualitatibus*, quæ cuilibet Plantæ communes sunt, agitur. Dein quarundam *sympathia* & *antipathia* explicatur; præterea de earum *ortu*, *nutritione*, *germinatione*, *interitu*, aliquid subnectitur, quantum sufficere videtur, non solum ad earum Phænomena, sed etiam, ad omnium earum indolem intelligendam.

10. Tractatum de *Animalibus* ordior, ab iis quæ sponte, seu ut alii volunt, ex corruptione gignuntur; tum ad animantia ex *semine* producta procedo, & examinata *monstrorum* causa aliquid de vario Animalium pariendi tempore subjicio, post ad eorum affectiones digressus, *famis* & *sitis* causas examino, continui per corpus universum *Sanguinis* cir-

P R Æ F A T I O.

circuitus. Deinde quodnam sit tam variarum in eis actionum principium indago; Cur nonnulla *Odio*, alia *Amore* se prosequantur. Demum cur dispar in illis *Somnus*, & *Morbis* diversis corripiantur.

II. Totam hanc Historiam *Homo* claudit, cætera mundi corpora formæ elegantia antecedens, & cuncta Animantia Ratione, Intellectu, Anima superans. Nam licet ad modum cæterorum Animalium iisdem Sensuum organis utatur, non tamen quemadmodum illa, objecta percipit, cum sensus in eo, *Cogitationis* species sit, quæ Brutis non attribuitur. Propterea explicatis de *Tactu*, *Gustu*, *Olfactu*, *Auditu*, & *Visu*, quibusdam experimentis, ad *Imaginationem*, & *Memoriam* pergo, & quæ *Somniorum*, *Insomniorumque* sit causa, expono. Tandem causis *Passionum*, quæ exterius apparent, descriptis, totum opus naturales Hominum *propensiones*, & *Aversiones* claudunt, quarum etiam origo, licet diu occulta, evidens demum redditur.

12. Hæc sunt, Amice lector; Historiæ Naturæ specimina quæ impressentiarum edere meditor, contentus hoc in scribendi genere, viam aliis mon-

P R Æ F A T I O.

monstrasse, & campum aperuisse, in quo lato passu divagentur. Alia forte tibi alias daturus, ubi rescivero, te pro solita humanitate, conatibus meis favere, & benigne suscipere, quæ animo benevolo largior & ingero.

I N D E X

INDEX

Partium & Articulorum

Hujus OPERIS.

P A R S P R I M A.

De Corporibus.

Articulus primus.

DE Corpore Extensō pag. 1

Articulus secundus.

*Diluuntur Rationes Epicuri, quibus Inania spatia
Corporibus inspersa asserere molitur* 5

Articulus tertius.

E X *Discutiuntur Experimenta, quibus Vacuitates Cor-
poribus inesse Gassendus contendit* 9

Articulus quartus.

De Corpore divisibili 16

Articulus quintus.

De Corpore Raro & Denso 18

Articulus sextus.

De Duro & Fluido 22

Articulus septimus.

De Aspero & Levi 26

Articulus octavus.

De Perspicuo & Opaco 28

Articulus nonus.

De Inflexo & compresso 31

a

P A R S

INDEX.

PARS SECUNDA

De Qualitatibus.

	Articulus primus.	
D E Qualitatibus in Genere	Articulus secundus.	37
De Calore		40
	Articulus tertius.	
De Frigore		44
	Articulus quartus.	
De Gravitate & Levitate		49
	Articulus quintus.	
De Sapore		55
	Articulus sextus.	
De Odore		60
	Articulus septimus.	
De Sono		64
	Articulus octavus.	
De Lumine		70
	Articulus nonus.	
De Colore		75
	Articulus decimus.	
De Qualitatibus Occultis		82

PARS TERTIA.

Mundi & Cœli.

	Articulus primus.	
D E Mundi Exordio	Articulus secundus.	87
De Rerum genesi, & partium mundi digestionem		92
	Articu-	

INDEX.

	Articulus tertius.	
	<i>De Mundi Interitu</i>	95
	Articulus quartus.	
	<i>De Rerum Generatione & corruptione</i>	99
	Articulus quintus.	
	<i>De Cælo</i>	102
	Articulus sextus.	
	<i>De Sole</i>	105
	Articulus septimus.	
	<i>De Stellis fixis</i>	110
	Articulus octavus.	
	<i>De Luna</i>	114
	Articulus nonus.	
	<i>De Solis & fixarum maculis</i>	119
	Articulus decimus.	
	<i>De Maculis in Orbe Lune apparentibus</i>	124
	Articulus undecimus.	
	<i>De Cometis</i>	128
	Articulus duodecimus.	
	<i>De Siderum productionibus</i>	133
	Articulus decimus tertius.	
	<i>De Prædictionibus Astrologicis</i>	139

PARS QUARTA, De Terra, Aqua, Igne, & Aere.

	Articulus primus.	
	D E Globo Terræ	144
	Articulus secundus.	
	<i>De Aqua</i>	149
	Articulus tertius.	
	<i>De quarundam Aquarum proprietatibus</i>	153
	Articulus quartus.	
	<i>De Fontibus & Fluviiis</i>	159

INDEX.

	Articulus quintus.	
<i>De Mari</i>	Articulus sextus.	163
<i>De Maris Fluxu & Refluxu</i>	Articulus septimus.	168
<i>De Igne</i>	Articulus octavus.	174
<i>De Terræ motu, & Ignibus subterraneis</i>	Articulus nonus.	179
<i>De Vitro</i>	Articulus decimus.	183
<i>De Cineribus & Carbone</i>	Articulus undecimus.	186
<i>De Aere</i>		190

PARS QUINTA.

De Fossilibus.

	Articulus primus,	
D E Metallis in genere	Articulus secundus.	195
<i>De Mercurio & Sulphure</i>	Articulus Tertius.	198
<i>De Sale</i>	Articulus quartus.	202
<i>De Auro</i>	Articulus quintus.	206
<i>De Argento & Stanno</i>	Articulus sextus.	211
<i>De Plumbo & Ere</i>	Articulus septimus.	215
<i>De Ferro</i>	Articulus octavus.	219
<i>De Varia lapidum generatione</i>		222
	Arti-	

INDEX.

Articulus nonus.

De Unionibus & Gemmis 227

Articulus decimus.

De Magnete 231

P A R S S E X T A.

De Meteoris.

Articulus primus.

DE *Vaporibus & exhalationibus* 237

Articulus secundus.

De Ventis 241

Articulus tertius.

De Nubibus 246

Articulus quartus.

De Pluvia 250

Articulus quintus.

De Grandine & Nive 255

Articulus sextus.

De Rore & Melle 259

Articulus septimus.

De Tempestate & Tonitru 263

Articulus octavus.

De Fulmine 267

Articulus nonus.

De Iride 272

Articulus decimus.

De Ignibus in Aere accensis 278

Articulus undecimus.

De Halonibus & Parbeliis 281

P A R S

INDEX.

P A R S S E P T I M A.

De Plantis.

Articulus primus.	
D E Plantarum partibus	287
Articulus secundus.	
De Plantarum viribus	291
Articulus tertius.	
De Obviis Plantarum Qualitatibus	295
Articulus quartus.	
De Occultis Plantarum Qualitatibus	299
Articulus quintus.	
De Sympathia & Antipathia plantarum	304
Articulus sextus.	
De Ortu Plantarum	309
Articulus septimus.	
De Plantarum nutritione	315
Articulus octavus.	
De Plantarum germinatione	319
Articulus nonus.	
De Plantarum Interitu	323

P A R S O C T A V A.

De Animalibus.

Articulus primus.	
D E Animalibus sponte genitis	327
Articulus secundus.	
De Animantibus ex semine productis	332
Articulus tertius.	
De Monstris	338
Arti-	

INDEX.

	Articulus quartus.	
—	<i>De partu Animalium</i>	342
	Articulus quintus.	
	<i>De Fame & siti</i>	347
	Articulus sextus.	
	<i>De Motu Cordis, & Sanguinis circuitu.</i>	351
	Articulus septimus.	
287	<i>De Animalium actionibus</i>	356
	Articulus octavus.	
291	<i>De Animalium Aversione & Concordia</i>	364
	Articulus nonus.	
295	<i>De Somno & Vigilia</i>	368
	Articulus decimus.	
299	<i>De Morbis animalium</i>	373

304

PARS NONA.

	De Homine.	
	Articulus primus.	
	D E Sensu tactus	378
323	Articulus secundus.	
—	<i>De Gustu</i>	382
	Articulus tertius.	
	<i>De Olfactu</i>	385
	Articulus quartus.	
	<i>De Auditu</i>	388
	Articulus quintus.	
327	<i>De Visu</i>	392
	Articulus sextus.	
332	<i>De Imaginatione</i>	397
	Articulus septimus.	
338	<i>De Memoria</i>	402
Arti-	Arti-	

INDEX.

	Articulus octavus.	
<i>De Somniis & Insomniis</i>		405
	Articulus nonus.	
<i>De Externis passionibus</i>		409
	Articulus decimus.	
<i>De Naturalibus Quorundam Inclinationibus, & Aversionibus</i>		413

HISTO

du
&
tia
ria
no
bus
do,
ocu
repi
tur

405
409
413

HISTORIÆ NATURALIS PARS PRIMA.

De Corporibus.

Articulus primus.

De Corpore extenso.



TO

Uamvis sensus nostri sæpe menti-
antur, & falsis delusi imagini-
bus, mentem nostram circum-
veniant ; nulla tamen tutiori
ratione, ad rerum Corporea-
rum notitiam devenitur, quam

I.

*Corpus existere
sensibus depre-
henditur.*

dum eorum opera, earum dimensiones metimur,
& per signa, quæ oculis ingerunt, earum existen-
tiam detegimus ; iis siquidem impulsu, Mate-
riam tribus præditam esse dimensionibus cog-
noscimus, cujus partes variis cieri possunt Moti-
bus, alternantes subire Formas, & diverso mo-
do, Sensuum organa ferire. Nam licet forte quod
oculis objicitur, specie tenus duntaxat, nobis
repræsentetur, & aliud revera quam sit, exhibea-
tur ; non tamen aliquid *evanidum* esse censendum

B

est,

est, & è rerum catalogo penitus ablegandum; cum necesse sit sub illo cortice, aliquid corporeum latere, cui tanquam fundamento figura inest; quæ forte ob distantiam, qualis in se est, non apprehenditur, & aliam speciem assumit, ut ad *Sensus* organa perveniat.

II.

*Sensus quoad
re: um substan-
tias non deci-
piuntur.*

Qui eminus *Turrim quadratam*, sub teretis imagine contemplatur, haud dubium est, quin substantiale aliquid, ejus organo ingeratur, quum fieri nequeat, ut quadrata, aut rotunda figura conspiciatur; & nihil sit, quod eam sustentet ac fulciat. Implicat enim *Modum* aliquem à materia avulsum existere; imo si ejus indoles rite perpendatur, nequidem quoad perceptionem ab ea potest separari: Nam licet clare Substantiam seu Materialem sive Incorporcam, citra suos modos concipere valeamus; nequaquam autem vice versa, modi illi absque ipsis, possunt intelligi; cum ad eorum naturam spectet, substantias afficere & variare.

III.

*Opinio anti-
quorum circa
naturam cor-
poris.*

Quare Philosophorum prisca ex figura, magnitudinis ac resistentiæ congerie corpus existere demonstrarunt; eo quod nihil præter *Materiam in Longum, Latum & Profundum*, extendi viderent, nihilque ab ea assignari posse, quod aliam similem à loco deturbet, & penetrationem fugiat. Quippe in hoc substantiæ materiales à spiritualibus discrepant, quod illæ sub sensu nostro cadunt, quod mole sint præditæ, & mutuo tactui subjiciantur. Tactus nomine non illo duntaxat accipi debet, qui animali proprius est, & quo ad corpora externa tangenda utitur; sed illo generaliori, quo duo corpora secundum suas superficies sibi occur-

sunt

runt, & quo velut intimo osculo sibi copulantur. Nam solius rei materialis est *Tangere*, & *Tangi*, & medio quodam termino adhærere & connecti. Illud adeo perspicuum est, ut iis dubium esse nequeat, qui vel Imaginatione gaudent, aut Sensibus aliquid decernunt. Quemadmodum Lucretius, lib. primo testatur,

*Corpus enim per se communis deliquat esse
Sensus; quo nisi prima fides fundata valebit,
Haud erit, oculiis de rebus quo referentes
Confirmare animi quicquam ratione queamus.*

IV.

An dentur vacuitates in corporibus.

Sola superest discutienda difficultas, num præter corpora, quæ in extensione consistere dicimus, detur in Natura *Inane*, quod omni materia destituatur, & tamen *Longitudinem*, *Lati- tudinem*, & *Profunditatem* habeat. *Gassendus* qui obliteratam pene *Epicuri* doctrinam restituit, & ingens sibi nomen, *Inania* è tenebris eruendo, comparavit, in librum decimum *Laertii* de *Epicuri* Physiologia animadversionibus, non rationibus modo, sed & experimentis spatia vacua debere in Mundo dari asserit; quæ licet nullum corpus actu complectantur, ita tamen sunt in corporibus disposita, ut supervenientem materiam admittere, & continere valeant. Ad eum fere modum, quo vas inane seu vacuum dicitur, quamdiu omni liquore destitutum est, sed quem recipiendi capacitatem habet. Quia si contingat huiusmodi liquorem vase detrahi, & in alium locum transferri, necessum est vasis superficiem, quæ antea liquorem continebat, vacuum remanere, nisi peregrina alia materies, ejus latera op-pleat, & iisdem omnino ablatis *Corporis* dimensio-

nibus coæquetur. Opinionem suam acervi tritici exemplo confirmat, inter cujus grana, multa *spatiola* intercipiuntur, quæ ab ipsis granis non occupantur; quum eorum superficies, (ut ad oculum patet) à se invicem distent, & ita adaptari nequeant, quin inter se interstitia relinquunt, omni corpore destituta.

V.

*Corpus physicum
& mathematicum non dis-
seunt.*

Sed non satis ad *Corporis* indolem attendisse videtur Gassendus, quod non in *Physica* solum, sed & in *Mathematica* extensione consistit, quæque ita illi intima est, ut nequidem cogitatione ab eo divelli queat. Adeo ut *Extensio* cum *Corpore* reciprocetur; & sicut *Corpus* non datur, quod non longitudine, latitudine, & profunditate constet; ita nihil iis tribus dimensionibus mensuratur, quod corporis rationem non habeat.

VI.

Distantia partium ab invicem non probant dari spatia inania.

At, inter corporum particulas, regiones, seu exigua quædam interstitia inveniuntur, quæ ob eorum laterum diversitatem, occupari non possunt: Esto, an inde illa *inania* esse inferendum est? quidni illa *spatiola* aere aut subtiliori alia materia oppleantur? & illas intercapedines alterius generis corpuscula separent? Nam si illa à se invicem distant, & varia loca fortiuntur, quomodo per interstitia inania dici poterunt elongari? cum juxta tritum apud *Physicos* axioma, *inter illa quæ à se mutuo distant aliquid interjacere necesse est*. Nam quum *Distantia*, quæ non nisi inter plura reperitur, quædam sit *Relatio*, omnisque *Relatio* fundamentum suum habeat, necessum est, ut reali innitatur fundamento. *Non-Entis* enim nullæ sunt affectiones aut operationes, ac proinde quod nihil est, realem *Corporum* distantiam constituere non valet.

Non

Non cum quibusdam dicendum est, *distantiam* in ipsis corporibus, quæ ab invicem divelluntur, tanquam in fundamento reperiri. Nam inde legitime inferre liceret, illa à se mutuo distare, quocunque modo disponderentur, cum eadem fundamenta maneant, sive distent, sive sibi connectantur. Quare *Distantia*, alteri rei à positis corporibus assignanda est, quæ quum *immaterialis* illa esse non possit, utpote extensionis expers, ad aliam *corpoream* recurrendum est, quæ illam efficiat.

Articulus secundus.

Diluantur Rationes Epicuri, quibus Inania spatia Corporibus inspersa asserere molitur.

EPicurus qui locum cum *Inani* confundit, putatque Corpora omnia in spatiis vacuis recondi; arbitratus est, ni illa darentur, *Non habitura esse Corpora, ubi existerent, aut quo moverentur.* Nam cum locus locato adæquetur, debeatque concava illius superficies, hujus extimæ superficiei proportionari: cumque locus passim immobilis habeatur, repugnetque à sua positione dimoveri; superest ut *locus* idem semper maneat, postquam Corpus quod illum implebat, alibi continetur, aut successive loca alia subit; ac proinde necesse est, illum vacuum relinqui, & partes sui immotas tueri.

I.

Non opus est spatio inani ut corpus quiescat aut moveatur.

II.

Corpora secum loca sua adferunt & tollunt.

Sed perperam existimasse videtur *Epicurus*, locum quoddam per se subsistens *spatium* esse, quod Corpori magnitudine aequale sit, & ab eo reali-

ter distinctum : Quia si præcise ad *loci* notionem attendatur, nihil aliud esse deprehendetur, quam respectus quidam Corporis situs, quem habet ad proxima, quæ illud circumstant, corpora; vel ad remota, à quibus immobilitatem suam desumit. Adeo ut, asserere rem in *loco* esse, vel novum locum acquirere, idem sit, quod significare, illam talem situm inter alia corpora obtinere vel adipisci. Mentis error est, fingere locum capedinem quandam esse, quam corpora penetrant, ac deserunt: cum corpora sua spatia secum adferant ac tollant. Ac ideo dicimus *Corpus* spatium aliquod occupare, eo ipso, quo tanta pars Universi esse constituitur, & inter res materiales numeratur: & locum aliquem derelinquere, quum definit *magnitudinem*, *figuram*, & *situm* suum, inter determinata quædam corpora servare.

III.

*An fieri possit
motus sublato
inani spatio.*


Aliud argumentum, quo Inane in mundo stabilire conatur *Epicurus*, ex ipsa *Motus* ratione petitur: Si nullus, inquit, in natura locus inanis admittatur, impossibile erit in ea fieri *Motus*; ac proinde totum hoc *Universum*, nihil aliud erit, quam rigida quædam moles, inflecti nescia, & nullius alterius, quam quod existit, patiens. Nam dato plena esse omnia, corpus ab uno loco in alium transferri nequibit, quin aliud è suo situ detrudat; adeo ut si Corpus A moveatur, necesse sit ut aliud ad minus sibi æquale à suo loco depellat, nimirum B. Idem B præstare debbit, ut novum locum nanciscatur, & ita in infinitum procedetur, ni quædam spatia dentur Inania, quæ mota corpora subeant, & veluti in novis diversoriis hospitentur.

Ali-

Aliquid forte hoc argumento *Epicurus* probaret, si nullus præter rectum daretur motus, & una parte materiæ mota cæteræ sequentes in ævum continuarentur; sed alium *usu cotidiano* experimur, nempe circularem, quo corpus aliquod, dum movetur, aliud loco suo depellit, hoc iterum aliud, & aliud, donec ad ultimum perveniatur, quod prioris locum subeat. Hic autem circulus sublato omni Inani peragi potest.

IV.

In omni motu integer corporum circulus simul movetur.



Ut sit hic circulus excavatus, duodecim globulis plenus, dum primus A versus aliquam partem movetur, secundum B trudit, hic tertium C, donec continuato pulsu, locus qui à primo derelictus est, ab ultimo repleatur.

Si cum *Gassendo* regeras globulam A moveri non posse, nisi duodecimus M moveatur, sed M moveri nequit, quoniam ut moveatur, necesse est ut primi A locum occupet, qui nondum vacuus esse concipitur, ac proinde immoto M remanente, non potest A moveri, & ita omnes globuli qui in circulo continentur, immoti stabunt:

V.

Obiectio contra motum per circulum factum.

Respondeo *Gassendum* falsa suppositione inniti, dum imaginatur, globulum M qui immediate antecedit A moveri non posse, quin locus vacuus necessario detur, dum moveri incipit; cum fieri possit, ut eodem temporis momento quo M lo-

VI.

Respondetur ad objectionem Gassendi.


cum A occupat, locum A deferat, adeo ut dum globulus A versus B pergit, ipsum B pellat, B vero pellat C, &c. usque ad M, qui locum ab A derelictum eodem instanti ingreditur, ut dictum est.

Res evidentior fiet in circulo ferreo, qui circa suum centrum agitur; nam cum quolibet circuli pars, eodem instanti spatium occupat, quod à præcedente derelictum est, absque ulla necessitate ad inane recurritur. Quod si illud in circulo ferreo fieri potest, quidni in circulo alio, partim ex ligno, partim ex aere composito fiat? quidni corpus A quod ligneum esse supponitur, corpus B quod est aereum, à situ suo depellendo, B tantam vim aliud immediate sequens detruendi habeat, illud vero aliud alterum usque ad M quod locum A occupabit, eo tempore, quo illum deferet?

VII.

In circulo etiam non perfecto, corpora simul moventur.

Id ita fieri in omni circulo, satis intellectu facile est, si circulus ille perfectus esse supponatur, & cujus partes à centro æqualiter distent; verum idem in eo contingere non videtur, qui non nisi imperfecte rotundus est, & cujus spatia latitudine, & angustia differunt, ut patet in circulo E F G H. Sed hæc difficultas facile diluitur, si advertatur omnes illas *inequalitates*



litate posse motus celeritate compensari. Nam ponamus spatium G quadruplo latius quam spatium E, & duplo quam spatium F & H, necesse erit, ut materia quadruplo celerius moveatur in E quam in G, & duplo celerius quam in spatio F & H, & ita motus celeritas loci angustiam pensando, qualibet hora, die, vel anno, tantundem materiæ per unam *circuli istius* partem transibit, quam per aliam. Adeo ut nulla adsit necessitas vacua interstitia fingendi, aut condensationem admittendi.

Articulus tertius.

Discutiuntur Experimenta, quibus Vacuitates Corporibus inesse Gassendus contendit.

HAud dubium est, Philosophiam experimentis maxime promoveri, illiusque principia ad *veritatem* propius accedere, quæ *phenomenis* fulciuntur, & *Naturæ miracula*, ut suæ evidentiae testes advocant. Hinc *Gassendus*, per experimenta, quæ occurrunt, intervalla Inania in mundo esse, ostendere nititur, rationibus à Condensationis & Rarefactionis motu petitis. Detur, inquit, *bombarda pneumatica*, cujus tubi pars, quæ aerem includit, ad duos digitos protendatur; dubium non est, quin tanta Aeris moles illic reperiatur, (si nulla aeris spatia, partibus materiæ intersint) quantus est locus, seu tubi capacitas, quæ aerem complectitur; adeo ut nulla sit pars loci, ita exigua, cui non pars aerea, ejusdem magnitudinis respondeat, ac proinde æquales sint numero utriusque partes,

I.

Primum Gassendi bombardæ pneumaticæ experimentum ad probandum vacuum.

Sup-

II.

Supponatur igitur ille numerus esse mille, mox instrumento ad hoc idoneo, aer comprimatur, & ad unius digiti mensuram redigatur. Quem inter se partes aeræ ordinem servabunt? cum tunc temporis, ex partibus loci, non nisi quingentæ super sint. An forte geminæ in eodem spatio reponentur? Id naturæ legibus repugnat, quum cuilibet Corpori *Impenetrabilitas* sit propria, & non minus implicet, duo Corpora eundem locum occupare, quam idem Corpus, in diversis locis reponi. Quare si Aeris corpuscula in tubo comprehensa, angustiori loco contineantur, necessum est, ut eorum latera & anguli aptius inter se disponantur, & intercepta spatia Inania repleant, ac penetrent, quibus occupatis, haud mirum videri debet, si arctius intervallum reddant, & minus quam antea protuberet.

III.

Redditur ratio
experimenti.

Verum, non satis ad ea quæ in natura fieri possunt, attendisse videtur *Gassendus*: Quia licet naturaliter Corporum penetratio repugnet, non tamen inde inferendum est, admittenda esse in Corporibus *interstitia vacua*, quæ superinjectum exempli causa, Aerem recipiant, aut aliam quamcumque materiam complectantur, cum possibile sit, ut inter crassiores Aeris partes, quædam *subtilior* ac magis tenuis materia sit, quæ è Corporum meatibus egrediendo, efficiat, ut spatium, quod repletum apparet, alium Aerem recipere possit. Quia vi intrusus Aer, *materiam subtilem* expellit, quæ ipsi locum cedendo, per *bombardæ* poros erumpit, & elabatur. Non igitur Aerearum partium compressio, ex Inaniorum spatiorum occupatione oritur, sed ex subtili-

lis Materiæ expulsiōe, quæ aeris partibus locum cedit; dum hæ propius ad se invicem accedunt, & poros angustiores reddunt, aut tollunt.

Aliud Experimentum *Gassendus* à Rarefactiōnis motu desumit: Est *Aeolipila*, cujus capacitatis pars una, *Aqua*, altera *Aere*, oppleatur; qui fiet, ut igni appolita, *Aqua* quæ in *Aeolipila* includitur, expandatur & rareseat, adeo ut cum impetu erumpat & abigatur? Nihilominus globi seu *Aeolipilæ* capacitas semper plena remaneat? Nam si *Aeris* & *Aquæ* partes numero pares erant, priusquam igni *Aeolipila* adhiberetur, debébunt, quæ supersunt partes, post aliquam evaporationem plura loca occupare: Ac proinde sicut *agger pulveris*, modico vento excitatus, in nubis speciem diffunditur, ob *Aerem* pulveris granis intermixtum; quidni eodem modo *Aeris* & *Aquæ* partes *Aeolipila* inclusæ, per intromissa corpuscula agitata, totum illud spatium occupant, quod inania interstitia intercipiebant?

IV.

Secundum Gassendi experimentum ab Aeolipila desumptum.

Respondeo illud nullo modo sequi, quoniam aquæ partes *Aeolipila* inclusæ, non dilatantur, quoniam spatia vacua obtinent, quæ prius *Aeris* partibus immiscebantur, sed solum quod *Aeolipila* igni appolita, *Calor* exiguas aquæ partes exagitet, efficiatque ut inter se collidantur, & magno molimine, ab invicem recedere nitantur. Quippe subtilis Materia, vi ignis intromissa, earum Meatus distendit, ac dilatat: quo fit, ut solito magis compressæ, & sese extricare conantes, per foramen cum impetu egrediantur, & quandam naturalis venti speciem referant.

Itaque

V.

Explicatur experimentum Aeolipilæ.

Itaque tota aquæ expansio, soli materiæ subtili per *Aeolipilæ* poros ingressæ, tribuenda est, quæ ejus particulas agitando, non finit eas amplius cohærere. Ut ipsemet Gassendus fateri cogitur his verbis: *Idque agentibus corpusculis ignis, quæ & superingressa, & rapidissime cuncta & redeuntiaque inter latera Aeolipilæ, non interquiescere illa sinunt: sed heic illeic sic esse cogunt, ut totum spatium videri possit.*

VI.

Tertium experimentum à salis dissolutione petitur.

Aliud est experimentum singulare, quo sibi Inania spatia, in Corporibus certo detexisse videtur *Gassendus*. Cum nosset vir Clarissimus, non quantamlibet Salis mensuram, sed certam quandam quantitatem, posse in aqua dissolvi, cum usui veniat, quæ aliqua salis portione saturata est, reliquum quod imponitur, respuat, & indissolutum relinquat, quod aliter contingere non posse arbitratur, quam quod Sal in tenuissimas particulas digestus, Aquam undique permeet, & vacua intervalla repleat; quibus expletis omnis exsolutio cessat, modo haud absimili, quo stomachus cibo gravatus, quicquid ingeritur, remittit. Sed cum Salis particulae, non unius sint figurae; quippe *Salis communis* cubicæ sunt, *Aluminis* octahedricæ, &c. assignanda quoque erunt, diversæ figurae spatia, quæ talia esse, ex eo maxime probatur, quod Aqua Sale communi imprægnata *Alumini*, *Sali Ammoniaci*, & *Saccharo* adhuc pateat. Quæ Corporum admissio, aliam in causam refundi non potest, quam in ea loculamenta, quæ Aquæ partes intercipiunt; quum illis oppletis, *Aqua* plus hujusmodi *Salium* exsolvere nequeat, & veluti fatiata turgat.

Aliquid

Aliquid hoc experimento *Gassendus* probaret, si nobis persuadere posset, Aquam Sale intromisso minime augeri, & eundem prorsus, quem antea, locum occupare; Cujus tamen contrarium usu cotidiano videmus. Quippe licet in cyatho aqua pleno, certa quædam *Salis* portio, citra effusionem accedere possit, non tamen sine ejus superficie expansione: constat enim *Salis* aut *Cinerum* introductione *Aquam* attolli, & ad modum globi in cyathi medio assurgere. Ut in *Thermometro*, seu tubo vitreo conspici licet, cui si *Sal* infundatur, *Aqua* illico augefcit, & sensim altius se insinuat.

VII.

Quomodo *Sal*
in aqua dissol-
vatur.

At, inquires, si nullæ in *Aqua* intercapedines inveniantur, quæ *Salem* impositum accipiant, qui fit, ut certa illius quantitate satietur, & reliquum respuat? Hujus rationem reddere arduum non erit, si partes *Salis* rigidas esse, dulcis autem *Aquæ* Molles, & ad inflexionem propensas supponamus. Nam cum *Salis* partes sibi invicem transversæ incumbant, *Aquæ* dulcis partibus, (quæ in continuo versantur motu) occasionem præbent, illas interlabendi, & ad modum annulorum eas circumplectendi, atque ita disponendi, ut inter illas facilius fluant, & motum suum continuent, quam si solæ relinquerentur. Quia cum *Salis* partibus implexæ sunt, *Materia subtilis*, cujus vi agitantur, id tantum agendum habet, ut eas circa *Salis* corpuscula, quæ complectuntur, citissime deferat. E diverso dum solæ existunt, dulcem que *Aquam* componunt, ita inter se confunduntur, ut *materia subtilis*, partem suarum virium, in iplis diversimode inflectendis impendere debeat. Cum citra illius impulsam

VIII.

Cur certa *Aquæ*
quantitas non
nisi certam *Salis*
mensuram
dissolvere possit.

pulsum immotæ maneat, & à se invicem disjungi nequeant. Cum igitur Aquæ dulcis partes, finitæ sint, & virtus quam habent se movendi, limitata sit, necessario contingere debet, ut postquam certum partium numerum Salis, circumlambendo complexæ sunt, cæterarum resistantiam superare non valeant, ac proinde *Aqua* veluti satiata, superinjectum Salem exsolvere non potest, quoniam non supersunt partes Aquæ flexiles, quæ *Salis* corpuscula, circumvolvendo amplectantur, & liquetactionem efficiant. Id cotidie in *Aqua* communi, & *Aqua* forti manifestum fit, quæ non nisi certam ac determinatam *Salis* aut *Metalloꝝ* quantitatem exsolvere queunt. Unde si exsoluta ea mensura unicum *Salis* granum injiciatur, siccum remanet, ac si in loco arido reponeretur.

IX.

Supereſt ut celeberrimi *phenomeni* rationem reddamus, quod solertem *Torricellium Florentiæ* observasse narrat *Cassendus*. Ille siquidem tubo vitreo assumpto trium pedum, cum septem digitis, & onciis novem, quem cum *hydrargyro* seu argento vivo repleviſſet, eundemque digito, illius oppreſſo orificio invertiſſet, in ſtagnantem in vaſe *hydrargyrum*, tum amoto digito, observatum eſſe *Hydrargyrum* in ſubjectum vaſ non totum deſluere, ſed intra tubum, ad duorum pedum & digitorum ferme trium altitudinem ſubſiſtere, abſolutis prius, quibuſdam ſurſum deorſumque vibrationibus, relicta interim parte tubi ſuperiori non ſolum *hydrargyro*, ſed & quovis alio corpore deſtituta.

*Quantum ex
perimentum
tubi vitrei hy-
drargyro ad
certam menſu-
ram repleti.*

X.

Genuina præ-
dicti experi-
menti ratio.

Hoc experimentum quanquam magni à plu-
ribus fiat, videaturque in mundo *Vacuum* sta-
bilire, nullius tamen apud eos est momenti, qui
in Corporibus poros admittunt, quos materia
quædam subtilis penetrat, & ea loca obtinet, quæ
à crassioribus Corporibus deseruntur. Ea enim
est primi elementi materiæ indoles, ut non *vi-
trum* modo, sed & *adamantem*, *chalybem*, &
quodcumque aliud durum corpus trajiciat. Nam
licet *vitrum*, utpote frequenti fusione depura-
tum, poris seu foraminulis carere videatur, am-
bigi tamen nequit, quin continuos habeat, &
nullibi interruptos. Quod ejus pelluciditas suffi-
cienter arguit. Quippe cum generatur, liqui-
dum sit, materia subtilis circa ejus particulas
undique fluens, innumeros ibi meatus efformat,
per quos transmissi secundi elementi globuli, lu-
minis actionem in omnes partes transferre que-
unt. Licet ergo spatium illud quod ab hydrargy-
ro derelinquitur, *vacuum* appareat, nullaque
sensibili materia repleatur, ab alia subtili repleti
potest, quæ sensus nostros fugiat. Nec illud
Gassendum ipsum latuit, dum experimentum
explicando, *Caloris frigorisque corpuscula* admit-
tit, in *tubi capacitatem penetrare, perque ipsum in-
fundi*. Quod idem de *lumine* sentit, cum illud
rem corpoream esse agnoscit, tenuemque esse
materiam, quæ tubum trajicit ac penetrat. Qua-
re frustra ad Inania spatia recurritur, quum iis
subtili æthere repletis, tantum loci novis cor-
poribus recipiendis adinveniatur, ac si revera va-
cua manerent.

Articulus quartus.

De Corpore Divisibili.

I.
*Divisibilitas
omnibus corpo-
ribus competit.*

Epicurus qui Substantiam materialem ex *atomis* componi asserit, eisque ortus interitusque rerum assignat; imaginatus est, Corpora ita variis modis subdividi posse, ut ad minima corpuscula demum perveniatur, quæ ratione soliditatis suæ ulteriorem partitionem abnuant, & nulla vi naturali exsolvi se patiantur, ut ait *Ausonius*,

— — — *tenuissima tantis
Principia, & nostros non admittentia visus,
Parvarum serie constant connexa Atomorum,
Sic solidum imprimis, nullique secabile segmen-*

II.
*Gassendi opi-
nio de corporis
divisibilitate.*

Hanc opinionem tueri conatur Gassendus, sumpto à rerum concretarum dissolutione, exemplo; nam sicuti, inquit, videmus naturam corpora in particulas impense exiguas resolvere, & non nisi ad certum earum numerum progredi; ita colligendum est, non in infinitum, illas comminuere, cum illius vis limitata sit, brevique exhauriatur & desinat; ac proinde quædam corpuscula superesse debent *individua*, & ulterioris partitionis expertia.

III.

Scio Gassendum non *Mathematicam* indivisibilitatem hujusmodi *Atomis* tribuere, sed eas duntaxat insectibiles existimare, ob duritiem, & mutuum earum partium implexum; sed quomodo

modocumque *Epicuri* mentem Gassendus interpretetur, alienum à corporis natura videtur, quod individuum sit, & partitionem refugiat. Divisibilitas enim omni substantiæ materiali propria est, & ita ei annexa, ut eam immediate, essentialiterque sequatur; nam si probe ad conceptum, quem de corpore habemus, attendatur, statim occurret, esse quid *extensum*, & *tribus dimensionibus mensurabile*: Quo autem pacto fiet, ut quod longitudine, latitudine, & profunditate constat, divisionem non patiatur? Statuendum est igitur omne corpus esse partibile, & ita indefinitæ sectioni obnoxium, ut nulla unquam divisione exauriri queat.

Opponet forte quis pro Gassendo; si ad Corporis naturam spectat, ut *in infinitum sit divisibile*, sequetur Corpus A quod exiguæ molis esse supponitur, Corpori B duplo majori, fore æquale: Atqui absurdum est Corpora diversæ magnitudinis esse mole paria; igitur falsum est, ambo esse indefinite partibilia. Major videtur evidens, quia non minus in A infinita divisibilitas intelligitur quam in B, quod altero est duplo majus.

Ad hanc objectionem responderi potest cum Cartesio *parte prima principiorum, articulo vigesimo sexto*, nos non debere nimium in iis explicandis sollicitos esse, quæ sub intellectum, nostrum non cadunt, quæque à nobis perspicue & distincte concipi nequeunt. Ad mentem enim *infinitam* duntaxat pertinet, infinitum intelligere, & de ipso aliquid determinare. Ineptum vero foret, id quod de Corporis essentia capimus, tanquam falsum respuere, quoniam mente infinita prædiri

IV.

Quomodo corpora cum sint omnia divisibilia non sunt æqualia.

V.

Mentis finitæ non est aliquid de infinito determinare.

non sumus, & infinitum comprehendere non valemus. Quam ob causam *Cartesius*, illa in quibus nullos extensionis fines advertimus, non ut *infinita*, sed ut *indefinita* considerat, cum in infinitum dividi possint, & ad eorum partem ultimam non liceat pervenire.

VI.

*Dua corpora
diversæ molis
quoad partium
numerum non
distinguntur.*

Aliter Responderi potest secundo, *Divisibilitatem* in Corpore minori A, non tantam esse, quanta in corpore B duplo majori reperitur; hoc est, A in partes æque magnas, ac ipsum B distribui non potest; nihil tamen obstat, quin in tot, sive æque multas discerni queat, quia Corpora non quoad *quantitatem continuam* sectibilia dicuntur, sed quoad *discretam*, pars siquidem millesima unius materiæ, in alias mille partes subdividi potest, non minus quam ipsa materiæ moles: quia Dividendi aptitudo, non per actualem partitionem decrescit, aut tollitur, non magis quam in Homine, *scribendi* aut *pingendi vis*, dum literas in papyro exarat, vel ductis lineis, in tabula effigiem delineat.

Articulus quintus.

De Corpore Raro & Denso.

L
Spongia liquore inflatur, & majorem locum occupat.

Spongia aquæ intromissione turget, & ita inflatur, ut ad majus spatium se diffundat.

Nonnulli existimant Spongiam rarefieri, per novæ quantitatis augmentum; quasi nihil materiæ accedat, sed sola superveniens quantitas, Spongiæ partes separet, & ejus magnitudinem augeat. Verum quis credet *Aquam*, dum rarefit, & in
aerem

aerem degenerat, ad solius, novæ quantitatis augmentum, tantum dilatari? Quis non videt *Spongiam*, liquorem haurire, eamque in ejus penetralibus recondi, qui postea *Spongia* compressa, effluit, finitque ejus partes, ad se invicem accedere, & intime uniri. Rarefcit igitur *Spongia* dum ejus partes, à se mutuo removentur, earumque meatus supervenienti aqua replentur. Illa autem eadem *Densa* evadit, dum ejus partes sibi invicem incumbunt, & illam materiam abigunt, quæ eorum intervalla prius occupabat. Adeo ut *Spongia* non modo rara dicenda sit, dum sicca est, & omnem humorem excludit; sed maxime dum peregrinis corporibus, intra ejus meatus receptis, saturatur & turget.

Valvæ tempestate humida nonnunquam ægre, interdum nulla vi obscurari, & aperiri possunt. Cujus contrarium in *asseribus*, quibus dolia vinaria compinguntur, experimur: quippe aeri, sicco tempore exposita, à se invicem disjunguntur, & rimas hiatusque præseferunt.

Valvæ, aut januæ madida tempestate intumescunt, quoniam *Aqua*, vel *Aer* aqueis vaporibus refertus, ligni poros penetrat, eorumque latera distendit; quibus ampliatis, necessum est, totam Corporis molem dilatari, & latius spatium occupare. *Doliorum* vero *asserēs* comprimuntur minoremque locum occupant, quoniam eorum partibus calore agitis, nonnullæ exiliunt, & in auras feruntur. Quibus ablatis, haud mirum est si partes reliquæ, ad se invicem accedant, & non tantum loci, quantum antea, occupent.

II.

Qui fit, ut valvæ arida tempestate facile claudantur, ægre autem nubila.

Sit *Lamina ferrea* duobus pedibus, exempli causa,

III.

Pars ferrea in ignem projecta augmentum acquirit.

causa, longa, cui *baculus ligneus* ejusdem magnitudinis adaptetur, adeo ut, neutrum longitudine alterum excedat. Tum ferrea lamina in ignem validum & acrem immitatur, donec concepto undique ardore incandescat; mox forcipe erepta, cum bacillo ligneo conferatur, apparebit ferream laminam, non secundum latitudinem modo, sed & secundum longitudinem auctam esse, & ipso ligneo bacillo majorem, evasisse. E foco vero erepta, & aliquamdiu aeri exposita, refrigeratur, & pristinam magnitudinem recuperat.

Hujus mutationis causa in Corpus peregrinum, quod *ferrum* penetrat, aut elabitur, refundenda est: Augetur enim, dum Ignis particulæ ejus meatus subeunt, atque eos dilatando, ad majus spatium protendunt. Nam cum ignis particulæ in continuo sint motu, non possunt non latera, quibus arctantur, extendere. Lamina autem ferrea, *Aeri* exposita, ad pristinam longitudinem revertitur, & denuo bacillo ligneo fit æqualis, quoniam ex ejus poris, Ignis egreditur, quibus succedentes aereæ particulæ, minus illos concutiunt, minoremque locum ad sui dilationem requirunt.

IV.

Aqua in vapores conversa senties majorem locum occupat.

Aqua, vi solis in aerem attollitur, & ita diffunditur, ut longe amplius spatium, quam antea occupet, quippe si nonnullis fides habenda est, *Aqua* in vapores versa, locum ad minus centies majorem complectitur.

Tantæ diffusionis causa, non ipsis *Aquæ* partibus assignanda est, ut quidam perperam opinantur; quum fieri non possit, ut aliquid nova magnitudine sive dimensione augeatur, quin etiam nova substantia extensa, hoc est, novum corpus

pus accedat. Expanditur igitur *Aqua*, cum ejus partes dissoluuntur, & relictis inter se spatii ab invicem distant. Quia nihil aliud in vaporibus contingit, quam quod *Aquæ* partes, quæ antea intimius jungebantur, distrahantur, & aliæ materiæ locum dent, quæ illas dividat. Ad eum modum, quo *pulveris cumulus*, dum vento sursum attollitur, & in latius spatium dispergitur. Quippe ea dilatatio, non *pulveris* granis attribuitur, sed ipsi Aeri, qui eorum interstitia intercipit, & grana ab invicem separat.

Thermometra *Aqua forti* impleatur, sed ita, ut repleta aliquod spatium relinquat, à residua Aeris parte, qui antea in tubo erat, occupatum: fiet ut illa Aeris portio, intensiori calore distenta, *Aqua forti* recedente, & se in inferiori tubi capite recolligente, omnem tubi capacitatem repleat. E diverso, vi frigoris in tantas angustias redigetur, ut *tubus vitreus*, pene ab *Aqua forti* totus occupetur.

V.
Quomodo in
Thermometra
Aer condensetur
aut rarefiat.

Procedit illa varietas, à continuo novæ materiæ ingressu, per vitri meatus, quæ Aerem impurum in tubo contentum, sua agitatione ita rarefacit, & ita extenuat, ut ejus particulis diductis, Aquam fortem impotentius resistentem, loco suo propellat; quæ, regrediente denuo subtili materia per vitri poros, Aeris particulis rursus intimius sibi connexis, ad priorem locum revertitur, ab Aere infimum tubulum iterum subeunte adacta. Si vero asperum sit coelum, & intentius ac penetrabile sit *frigus*, illa Aeris pars in superiori tubi capite existens, discedente sublimi materia, ita in indefinitum decrescit, ut totus tubus, ab aqua forti compleatur.

VI.
Castanea in ignem injecta cum strepitu frangitur.

Castanea Igni apposita, paulatim turgescit, & mox cum strepitu effringitur.

Illud non à peregrina materia fit, ut quidam imaginantur, quæ *castaneam* subit & egreditur, sed ab ipsis crassioribus Castaneæ partibus, quas materiæ subtilis actio poros earum penetrantis, ab invicem separat, easque ita exagitat, ut corticem cum fragore ac strepitu effringat.

Articulus sextus.

De Duro & Fluido.

I.
Unde lapidum & gemmarum durities.

Corpora duritie distinguuntur, ut *lapis*, *lignum*, *cos*, *pumex*, *Gemma*, è quibus nonnulla facile, alia vero non nisi ægre, & cum labore abrumpuntur.

Dura corpora esse censentur, quorum partes juxta se mutuo quiescunt, & ita inter se cohererent ut ab alia materia, quæ inter illas moveatur, non interrumpantur. Adeo ut firmiora illa habeantur, quorum inflexibiles sunt partes, & sibi mutuo contactu connectuntur. Unde *gemma* licet in hoc omnes conveniant, quod à lima non tangantur, aliæ tamen aliis duritie antecedunt. Nonnullæ enim *plumbo albo* poliuntur; quibusdam *Ære* opus est; aliæ *smiridem* non admittunt. Hinc magnum inter *Adamantem* & *Christallum* discrimen interest, etsi ambo ex eadem materia fiant, & iisdem in locis nascantur: quoniam *chrystallus* mollior teneriorque est, utpote cujus partes nondum coaluerunt, & quibusdam motibus diversis agitantur. Firmior compactiorque est *Adamas* quoniam partes ejus insensibiles,

sibiles, immediatius se contingunt, & mutuo complexu intimius implicantur.

Aqua fluida in *glaciem* concrefcit; *jusculum*, **II.**
Sanguis, & similia, si sibi ipsis relinquantur, co- *ut Aqua san-*
 agulantur, & quandam firmitatem acquirunt. *guis, lac, &c.*
firma evadunt.

Illud accidit, dum eorum particulæ, externa agitatione cessante, sibi mutuo adhærent, & arctius connectuntur. *Sanguis* enim & *jusculum* firma evadunt, dum tenuiores eorum partes exhalantur, & crassiores duntaxat remanent, quæ sibi ipsis relictæ implicantur, & ad quietem adiunguntur. Id in oleo *Anisi* quoque experimur, quod æstate, dum maxime Corporum agitatio fit, fluidum manet, & nonnisi in vase potest contineri: Ineunte vero hyeme, dum radii Solares Terram debilius concutiunt, congelatur, & in corpus durum evadit. Idem de *lacte* dicendum est, quod licet natura fluidum sit, & facile aliis corporibus se insinuet, in *Caseum* tamen abit, quando salis particulæ, quæ in coagulo existunt, lactis substantiam penetrant, huc & illuc ejus particulas commovendo, ut crassiores, quæ in ramos quosdam flexiles desinunt, sibi mutuo implexu jungantur, & suo pondere exiliores feri partes, è loco suo deturbent. *Lac* autem in *butyrum* evadit, quando cremoris partes, perpetuo concussu agitæ, à reliquis divelluntur, & ramis suis sibi adherentes, demum in continuum unum corpus coeunt.

Sal in Aquam injectus, liquefcit, & sensim **III.**
 exsolvitur; quamvis Aquæ multo præponderet, *Sal in Aqua vè*
 & ad ima loca tendat. *illius motus*
dissolvitur.

Id contingit, dum *Aque* partes, quæ jugi mo-

turientur, *Salis* particulas subeant, & rupto paulatim earum nexu, illas à se invicem dirimunt, & continuitatem arbrumpunt. Talis enim dissolutio, non nisi à motu peragi potest: nam licet Aqua intra vitri cavitatem, exempli causa, contenta quiescere videatur, & nullam agitationem Sensus nostri deprehendant; nihil obest quominus aliquæ partes *Aquæ* ab imo *vitri* sursum ferantur, & aliæ à summo deorsum; & aliæ à dextra ad sinistram, & è converso, à sinistra ad dextram pergant. Quo fit ut Aqua statim Salem dissolvat, & ejus partes ab invicem separat.

IV.

Oleum ex panno Aqua tolli non potest, bene autem sapone.

Oleum ex panno, Aqua pura dilui non potest sed *lixivio* opus est, maxime *sapone*, qui fluiditate *Aquæ* cedit, & minorem ex partium consistencia motum testatur.

Hujus ea est causa, quod *Aquæ* partes ab *olei* partibus quoad figuram dissentiant, & sese penetrare ac dividere non queant *Oleum* enim ramosis partibus constat, *Aquæ* vero lubricæ sunt partes, & ad anguillarum modum effictæ. Unde panni oleo imbuti poros ingredientes, intactas illas prætereunt & elabuntur. *Aqua* enim *Oleum* incidendi vim non habet, nec in ejus intimas partes penetrandi, ac proinde nec aliquam ejus portionem educendi. *Lixivium* vero, ob *salem* ei admixtum, id præstat, quippe cum *Sal* inflexibiles habeat partes, & telorum instar, Corporum meatus ineat, *Oleum* facile incidit, cum quo ubi introducta fuerit Aqua, *Olei* particulas secum defert; quando scilicet ex panno exprimitur, & compressionem ad exitum cogitur. Hinc ad delendas è panno maculas, *sapo* maxime conducit, ut pote ex *Oleo*, *Sale*, & *Aqua* mixtus. Quoniam
olei

olei corpuscula ob familiaritatem facile uniuntur, quæ aqua extrahit, dum Salis partes alluit & comitatur.

Corpus durum in stagni medio existens immotum manet, & ne vi externa, ad motum adigatur, eandem semper distantiam à circumductis corporibus seruat.

Id ex eo potissimum accidit, quod partes fluidi, à quibus corpus durum, exempli causa, lignumundique ambitur, variis motibus agitentur, & quædam sursum, aliæ deorsum, nonnullæ dextrorsum ferantur, Adeo ut corpus illud, contrarios fluidi motus excipiens, in æqualibrio consistat, cum non sit ratio, cur in unam partem potius quam alteram ferri debeat. Si vero totum fluidum versus aliquam unam regionem tendat, Corpus durum, illius motui obsequitur & cum illo defertur; quoniam tunc temporis supponitur impetuum inæqualitas tolli, & tota Aqua versus unum locum tendere.

Crusta, qua domuum parietes vestiuntur, Aquæ admixtione duritiem comparat, & quam non antea habuerat firmitatem, adipiscitur.

Suspiciari non subit, qui hæc durities oriatur, nisi quod in Crusta, multi sint meatus, quos ignis ea magnitudine excavavit, ut eos crassiores Aeris particulæ, subire nequeant, quoniam non illis vis sufficiens inest ad ea obstacula quæ in crusta inveniuntur, repellenda: quod Aquæ particulæ efficere possunt. Unde humor diu cum illa materia crustacea agitatus, grana seu grumulos circumlabendo, varie eorum poros aperit, & in minores multo, quam antea erant, partes dividit: Cum vero omnes illæ particulæ, jam in tenuis-

V.

*Trabs lignea in
Aqua immota
manet, etsi aquæ
partes continuo
moveantur.*

VI.

*Liquor non-
nunquam ad
duritiem cor-
porum condu-
cit.*

tenuissimum pulverem redactæ, plus superficiei habeant, quam habebant, dum grumulos seu grana componebant, immediato contactu sibi adhærentes, & juxta se mutuo quiescentes, corpus Durum Componunt.

Articulus septimus.

De Aspero & Levi.

I.
*Multa corpora
 etsi ad oculum
 polita apparent,
 aspera tamen
 sunt.*

MArmor, *Chalybs*, *lignum lævia*, si oculo, aut manu explorentur, apparent: scabra autem, si Engyscopio deprehendantur. Ratio est quod attritus ille quo Corpora lævigantur, durissimis pulveribus fit, quorum grana ita duci nequeunt, quin fossulas quasdam interexarent, & sulcos post se relinquant. Sic *Vitrum*, *CrySTALLUS*, & similia, licet omnimodam politiem præse ferre videantur, cum nihil exuberans in eorum superficiebus deprehendatur, & eorum partes æquali situ videantur terminari: Nihil tamen obest, quominus scabra dicantur; quia licet vitrum fusione, ex tenuioribus cinerum particulis componatur, cum tamen illæ irregulares sint, & angulosæ, non ita vi ignis inflecti possunt, ut sibi mutuo cohæreant, & omnem suam figuram amittant; possunt enim Cinerum anguli atteri, nunquam vero ita adaptari, quin eorum aliqui emineant, & cæteris protuberent. Et quamvis hæc partium *Virri* inequalitas, *Sensibus nostris* haud appareat, non tamen aliter esse inficiandum est, quum Sensus nostri non sufficiant ad omnes Corporum affectiones detegendas, & in iis sæpe hallucinentur, quæ
 clarif.

clarissima Ratio esse demonstrat. *Linea* in papyro ducta, recta nobis apparet, quæ tamen admoto engylcopio, curva videtur, & multis inæqualitatibus intercepta.

Fumex, sicut alii plurimi *Lapides*, lævigari non possunt, nec ulla arte adigi, ut politiem patiantur.

II.

Cur fumex nequit lævigari.

Ratio est, quod *pumex*, corpus sit porosum, laxioresque meatus habeat, quam ut ejus partes in sese inflecti possint, & illum situm acquirere, qui ad lævorem requiritur. Unde ad Corpora læviganda, *pumex* nonnunquam conducit, quia asperitate sua, partes prominentes suis dentulis deterit. Nam quantumcumque alteri corpori affricetur, semper quandam scabritiem retinet, quam ipso tactu, licet experiri.

Corpora lævia in agendo resistendoque, scabris præstant, ut videre est in *cultris & ensibus*, qui ærugine obducti, minus scindunt, aut penetrant, quam dum politie nitent, & omni ærugine solvuntur.

III.

Polita corpora fortius quam aspera agunt & resistunt.

Quia, Aspera Corpora inæqualem superficiem habent, quum eorum partes nonnullæ prominent, aliæ vero deprimantur. Superficie ei inæqualitas, motum impedit, facitque ut incussa in illam corpora, debilius resiliant & reverberentur. Pila enim à polito corpore, ad majorem distantiam remittitur, quam ab aspero. Quod qui *pila* lusu capiuntur, abunde observant quia *pila* in corpus inæquale impulsæ, ad minorem distantiam reflectitur, quam dum læve offendit, & ex inflexis eodem modo partibus surgit.

Articu-

Articulus octavus.

De Perspicio & Opaco.

I.
Cur vitrum est
ipsa charia pel-
lucidius.

Quædam Corpora pene toti lumini sunt per-
via, & paucos radios reflectunt. Alia libe-
ram radiorum trajectionem impediunt, & non
nisi secundum aliquas partes sinunt se penetrari.
Sic *Vitrum* magis *papyro* transparens est & liberi-
orem radiorum trajectionem permittit.

Licet in utroque Corpore, meatus sint, qui
impulsum lumen recipiant, non tamen eodem
modo disponuntur. In *papyro* enim, ob filorum
quibus constat, implexum, pori perturbantur,
& *luminis actionem* impediunt. Nam quia fron-
te patent, sequentibus non respondent, & versus
partem diversam porriguntur. In *Vitro* autem,
talis est partium ordinatio, ut meatus ubique
continuentur, & ita directe collocentur, ut lu-
men liberè per illos transfiliat. Quia cum gene-
raretur liquidumque esset, Ignis materia, circa
ejus particulas undique fluendo, innumeras illic
cavitates induxit, per quas globuli secundi ele-
menti, libere permeantes, luminis actionem
quæ in illorum pressione consistit, in omnes par-
tes, secundum lineas rectas transferre potuerunt.

II.
Quomodo vi-
trum reddatur
obscurius, per
novarum parti-
um adjunctio-
nem.

Vitri perspicuitas minuitur, quo magis mole
augetur, evaditque opacius, quo ei plus ejus-
dem materiæ adjunctum est.

Id in aliud refundi non potest, quam in *me-
tuum inæqualitatem*: quia cum *Vitrum* omnino
pellucidum non sit, & pluribus crassis partibus

con-

constet, quæ luminis radios reflectunt; necessum est, quosdam illius poros, adjuncta nova materia intercludi, ac proinde luminis actionem impediri. Eo modo quo quis per hiantes dextræ manus digitos objectum facile discernit, ubi vero alterius manus digitos apposuerit, relictasque a priori rimas occluserit, quicquam videre commodum definit. Ita licet tenue vitrum incidentes radios transmittat, visioni tamen obstat, si augeatur, & ad aliquot digitos excrescat: quia ejus meatus interrumpuntur, & inæquales redduntur. Dispositionis autem partium inæqualitas, sola sufficit, ad id opacum efficiendum, quod antea diaphanum erat, & pellucidum.

Aqua etsi ad oculum perspicua videatur, totaque lumini pervia, est tamen si *Gassendo* credimus, *nebula* sive caligine obscurior. Quippe si quis è turris cacumine, aut *edita fenestra* in subiectam tellurem oculos demittat, eam interjecta etiam densa caligine, deprehendet. Idem tamen ipsi non continget, si ex Aquæ superficie, fundum ejus contempletur, quoniam non nisi ad numerum pedum longe minorem, poterit imam ejus partem detegere. Unde *Urinatores*, & qui sub Aquis natant, testantur, ultra *duodecim* aut *quindecim cubitos*, non tantum Solum, sed nec quicquam aliud circa se discernere. Quod, opacum corpus *Aquam* esse arguit, & multo *nebula* spissiore.

Dici potest illud Aquæ contingere, ob partium ejus crassitiem: quoniam cum illæ irregulares sint, & inæquales figuras habeant, facile impediunt, ne globuli secundi elementi, eam per
lineas

III.

*Aqua opacior
est quam caligo
sive nebula.*

lineas rectas pervadant. Opacum enim Corpus, fieri intelligitur, quum supradicti globuli, non nisi per vias obliquas progredi possunt; dumque eorum cursus, per implexa corpuscula sistitur. *Nebula* vero, *Aqua* transparentior est, quia tenuioribus partibus constat; quæ materiæ subtilis motibus obsequuntur, & faciliorem ei viam præbent. Nam etsi utriusque partes irregulares sint, quoad magnitudinem tamen distinguuntur; cum partes *nebulae* subtiliores sint, minusque inter se implectantur. Unde fit, ut globuli secundi elementi circa ipsas liberius ferantur, easque situ suo facilius deturbent. Quo fit, ut *Nebula* minus *visioni* obstet, & ad oculum commodius lumen transmittat.

IV.

*Quare multi
liquores sunt
opaci.*

Vinum, *Lac*, *Sanguis*, & plurimi alii liquores, opaci sunt.

Communis est horum omnium ratio, quod puri liquores non sint, & plurimis corporum pulvisculis inspergantur. Cotidiana enim *experientia* notum est, *vinum*, dum distillatur, multa corpuscula post se relinquere, quæ non in vapores abeunt, aut in halitum ascendunt. Unde *vinum mercurius*, quem recepto nomine, *Aquam vitæ* appellamus, limpidissimus est: quoniam ablatis heterogeneis partibus, quæ radios antehac frangebant, fit undique lumini pervium. *Lactali* peregrinæ materiæ opacitatem suam debet, quia secreto coagulo, quod superest serum, majori ex parte diaphanum est, & liberius luminis actionem admittit. Quod idem de *Sanguine* & similibus liquoribus asserendum est, qui turbidi non efficiuntur, nisi cum diversa corpuscula eis admiscantur, quæ eorum

eorum poros occupant , aut interrumpunt.

Christallus si in Ignem dejiciatur , vel uno alterove momento intra cineres calidos detineatur ; perspicuitatem suam amittit , & ita nativo suo decore destituitur , ut in aliud Corpus degenerasse videatur : Quæ etiam jactura, nulla arte resarciri potest.

V.

Christallus perspicuitatem suam igni impositus amittit.

Tanta in *Christallo* mutatio, corpusculis igneis assignanda est, quæ ejus meatus subeuntia, illorum ordinem intercipiunt, ac proinde novam partium seriem inducunt. Inversa autem partium dispositio, perspicuitatem in Corpore tollit, & quod antea pellucidum erat , tenebrosum efficit. Ut postea cum de *Qualitatibus* sermo fiet, dilucidius ostendetur.

Articulus nonus.

De Inflexo & Compresso.

Arcus ex *chalybe* vel *ligno* fabricatus, reflexus, recurrit, & ad pristinum suum statum sponte reducitur.

I.

Quomodo Arcus post inflectionem sponte reducitur.

Illud inde oriri arbitror, quod Arcus ea inflectione, angustiores poros nansciscatur , quam ut materia subtilis, eos libere subire possit. Quo fit, ut in eos fortius solito impingat, eosque denuo pervadere nitatur. Quod non uno modo fieri potest ; quippe si *Arcus* nondum inflexi meatus, æque in introitu ac in egressu latos esse apprehendamus ; *Intensi* vero angustiores fieri in egressu, haud dubium est, quin materia subtilis, quæ per latiores partes ingreditur , se angustioribus

ribus extricare, & ultra pergere conetur. Si vero *Remissi Arcus* pori, figuræ sphaericæ fuisse supponatur, & in ellipticos inflexione evasisse, evidens est, ut dum materia subtilis, per ellipticos ingressum molitur, eos ad figuram sphaericam reducere contendat; & ex consequenti, *Arcum contortum* statui priori restituere. Quia licet globuli secundi elementi, parvitas suæ intuitu, vi exigua polleant, ad pororum parietes concutiendos; quia tamen quamplurimi ejusdem *Arcus* cavitates continuo permeare contendunt, illorum omnium vires simul junctæ, atque in hoc conspirantes, ut *Arcum* reducant, id efficiendo sufficere possunt.

II.

Bacula post longam inflexionem, si reducuntur, franguntur.

Quædam Corpora, ubi diu inflexa manserunt, si reflectantur, franguntur, & in partes abeunt: ut in quibusdam *baculis ligneis*, cernitur, quæ ad pristinum statum reducta, cum fragore rumpuntur.

Causa hujus fracturæ a subtili æthere pendet, qui, dum Corporum particulas, quæ ejus motui obstant, sejungere molitur, non solum earum resistantiam superare debet, sed etiam illorum Corporum, quæ illas ambiunt. Quia vero res quæcunque, in eo statu perseverare contendit, & corpora semel mota, sponte moveri pergunt, materia subtilis, illa concutere nequit, quin illis novam vim addat, & effectum augeat; quo fit, ut partes illas ita commovendo & impellendo, separet, & ab invicem omnino sejungat.

III.

Arcus vim resiliendi tandem amittit.

Arcus diu incurvatus, præsertim si ex *ligno*, vel etiam ex *ferro* fabricatus sit, paulatim vim resiliendi destituitur, & statum, ad quem inflexione

one adactus est, retinet. Lamina plumbea, ad Arcus modum curvata, nullo modo resilit, sed veluti iners quædam materia remanet, & non minus huic quam alteri figuræ se accommodat.

Arcus ligneus diu inflexus, resiliendi vim amittit, quia ejus partibus, non tanta durities inest, quin materia subtilis, facile novos poros in ea sibi efformare possit, quibus ad suam mensuram dispositis, libere per eos transmittitur, & decurrit. Pars autem plumbea in modum Arcus extensa, non recurrit, quoniam cum plumbi partes molles sint, & flexiles; facile se penetrari patiuntur; Adeo ut materia subtilis, facile recentes poros in ea sibi efformet, per quos cum commode trajiciatur, nulla fit particularum plumbi repulsio, ac proinde nullus earum resiltus.

Aer si intra *vas pneumaticum* comprimatur; vi magna erumpit, ut patet in machinis illis, quæ solius Aeris opera, *Aquas* sursum versus jaculantur, aut *tela* summo cum impetu emittunt.

Quidam id fieri autumant, quod Aer vi intrusus in quasdam *Vacuitates* recipiatur, quæ antea inclusum Aerem distinguebant, & illum quoque versum propellebant. Verum si ita sit, quorsum vasis pneumatici aperto foramine Aer tanto cum impetu erumpit? Si quælibet Aeris pars, intra illa inania spatia recondatur, & suam extensionem servat, quomodo compressio fit? & tanto cum nisu Aer exilit, si nullam intra illas cavitates vim patiatur?

Ratio igitur hujus *virtutis elastica* est, quod Aere sic compresso, ejus partes, eodem modo, quo antehac dilatari non possint. Nam cum

D

omnes

IV.

Cur Aer extra
vasa pneumatica
violenter
erumpat.

omnes pene flexiles sint, & singulæ independenter à vicinis moveantur, quandam sphæram habere debent, quæ circulari suo motui, circa centrum suum, peragendo sufficiat. Dum vero comprimuntur, tale illis spatium deest, in quo moveantur, cum unaquæque alterius locum ingreditur, & sibi ipsis obstat. Cumque interim vis eadem globulorum cœlestium remaneat, & eodem, quo antea impetu, Aeris partes ab ipsis concutiantur; ex suis extremitatibus se mutuo feriendo, & unæ alias loco deturbando, viribus simul junctis, impetum faciunt, ut ea *coarctatione* se liberent, & *latius* spatium nanciscantur.

V.

Vesica aere inflata, si comprimitur, sponte resurgit.

Vesica aere intromisso distenta, post compressionem sponte resurgit, & priorem tumorem recuperat.

Quia Aeris in *vesica* inclusi particulae, cum in perpetuo sint motu, & circa centra sua, quodammodo volitent, ægre coarctationem & complicationem patiuntur: ac proinde ubi pressio cessat, denuo ope materiae subtilis, à qua agitantur, extenduntur, & *vesicam* ut ante dilatant.

VI.

Digitus in margine scyphi ductus, exilire aquam facit.

Digitus madefactus, & ad vitri marginem *Aqua*, alioue liquore pleni circumlatus, si vehementer premat, Aquam primum crispare, & in tenues exilire rores faciet; mox continuato motu, Aquam ad subsultum excitabit, & guttas eliciet.

Id fit quod circumducto supra *vitri* marginem *digito*, duræ sed flexiles tamen vitri particulae premantur, & ejus partis, quæ tangitur, meatus nimis angustentur, ut solitam cœlesti mate-

riæ viam præbere possint. Ubi vero digitus, ad alias marginis partes defertur, materia illa subtilis, depressæ jam partis poros repetit, eosque iterum extendit, & ad statum priorem reducit: Atque ex repetita velocitate, particularum vitri depressi, & earumdem, per materiæ cœlestis incursum, erectione, primum totius vitri agitatio oritur, mox liquoris tumor, ac demum ejus crispatio, & guttularum in aerem subsultus & eruptio.

Advehitur è *prussia* Solidum vitrum, quod *lachrymam* passim appellant, Ejus figura adinstar longioris olivæ est, retorto collo, & haud multum ab ea lagena abhorrens, qua *Chymici*, in aquis distillatis recipiendis utuntur, nisi quod solida sit, & omni vacuitate soluta. Extremo ejus apice disrupto, non semper diffringitur; ubi vero pars colli crassior frangitur, vel forcipe adimitur, confestim totum vitrum in pulverem tenuissimum, seu pollinem, non sine strepitu abit.

Tam notabilis effectus, nulli alteri causæ quam materiæ subtili, assignari potest; quæ fracto *lachrymæ* rostro, confestim irruit, & tanto cum impetu ejus poros subit, ut cum exitus occludatur, vim suam, in lachrymæ collum exerit, & in tenuissimum pulverem comminuit. E diverso, si ima lachrymæ pars, smyridis pulvere deteratur, pars ejus crassior, cum maximo crepitu frangitur, & in tenuissimum pollinem, ob eandem causam desilit.

VII.

Quomodo lachryma è prussia adducta, una ejus parte fracta, tota in pulverem redigatur.

HISTORIÆ NATURALIS PARS SECUNDA.

De Qualitatibus.

Articulus primus.

De Qualitatibus in Genere.

I.

*Qualitates
prout vulgo ex-
plicantur,
sunt inintelli-
gibiles.*



Nil magis horrere debet Philoso-
phiæ *Alumnus*, quam ea asserere,
quæ intellectu non capit, aut de-
monstrandum aggredi, quæ de-
finitione explicari nequeunt. Id
tamen nonnullis contigisse vide-
tur, qui *Qualitates* Secundum priscorum sensum
tuentur, & eam ipsis indolem assignant, quam
nequidem mente possunt attingere. Quid scire
juvat, *Qualitatem esse, qua quales aliqui dicuntur?*
An hoc aniculæ ignorant? an quenquam Agre-
stium latet, se candore albos fieri, & rubore
rubidos? Aperiendum potius est, in quo præ-
cise *Qualitatis* natura consistit, quo pacto sub-
jectum afficit, & qua ratione per illud diffun-
datur. Pendant igitur bona fide Aristotelici,
quam

quam sibi in mente *Qualitatis imaginem* fingant, & non diutius nos verbis suis, rerum Veritatem obscurantibus fatigent. An est *Qualitas à Substantia*, cui adhæret, aliquid physice distinctum? An rebus, quas denominat, veluti entitas supervenit? Quænam igitur genuina sit ejus natura, nobis explicent, efficiantque, ut quod verbis proferunt, clare menti nostræ innotescat. Si id efficere non valent, quod ipsis impossibile esse arbitror, quorsum derelictis futilibus iis *Qualitatibus naturæ* legibus haud patrocinantur, & intelligibilibus principiis se accommodant.

Quid *quantitate, Motu, Situ, Figura & Quiete* notius est? iis enim omnes naturæ effectus demonstrari possunt, & nihil tam abstrusum est, quod eorum ope non eruatur. *Horologium* portatile movetur, & citra vim externam, horas dimittitur, & indicat. *Clavis* seram penetrat, & debite applicata, eam aperit. An necesse est in *Horologio* facultatem quandam comminisci, quæ illius rotas agitet? aut in *clavi* aliquid ab ea distinctum fingere, quo sera recludatur? Quis sanæ mentis non fateatur, Rationi magis consonum esse, tam constantem Horologii motum, *convuluto chalybi, rotarum dispositioni, figuræ, contextui*, &c. Et *Clavis* ad seram aperiendam potentiam, *figuræ partiumque ejus ordinationi* tribuere? quam ad nescio quas *Qualitates* recurrere, quas non *explicare* imo nec *concipere* possunt. Sed ultra intentum promoveor, cui animus est, non tam *rationibus* hic *Qualitatis naturam* asserere, quam *experimentis* confirmare. Quare primum è mari deduco, & è volubilibus Aquis sententiæ nostræ firmitatem eruo.

II.

In quo qualitatibus naturæ consistit.

III.

*Aqua maris
sola partium
agitatione colo-
rem mutat.*

Mare cum agitur, & vario ventorum concursu attollitur, colorem suum mutat, & quod cœrulea specie antehac apparebat, mox verberatis, inter se fluctibus, candidum conspicitur: Ut eleganter more suo describit *Lucretius*.

*Ut mare cum magni commorunt aequora Venti,
Vertitur in canos candenti marmore fluctus.*

Certe, Hujus mutationis causam nullus supervenienti Qualitati assignabit; nam quod agens illam produceret? quoque pacto, realis entitas, per tam immensam Aquarum molem diffundetur? Aqua igitur maris candidum colorem induit, dum in *spumam* vertitur, hoc est, cum illius partes, quoad *magnitudinem*, *situm*, *figuram* variantur, & in bullulas abeunt; à quibus reflexum lumen, oculo eum colorem representat, quem *Candidum* appellamus.

IV.

*Quomodo Aqua
per iteratas
concoctiones, à
primæva quali-
tate discedat.*

Aqua vasi validis undique lateribus cincto imponatur, & ejus supernum operculum, *Chymicorum* more, luto obturetur: deinde ardentibus carbonibus aliquamdiu impositum, removeatur, donec refrixerit, mox novo calore adhibito, iterum ferveſcat: deprehendes aquam in vase contentam, repetitis aliquoties alterationibus, non *colorem* modo, sed & *odorem*, *gustumque* mutasse, & à pristino statu degenerasse.

Oritur hæc mutatio, à novo partium Aquæ ordine, figura, situ, &c. Ex horum enim mutatione, Alteratio sequitur, quando scilicet partes insensibiles, figuram mutant, & varium situm, & ordinem adipiscuntur. Ignis enim vehementia, liquoris particulæ, à se invicem dis-
jungun-

junguntur, & aliam positionem acquirunt, quibus necesse est, diversam à priori indolem in Aquam induci, & eam novo modo Sensus nostros afficere.

Impleatur Cyathus Aqua tepida, cui postmodum foliorum *Senæ* manipulus immergatur, mox mixtione peracta, aliquot *olei tartari* guttulæ infundantur; cernetur illico tota Aqua rubescere, & purpureo colore aspergi; cum interim nullus inest Aquæ, foliis, aut etiam ipsimet *oleo* rubor.

Nascitur hic Rubor, dum *Oleum tartari*, foliorum substantiam pervadit, ejusque partes ita concutit & separat, ut aditum tenuissimis Aquæ particulis aperiat, quæ *Senæ* meatus subeuntes, earum texturam immutant, efficiuntque, ut luminis radii in Aquam impingentes, & ad oculum remissi, talem coloris speciem exhibeant. Atque *Ruborem* isthoc pacto creari, ex hoc evidenter reducitur, quod aliud *Oleum*, exempli causa, *Chalcantinum* sive oleum Vitrioli eidem Aquæ infusum, talem effectum non operetur: quoniam ipsi vis deest, ad *Senæ* foliorum substantiam penetrandum, & ita ejus partes sejugendum, ut Aquæ particulis viam faciat.

V.

Aquæ senæ impositum cum oleo tartari colorem ejus immutat.

Pomum, si in pomum aliud impingatur, aut è manu sponte decidat, quæ contunditur pars, à ceteris *odore*, *gustu*, & aliis *qualitatibus* distinguitur, imo in eo tanta mutatio oritur, ut alterius prorsus naturæ videatur.

VI.

Pomum in partem impa-
rietatem impa-
ctum, ea in par-
te qualitatem
novam acquirit.

Illa diversitas à sola partium transpositione provenit. Nam quid aliud contusæ parti advenit? An forte eo impetu, quo in terram, aut

in parietem impingitur, quicquam ei subtrahitur, aut per poros corpuscula ingrediuntur, quæ eam mutationem adferant? quodvis admittatur, inconcussum manet, partem pomi contusam, ab integra discriminari, per varium partium ejus ordinem; cum nihil eam subire, aut ea elabi possit quin partes ejus alterentur, & alium situm obtineant.

Articulus secundus.

De Calore.

I.

*Cur Aqua igni
in cacabo su-
perposita ad
marginem por-
rigatur.*

A Qua in cacabo immota existens, paulo post, igne supposito, agitur, ebullire incipit, & ad marginem usque porrigitur, quæ antea, vix ollæ dimidium opplebat.

Quoniam *Calor* Aquæ partes commovendo, eas à se invicem divellit, efficitque, ut non amplius iisdem limitibus contineri valeant, sed majus spatium requirant, in quo expandantur. Corporibus enim, quæ rarefcunt, peculiare est, ut introducta per poros subtili materia, mole augeantur; sed maxime ubi *Calor* accedit, qui eorum partes ad motum ciet, & ab invicem dividit.

II.

*Corpus tepi-
dum nobis cali-
dum apparet, si
gelida manu
tangatur.*

Corpus tepidum, si ei manus dextra calida admoveatur, frigidum nobis apparet; è contra calidum esse arbitramur, si illud sinistra manu frigidiorè attingamus.

Variis ille sensus, non tam ab ipso corpore tepido provenit, quam ab ipsis manibus, quæ illud explorant; quia licet eadem vis tepido corpori

pori inſit, ad utramque manum agitandam; quia tamen *calide* manus partium commotio, eam, quæ in tepido corpore eſt, agitationem excedit, ſit ut Calor tepidi Corporis, ad manum dextram relatus, *frigidum* videatur. Non enim particularum corporis alicujus agitatio, per ſe ſpectata, Caloris nomen ſortitur, ſed ſolum, dum Taſtum aſſicit.

Si quis partem ferream, fabrili instrumento, quod *lima* vocatur, deterendo poliat; experietur partem ferream, multum caloris contrahere, *lima* interim gelida remanente.

Ratio eſt, quod instrumenti partes, ferri ſuperflua detrahendo, non ſolum ſeipſis, ſed & aliis quas continuo aſſictu, ex ferro circumcidunt, quæque intra ejus dentulos, aliquamdiu remanent, fricando, ſatis notabilem agitationem in ferro excitent, ac proinde calorem producant. Idem tamen de *lima* exiſtimandum non eſt; nam licet ejus partes, vim eandem patiantur, quam ferri partes, quia tamen, plus extensionis habent, multoque illud longitudine excedunt, non eandem partem, bis iſdem dentulis, quam expoliunt, attingunt, ſed ſemper aliquod temporis intervallum intereſt, inter partium limæ frictiones, quo durante, pars illa limæ, quæ nonnihil caloris comparaverat, illam amittit.

Halitus qui ore emittitur, calorem in manibus excitat; illum vero è liquore, exempli cauſa, *juſculo* expellit, ſi vehemens ſit, & cum impetu protrudatur.

Calor oris halitu naſcitur, ſi levis eſt, hoc eſt, ſi partibus varie agitatæ conſiſtet, & inæqualiter per

III.

*Pars ferrea
quæ lima teri-
tur, caleſcit, non
autem ipſa li-
ma.*

IV.

*Quare Halitus
calidior emit-
titur ore aperto
quam propinquo
dum clauſo.*

per manum feratur. Quippe nihil aliud dici potest esse Calor corporum, quam eorum *partium insensibilium varia determinatio*, qua aliter, atque aliter feruntur. *Spiritus* vero ore emissus, è liquore calorem abigit quando celer est, & totus versus unam partem dirigitur: quoniam tunc, partes liquoris subtiliores, motus proprios seorsim exercere non valent, & versus unam partem, omnes propulsantur. Ad eum modum, quo *fluvius*, versus unam regionem decurrit.

V.

Calx Aqua aspersa, calefit.

Calx, aqua injecta, Calorem concipit, & ita effervet, ut ipsamet etiam flamma fortius adurat.

Haud dubium est, quin *lapidis* meatus, dum in *Calcem* excoqueretur, qui antea solis secundi elementi globulis patebant, fuerint ignis virtute laxati: Adeo ut *Aquæ* particulas, sed tantum primo elemento cinctas, postmodum admitterent: quæ in duras *Calcis* particulas irruendo, illas concutiunt, & separant; præsertim si magna sit earum copia, & a diversis partibus in eandem ruant. Redditur autem *Calor*, in *Calce* genitus, flamma ipsa acrior, quia *Calx* ramosis partibus constat, quæ dum à materia primi elementi, quæ particulas *Aquæ* cingit, separantur, vehementius manum feriunt, & *cutim*, velut tot *acus* penetrant, & lacerant. Et eadem ratione *Carbo*, cujus partes longis & multiplicibus ramosis implicantur, acriorem, quam flamma emittit calorem, & pertinacius objecta sibi corpora corripit. Sic *Metallum fustum*, & ipsum maxime *Aurum*, vehementius quam *Oleum* exurit, & haustum Calorem diutius retinet.

Nix si in *hypocausto*, aut alio quodam loco reponatur, sentim fit compactior, & mole decrescit. Similiter *nubes* in aere suspensa, Calore condensatur, & modo à cæteris Corporibus diverso, quæ per calorem dilatantur, magnitudine minuitur, & ad minus spatium se extendit.

Licet Calori peculiare sit, Corpora reddere Rariora, & solutis eorum partibus, per ampliora spatia diffundere; nihil obest tamen quominus *nivem* & *nubes* condenset, & earum molem imminuat, antequam etiam, ulla aqua ex ea profluat, vel de suo pondere aliquid amittat: Hoc enim ideo contingit, quod particularum glaciæ capillamenta, quæ *nivem* constituunt: cum sint earumdem medio tenuiores, eo, calore accedente, facilius liquefcunt, & se hinc & inde inflectendo, ob circumambientis materiæ subtilis agitationem, amplexatum eunt vicinas glaciæ particulas; non iis interea derelictis, quibus antehac implicabantur, & constrictiorem molem componant.

Id in *nubibus* clarius elucet; quia cum glaciæ particulae, quibus componuntur, magis à se invicem distent, & majora intervalla habeant, non ita vicinis appropinquare possunt, quin eo momento, à quibusdam aliis separentur, ac proinde cum inflectuntur, necessum est, in minorem locum redigi, & Corpus densius, compactiusque efficere.

Calx & Cineres, Ignis ardore, in *vitrum* convertuntur: *Vitris* enim *Christallinis* apud Venetos, materia est, ex mixtis æqua proportionē lapidibus, quos ex Pavia prope fluvium Ticinum vehunt, & herbæ ejusdem noxiæ Cineribus,

VI.

*Qui sit ut nix
per calorem
condensetur.*

VII.

*Calor Calcem
& Cineres in
Vitrum conver-
tit.*

ribus, apud Arabes dictæ *Kall*, nascentis in deserto, inter Alexandriam & Rosettam. Baco sylva sylvar.

Hic effectus nunquam sequitur, nisi quum Ignis diurnus est, & magno robore præstat: quia cum *Calcis* vel *Cinerum* particulæ, crassæ sint & irregulares; non ita unæ aliis incumbere possunt, ut sibi mutuo adhæreant. Quare Ignis validus adhibendus est, qui vim suam in illas exerceat; quia tunc temporis, dum tenuiores tertii elementi particulæ, simul cum globulis secundi, à primi materia arripiuntur, & undique circa ipsas citissime moveri pergunt, earum anguli, paulatim atteruntur, & lævioribus redditis superficiebus, nonnullisque earum etiam inflexis, unæ supra alias repentes, fluentesque, non punctis solum, sed & exiguis quibusdam superficiebus junguntur, & ita sibi mutuo adhærentes. *Vitrum* compount.

Articulus tertius.

De Frigore.

I.

Cur manus frigida igni altius mota, corripitur.

Contingit interdum inclementi, & aspero cœlo Hominibus *manus*, aliasque etiam Corporis partes obrigescere, & ita stupore affici, ut si Igni admoveantur, extemplo corripantur, & acriorem cruciatum sentiant.

Quoniam Ignis particulæ, quas in motu esse supponimus, in *manus*, aliorumve membrorum, quæ frigore concrefcunt, *nervos* impingunt, ac veluti tot mucrones confodiunt. Tanta autem partium vellicatio, citra dolorem fieri non potest.

test. Unde frigori expellendo, non statim manus, quæ rigescit, igni apponenda est; sed miti primum frictione demulcenda, & sensim molli-que agitatione vellicandi articuli, qua revocari sanguis queat, & sopita partes reviviscere. Quare in *Suecia, Dania*, & aliis Regionibus, quæ frigore maxime infestantur: ubi contingit quemquam isto modo, calore destitui, aut aliquam ejus Corporis partem corrumpi, eum Aquæ gelidæ immergunt, aut affectæ parti *nivem* adhibent: quoniam Corporis meatibus, sensim apertis, spiritus vitales, per eos leniter influunt, & quælibet partes paulatim pristinum situm & ordinem recuperant.

Nec alia assignari potest Ratio, cur *poma congelata*, in Aqua frigida immissa, pristinæ integritati restituantur, quam quod humore congelciato, illa concretis leniter exsolvatur, & vi moderata pereat.

Quædam Corpora nunquam frigiditatem suam deponunt, ut *marmor*, & similia, quæ quacumque anni tempestate, gelida sunt, & appositæ manui rigorem inferunt. Imo ipsa *glacies*, in æstate suam duritiem retinet, & non minus quam hyberno tempore, frigore concrevit, familiaria hæc experimenta, frigus nihil aliud esse, quam *Quietem* ostendunt: Hæ enim Corporum partes sibi mutuo adhærent, & ita inter se colligantur, ut non nisi tenax compolitum efficiant. Verum quo pacto sit, ut *marmor, glacies*, & alia similis naturæ Corpora, suam frigiditatem servant, & pari rigore semper intendantur.

Respondeo, id ex parte globulorum æthereorum, qui eorum poros penetrant, oriri. Qui enim

II.

*Marmor estate
frigiditatem
non deponit.*

enim majusculi sunt, vimque movendi efficacior-
 rem habent, *Calorem* procreant. *Qui* autem,
 minusculi sunt, & aliis robore cedunt, *Frigus*
 in Corporibus inducunt, ut sequenti experi-
 mento clarius patebit. Gelidum igitur *marmor*
 est, quod meatus ita contractos habeat, ut solas
 minutissimas corporis subtilissimi particulas ad-
 mittere queat, & majores, quæ motum operan-
 tur, excludat. Cumque Aqua, nunquam gelu
 concreseat, nisi materia, quæ ejus partes inter-
 labitur, plus solito subtilis sit, fit ut glaciei mea-
 tus, qui tunc excavantur, ad mensuram parti-
 cularum hujus materiæ subtilissimæ, sic coarctan-
 tur, ut aliquanto majores penitus excludant.
 Atquæ hæc ratio est, cur gelidissima *glacies* man-
 neat, quamvis in mediam æstatem reservetur.
 Id ex ejus dissolutione deprehenditur, quoniam
glacies, non adinstar *Ceræ* liquefit, cujus flexi-
 les particule, ignis agitationi cedunt, & ejus
 impetu separantur. Obest enim pororum ejus
 angustia, quominus Calor ad interiora perveni-
 at, nisi prout superficies liquecant, & vi ejus
 effringuntur.

III. Aqua scypho vitreo contineatur, cui *nix* aut
Quomodo Aqua glacies, *Sali* admixta, ita circumponatur, ut
ope Salis in ejus exteriora contingant; ubi hæc solvi cœpe-
glaciem verta- rint, Aqua in glaciem convertetur. Quod non
tur. Hyeme solum, sed & quocumque anni tempore
 experiri licet.

Hujus experimenti ea est ratio, quod globuli
 cœlestes majusculi, qui *Aquam* sua agitatione li-
 quidam reddunt, cum plus virium habeant,
 quam illi qui nivis partibus interlabuntur, &
 commodiorem in rigidis & lævioribus *Salis* &
nivis

nivis particulis, locum reperiant, in quo moveantur; fit, ut eo necessario pergant: Cumque Corporum *penetrationem* natura non ferat, & omnis motus per *circulum* fiat, globuli ætherei minores, in *Sale* & *nive* contenti, majorum accessu, egredi coguntur, & loca derelicta per vitri poros petere. Ut vero illi globuli, ad continuandum Aquæ motum non sufficiunt sequitur, ut illa concre scat, & glaciei frigus duritiemque nasciscatur. E diverso *nix sali* commixta, dissolvitur, & in liquorem abit, quoniam à majoribus illis globulis agitur, qui Aquam suo motu liquidam antehac reddebant.

Nec forte alia ratione fit, quod *spiritus vini*, qui natura calidus est, inflammationes, & anginam gargarismo sanet; atque etiam corporis membrum *pyrio pulvere* exustum refrigeret: quam quod Spiritus vini ita dispositos habeat meatus, ut parti inflammatione turgenti applicitus, minusculis dumtaxat æthereæ materiæ globulis ingressum præbeat, qui ejus partes remissius agentes, dolorem hoc pacto minuunt ac mitigant.

IV.

Quomodo spiritus Vini refrigerat.

Aer Corpus frigidum, exempli causa, *marmor* circumambiens, frigidior est, quam qui ab eo magis est remotus.

V.

Marmor frigidum aerem ipsum ambiens reddit.

Id provenit quod circa marmor, non nisi subtilissima materia passim infideat, sive illa quæ ipsum subire parata est, aut quæ ex illo effluit: cum vero subtilis materia, ob suam tenuitatem, crassiores *aeris* particulas, quæ in nobis *caloris sensum* procreare possent, agitare non valeat, fit, ut circumvicinus Aer frigidior sensiatur.

Aqua

VI.

Aqua dum gelatur rarefit.

Aqua dum gelu concrefcit, dilatatur, & ad majorem locum porrigitur: ut patet in *ampulla vitrea*, longo fatis & angufto collo, ad Thermometræ figuram accedente. Quippe fi hujusmodi vas aqua calida repletum, Aeri, vigente hybernif mensibus frigore, exponatur, *Aqua* fenfim defcendet, donec ad certum aliquem frigoris gradum pervenerit: mox veluti recuperatis viribus, paulatim intumefcet, & furfum feretur, donec gelu adftricta fubfiftat, & immota maneat.

Hæc Rarefactio ex eo originem ducit, quod liquoris particulæ, in *ampulla vitrea* inclufi, paulo antequam gelu concrefcant, ob imminutum materiæ fubtilis motum, rigidæ evadant, curvasque figuras induant; ac proinde, non tam arcte, quam dum flexiles erant, fibi adhærere & conjungi poffunt. Hinc fit, ut dum vehementer à materia fubtili concuffæ, ad tam anguftum fpatium redigere fe nequeant, majufcula fpatia requirant, in quibus dilatentur. Quod autem fubtilis materia, rigentes *Aquæ* particulas agitare, & non inflectere poffit, mirum videri non debet, quoniam vis minor ad corpora movenda requiratur, quam ad illa eadem inflectenda. *Baculum* enim *ferreum* manibus de loco deturbare facile poffumus, non autem idem torquere, & arcus adinftar curvare.

VII.

Fructus & etiam lapides frigore coriumpuntur.

Frigus tantæ malignitatis eft, ut corruptionem corporibus inducat, colorem immutet, & omnem ab eis decorem adimat. Id non in *ovis* ac *fructibus* modo experiri licet, fed in *lignis*, *lapidibusque*, qui ita nonnunquam gelu corripuntur ut fragiles fiant, & ædificiis extruendis inutilis.

Putre-

S
verfa

Putredinem gelu Corporibus adfert, dum partes aquosæ expanduntur, quoniam tunc, fibræ & aliæ solidiores particulæ infringi solent, & interverti. Nihil autem aliud *Corruptionis* nomine intelligi potest, quam *partium transpositio*, dum illæ, quæ certo quodam modo conjunctæ erant, à se mutuo avelluntur, & novas affinitates ineunt. Hinc *Animalium oculis* frigore concretis, observatum est, *Christallinum* novas affectiones sumpsisse, & è diaphano candidiorem esse factum.

E contra frigus interdum Corpora à putredine vindicat, nec patitur ulla labe infici; ut testantur *Hirundines*, quæ penetrabili frigore, in stagnis Poloniæ rigentes, per totam hyemem veluti exanimes servantur, nulli corruptioni obnoxia.

Corpora frigore intacta servantur, & a putredine per longum tempus libera manent, quoniam frigus, cujus natura in *Quiete* consistit, partium motum inhibet, impeditque ne illæ ab invicem sejungantur; partium enim dissolutio corruptionem promovet, quia per eam corporis textura invertitur, & ipsi aliquid continuo decedit.

VIII.

Frigus quædam corpora à corruptione servat.

Articulus quartus.

De Gravitate & levitate

I.

SI duo rotundæ figuræ Corpora, *plumbeum* unum, & alterum *lignum*, ejusdem vel diversæ magnitudinis, ex una *linea horizontali*, eodem

Duo corpora mole inæqualia æquali motu feruntur si fiat sphaerica.

E

dem

dem temporis momento dimittantur ; æquali prorsus tempore , ad Terram pervenient , nec ullum in eorum descensu discrimen deprehendi poterit. Quod *Gassendus* talium experimentorum diligens observator, non semel animadvertisse testatur.

Hujus uniformis motus causa alia assignari non potest, quam æqualis cœlestis materiæ , à centro terræ se removendi , propensio. Nam quamvis illa pari temporis intervallo , & omnibus viribus suis à centro recedat, non tamen tota, in Corpora occurrentia, potentiam suam exerit ; sed præcise ea tantum pars , quæ terreno corpori magnitudine adæquatur. Cumque etiam Corpora in compositione discrepent , & alia sint aliis solidiora, hoc est plus materiæ sibi propriæ habeant, subtiliores etiam habent meatus, qui non nisi tenuissimæ primi elementi materiæ, & paucis secundi globulis sunt pervii. Talia sunt *Chalybs*, *Argentum vivum*, *aurum*. Alia sunt rariora, seu minus solida , ut *ligna* & similia, quæ cum magis patentes habeant poros, plus cœlestis materiæ in se continent, ac proinde globulorum cœlestium motui facilius obsequuntur.

Nunc ad propositum ; si quod in *plumbeo* & *ligneo* Corpore, materiæ cœlestis est , subtrahatur, dematurque id quod materiæ terrestris globulis cœlestibus admixtum est ; illud, quod materiæ cœlestis unicuique Corpori subordinatæ superest, inque illud vim suam exerit ; agit in id quod materiæ terrenæ reliquum manet. Nam *plumbea* Corpori, ut pote solidiori, & ad resistendum potentiori, major cœlestis materiæ vis, ad illud deprimendum adhibetur ; minor vero ad rarius & minus solidum deprimendum : ac proinde

inde æquali velocitate descendunt, & ad terram una perveniunt. Nam ut motus æqualitas habeatur, hoc duntaxat requiritur, ut materiæ cœlestis vis, terrestri materiæ proportionetur; quæ ubi major est, major quoque activitas ad illam resistantiam superandam requiritur; & ubi minor, minori quoque cœlestis materiæ potentia opus est, quæ corpus deorsum detrudat.

Corpora alterius figuræ, quam sphæricæ inequali motu deorsum feruntur: ut de *Cubicis* & *Angularibus* patet: quæ licet ex eadem materia, componantur, & magnitudine etiam consentiant, nihilominus quoad motum differunt, & inæqualiter Terram petunt.

II.
Corpora cubica
inæqualiter ad
terram descen-
dunt.

Ea motus diversitas, ex illorum *figura* pendet; quæ licet causa dici nequeat, quare deorsum deprimantur, ad eorum tamen motus varietatem multum confert. Quæ enim *aspera* sunt, tardius per *Aquam* vel *Aerem* dilabuntur, & quolatiores est eorum superficies, Corpori, per quod trajiciuntur, obstinatius resistunt; quoniam illud inconstanter dividunt, & secundum planas superficies, quas objiciunt, in latera inclinant. Sic *Aqua* & *glacies* in sublimi suspenduntur; & *Nivis flocci* majores frigore contracti, lentius quam *Aquæ guttæ* decidunt. Nec alia assignanda est causa, cur *Aves*, alis expansis, se in medio aere librent, quam quod Aer planæ extensioni magis obluetur, atque ejus descensum impediatur.

Demersorum Corpora, post aliquod temporis spatium, emergunt, & aquis, sub quibus diu latuerant, innatant.

III.
Cur demersi
Homines post
aliquod tempus
emergunt.

Id passim effuso *filli* tribuitur, quod nonnulli putant, corpus grave efficere, illudque in fluviorum fundo morari. Sed *Anicularum* commentum esse arbitror, aut ab iis confictum, qui phaenomeni alicujus rationem reddidisse autumant, si aliquid obtrudant, quod cæteris insolitum apparet. Emergere igitur *submersos* existimo, quod aqua in eorum Corpora introducta, laxiores poros ingrediatur, & membranas extendat; quarum expansione, multæ quoque aliæ cavitates laxantur, quæ *hausto aere* ad majus spatium porriguntur: quippe hujusmodi membranæ, ob partium suarum nexum, aquam respuunt, & solo aere repleti queunt. Unde Corpora extensione majori comparata, & solito leviora effecta, sursum propelluntur, & Aquis supernatant.

IV.

Unde oriatur
diversa Corporum
gravitas.

Corpora gravitate distinguuntur, ut *argentum vivum* multo ipsa *Aqua* ponderosius est; & nulla sunt metalla, quæ se non gravitate excedant. Hinc *Aurum*, si Gassendo fidem habeamus, *decuplo* gravius est *terra*; *plumbum septuplo*, *argentum* magis quam *quintuplo*, *stannum quadruplo*, *magnes triplo*, *Cos* pene *duplo*, &c.

Varia hæc gravitas, à cujusque Corporis fabrica oritur, non extrema duntaxat, & quæ oculis objicitur; sed & ab intima illa, quam animo concipimus, in quolibet Corpore inesse. Dubitari enim non potest, quin Corporum omnium particulis, plurimi meatus intercipientur, quos materia subtilissima pervadit, ex quorum multitudine aut paucitate, Corporum diversitas inducitur. Unde *Argentum vivum* *Aqua* ponderosius esse intelligitur, si concipiantur pauciores

ciores ejusmodi meatus ipsi inesse. Nam licet imaginemur *Aquam* & *Argentum* vivum partibus ejusdem magnitudinis constare, earumque motus esse similes, Earum tamen diversitas clare apparebit, si quælibet *Aquæ* pars supponatur esse funiculi adinstar mollis & laxi. *Vivi Argenti* autem partes, cum pauciores rimas & poros habeant, esse aliorum funiculorum adinstar, sed multo duriorum & constrictiorum. Idem de iis metallis censendum, quæ *Terram* aliquoties gravitate superant: Cum tota eorum differentia, à multitudine aut paucitate pororum pendeat, qui materiam subtilem excipiunt, & ejus motibus varie se dilatant aut constringunt.

Plumbum tardius in *Aqua* quam in *Aere* descendit; & pars lignea quæ multum ferentem gravat, in *Aquæ* superficie subsistit, & vix ullius esse ponderis videtur.

V.

Plumbum videtur gravius dum per unum Corpus transit, quam per aliud.

In Corpore, duplex intelligi potest pondus: unum *absolutum*, quod semper indivisum manet, & nulli mutationi est obnoxium; Quippe ab ipso corpore indiscretum est, & non nisi majus reddi potest, quum ei partes adjunguntur, & intimiori nexu, inter se cohærent. Sic *Aurum* *plumbum* pondere excedit, quia ejus partes artius constringuntur, & poros angustiores habet. Alterum pondus, *Relativum* nominari potest, quod secundum diversam materiei positionem variatur; & hoc pacto *plumbum* in *Aqua* minus grave dicitur, quam in *Aere*: quoniam *Aqua* ei fortius resistit, & de ejus pondere plurimum detrahit. Sic *lignum* *Aquæ* innatat, & non nisi corruptum demergitur, quia *Aqua* ligno gravior est, & illud sursum propellit.

VI.

*Gravia descen-
dendo motum
accelerant.*

Gravia Corpora in descensu, non uno tenore feruntur, sed motum accelerant: ut in *saxis & lapidibus* experiri licet, qui majorem ictum infligunt, quo ex majori altitudine delabuntur. Id quoque *funependula* testantur, quæ tantundem spatii ascendendo, remetiuntur, quantum in descensu conficiunt; qui recursus, sicut & lapidum gravior percussio, non nisi ex celeriori motu provenire possunt.

Ratio est, quod quando Corpus descendere incipit, non nisi parum movetur: quoniam materia subtilis, quæ locum ejus occupat, quæque sola in ipsum agit, non ea celeritate propellere potest, qua à centro recedere conatur: Ubi vero, Corpus semel concussum est, & descendere incipit, subtilis æther, qui sub corpore est, & qui magno molimine, superiora occupare contendit, illud deorsum continuo depellit, & novos celeritatis gradus, prioribus adjungit.

Vel aliter dici potest, quod *Gravium* motus ex eo acceleretur, quod Corpora decidentia, vim novam acquirant: quia licet primo momento, tarde incedant, secundo tamen velocius progredi debent, quoniam priorem motum retinent, & præterea augmentum accipiunt, à subtilissimæ materiæ actione. Non tamen fingendum est, gravium motum, debere perpetuo augeri, & omnes limites transcendere; sed certos habent definitos terminos: *Aer* enim Corporum motibus obluetur, eorumque vires retundit. Hinc *globulus ferreus*, si eminus è bombardâ explodatur, minorem stragem edit, infirmiusque objectâ ferit, quam si cominus emittatur, & nullum medium, ejus transcursum impediat.

Situla Aquæ plena, in puteo aut stagno gravitatem suam amittit; quum levissimo impetu de loco deturbari possit, & non deorsum sursumque duntaxat traduci, sed & ad latera simili facilitate transferri.

VII.

*Cur situla non
in aqua ponde-
ret.*

Hujus rei causa est, quod Aquæ partēs, dum intra se miscentur, & mutuo contactu adhærent, nullam pressionem, in se exercent; quia cum omnes eadem soliditate polleant, & unæ aliis densiores non sint, æquali vi, à cœlesti materia, centrum versus deprimuntur, & ita *Situla*, ob æqualem earum pressionem, levissimo accedente impetu, de uno loco in alium transfertur, pari ratione, Homo sub aquis *demersus*, nullam gravitatem experitur, quoniam Aquæ, quæ ipsi incumbunt, minus à globulis cœlestibus, quæ eas intercurrunt, premuntur, quam Homo ipse, qui solidius est Corpus, ac proinde minus materiæ subtili pervium.

Articulus quintus.

De Sapore.

Dura Corpora, cujusmodi sunt *lapis, ferrum*, &c. insipida sunt, nec linguam ullo modo afficiunt.

I.

*Lapis, ferrum
& alia dura
corpora insipida
sunt.*

Quoniam durorum Corporum particulae, ab invicem disjungi nequeunt, & simul cum saliva in ore misceri. Nam cum Corpora ita obfirmata sunt, ut liquefcere non possint, & illa corpuscula suppeditare, quæ humoris opera in linguam deriventur, haud mirum est, si insipida sunt. Nam licet *Saccharum* dulci sapore, dum

resol-

resolvitur, gustus organum afficiat: ubi vero, completa infusione, in frustra compactiora redactum est, nullo sapore, illud perfundit; quoniam tunc subigi non potest, & eo modo dilui, qui ad affectionem imprimendam requiritur. Ob eandem causam *pilularum* Sapor, dum integræ deglutiantur, vix percipitur, quia non satis in transitu morantur, ut partes earum exteriores liquari, & resolvi possint.

II.

*Cur uix &
fructus immaturi,
acerbi
sunt.*

Fructus *immaturi*, & ad quorum temperaturam, temporis intervallum requiritur, primo gustatu peracerbi sunt, & linguam asperant, deinde maturati, dulcescunt, & gratam saporem ingerunt.

Quoniam Fructus duris primum & oblongis partibus constant, quæ linguæ fibrillas scissim movent, & eas contrahunt. Deinde *Igue* aut Solis calore, maturitatem assequuntur, dum ejus virtute, succus ille crudior, qui acorem generat, in aerem exhalatur, & successivis diebus attenuatur. Quis enim in fructibus, dum maturescunt, continuam resolutionem, ac partium divisionem non deprehendit? quo fit ut duritiem suam deponant, & coctione peracta, molliores efficiantur.

III.

*Sicca lingua
aut nimium
humida, nihil
sapit.*

Lingua quæ exucca est, & nimia ariditate constringitur, ægre solidi esculenti saporem sentit: neque si ultra modum humida est, & liquore aliquo nimium perfundatur.

Causa in promptu est, quod *Sapor*, non in *humido* duntaxat, aut *sicco* situs est, sed in utriusque mixtione. Unde mirum non est, quod lingua nimium sicca, esculentum solidum haud perci-

percipiat, quoniam illud, humido deficiente, subiginequit, quod ad Gustum efficiendum requiritur. *Lingua* enim, cum spongiosa sit, humore indiget, tanquam Saporis vehiculo. In arida enim lingua, fibræ plus æquo contrahuntur, & inhabiles redduntur, illam affectionem recipiendi, quam Sapor imprimit. Ratio autem, cur è diverso, *lingua* nimio humore turgens, Saporem non admittat, est quod lingua, quæ rara & mollis est, spongiæque naturam æmuletur, meatus suos habeat, humore refertos, in quo superveniens humor devehitur, & à quo impeditur, ne ad intimos linguæ recessus perveniat.

Sapores tempore *matutino*, exactius discernuntur, præsertim, si nihil in os primo ingestum est, quod linguam labefactet.

Quia, eo tempore lingua veluti tabula rasa est, quæ nondum alios imbuit Sapores. Oportet enim recipiens, à recepti indole liberum esse, & ab ejus Qualitatibus esse denudatum. Quod non in *gustu* modo, sed & in *Auditu*, *Olfactu*, cæterisque aliis sensibus observatur: Noctu enim Auditus acutior est, & cæci fidelius relata mente retinent.

Qui ictero laborant, vitiatos omnes cibos esse credunt, & quod dulce est, amarum esse opinantur.

Id ipsis contingit, ob flavam bilem, quæ linguæ salivam inficit; Quia cum illa ex acris particulis componatur, salivam ita corrumpit, ut quicumque ingeruntur cibi, ingratus Sapor, qui ab inæqualibus illis corpusculis oritur, alium

IV.

Quare sapores melius tempore matutino distinguuntur.

V.

Itero laborantes nullum saporem recte percipiunt.

aliud depravet, & totam suam amaritudinem, aliis esculentis affricat : perinde, ac si nonnihil *fuliginis* aut fellis *pani* aut *Carni* admisceatur. Tantæ autem depravationis causa est, quod Humor crudus, qui per venas & arterias vagatur, ad *linguam*, ob ejus carnem spongiosam, se recipiat, & ejus cavitates occupando, quicquid Saporis supervenit, vitiat & corrumpit. Hinc *medici* linguam sibi ostendi deposcunt, quia cum illud membrum, pro sua magnitudine, multum Sanguinis contineat, plurimum quoque succi moribifici admittit, qui Colore vim ejus prodit, & Corporis infirmitatem revelat.

VI.
Unde oritur
omphacii acer-
bitas, & musti
dulcedo.

Si ex immitibus uvis Succus exprimatur, is *omphacium* tantum conficiet, quod quodam acore, linguam vellicat. Si vero ex maturis uvis exprimitur, *mustum dulce* habetur, quod linguam lenit, eamque grato acumine penetrat.

Omphacii acerbitas, ex asperitate inæqualitateque partium, quæ succum componunt, provenit ; quia cum ille qui ex immitibus uvis exprimitur, nondum sit probe decoctus, quandam cruditatem retinet, quam longis & inflexilibus particulis ferunt acceptum. Mustum vero dulce est, quoniam à Calore sufficienter decoctum est, & omnes ejus partes æquantur & lævigantur, Non obest, quod adhuc turbidum sit, & luminis actionem, non recipiat ; Id enim heterogeneæ ejus partes impediunt, quæ nondum secretae sunt : quæ ubi cum sæce in fundum descenderint, vel sursum, purgatione sublatae fuerint, Vinum limpidum evadit, & luminis globulos admittit.

Fractus

Fructus fere omnes Sapore distinguuntur, adeo VII.
 ut nonnulli *Acerbum*, *Aufterum* alii, alteri *Acidum*, & omnes *dulcem*, cum maturuerint, *Saporem* referant. *Sapor in fructibus varius est.*

Ea Saporum differentia, ex diverfo corpusculorum plexu, diverfaque plantarum organizatione oritur. Non enim omnes eadem textura, eademque partium difpofitione constant. Hinc infitæ *arbores*, Fructus delicatiores ferunt, quia in gemino fibrarum plexu, fuccus alimentarius melius percolatur, & magis irregulares meatus pertranfit. *Aufterus* igitur Sapor, in Fructibus percipitur, dum illorum partes, nondum probe fubactæ funt & percolatæ. Alii fructus *Acrem* linguæ Saporem imprimunt, quoniam partes habent oblongas, rigidas, & maxime subtiles: quo fit, ut linguam pungant, ac partiantur, & cum aliquo Caloris fenfu dilatent. Maturati fructus, ut dictum eft, *dulcefcunt*, quia Succus plantæ poros, permeat; & accurate percolatus, Solisque Calore agitatus, omnem cruditatem exuit. Unde hujusmodi Fructus, linguam placide liniunt, & quodam levore internas ejus partes fubeunt.

Cibus non eundem omnibus Saporem profert, VIII.
 & non raro contingit, ut qui uni gratus eft, alteri difpliceat. *Unde provenit quod idem cibus non aque omnibus gratus eft.*

Id ex diverfa organi difpofitione provenit. Si enim alicui rigidiores, & minus dociles infint *fibræ*, minus Saporem percipiet: quoniam vi majori opus eft, ut illæ fricentur, & affectionem recipiant. Si vero delicatioribus fibris gaudeat, vehementius Saporem percipiet; quoniam illæ facile pulſari fe patiuntur, & levi affrictu

frictu vellicari. Aliquid simile in Agrestium *manibus*, experimur, quæ callo obducto, tribulos & spinas citra ullum doloris sensum tractant, cum teneræ puellæ manus, vix illa attingere, sine molestia possit.

Articulus sextus.

De Odore.

I.
Animalia odore explorant quid illis conveniens est, aut noxium.

Tanta est inter *Saporem* ac *Odorem* affinitas, ut iisdem ferme modis generentur, & organa stimulent. Animalia enim *Olfactu* cibos venantur, & quos ipsis gratos Natura reddit, quasi odoratu cognoscunt. Hinc Feles ad *Calamentham* feruntur, *Feniculus* Serpentes allicit, *Ocimus* Scorpionem delectat, mustela *Rutam* expiscatur, &c. E contra quicquid eis adversatur, ejusdem organi ope, fugiunt, & non nisi vi ad illud trahuntur, Ut Serpentes *galbani* odor offendit, Scorpiones *Aconitum* horrent, inimicum Muscis est *Sulphur*, *Ocimus* Capris noxam adfert, *Origanum* formicæ averfantur.

Hujus Sympathiæ Antipathiæve causa, in factus organum refunditur; quod Odorum diversitatem recipit, prout ejus fibræ afficiuntur. Si enim Halitus, qui ex re odorifera manat, delicatus est, & leni affricu narium nervos præterlabatur, gratum Odorem excitabit, & quadam suavitate organum afficiet: si vero Nervi, qui, Naribus inferuntur, acrius pulsentur, & complexu asperiori stringantur, ingratus odor sentitur. Quippe aliud non est Odor in Corporibus odoriteris, quam tenues & insensibiles eorum

rum partes, quæ à se invicem secretæ, in aere volantes & intra narium cavitates, ope aeris inspirati receptæ, motum in nervorum extremitatibus excitant. Motuum igitur diversitas, diversos Odorum sensus efficit, & prout Organi fibræ lenius aut acrius feriuntur, affectionum varietas exurgit. Hinc ex *Rosa*, *Moscho*, & similibus, suavis Odor emanat, quoniam Halitus, qui ab iis proficiscitur, filamina subtilia & flexilia habet, quæ facile Cerebri appendices penetrant, & absque ulla asperitate, se ipsis insinuant. *Sulphur* vero, acrem imprimit Odorem, ob filaminum quibus constat, horrorem & inæqualitatem. Quia cum *Sulphur* facile inflammetur, supponendum est, multis pinguibus Halitibus constare qui acriori materiæ admixti, non possunt non filamina aspera, & spinarum instar horrida reddere, à quibus necessum est, fibras dire vexari & morderi.

Si quis propius ad Corpora Odorifera accedat, non probe eorum effluvia, sive manantes vapores percipit. Unde *flores* magis grati sunt odoris, si pauxillum distent, quam si nimium prope organo admoveantur.

Causa est, quod Odor, non in crassioribus, & humidioribus, ut anethac de *Sapore* dictum est, partibus consistit, sed in tenuibus & siccis, unde qui in propinquo est, non solum Florum, sed & herbarum, imo etiam ipsius terræ halitus haurit. Si vero paululum distet, non nisi subtiles & magis vividas excipit; quippe crassiores longe avolare nequeunt, & post levem excursum sublidunt. Quare quadam distantia necessaria, ut vividiores Odoratorum Corporum particulæ, libere

II.

Ad odores percipiendos quadam distantia requiritur.

libere vim suam exerçant, & gratum odorem procreare possint.

III.

Plantæ in Syria & Arabia nostris odore excellunt.

Plantæ in Regionibus calidis, fragrantiores odorem emittunt, quam quæ sub cœlo asperiori radices agunt. Ut in *Syria & Arabia* Caloris beneficio Aromata gignuntur, & Arborum fructus qui illic nascuntur, tenaciores & acutiores odores referunt.

Ratio est quod Calor, multum ad odorem fragrantiam conferat. Illius enim opera, *plantarum* succus optime digeritur, & uberiori copia in altum sublatus, in vaporem odoriferum ducitur. Certum enim est, omnem odorem *sulphure* aut *Sale* contineri, & illa Corpora plus Odoris fundere, quibus plus *Salis* aut *Sulphuris* inest. Nam Calore partes sulphuræ magis inter se conciliantur, & vim suam efficacius exerunt. Quia expressis aquei humoris partibus, quod remanet substantiæ, exactius concoquitur, ac proinde gratiorem odorem spirat. Hinc ad hanc fragrantiam servandam, res odoratas *oleo* communimus, aut pyxidibus recludimus, ne vapor continuo fluxu abeat, & viscosi halitus penitus erumpant.

IV.

Unle suavis aut gravis ille odor qui ex hominibus emanat.

Homines non eundem odorem emittunt: nonnulli enim suavem & gratum afflant, ut de *Alexandro* Historici referunt; cujus sudor maxime excipientium naribus blandiebatur. Alii autem foetent, & *gravem* tetrumque odorem spirant: ut *fimi*, qui plurimum horrido noxioque halitu inficiuntur.

Suavis odor ex iis hominibus emanat, in quibus succi alimentitii concoctio, accurate peragitur;

agitur; quod fit, dum Corporis agitatione, ita pori laxantur, ut crudæ humoris particulæ educantur, & a cæteris avolent. Vel ex parte ipsius temperamenti, oriri potest, si in eo Calor multum dominetur; nam si is ita probe percolatus, divisusque fuerit, ut nihil superflui humoris superlit, gratum gignit odorem. Quale temperamentum in *Alexandro* fuisse, testatur ira, continua Corporis exercitatio, cutisque polities ac tenuitas. Cum vero succus alimentitius, non probe digeritur, vel in aliquod pravitatis, seu corruptionis vitium degenerat, necessum est, tetrum odorem provenire; ut in *Simis* passim experimur, qui foetidum halitum emittunt; Quia meatus per quos *Mucus* è cerebro est trajiciendus, nimium constringuntur; ac proinde illic corrumpitur & putrescit. Omnis enim *corruptio* fætorum generat.

Bruta Animantia, *Olfactum* Homines superant: Unde illud Maronis, *Odora Canum vis*. Quippe *Canes* acutissimo odoratu pollent, & cætera animalia, ea facultate antecedunt.

V.
Canes cætera Animantia odoratu vincunt.

Hujus perfectionis causa, Canum organo describi potest, quod illud scilicet, pluribus fibris iisdem delicatioribus exuberet, & exactius dispositis ad Odores recipiendos. Inest enim *Canibus* organum siccius, quippe pituita, non in illis via ordinaria defluit; sed per quosdam meatus, quos in extremitatibus nasi, distincte cernimus, Vel dici potest *Canes* olfactu Homini-bus præstare, quoniam non ita crassis ciborum vaporibus replentur, sicuti *Homines*, qui fumis ex stomacho, & ex vario esculentorum mixtura emissis, obstant ne tenuiores Corporum parti-culæ,

culæ, quæ odorem efficiunt, recipiantur. Unde ipsimet *Canes*, si multum in culinis versentur, aut pascu largiori faginentur, sagacitatem suam amittunt, & Olfactus deterioris evadunt, quam si, in suis latibulis recludantur, & eis duntaxat cibus, venaturis idoneus administretur. Imo si *Homines* solis fructibus, aut radicibus victitarent, haud dubium est, quin cæteros, qui lautioribus cibis epularentur, olfactu essent superaturi. Ut de quodam *Joanne Leodiensi* refert præclarus *vir Kenelmus Eques Digbeus* in suo tractatu de *Corporibus*, capite vigesimo septimo: Qui timore in sylvam, ob appropinquantem militem, adactus, multis annis illic vitam transegit, sylvestribus pomis, glandibus, & radicibus vescens. Post vero Agrestium insidiis captus, ubi verba proferre didicit, narravit se odoratu, quamdiu inter feras degit, cibos explorasse, ipsum insequentes venatores percepisse, eorumque insidias non raro elusisse. Quo exemplo notum fit, narium sagacitatem, generosorum ciborum vaporibus corrumpi, & non nisi *Homines* Olfactu, cæteris *Animantibus* cedere, quia cibis lautioribus pascuntur, & nares crassis obsoniorum vaporibus inferciunt.

Articulus septimus.

De Sono.

I.
Corpora liqui-
da etiam So-
num edunt, dum
inter se colli-
duntur.

NON è Corporibus solidis duntaxat Sonus emittitur, sed & ex fluidis, & quæ ob partium suarum flexilitatem, aliorum corporum motibus cedunt. *Aeris* enim pars, ab alia percussa,

cussa, ad aures nostras defertur, & nervos, in intimis earum cavitatibus reconditos, ferit, Unde dum inter se colliduntur, quoddam murmur excitant, & prout per planum vadum, aut lapidibus interruptum, delabuntur, acutiorem, vel obtusiores sonum edunt.

Ratio est, quod *aeris* sicut & aliorum Corporum liquidorum partes, mutuo concussu, subsultent, & in innumeras moleculas dividantur, quæ celerrime agitatae, & unæ in alias impingentes, non possunt non Sonum edere. Quippe aliud non est Sonus, quam tremulus & vibratus Aeris motus, undulationi omnino similis; ac proinde sicuti videmus *Lapidis jacin* multos circulos in flumine efformari, & ad ripam uno tenore pergere: Ita Sonus à concussis corporibus procreatus, in orbem diffunditur, & reciprocis vibrationibus, per aerem propagatur.

Instrumenta musica, passim concava fiunt, atque etiam interdum, ad figuram sphaericam deflectuntur.

Quia Aeris currentis & recurrentis percussiones, in cavo multiplicantur, & ita diutius aures demulcent. In cavis enim corporibus, non tantum externus Aer, creberrimis ictibus agitur, sed maxime etiam internus, juvat quoque in instrumentis musicis profunditas, quod in ea melius inter se Soni admiscantur, & pars una agitata, cæteras facilius reddat suæ motionis participes.

Surdus aut quicumque alius, cui obstructæ sunt aures potest *Barbiti*, aut alterius instrumenti Sonum percipere, modo illius jugum intra dentes habeat, & illud tenaci morfu complectatur.

Nonnulli imaginati sunt, ab ore ad aures quosdam meatus porrigi, qui Sonum ad eam

II.

Cur instrumenta musica passim excavantur.

III.

Quomodo Surdus barbiti sonum percipit, dum illius jugum dentibus premis.

deferant, eisque eandem affectionem imprimant, quæ per Auditus organi infundibula transmittitur. Sed illud falsum esse, ex eo ostendi potest, quod Ore aperto, idem effectus non sequatur; quod tamen fieri deberet, si talia essent ab ore ad aures Soni vehicula. Deinde quidni *frontis*, aut *nasi* contactu, Sonus percipiatur, quum ab illis partibus, meatus ad *aures* perveniant, & par sit inter illas communicatio?

Dicendum est Igitur *barbiti Sonum*, posse ab eis, qui pressis dentibus illud contingunt, percipi in quantum chordarum vibrationes, ex *barbitio* traductæ in dentes, ab eis in *membranulam*, quæ cavarum dentium radices tegit, transferuntur; mox Aeris inclusi ministerio, *tympanum* concutientes, demum subjectam *trium officulorum catenulam* quatiant. Quia præcise corpus sonare dicitur, dum percussum, tremulo motu, pluri nas vibrationes conficit, & Aeris vehiculo, per intercepta corpora transfunditur. Est enim inter nervos consensus, qui in interioribus oris partibus sparguntur, cum iis, qui Aurium musculos interfecant.

IV.

Duarum chordarum unisonarum, una pulsata, alia quoque contramiscit.

Si duæ *Testudines* aut *cytharæ*, ad certam distantiam collocentur; quarum duæ chordæ, ita tendantur, ut unisonæ fiant: una plectro vehementius percussa, altera quoque concremescit, tantoque impetu movetur, ut paleam, & quodcumque leve aliud corpus agitet, & excutiat.

Ratio est, quod choda certo excursuum recursumque numero flagellata, aerem agitat, qui si in chordam pari ratione tensam incurrat, simili modo eam impellit. Quod nunquam contingit, ubi duæ *chordæ* difformiter tenduntur. Consonantiæ enim non se mutuo tantum sed aliæ, ali-

as,

as, ob motuum similitudinem excitant, & ita sibi ipsis auxiliantur, ut easdem affectiones subeant. Ut in omni musico instrumento licet experiri.

Sonus tardius ad Aures, quam lumen ad Oculos devehitur. Hinc *fulgur* videmus, priusquam *Tonitru* Aures nostras feriat: Et lignatoris *securis* nobis longe remotis, ad ictum alterum elevata, apparet, antequam prioris Sonus audiatur.

Vulgaris hujus experimenti causa, ex parte *Aeris* sumitur, qui licet tenuibus, & à se invicem disjunctis partibus constet, quia vero illæ ramosae sunt & flexiles, una earum mota, non eo ipso instanti, succedentes commoventur, sed gradatim: adeo ut, una pars agitata, aliam impellat, hæc porro sequentem, ad instar *circulorum in Aqua*, qui non eam totam statim percurrunt, sed continua serie pergunt; donec ad ripam perveniant, aut marcescente impetu, extinguantur. *Lumen* vero, celerius ad Oculos nostros devehitur, quia in globulis inflexilibus ac solidis fit. De ratione enim corporum solidorum est, ut dum eorum extremitas premitur, in eodem prorsus temporis momento, pressio in altera extremitate sentiatur. Unde Sonus facilius per totam *trabem* defertur, quam per ipsum *Aerem*, quoniam *trabes* partes, strictius inter se ligantur, & majorem continuitatem servant, quam partes *Aeris*, quæ flexiles sunt, & aliis Corporibus facile cedunt.

Nec alia assignari potest ratio, cur *tormentorum*, aut *campanarum* soni distinctius prope fluminis ripas excipiantur, quam in locis à flumine distantis, quam quod rigidiores, ac magis densæ *Aquæ* partes, aliis impetum suum illico impertiant, & motu continuo in suo cursu perseverent.

V.

Cur fulgur prius videatur, quam tonitru ad aures nostras perveniat.

VI.

Tormentorum strepitus melius prope Aquas auditur.

VII.

*Chordæ longi-
tudine inæqua-
les diversum
sonum edunt.*

Sint duæ chordæ ejusdem crassitudinis, & æquali pondere tensæ; sed quarum una alteram longitudine excedat, quæ brevior est, sonum acutiorem edet, longior vero, magis obtusum, & minus ab aure preceptibilem.

Hujus *Soni* differentia, ex crebrioribus, vel rarioribus chordarum vibrationibus pendet. Cum enim chorda brevior, plures excursus & recursus faciat, Aeremque frequentiori ictu flagellet, Acutius sonat, & citius ad Aures Sonum transmittit. Quia gravis & Acuti *Soni* discrimen, non a velociore aut tardiore motu, ut *Aristoteles* existimavit, oritur; sed ex vibrationum varietate, quæ si frequentes sunt, & iteratis ictibus Aerem verberant, *Acutus* Sonus efficitur. Si vero chorda rariores itus ac reditus efficiat, non nisi *gravem* Sonum pariet.

VIII.

*Quare sonus
chordæ, digito
apposito, cessat.*

Unde liquet, si chordæ digitum apponas, statim postquam illam pulsaveris, antequam sæpius recurrere potuerit, strepitum quidem excipiet, sed an *gravis acutusve* sit, discernere non poteris: quia manus vibrationes impedit, obstatque, ne chorda Aerem premendo dilatet, & successiva flagellatione expellat. Hinc lentus flatus, qui in *tibiam* immittitur, nullum sonum procreat; nec similiter is, qui ex *pulmonibus*, ad os Animalis defertur, aliquod murmur edit; quoniam intra *tibiæ latera*, uti nec per arteriam, ipsumque os Animalis, nullus pulsus repulsusque Aeris fiunt, qui Sanum gignant, & prout repetuntur, illum *gravem* aut *acutum* reddunt.

IX.

*Qui fit ut echo
pluries voces
reperat.*

Echo multoties voces regerit, & eundem Sonum distinctis intervallis multiplicat. Ut de quadam

quadam *Claudianus* vi Honor. meminit, quæ septies vocem unam reddebat.

*Plebis adorata reboat fragor, unaque totis
Intonat Augustum septenis vocibus Echo.*

Gassendus expertum se testatur in *Carentonii* sacello, quod Parisiis, tribus aut quatuor millibus distat, unam syllabam in alterutro ejus extremo *decies septies*, quasi ex altero esse redditam; è medio vero prolatam, toties ex utroque esse repetitam.

Hujus naturæ *miraculi* causa est, quod Sonus ab obice interposito reflectitur, & ultro citroque agitur. Nam sicut innumeri radii ex objecto visibili, non modo ad Oculum, sed huc & illuc transferuntur; ita præter vocem ad Aures delatam, innumeri alii Soni, in Aere disperguntur, qui in dura & concava incidunt, & ad aures reperiuntur; quo fit, ut eadem vox iterato, ac reflexe audiatur. Quia Sonus non uno momento, uti lumen, provehitur, sicut dictum est, sed temporis successu ad sui propagationem indiget. Et ideo, Sono priore, in proximo aere extincto, alius in Aere remote gignitur, qui a solidis, & utcumque lævigatis corporibus repercussus, Aures vicinum pluries diverberat. Multoties igitur vox in *Charentonii* sacello redditur, quoniam loca ita sunt tali ordine disposita, ut propiora prius, & remotiora posterius vocem referant. Juvat quoque, si loca sive Corpora, quæ vocem remittunt, sibi mutuo opponantur, & vicissim reflectant, quod in *Charentonii* sacello fiebat, priusquam illic *Carmelitarum Canobium* extrueretur. Quia tunc gemina erat Columna-

rum series, inter quas emissa vox, ultro citroque versabatur, *pila* ad instar, quæ in unum parietem impulsâ, ad aliam continuo reflectitur.

X.

Quomodo Sonus submissus à distante potius quam à propinquiori audiri possit.

Refert Nobilissimus *Digbeus*, in suo de natura Corporum tractatu, se in cubiculo superiori latæ ac rotundæ (sed ellipticam potius fuisse crediderim) turris parietes spectasse, eo artificio extructos, ut duo viri, ad opposita diametri puncta stantes, facile ac distincte secum colloqui possent, aliis interim, qui in medio collocantur, ne syllabam quidem excipientibus.

Id contingit ob sonorum, qui per totam Cameram disperguntur, coitionem: nam cum totus cubiculi aer, voce emissa, concutitur, ejus motus per amplum spatium diffusi, in elliptico pariete resiliunt, & ita per reflectionem, in extrema cubiculi parte uniuntur; & qui tali loco Aurem admoverit, ea est auditurus, quæ in altera parte, submissa etiam voce, fuerunt prolata.

Articulus octavus.

De Lumine.

I.

Lumen transmissum per duorum parietum foramina, non ab iis cernitur qui in cubiculo sunt.

IN uno cubiculi pariete, *foramen* excavetur, ea magnitudine, ut *Facis* aut *candela* flammam excipere queat; & in illius foraminis regione, aliud paulo latius opponatur; Dein nocte intempesta, *Candela* aut *Facis* flamma minori foramini exterius adhibeatur; ita ut radii, per illud trajecti, ab opposito foramine excipiantur, atque illud pertranseant; totum cubiculum eo modo obscurum apparebit, ac si nullus in eo fieret

fieret radorum transcursus. *Gassendus.*

Hujus experimenti ea est ratio, quod nulli ex radiis, qui cubiculum pervadunt, ad oculos per-tingant, neque illos percellant: quod necessum est fieri, ut visio habeatur. Unde qui nocte se-rena, oculos in altum dirigunt, & suprema spe-culantur, supra *horizontem* omnia æque tenebris offusa esse aspiciunt, cum tamen, immensa illa spatia, terrenæ umbræ cono excepto, splendescant, & a radiis solaribus, non minus trajician-tur, quam dum meridies est, & lumen suum Sol ad nos diffundit. Quoniam radii qui per ingen-tia illa intervalla sparguntur, ad nos non perve-niunt, & nullam in Visus nostri organo affectum operantur.


Scintilla ignea, aut *nitetudela* per longum spa-tium, lumen suum diffundit *Scintilla* enim *quin-gentis* procul *passibus* de nocte, absque perspicil-lis aspici potest: si vero illa adhibeantur, *quin-quaginta*, imo pluribus forsitan leucis poterit de-prehendi.

II.
Ignis scintilla
ope perspicillo-
rum ad 50 leu-
cas potest vi-
deri.

Nonnullis mirum videtur, tam exiguum lu-cidum Corpus, tanta vi pollere, ut interjectam materiam in recta linea impellere queat. Sed id mirari desinent, si supponant materiam sub-tilem quæ per Corporum diaphanorum meatus diffunditur, esse instar fluidissimi liquoris, cujus pars una premi nequit, quin cæteræ sequentes pulsentur. Exemplo sit tubus duplicatus A B C utrinque aqua plenus, & qui ad quantumcum-que velis spatium porrigatur, si dum Aqua tran-quilla est, & omni motu destituitur, alia Aquæ gutta, in uno extremorum, puta A infundatur, nemo concedere abnuet, hujus Aquæ gravitatem

ad totam Aquam, versus aliud extremum C elevandum sufficere, ac proinde ad totum hunc liquorem in tubo A B C inclusum movendum.

Similiter quis non fatebiur scintillam igneam, posse coelestem materiam in Aeris meatibus, per ingens etiam spatium diffusam agitare: Cum Ignis actio multo gravitatis vim superet, atque etiam subtilis materia quæ in Aeris, imo etiam Aquæ poris recluditur, utroque illorum sit fluidior. Clare igitur intelligitur *Candela* flammam, aut *nitedula* lumen debere materiam subtilem, in globo *quingenta* leucarum semidiametri comprehensam movere, quoniam vi motus sui, circumambientem materiam pellit, eodem prorsus modo, quo *lapis in funda* rotatus, istius fundæ medium premit, atque vi circularis sui motus, funiculum secundum lineam rectam extendit. Quippe materia subtilis, quæ undique *nitedulam*, aut *candelam* involvit, in gyrum etiam vertitur, & ab eo loco recedere contendit.



III.

Dum quis faciem noctu agitat, eodem instanti, eam in objecto speculo distanti deprehendit.

Si quis noctu, dum omnis splendor abest, manu faciem ardentem teneat, & illam agitando, in speculum quarta milliaris parte distans, oculos conjiciat, non prius motum in manu sentiet, quam eundem in speculo est deprehensurus. Hujus experimenti ratio est; quod lumen non tam motus

motus sit, quam ad motum præparatio. Nam licet motus in instanti fieri nequeat, & Corpus ab uno loco in alium, absque tempore transire; non implicat, tamen, quominus luminis actio, minimo momento, ad quamcumque distantiam extendatur. Nam aliud est, motum in momento peragi; & aliud, eum in momento transmitti. Lumen ad modum actionis baculi transmittitur, cujus partium quælibet, in alterutro baculi extremo sentiri potest, eodem tempore exacte, quo in altero producitur. Ac proinde nihil obest, quominus *fax* vibrata, eodem prorsus instanti, in *speculo* dissito cernatur, quo ejus motus in manu sentitur; quoniam luminis propagatio momentanea est, & ad sui trajectionem, tempore non indiget.

Est quoddam lapidis genus, *Litbeosphoros* vocatus, passim in agro *Bononiensi* crescens, qui si leniter calcinatus Soli exponatur, lumen ita concipit, ut in obscuro conclavi positus, non nihil luminis fervare deprehendatur, *Carbonis* instar accensi, modico cinere aspersi, cujus lumen paulatim languescit, & demum penitus extinguatur.

Non putandum est, cum quibusdam, Solis lumen in *Bononiensi* illo lapide conservari: cum hujusmodi lumen, eo absente, omnino pereat, & ita ab eo pendeat, ut nequidem momento, extra ejus præsentiam, subsistere possit. Dico igitur novum lumen, à radiis solaribus in eo accendi, quod postea in loco caliginoso, sit conspicuum. Cum enim Solaris Calor, in puris radiis diffundatur, *litbeosphorum* facile penetrat, & amota prius, per calcinationem, crassiori humoris portione, quem in intimis ejus cavitati-

IV.

Quomodo Bononiensis lapis, lumen in tenebris retinet.

bus excitat, qui ramosis ac tenuibus partibus implexus, non nisi successive elabitur. Unde fit, ut lumen paulatim decreascit, & non nisi post completam partium divisionem extingatur. In obscuro duntaxat conclavi, lumen illud aspici potest, quoniam debilissima est, & a fortiori facile impeditur, ne amplius retinam peftringat. Ut patet in *ligno putrido*, *cicindula*, & similibus noctilucis, quæ interdiu nullum lumen emittunt.

V.

*Lumen candelæ
noctu majus
apparet quam
interdiu.*

Candelæ accensæ *lumen*, majus tempore nocturno apparet, quam diurno; si oculus ab ea per aliquod spatium distet, & non nisi eminus conspiciatur.

Hic error ex duabus causis potest oriri. Primum ex parte *videntis*, qui cum ejus distantiam non accurate dignoscat, illam non minus quam *Stellam* abesse imaginatur. Accedit quoque, quod quum Candelæ imago, quæ in Oculi fundo effingitur, *stellæ* imaginem multo excedat, occasionem præbeat, illam majorem esse, quam vera est, existimandi. Altera causa est, ex parte *ipsius rei*, quæ cernitur; quippe in *Candela* noctu eminus lucente, non lumen solummodo, quod è candelâ, recta ad oculum provenit, conspicitur: sed & illud quoque, quod ex aere crasso, & opacis quæ illam circumstant, corporibus, proficiscitur, nam illa receptum in se lumen, ad oculum remittunt; quod cum ipsi candelæ adscribatur, necessum est, eam longe majorem apparere.

VI.

Passim creditur quædam esse *Animalia*, quæ lucem in oculis habeant, eamque de nocte, dum cuncta

cuncta tenebris obfuscantur, in oculos eorum reflecti, ut de *felibus*, *nocturnis*, *canibus*, aut aliis passim jactatur, quæ prædam suam noctu venantur, obstacula declinant, & abstrusa quæque rimantur.

An noctu fel
& noctuæ vi-
deant.

Verum, facile crediderim, eos qui illud asserunt, rem non satis examinasse, imo dicere audeo illa quæ vocant experimenta, experimento adversari. Nam si ab Oculo lux aliqua procederet, posset illa ab alio aliquo deprehendi, aut in *lente vitrea* colligi, aut *speculo*; quod nulla adhuc experientia probari potuit. Quare statuendum est, Animalia illa, tantummodo per eam actionem videre, quæ ab objectis advenit. Noctu enim semper aliquid luminis existit; unde *nix* lumen aliquod noctu emittit; quia illa melius quam cætera alia minus candida corpora, acceptos radios reflectit. *Noctuæ* igitur, *feles* & alia Animalia, res objectas noctu deprehendunt, non quia ex oculis lumen emittunt, quodque in eorum oculos deinde remittatur; sed quoniam eis retina præparatior inest, magisque recipiendis radiis idonea, ut à debili etiam lumine, quod ab objectis resilit, affici possit.

Articulus nonus.

De Colore.

PAVONIS *cauda*, COLUMBÆ *pluma*, mirifice colores variat, Uti eleganter *Lucretius*,

I.

An veri sint
pavonis caudæ
& columbæ
colli Colores.

*Namque alias fit, uti claro fit rubra pyropo,
Interdum quodam sensu fit, uti videatur*

Inter

*Inter cæruleos, virides miscere smaragdos,
Caudaque pavonis, longa cum luce repleta est
Consimili mutat ratione obversa colores.*

Nascuntur si colores, dum pavonis *cauda*, & Columbæ *collum*, lumini obijciuntur, & receptos radios reflectione, aut refractione ad oculos remittunt. Verum est, quod nonnulli hujusmodi Colores, apparentes tantum nominant, & inter illas imagines recensent, quæ nos deludunt, & non nisi specie tenus, naturam habent. Sed rationem, qua id asserunt, non capio. Nam si admittunt Colorem, non aliud esse, quam lumen ipsum in Corporum superficiebus modificatum: quidni fateantur, Colores illos, quos spurios appellant, genuinam naturam obtinere. An brevior causæ duratio, effectus Veritatem destruit? An filius forte geniti nomen haud meretur, quoniam statim ab hausta luce extinctus est? Quis dicet *herbarum virorem*, qui aliquot tantum diebus, oculos delectat, minus verum esse Colorem, quam *Smaragdi*, qui diutius perseverat, & non nisi longo tempore alteratur? Nihil enim ad Colorum veritatem, longa duratio spectat, & non minus illi qui momento evanescent, quam qui diu oculos afficiunt, genuini *Coloris* nomen sibi vendicant. Sed hæc ultra intentum, ad experimenta pergamus.

II.

*Duo specula ex
vario marmore
confecta, di-
versimode ob-
jectum Solem,
referunt.*

Duo specula, unum ex *albo*, aliud ex *nigro marmore* conficiatur; *Album* radiis Solaribus expositum, distinctiorem clarioremque Solis imaginem referet, quam *nigrum*, ex quo non nisi languidi radii resiliunt, qui non satis inter se coeuntes, confusam solummodo rei objectæ similitudinem procreabunt.

Id

Id accedit, quod luminis actio, qua subtilis materiæ partes, à Corpore lucido versus speculum *nigrum* impulsæ, tendunt, pene ab ipsius partibus extinguitur, & paucæ ex illis partibus extrorsum regerantur. *Album* vero, actionem illam remittit, & incidentes radios ferme omnes reflectit. Nam licet *Album* & *nigrum* marmor, iisdem fere partibus constent, & nullum in eis discrimen sensu discernatur; certum est tamen in nigro alias insuper molliores reperiri, quæ radiorum partem absorbeant, & illorum vim effringant; ac proinde *nigrum* Corpus ad instar *tapis* se habet qui *pila impulsæ* motum quidem recipit, sed illam haudquaquam repercutit. *Album* vero, ad modum *parietis duri*, qui adactam pilam remittit, & absque ullo sui motu re-verberat.

Marmor politum magis acro colore suffunditur, quam Asperum, & cui aliqua scabrities inest.

III.

Marmor politum nigrius apparet quam scabrum.

Ratio est, quod in aspero, multæ superficies eminent, quæ lucem incurrentem, omni ex parte reflectunt. Alio enim radius ab una parte Corporis remittitur, & alio ab altera. Corpus vero politum, cum una duntaxat continuata superficie constet, pauciores radios ad oculum re-verberat. Deinde cum nullum sit in natura Corpus adeo *nigrum*, ut non plurimas partes contineat, quæ ab aliis sejunctæ, Corpus *Album* sint composituræ, ut differentia quæ *polito* & *Aspero marmori* interjacet, testatur: dici potest, lævigatum marmor, maxime nigrescere, quod albicantes ejus partes, lumen receptum, versus eandem partem reflectant, in qua, si non sit

ocu-

oculus, idem sit ejus intuitus, ac si lumen extingueretur. Sed in ea, parte situs, cernit in marmore lumen hoc, una cum Coloribus & figura objectorum, à quibus lumen provenit; non aliter, quam ab alio quopiam speculo.

IV.

Quædam corpora constantem colorem retinent, ut Carbo, nix, &c.

Quædam Corpora eundem semper Colorem servant, & quomodocumque lumini obtendantur, illud semper pari modo remittunt, ut *Carbo*, nunquam non niger apparet: *nix* mediis in tenebris candida conspicitur.

Tam constantis Coloris causa, partium dispositioni ac situi adscribenda est; quæ quamdiu eadem in Corporibus manent, ad certos angulos lumen excipiunt, & illud ad visus organum remittunt. *Carbones* enim extincti *nigri* videntur, quoniam superficiem innumeris rugis, incisurisque asperam habent, quæ luminis radios suffocant, & eorum robur frangunt. Quod non ratione tantum, sed & ipso sensu probari potest. Si quis enim levi manu *Carbonem* attrahat, illico asperitatem quandam sentit, ei similem, quam in pumice experimur, quam antea diximus, nulla posse arte lævigari. Caloris enim vi, dum *lignum* comburitur, multum fumi ac halitus avolat, ac proinde ignis, intra ligni cavitates rarefactus, carceres suos diffringit, & poros dilatat; quos sebeunt luminis radii, illic absorbentur, & ad oculum non resiliunt.

V.

Quo sensu colores dicuntur inesse corporibus.

Non tamen cum quibusdam imaginandum est, Colores formaliter Corporibus inesse, sed effective tantum, in quantum, per certam particularum insensibilium dispositionem, & luminis reflectionem, illos in oculo producant: Non alio

aliq̃ prorsus modo, quam *Acus*, quæ omni dolore destituta est, in cutim adacta, motu suo, figura, ac duritie dolorem procreat.

Vitrum dum integrum est, & in laminam extenditur, pellucidum est, & si aliquem colorem, *atrum* magis, quam *candidum* refert. Ubi vero pistillo contusum est, colorem alium induit, & album oculo exhibet.

Ratio est, quod *vitrum contusum*, innumeras superficies habeat, quarum singulæ, lumen excipiunt, & veluti tot specula reflectunt. Nam cum *vitrum* omni humore careat, & singulæ ejus partes (quod adhibito microscopio experiri licet) sphericam figuram habeant, una unam partem luminis remittit, alia aliam, & ita porro, adeo ut totum lumen regerant, & illud, eodem quo ceperunt ordine, reverberent. Hinc maxime *Alba Corpora*, maxime opaca sunt, quia luminis radios, à singulis punctis reflectunt, & nullos sinunt, intra cæcas suas cavitates recondi.

Vas ex vitro confectum, & *Cucurbita* adinfar oblongum, Aqua repleatur, mox radiis Solaribus ita exponatur, ut ii per angustum in superiore parte vasis foramen, ex obliquo penetrant; In charta aut linteo excepti, varios colores exhibebunt. Nam qui supremum locum occupabit, *Ruber* conspicietur, infimus *Ceruleus*, medius autem, aliquantulum *candidus* apparebit.

Hujus phænomeni ratio, ex varia radiorum transmissione petenda est: Nam experientia constat radios per foramen illud oblique transcurrentes, refringi debere, ac proinde, omnem
illam

VI.

Cur vitrum contusum, candidum appareat.

VII.

Quomodo diversi oriantur in vitro oblongo, Soli exposito.

illam Colorum varietatem, ab eo pendere, quod partes materiæ subtilis, quas ad modum exiguarum sphæricularum, quæ per terrestrium corporum meatus devolvuntur, concipimus; pro causarum diversitate, quæ earum motus determinant, variis modis moveri. Adeo ut, *Color* qui superiori parte vasis pingitur, *Ruber* sit, quoniam globuli cœlestes, qui luminis actionem transmittunt, multo celerius circumrotantur, quam secundum lineam rectam pergunt. *Ceruleus* vero, in infima parte conspicitur, quoniam iidem globuli, multo tardius rotantur, quam recta procedunt. Causa enim ibi supponitur, quæ eorum motui obluetetur, & eorundem circumvolutionem impediunt. In medio vero *Candidus Color* apparet, quoniam materia cœlestis, æqualem habet circumvolutionis & processus proportionem. Quippe Corpora illa *Alba* appellantur, quæ efficiunt, ut globuli ætherei, eadem mensura rotentur, qua secundum rectam lineam pergunt. Adeo ut totum Colorum discrimen, ex diversâ illorum proportionem solum pendeat, quæ inter illorum motum *rectum & circumlarem* intercedit.

VIII.

De ligno ex
Mexico adducto
quod varium
colorem in
aquam inducit.

Refert P. Athanasius Kircherus, de Arte lucis & umbræ, quoddam esse ligni genus Mexicani, quod illius regionis incolæ, *Coati*, nominant, quod Aquæ varium Colorem insinuat. Quippe si ex eo vas aliquod tornetur, eique Aqua limpidissima imponatur, pauco tempore interjecto, eam colore *Ceruleo* imbuunt, qui tamdiu in aqua subsistit, quamdiu intra vasis latera continetur: In ampullam autem cristalinam transmissa, & multo lumini objecta, pristinam perspicuitatem recuperat,

perat, ni à radianti illo lumine, ad modicam umbram transferatur; quippe tunc *smaragdinam viriditatem* exhibet. Et si in minori adhuc luce ampulla traducatur, Aqua *Rubra* videbitur, non multo a *nigrore* abhorrens.

Aqua prædicto vasi imposita, *cæruleum* primo præfert Colorem, quoniam ambigi nequit, quin infusus liquor meatu ligni subigat & maceret, ac proinde multæ ligni particulæ educantur, quæ humori admixtæ, efficiunt, ut luminis radii, eo modo frangantur & reflectantur quo necessum est, ad *cæsi coloris* speciem oculo exhibendam. Aqua vero in ampullam vitream transmissa, *limpida* denuo evadit, propter Solis, cui exponitur, fulgorem. Quia licet particulæ è ligno eductæ, radios aliquos reflectione, aut refractione emittant; adeo tamen vis luminis prævalet, ut totam eam partium dispositionem expungat, & inoffenso cursu permeet. Sic cotidie videmus Solem, per prismata vitreum lucentem, non Iridis colores exhibere, quos tamen ipsi radii, *in charta* recepti, satis exacte referunt. Deinde ampulla cristallina, ex ingenti luce, ad modicam delata, jucundam & amœnam *viriditatem* ostendit, quoniam ex Solis splendore, qui multum luminis suppeditat, è cælio Colore, quem ipsa vasis cavitas producit, *viridis Color* exurgit, qui ex *cæruleo* & *flavo* componitur. Demum imminuto adhuc lumine, *pullus rubor* videbitur, quia ob luminis decrementum, Rubor ille languescit, & modificatione mutata, in *pullum* & quasi *ferrugineum* generat.

Articulus Decimus.

De oculis Qualitatibus.

I.
*Vulgo censetur
 Spongiam
 Aquam attra-
 here.*

Spongia Aqua afficitur, eamque, quasi illi maritari gauderet, attrahit.

Spongia improprie *Aquam* attrahere dicitur; cum è contra, Aqua potius ad *spongiam* ascendat, & in ejus poros intrudatur. Nam quum Spongia Aquam contingat, illam aliquantulum premit, efficitque ut Aquæ pars compressa affurgat, & Spongiæ fissuras ingrediatur: ut in *Calamo scriptorio* patet, cujus contactu, atramentum illico sursum evehitur, ope nimirum *rimulæ*, quæ ejus cuspedinem intersecat. Quippe si cuspis calami infecta, atramento admoveatur, nihil liquoris attollitur, aut si quid calamo adhæret, confestim delabitur, & defluit, fit igitur Aquæ ascensus, dum *spongiæ* pressione, Aer de loco deturbatur, qui mox Aquæ superficiem propellens, illam sursum deducit, & vi quadam ad incumbentis corporis ingressum adigit.

II.
*Panis recens
 quomodo liquorem
 attrahit.*

Panis recens, si vino, alterive liquori supponatur, ad duos vel tres digitos illum attrahet, & contra naturæ leges, sublata omni pressione, in distans operatur.

Vinum in *panis* cavitates transmittitur, quia cum illæ ampliores sint, quam aeris partibus tantum recipiendis sufficiant, Aeris partes in ipsis inclusæ, undique à subtili materia circumcinguntur, quæ illas concitatus agit, quam
 alibi

alibi moverentur, si sibi ipsis implexæ remanerent. Cum autem omnia Corpora, quæ moventur è locis, in quibus coarctantur, elabi contendunt; fit ut dum Aeris partes, è superficie liquoris meatibus, quæ illum contingunt, egrediuntur, partes Aquæ vel alterius liquoris illis succedant, & derelictum locum occupent. Et quoniam etiam liquoris partes, melius *Panis* cavitates implent. Non tam celeriter in illis agitantur, atque Aeris partes; ac proinde ex illis non egrediuntur, nisi ut superiores panis meatus permeent, & *Aeris* locum assequantur; qui è poris panis exire contendit.

Ovis *Lupi* aspectum horret: pullus primo intuitu *milvum* fugit; & *Columba* toto conatu *Accipitrem* declinat.

III.

*Ovis lupum,
pullus milvum,
columba accipitrem
fugit.*

Solent passim Philosophi hujusmodi aversiones, in mutuam odium referre, & reciprocam inimicitiam attribuere, quæ inter hæc animalia intercedit. Sed id jure asseri nequit. Non enim *lupus ovem*, sicut hæc illum odit: imo *lupus ove* delectatur, & ut sibi conveniens bonum persequitur: cum ipsi sit in alimentum, & ejus carnisbus vitam suam sustentet. *Ovis* igitur viso *lupo*, in fugam se conjicit, quoniam talis est in ea fibrarum plexus, ut à *lupi* corpore reflexum lumen, eam affectionem producat, ex qua fugæ motus sequatur. Evibrantur enim è *lupi* corpore radii, qui tenuissima nervorum opticorum fila moleste afficientes, Cerebrum spiritusque in eo contentos commovent, eosque in nervos & musculos deducunt, eo modo quo ad fugam arripendam, necessum est.

IV.

*An lupo vauc-
dinem iis quos
primo aspicui
inducat.*

Vulgo creditur Hominem à lupo primo conspectum obmutescere, atque ipsius linguam ita præpediri, ut non vocem proferre, nedum clamorem ciere queat.

Id quidem olim jactatum est, sed vane, & absque sufficienti examine; quum experientia constet, parem in Homine commotionem excitari, seu ipsum *lupus*, seu *ipse* lupum prior viderit. Ego ipse in Artesia venando Oculos non semel in lupos, in me obtutum vertentes conjeci, & tamen nullam raucedinem sensi, neque ullam in voce alterationemprehendi. Imo illos sæpe solo clamore fuga distraxi. At quorsum igitur nonnulli, ad lupi conspectum, raucedinem contrahunt, & subito veluti muti efficiuntur? Dico idrimoris interventu provenire, dum de seipsis, aut de grege nimium solliciti, metu corripuntur. Nam tunc præpropere clamare nitentibus, *pulmo* festina nimis demissione ac elatione læditur, concutiturque *arteria*, præ nimia Aeris inductione, qui in illa quasi suffocatur. Accedit quoque, quod relaxati linguæ musculi, ob nimiam spirituum defectionem, haud satis expedite ad vocis formationem extendi queant. Quibus omnibus instrumentis deficientibus, necessum est, quandam *raucedinem* procreari, & linguam, ad vocis articulationem reddi inhabilem.

V. x

*Quæ causa odii
inter plantas.*

Quædam plantæ inter se inimicitias alunt, & mutuum odium testantur: Ut *Quercus* & *Olea*, *Brassica* & *Ruta*, *Filix* & *Arundo*, quæ ita dissident, ut una ab alterius vicinitate abhorreat; nec queant sine alterius detrimento, se contingere.

Ratio

Ratio hujus odii est, non quod istæ stirpes unius alimenti sint avidæ, sed quod inæquali facultate attrahunt. Hinc fit ut quæ potentior est, totum terræ succum depopuletur, illumque sibi alliciat; quo destituta altera, necessum est extenuari, & infeliciter crescere, vel dici potest, plantas loco vicino confitas, mutuæ nutritioni obflare, propterea quod è radicibus, per terram serpentibus, Corpusculorum effluvia seu halitus emittant, quæ aliarum plantarum radices male afficiant, aut enecent. *Olea* enim vicinam humum tanta amaritudine replet, ut *brassicas* & *laticucas* penitus corrumpat. *Filix Arundini* insidiatur, halitu per ejus poros insinuato, qui eos obstruit, aut fibrarum plexum turbat.

Heliotropium, ob Solis imaginem, quam refert, notissimum, Solem continuo contemplatur, & ita ejus motui obsequitur, ut se ad illum indefinenter convertat.

VI.

Quomodo heliotropium ad Solem convertatur.

Id ipsi accidere existimo, quod frutex ille, multa uligine abundet, & crassa humiditate imbuatur, quæ radiis Solaribus agitata, ob Rarefactionem, intra eosdem limites contineri non potest, ac proinde per laxiores poros, hoc est, per eos, qui versus Solem verguntur, exitum querit: Cum vero hujus fruticis collum sit facile mobile, agitatus humor, qui in tenuissima filamina prorumpit, illud circa eam partem convertit, in quam diriguntur. Peculiarem hujus Floris uliginem *Ror* ille arguit, qui in ejus medio, dum Sol altissimus & calidissimus est, conspicitur, qui non Roris maturini reliquæ dici possunt, quum ille, post paucas horas, ab orto Sole, evanescat & exhaletur. Sed sit humor ille,

qui ad Solis præsentiam, ex ejus tranco, effluit,
& usque ad Floris folia evehitur.

VII. *An ossa & cancri in plenilunio nova materia repleantur.* Offa in plenilunio medulla opplentur, & *Cancris* circa idem tempus, nova substantia turgent: Luna vero decresciente, & medulla & substantia illa minuitur.

Hujus experimenti ratio, eadem reddenda est, qua à Plutarcho quæstio quædam solvitur: quorsum scilicet, Equi, quos lupi sunt infecuti, cæteris cursu præstent: quippe postquam ingessit illos, forte velociores, quoniam qui pedibus eos æquare non potuerunt, à lupis hausti sunt: vel quia laxatis, incusso metu artubus, novam agilitatem comparavere, qua retenta, celiores, quam ante videntur. Tandem aliam addit solutionem, quæ à vero haud multum abhorret, forte id quod proponitur, falsum esse, quod de ossibus & Cancris passim vulgatur, cum viri exactissimi, his in rebus, observatores, testentur se contrarium esse expertos, & ossa cancosque omni anni tempestate promiscue plenos aut vacuos inveniri. Quibus assentior.

HISTORIÆ NATURALIS PARS TERTIA.

Mundi & Coeli.

Articulus primus.

De mundi Exordio.

Quamvis Orbis Universi origo, satis nobis per fidem constet, nullique fideli fas sit, de illius incunabulis ambigere; haud tamen abs re fore arbitror, si Rationis vires explorentur, tenteturque, an ejus ductu, ad mundi principium, perveniri possit. Inter *Antiquos*, qui illud detexere, & tanto operi Effectorem moderatoremque assignavere, præcipuus Divinus Plato fuit, merito eo nomine dignus, qui è rerum genitarum contemplatione, mundi opificem agnovit, & ex effectuum natura, supremam Causam complexus est. *Universum*, inquit in Timæo, cernitur, tangitur, & corpus habet; omnia vero talia sensus movent, quæ sensus movent, opinione per sensus dignoscuntur. Hæc vero talia esse constat, ut gignantur & genita sint. Quicquid

I.
*Quid censuerit
Plato de mundi
exortu.*

autem gignitur, ab aliqua causa gigni asserimus. Opificem quidem & Mundi patrem invenire difficile, & cum jam inveneris, prædicare in vulgus.

II.

Partium mundi dispositio opificem ejus asserit.

Enimvero omnia quæ in Universo spectantur, Creatorem prædicant, & nihil natura mortalium oculis objicit, quod non sui authorem loquatur, & ad ejus venerationem excitet. Quem non mundi partium dispositio, ad ejus exortum asserendum impellit, faterique cogit, non esse æternum? An casu, cæcoque fortunæ ductu, prodire hæc omnia quæ miramur? An Terra, an Cælum, an Sidera sponte, & absque peregrino consilio sua loca occupavere? Quæ Atomis vis? Quæ materia potentia, ut mundum tanta varietate insignem efficerent? Si Solem, si Terram, si Planetas componere valuerunt, quidni Urbes, Domos, Tempia, Porticus potuere? quæ minorem operam exigunt, & humana arte cotidie eriguntur.

III.

Fabrica mundi opificem suum prædicat.

Machina concinne elaborata, non nisi a perito Artifice proficiscitur, & ejus præstantiam solertiamque arguit. At quid hac universi machina admirabilius fingi aut excogitari potest? in qua nihil iners & ociosum reperitur, nihil temere aut frustra effectum est. Stirpes contemplare, omnibus peculiaris vis indita est. Animalia intueri, cuilibet suum inest ingenium, & attributa naturæ propensio. In Cælum mente conscende, illic Sidera aspicias, sed locis suis disposita, cursum suum æquali tenore perficientia, & non nisi certa vicissitudine munia sua obeuntia. Sicut simulachrum, ait Mercurius Trismegistus, aut imaginem sine sculptore aut Pictore, nullus fieri dicet;

*dicet, hoc autem opificium sine Opifice factum erit?
O multam cecitatem.*

Totum eadem, qua partes ejus, natura im-
buitur, cum ex illis resultet, & ab earum diver-
sitate distinctionem suam mutuatur. Nihil au-
tem constantius, quam partes, quibus Mundus
coagmentatur dissolvi, & ortui interituique esse
obnoxia. *Terra* generationis Corruptionisque
theatrum est, quæ raro eandem faciem refert,
quæque secundum temporum vices, aliam atque
aliam personam induit. *Ignis* cotidie perit, &
qui tanto robore pollere videtur, momento eva-
nescit. *Aqua* à siccis corporibus exsugitur, &
motu suo quo Corpora penetrat, in flores &
gramina degenerat. Nihil in Orbe diu perse-
verat, & clare evincitur *natum esse*, quod ali-
quando *desinere* potest.

IV.

*Partes mundi
cum sint corru-
ptibiles, illum
talem efficiunt.*

Quidam hujus argumenti vim eludere nitun-
tur, dicendo generationem & Corruptionem, *Objection.*
mundi quidem partibus competere; nihil famen
obstare, quominus totus idem perseveret, & æ-
ternus habeatur; cum rerum summa eadem
maneat, & non nisi quoad exteriora alteretur,
non alio modo, quo *Cera*, quæ non aliam natu-
ram adipiscitur, dum varias *sigillorum* impressi-
ones patitur, sed alteri tantum figuræ subest, &
retenta substantia habitum commutat.

V.

Ipsis ultro demus in mundo, non nisi acciden-
tariam mutationem contingere, non tamen inde
probe concludetur, *Totum* dissolvi non posse.
Nam si unius alteriusve partis ruina fieri potest,
quidni viginti, centum, mille, & omnium,
cum

VI.

*Responsio ad
objectionem.*

cum videamus labes aliis alias in orbe accidere, & multa uno die perire, quæ intacta per plurima secula remanserant. Et quamvis hæc non passim contingant, & multi anni absque huiusmodi cladibus interlabantur, non tamen inde legitime inferetur illas evenire non posse. Cum multa sæpe ingruant, quæ longo antea temporis spatium ignota, inauditaque fuere. Nihil ad rem pertinet, quod *Cera*, non nisi extrinsecus mutationem patiat. Quippe mundus motione incessina concuti potest, & fusque deque subverti. Annon nova cotidie nascuntur, & vetusta pereunt? uti in partibus mutatio fieri potest, ita totum iisdem perturbationibus affici, & aliam prorsus faciem assumere.

VII.

*Mundi ortum
Historiæ tes-
tantur.*

Sed quoniam Naturæ Historiam exarare hic propositum est, lubet mundi originem ex *Antiquorum* monumentis deducere, & quousque, & quas habemus historias, porrigantur, aperire. Nulla hominum gesta ante *Thebanum*, *Trojanumve bellum* commemorantur, & quicquid posteritas novit, nostrorum temporum scriptoribus debet. At si mundus æternus est, omnique principio caruit, quomodo factum est, ut qui præextitere Poetæ & Historici, facta suorum non cecinere? & scriptis mandavere, quæ tam immenso temporis decursu, ab Heroibus suis patrata sunt, aut à legislatoribus in universi fuisse condita? Verum, cum nihil horum extet, tacite innuitur mundum creatum esse, & haud multo ante illa tempora ortum habuisse.

VIII.

Neque minus quas profiteamur Artes, Mundi initium arguant; cum quælibet, paucis elapsis

plis abhinc annis, *authorem* suum habuerit, & cuiusque nomen, patriam, sortem codices nostri referant. Noscimus enim quis *Aratro* primus Terram erruerit; quis *ferrum* ministraverit in mortalium perniciem, quis ludi *gladiatorii* author fuerit, & quis etiam in ordinem *saltare*, quis disjunctis manibus, pedes agitare docuerit. Si vero a principio, imo ante principium factus est mundus, quomodo post tam longam annorum seriem, non eodem quo nos usi sunt cultu? quomodo neglecta *litterarum* formatio, à qua sola æternitatis memoria servatur? Quo pacto non prius Agro *viuis* inserta est, cur tamdiu à campis *Olea* exulavit? Qui *pixis nautica* tamdiu latuit, cujus subsidio, nunc Maria trajicimus, & novas terras, novosque Homines detegimus. Hæc omnia mundi æternitati palam adversantur, insinuantque non longam retro hujus ætatem; productum editumque fuisse. Hinc Lucretius.

*Artes indicant
mundum non
diu extitisse.*

— *Habet novitatem, summa recens
Natura est mundi, neque pridem exordia capit.*

Qua vero *anni* tempestate, conditus fuerit mundus, non certe inter authores liquet, quibusdam *veri*, aliis *Autumno* faventibus. Sed quorsum alterutra præferenda sit, non video: cum in orbe ver & Autumnus continuo regnent, & secundum diversas ejus partes dominantur. In una frigore corpora rigent, in altera æstu fervere-
cunt: In una

IX.

*Quo Anni tem-
pore productus
est mundus.*

Vere madent udo terræ, ut cum Virgilio dicam, in alia, pampineo gravidus Autumno floret æger, Absurdum autem videtur mundi exordium

um secundum aliquam tempestatem determinare, quum in eo, quatuor simul tempestates reperiantur. Si vero, de plaga illa *Boreali* intelligatur, in qua Homines primum nasci, & degere Deus voluerit, probabile est, ejus respectu, *Autumnus* fuisse: quum Rationi consentaneum sit, omnia à Deo esse condita, nihilque ab eo fieri, quod non sit numeris omnibus absolutum.

Articulus secundus.

De Rerum genesi, & partium Mundi digestionem.

I.
*Terra & calis
productio à
Moise descripta.*

Moses, cujus narrationi non neoterici modo Philosophi, sed & veteres adstipulantur, *capite primo Geneseos*, mundi Creationem magno cum apparatu describit, orsus a Terræ & Cœli productione, quibus veluti centro & peripheria totum universum complexus est. *In principio*, inquit, *creavit Deus Cælum & Terram*: Sed *Terra* quam stagnans *Aqua* tegebat, undique tenebris obvolvebatur, fiebatque *Inanis* & infœcunda. Quia licet *Spiritus*, sive subtilis materia, toti Terræ moli incumberet, ejusque inertiam excitaret, quia vero tumultuarie coibat, & non certo adhuc motu ferebatur, *vacua*, id est invisibilis tamdiu remansit, donec Omnipotentis *Verbo lux facta est*, quæ tempora dirimeret, efficeretque, ut quæque suis in locis conspicerentur. Hoc siquidem verbo, Deus materiæ partibus motum ingeneravit, eisque illam propensionem indidit, ad hunc motum, in recta linea continuandum, quem *lumen* appellamus. Itaque ex lucis & tenebrarum mixtura, mundus in diver-

II.
*Opus primæ
dici.*

diversas provincias distinctus est, & non nisi materia subtili, cætera corpora pervadente, tenuiora à crassioribus, & gravia à levioribus secreta sunt. Hoc *primi Diei* opus, & Supremi Entis omnipotentiae argumentum. Nam nihil de novo posteris diebus productum est, sed omnia duntaxat in ordinem redacta, & cuilibet Corpori suis assignatus motus.

Die secundo, interjecto inter Aquas *firmamento* nonnullæ locum superiorem sortitæ sunt, *III. Opus secunda diei.* aliæ Terræ superficiem percurrentes, gignendis alendisque piscibus sunt deputatæ. Quippe si *firmamenti* etimologiam scrutemur, nihil aliud quam magnam ac maxime diffusam extensionem significare reperiemus, quam ex *vorticum* dispositione ortam esse concipimus, dum inter se sunt adaptati, & ita sibiipsis adhæserunt, ut unius *Ecliptica* aliorum *Polis* responderet, atque unius motus, aliorum gyrationem juvaret potius quam impediret. Itaque materia cœlesti ingentes illas Corporum moles intercurrente, *Aquæ ab Aquis* secretæ sunt, & quæ Terram tegebant, *firmamenti* positione, ab aliis, quæ solidis crassisque corporibus incumbebant, longo intervallo avulsæ sunt: Ac proinde *quæ sub firmamento*, ab iis, quæ supra *firmamentum* divisæ sunt ac separatæ. Constat enim Mosen *Cælestia Corpora* nostri intuitu superiora existimare, *Terram* vero quam incolimus, inferiorem locum occupare.

Tertio die in unum locum *congregate sunt* *IV. Opus diei tertia.* *Aquæ*, & arida facta est Terra: quia cum Terra Aquis undique obvolveretur, nihilque ejus appareretur, bonum naturæ Authori visum est, Aquas

Aquas in certa quâdam loca colligere, quatenus iis nudata, omnis generis *gramina, plantas, Arbores*, è sinu suo erueret. Hinc *Sicca* vocata est: Aquarum vero collectioni nomen *Maris* inditum. Verum, quoniam Telluris rotunditas obstabat, ne in unum Aquæ convenirent, nullaque cavitas aderat, quæ tanto liquori recipiendo sufficeret, fide credendum est, eo ipso die formatos esse *Montes*, aliasque Telluris partes assurrexisse, quæ vallibus post se relictis, diffusum antea æquor reconderent, & suis lateribus tuerenter.

V.

Opus quartæ
diei.

His stabilitis, & disposita suo ordine mundi materia ad ejus ornamentum perfectum est. Quarto namque die duo *Ingentia luminaria*, in firmamento posita sunt, ut essent in *Tempora, Dies, & Annos*, hoc est, quibus diurnus annuusque Terræ circuitus, planetarum revolutiones, & Statæ solis periodi innotescerent. Eadem opera, innumeræ Stellæ adjectæ sunt, quæ propria luce gauderent, & Radios undique vibrarent.

VI.

Opus quintæ
diei.

Quinto die, adjecit Deus, ut ex Aquis moventia Animantia ederentur, fierentque ex Aere *volatilia*, quæ per æthereæ spatia ferrerentur, & in liquida materia, Corpora sua librarent. Eodem verbo *Reptilia* prodire, quæ absque pedum adminiculo graderentur, & pectore suo Terram ferirent.

VII.

Sextæ diei
opus.

Demum perfecto domicilio, instructoque omni rerum varietate palatio, microcosmus in macrocosmum introductus est, *Vita, Sensu, Ratione* præditus; utpote ad mundi Imperium genitus,

genitus, & cui *Pisces* maris, *Aeris volatilia*, cæteraque *Terræ Animantia*, obsequium præstarent. His peractis, ab opere cessatum est, & impositus laboribus finis. Hanc totam mundi genesim paucis Versibus *Danæus* in *Phyfica Christiana* complexus est, quam hic exscribere non pigebit.

Prima dies cælum & terram lucemque creavit
Alter a distendit spatium, discrimen aquarum:
Tertia secernens undas, dat gramina terris:
Quarta creat Solem & lunam, caelestiaque astra:
Quinta dedit pisces, eadem genus omne volantum
Sexta tulit pecudes, hominem quoque, quem Deus
ipse
Condidit, inde operis requies lux septima fulsit.

Articulus tertius.

De mundi interitu.

EX dictis manifestum sit, conditum esse mundum, & ea esse corruptioni obnoxia, quæ ortum habuere. Nam quidni principium destructivum nanciscatur, quod productivum habuit? Et esse aliquando desinat; quod semel esse incoepit. Annon *materia*, ex qua totum universum conflatum est, interitus origo & causa est? Quid unquam ea substante, sempiternum fabricatum est? Cuncta quæ spectamus, cotidie labuntur, & veluti destinato cursu ad finem properant.

I.
Quod principium habuit, finem quoque habere necessarium est.

Verum obstabis non defuisse philosophos qui mundo æternitatem asseruerint, putarintque ingen-

II.

Priscorum opinio de mundi duratione.

ingentem hanc machinam tam affabre esse confectam, ut pati aliquod exitium nequeat. Hujus Sententiæ fuere *Zenophantes*, *Melissus*, *Aristoteles*, & alii, impietatis eos insimulantes qui mundo Durationis terminum adscriberent & aliquando esse perituum profiterentur. Neque *Plato* & *Pythagoras*, huic opinioni adversati sunt: Quia licet mundum finem habiturum esse crediderint, non tamen nisi à Deo corrumpendum esse censuerunt; ea ratione nixi, quod tanto Opifice indignum sit, opus suum destrui, & tam miro artificio elaboratam *machinam* aliquando dissolvi. Parentis esse fœtus suos servare, & nullo pacto, ad eorum perniciem impelli:

III.

Mundus natura est corruptibilis.

Sed cæcorum sunt hæc judicia, qui non probe ad mundi constitutionem attendentes, rati sunt, inter ejus partes, vincula intercedere, quæ nulla ætas, nulla secula perrumpere sufficerent. Sed ut auctoritatem authoritati opponamus; Annon aliter *Epicurei* & *Stoici* senserunt? quorum ultimi, præter *jovem*, nihil immortale esse sunt opinati, & hanc Terram, mare, Aerem, Cœlumque ipsum æqualiter interitura affirmant, & in alia Corpora degeneratura. Ut vaticinari videtur *Tragicus* poetain *Herc. Oet.*

*Cæli regia concidet,
Certos atque obitus trahet,
Atque omnes pariter Deos,
Perdet nox aliqua, & chaos.*

Sed quorsum veterum philosophorum testimoniis ad mundi corruptionem asserendum opus est? quum quæ presentibus nobis accidunt,

dunt, decrementa, ejus arguant, & senescentem ætatem loquantur? Quare advocanda Scripturæ autoritas, ut sciamus omnia, quæ in mundo sunt, delabi, & ad finem properare? Quis nescit *Tempestates* desicere, & à pristinis viribus declinare? Decrescit quotannis æstatis fervor, non *Hyems* solitos imbres feminibus alendis supeditat, non ita sata vere, læta prodeunt, nec *Autumnus* talem tenero dat palmite fructum. Omnia denique minuuntur, & à primæva virtute paulatim defleunt. Si Terram scrutamur, si montium radices subeamus, quam tenuis *Auri Argenticque* vis, quam raræ metallorum venæ reperiuntur, si eas cum illis conferamus, quas prisca referunt, & historiæ etiam nostræ testantur.

Neque minora sunt aliis in rebus decrementa; nam quis non experitur, pauciores quam majorum temporibus extare Homines, & Arva Agriculis, Castra militibus, Maria nautis pene destitui? Quid autem tam generalis Rerum defectio, aliud quam mundi Senium arguit, & omnes creaturas ad extrema vergere; Occidi necessum est, quod paulatim decrescit, & occultotramite, ad exitum decurrit. Hæc igitur inconcussa Dei lex est, ut omnia, quæ originem accepere, denascantur, & quæ longo tempore aucta sunt, senescant & emoriantur.

Sed quorsum tot sermones ad imminentem Mundi senectutem ostendendum cum videamus Hominum vitam, indies minorem fieri, & paucis annorum curriculis terminari. Quondam ultra octingentos & nongentos annos *Aur* ut cum

IV.

Generalis rerum defectio mundo finem imminere præcendit.

V.

Solito brevior hominum vita mundi senium prædicat.

poeta loquar, *vescebantur ætherea*: nunc vix centenarium annum attingunt, & si forte eo pervenerint, tanta animi molestia, tantoque Corporis dolore vexantur; ut nihil magis exoptent, quam vitam suam, cum morte commutare. Qui igitur cum continua *mundi* labe, *Tempestatum* defectione, *mortalium* senio mundi *Æternitas* consistere potest, & quod perpetuo alteratur, esse sempiternum?

VI.

*Elementa ad
mundi destru-
ctionem conspi-
rant.*

Aliud argumentum ex particularibus mutationibus desumi potest, quæ semper mundo labem inferunt, & diversa ratione ad ejus exitum conspirant. Quas non strages Ignis mundo attulit? quot *Regiones* Sol, quem *Vitæ parentem, universique Animam* appellamus, corripuit, & quæ antea produxisse videbatur, extinxit? Quoties *Aqua* mundo infesta fuit? quot contigere diluvia, quorum *Aquis* obruta *Tellus*, infœcunda per aliquot menses reddita est, incolis orbata, & in pristinum chaos tantum non redacta. Quoad nos, licet mortem nondum simul experti, & longiorem nobis vitam, quam aliis speremus: Ratione tamen ad credendum adigimur, illam nobis quondam adfuturam, quum iisdem corporeis infirmitatibus subijciamur, quibus ii qui nos præcessere, fuerunt obnoxii. Similiter, quamvis totius mundi Ruinam non viderimus, nihilque adhuc oculis objectum est, quod ejus interitum præfagiat, par est tamen conjicere, illum ipsi imminere, quum iisdem morbis teneatur, quibus cætera, quæ periisse referuntur.

Articulus quartus.

De Rerum Generatione & Corruptione.

Nihil apud nos solentius, quam ignem ex ligno generari, & Corpus subtile ac fluidum, ex crassa ac dura materia procreari.

Generatur Ignis ex ligno, non *nove forme* exitu, ut Aristotelici putant, sed sola partium dispositione, situ, cæterisque aliis modis, quæ cujusque Corporis formam constituunt. Nam nihil ligni deperditur, dum ardet, & in *flamam, carbonem*que convertitur, sed alia tantum fit partium connectio, & alius à priori existendi modus. Ut enim Ignis exitetur, debent globuli cœlestes, qui omnia intervalla circa Terram occupant, vi aliqua expelli ab intervallis nonnullarum partium terrestrium, quæ deinde à se invicem disjunctæ, atque in sola materia primi elementi natantes, celerimò ejus motu rapiuntur, & quaquaversus impelluntur.

Ex frusto ligni cremato, *Sal* generatur, ut *Chymici* testantur, qui in distillationibus *Mercurium, Sulphur, & Salem* extrahunt; Cujus ultimi partes Aquæ immiscuntur, & veluti cum illa incorporantur.

Hujusmodi eductionibus generationis nomen non nisi improprie tribuitur, cum in iis nulla partium adaptatio secundum figuram, quantitatem, & motum fiat; quam ad genuinam generationis rationem requiri antea diximus, sed partium tantum discretio. Salis enim particulæ,

I.

Quomodo ex ligno Ignis generetur.

II.

An Sal è ligno aut alia materia generetur.

cum minutæ sint & exiles, facile à ligni partibus obruuntur, quæ nunquam pungunt, lapidæque evadunt, ni prius seorsim ponantur, & à cæteris, caloris vi secernantur. Manifestum est, *Argenti* unciam cum ingenti massa *Auri*, ita posse coalescere, ipsique ita intime commisceri, ut nulla *Auri* pars detur in qua non aliqua *Argenti* portio reperiat: nullus autem qui sane philosophatur, affirmabit *Argentum*, dum *Aqua forti*, ab *Auro* separatur, Generari: sed solum ejus particulas, quæ in *Auro* commiscebantur, extrahi; & suæ naturæ libertatique restitui. *Sal* igitur ligno commistus naturam suam retinet, etli non sentiat, vimque suam exerat, id provenit, quod ab innumeris ligni partibus obducatur, & ejus aculei, aliorum corpusculorum occursum, quodammodo refringantur.

III.

*Qua ratione
triticum in panem
& postea
in sanguinem
convertatur.*

Tritici grana, molarum compressione, in *farinam* abeunt, quæ mox *Aquæ* admixta, manuum opera, furnique calore, in *panem* degenerat, quique in ventrem immissus, & acido penetranti-que succo diminutus, in *sanguinem* tandem convertitur.

Hujus progressus causa à solo motu petenda est, qui omnem pene mutationem in Corporibus generat, & illam diversitatem inducit, quam in Cælo Terraque spectamus. Non enim existimandum est, in Rerum Generatione aliquid novi acquiri, aut earundem interitu, quicquam deperdi, quod in ipsis antea, non continebatur, sed novam tantum partium connectionem oriri, & alium à priori existendi modum. Adco ut, dum *Tritici grana* in *farinam* primum, deinde in *panem*, & demum in *chylum* & *Sanguinem* commu-

commutantur, nihil aliud, in toto eo progressu reperiatur præter motum localem, quamvis species ipsa mutari videatur. Ut apposite Ovidius describit decimo quinto Metamorph.

— *Omnia mutantur, nihil interit,
Nec perit in tanto quicquam, mihi credite, mundo.
Sed variat faciemque novat: nascique vocatur
Incipere esse aliud quam quod fuit ante, morique
Desinere illud.*

Ubi vero talis partium seu insensibilium, seu sensibilibium mutatio non contingit, nulla fieri potest mutatio, ut in *Talco*, *Auro*, *Hydrargyro*, & Aliis, quæ tam arcto vinculo copulantur, ut nulla vi se jungi queant; aut eo modo subigi, quin pristinæ formæ restituantur.

Nihil communius apud Philosophos, quam *Aquam* in *Vapores* converti, & vice versa vapores frigore ita condensari, ut *Aquæ* naturam de novo assument.

Scio Aristotelicos non arbitrari hanc mutationem esse mutuam, cum sibi fingant, in omni generatione novam substantialem formam acquiri, & aliam interire, ac proinde ut Aristotelis verbis utar, secundo de generatione, capite ultimo. *Si ex Aere Aqua fiat, & ex eadem Aqua rursus Aer, fore Aerem specie eundem, non vero eundem numero.* Sed id verisimile non videtur, cum in iis mutationibus, earundem prorsus partium restitutio fieri possit. Nam sicuti *Machina* centum aut ducentis partibus constans, ubi dissoluta fuerit, à perito *Artifice*, refarciri, & in integro reformari potest: ita quidni *Aqua* penitus

IV.

Quomodo dicuntur vapores in Aquam converti, aut è contra.

eadem, pristinam formam denuo induat, si eadem vaporis particulæ, ad se invicem accedant, & iterum uniantur. Quis dicet Aquæ guttam, quæ per *alembicum* evaporatur, & eadem vase excepta concrefcit, specie distingui? cum omnes ejus partes colligi denuo possint, eidem figuræ subjeci, similemque locum occupare. Tota igitur quæ Aquæ & vaporis interest differentia, ex solo motu & figura pendet, quoniam vaporis partes magis agitantur, magisque à se mutuo dissident, quam partes Aquæ, quæ minus cientur, minusque spatium occupant.

Articulus quintus.

De Cælo.

I.
*Novæ phasæ
in venere qua-
re contingunt.*

CONSTAT Corpora in Cælo, non minus quam supra terram mutari, & novas figuras, novosque colores acquirere; ut *Phasæ* quæ in *venere* contingunt, testantur, quæ haud multum à *Lunæ* phasibus differunt, & eodem pene modo oculis obtenduntur.

Hujus varietatis causa ab ipsius *Veneris* motu pendet, qui fluido Cælo innatans, circa solem volvitur, & prout supra, infra, aut ad latera ejus fertur, novas phasæ procreat. Cum enim *Planeta* mutuato à *Sole* lumine illuminentur, diversas nobis facies exhibent, prout circa Solem excurrunt, & in ejus oppositione sunt, aut conjunctione.

II.
*Cometæ ex uno
cælo in aliud
transmigrant.*

Cometæ diversas Cæli regiones peragrant, & ita cito motu feruntur, ut intra paucos dies ex oculis penitus evanescunt. Quippe deprehenduntur

tur ingentia ultra Solem spatia trajicere, & ex uno cœlo in aliud transire.

Hoc phænomenon demonstratam à nobis in *Institutione philosophiæ*, Cœli fluiditatem evincit, sine qua non Corporum motus, non trajectory fieri potest. Nam quo pacto Sidera aut Cometæ, ab uno loco in alium transferri possent, si ubique solida adsint corpora, quæ eorum cursum remorentur, aut impressum impetum retundant? Cometæ igitur celeriter per planetarum spatia vagantur, quoniam Cœlum, Aeri nostro simile, licet multo purius, solidis Corporibus cedit, & facile se penetrari sustinet.

Corpora quæ in Cœlo moventur, ubique sine obstaculo pergunt, & tanto impetu feruntur, ut omnia spatia, æquali semper cursu trajiciant, cujus contrarium in Aere nostro, cui affine Cælum esse diximus experimur: ubi per eum *Aves* volando lassitudinem contrahunt, & non nisi ægre corpora sua in eo librant.

Gassendus præveniendæ huic difficultati, spatia Inania In Cœlo esse imaginatus est, quibus *Siderum* velocitatem attribuit, quum illa omni materia destituta concipiat, & solis siderum radiis pervia. Existimavit quoque, quantælibet molis ponantur Sidera, nullam gravitatem habere; ac proinde non medio sustentante indigere; quemadmodum *Aves*, dum in Aere pendunt, aut *pisces*, cum in mari natant, aut flumina percurrunt. Verum quoniam antea ea Gassendi sententia rejecta est, atque probatum est, nulla potentia posse in mundum, vacuum intro-mitti; unam duntaxat addam: vacuo intra Cœli ambitus admissio, nullam fore inter longe dis-

III.

*Mota in Cœlo
corpora eundem
semper cursum
servant.*

sita corpora distantiam, ac proinde, idem tunc esset, ac si quis assereret dari in mundo spatium *extensum* absque *extensione*, & in eo inveniri *altum* & profundum, citra aliquam *altitudinem* & profunditatem. Ratio igitur cur quædam Sidera libere per Cœlos vagentur, nullamque in cursu suo obicem offendant, non inde provenit, quod liquidum corpus, per quod feruntur, eorum motibus non obstet, cum tale dari in natura implicet, sed solum, quod fluidæ istius substantiæ partes, quæ varie moventur, nec in unam potius, quam in aliam regionem simul tendunt, à materia subtili determinantur, cujus motui obsequentes, versus certam Cœli plagam devehuntur. Non dissimili modo, quam altera libræ *lanx*, quæ externo impetu etiam exiguo, facile attollitur, vel deprimitur.

IV.

*Cur Cælum cœ-
laris cœrulei ap-
paret, dum ni-
tidum est.*

Cœlum Aere puro, & crassis corporibus defæcato, *Colore cœruleo* pingitur; quod etiam Sole exorto contingit, si ante Auroram, stellis micantibus interstinctum fuerit. Quippe tunc, tam in loco ubi fulgent, quam ubi Solis lumine extinguuntur, undique cœruleus Color videbitur.

Color hic adventitius, non tam ipsi cœlesti Corpori, quam vaporibus & exhalationibus, quæ supra nos pendent, debet attribui. Constat enim, Cœlum, nullum lumen emittere, imo maxime tenebrosam à nobis visum iri, nisi alia Corpora interjacerent, quæ aliquot radios ad nos reflecterent; sive quæ globulos secundi elementi quos *Sol* aut *Stella* in ipsa propulerunt, versus oculos nostros remitterent. Nam cum illi vapores rari sint, plurimumque dilatentur, cœlestes globuli, non satis multas particulas offendunt

dunt, ut æque celeriter in *gyrum* ac secundum *lineam rectam* ferantur, ac proinde contingit, ut cælum colore cæruleo tinctum appareat, ut antehæc de illius natura dictum est.

Plures stellæ in cœlo nascuntur, quæ antea visæ non fuerant, uti de *Merope* seu *Electra* narrant Mathematici, quæ diu ante Trojanum bellum conspicua, paulatim posthæc extincta est. Aliam *Tycho brabens* in Cygni constellatione adnotavit, quæ etiam in Cœlo, per multos annos apparuit, & demum ex oculis veluti Senescens evanuit.

Horum sicut & aliorum Siderum de novo orientium causa, passim à *Mathematicis*, in cœlorum corruptibilitatem refunditur. Quod enim in alio generatur, ab eo suæ procreationis materiam mutuatur, & ex ejus dissolutione provenire necessum est. Majus enim corruptibilitatis rei alicujus argumentum adferri non potest, quam si dicatur, in ea multa oriri & interire; & genitorum moles decrescere & minui, quod in novis stellis contingere, posthæc manifestius reddetur.

V.
Qui sit ut quædam stellæ, in Cælo evanes-
cunt.

Articulus sextus.

De Sole.

Solis effectuum præcipuus, maximeque communis est Calor, quem per diffusa undique spatia ad nos transmittit. Quippe nullibi Solis radii appellant, quin Calorem illic ingerant, & eas mutationes inducant, quas à Flamma produci quotidie cernimus. Hinc *Parmenides* & *Heraclitus* apud *Stobæum*, credidere Cælum ignem esse

I.
Quo pacto sol
calidus esse di-
citur.

esse, & Stellas veluti inflammatos cētones in eo locari, quibus ad nos lumen devehitur, & tanquam è fontibus, rerum inferiorum vigor profluit.

Qui *Aristotelem* sectantur, hunc effectum Solis virtuti duntaxat, non vero illius substantiæ acceptum referunt, quem ignea natura præditum esse inficiuntur, & vi sola, non autem ad tactum Calidum esse. Ad instar *Zinziberis*, & *spiritus vini*, quæ calorem in ore & in stomacho exitant; quo tamen destituuntur, si manui apponantur. Verum unde illis constat Solem *eminenter* tantum, & non reipsa calidum esse? An sensu aliquo id percipere? An forte tam prope Soli admoti sunt, ut illum manu contingerent? Quidni potius *nativum* ei calorem attribuunt, cum in omnibus Igni assimiletur, & ejus naturam omnimode referat. Nihil hic supra Terram *flamma* mobilius cernimus, quum omnia pene corpora agitet, & sua activitate dissolvat. Annon idem Mathematici ope *Telescopii* deprehenderunt, qui Solem *Auri* instar in fornace fervercentis aut *Maris* undique igneis fluctibus acti, ebullire vidisse testantur? Quid vero aliud est *formalis* Calor, quam varius exiguarum partium Corporis motus, dum illæ nimirum, diversimode agitantur, & aliter atque aliter inter se feruntur. Quod Soli contingere, nemo inficias ibit, nisi qui ejus naturam penitus ignorat. . . Quod autem de *Spiritu vini* & *pipere* adferunt, non tam in illorum, quam nostram rem facit, quum illa calida esse percipiātur, nisi in illorum partibus, subtilis materia, primo motum excitet, & illas à se invicem disjungat. Solis vero particulæ in perpetuo sunt motu, & quamvis ultra terminos, quibus includuntur, non excurrant, situm tamen
vari-

variant, & ad partes diversas feruntur.

Sol libero oculo intuenti sphæricus apparet, præsertim si oculus exinuo *telescopio* muniatur, cuius vitrum concavum, diluto aliquo liquore, exempli causa, *Janthino* tingatur; quippe tunc non disci duntaxat, ut antea figuram referet; sed totius sphærici corporis convexum deteget.

II.
Cur Sol sphæricam habeat figuram.

Hujus phænomeni ratio est, quod materia primi elementi, quæ Solis Corpus componit, ab illius centro, omni ex parte recedere conatur, & æquali nisu circumjacentem materiam premit. Nam *naturæ lex* est, ut corpora quæ circulariter moventur, à centro circuli, quem describunt, quantum in se est, recedant, & per amplius spatium dilatari contendant: ac proinde loca post se relinquunt sphærica, ab alia subtiliori materia replenda. Cumque etiam *Vortex*, in quo Sol formatus est, à circumambientibus aliis vorticibus undique prematur, & à motu suo per lineam rectam persequendo impediatur, necessum est, ut *Rotundus* maneat, & aliam figuram nunquam adipiscatur. Ut patet in *Vitro*, quod in orbem effingitur, dum transmissus per tubum *Aer*, vitri partes æqualiter premit, & non minus ad fundum, quam in latera protruditur.

III.
Sol sub eadem semper magnitudine & figura conspicitur.

Nullam adhuc in sole mutationem mathematici deprehenderunt, quem eadem constare magnitudine, iisdemque pollere viribus, cum quibus formatus est, agnoscunt. Quod nonnulli adducunt, ad probandum igneæ naturæ non esse, cum pabulo non indigeat ad sui nutritionem, & eo deficiente non extinguitur.

Licet Sol pro igne habeatur, & iisdem quibus flamma, videatur defectibus obnoxius, non tamen

men inde concluditur, pabulo, quemadmodum hic, qui apud nos est *ignis*, quo alatur indigere. Nam secundum naturæ leges, quodlibet Corpus, *in eodem semper statu permanet*, donec a peregrino agente inde deturbetur. Unde patet *Ignem*, cum fluidæ ac mobilis sit naturæ, facile supra terram à circumjacente materia arripi ac destrui, & proinde ipsi alimento opus esse, quo amissa refarciat, & dum aliquid ejus materiæ evanescit, altera in ejus locum substituatur. Tali autem desinendi genere, Sol non periclitatur, cujus ruinam non ita vicinæ Cœli partes machinantur, nec ita ad ejus destructionem conspirant. Aliquo tamen pabulo eget, & unus semper esse existimetur, sed illud ipsissimam primi elementi materiam esse dicimus, quæ sicut per *Eclipticam*, sive loca à polis solaribus remota elabitur, ita nova semper materia, in solem per *polos* ingreditur, & ad locum similis abeuntis, perpetuo accedit. Unde sicuti *flumen*, idem semper manere dicitur, si Aquarum substitutione reparatur: ita Sol novæ materiæ ingressu, idem perseverat, & eandem molem, eandemque figuram semper tuetur.

IV.

*Cur Sol oriens
vel occidens
major appareat
quam circa me-
ridianum.*

Sol horizonti proximus major apparet, quam ab eo distans, dum scilicet, circa meridianum in Cœli vertice versatur: quippe tunc altior, eventiorque esse concipitur.

Hujus deceptionis ratio, à radiorum refractione petitur, quæ in vapore rorido peragitur, quorum inflexio, angulum visorium dilatat, & rei magnitudinem auget. Quia tum *vapor* non nisi modicum supra Horizontem evehatur, in cujus tamen plano maxime extenditur, fit ut radii solares plures hinc & inde, quam sursum coeant,

eant, efficiantque, ut longior Solis *diameter*, quæ tunc cernitur, plano Horizontis parallela reddatur. Sol autem, circa meridianum in Cæli vertice evectior apparet, quoniam radii, qui a Sole proficiscuntur, cum per diversæ raritatis Corpora, cælum scilicet *æthereum* & *Aerem* pertranseant, versus perpendicularem, hoc est, illum qui à Sole, ad centrum *Atmosphære* tendit, refringuntur, ac proinde maxima refractione, in oculum incidunt. Quo fit, ut *oculus* multo evectiorem esse Solem, quam revera sit, *apprehendat*, oculus enim objecti magnitudinem metitur, secundum lineam rectam, quæ ejus retinam ultimo attingit. Accidit quoque, quod radius, qui a puncto *Atmosphære*, in quo refractione fit, & ad oculum continuari intelligitur, non ad Solem terminetur, sed aliquanto supra illum porrigatur; quod occasionem Sensui præbet, illum altiore, quam sit, apprehendere, & loco eminentiori contineri.

V.

Sol præsertim circa ortum & occasum *tremulus* conspicitur, & veluti vertiginem pateretur, circa proprium axem circumduci, & aliquo modo subsultare apparet. Unde Claudianus primo de Stiliconis laudibus

*Circa ortum &
occasum Sol
tremere vide-
tur.*

*Tunc & Solis equos, tunc exultasse choræis
Astra ferunt.*

Quam ob causam, inter plebeios receptum est, *die paschatis*, eam undulationem attentius circa vesperam observare; quod credant omnia creata eo die, ob Domini *Resurrectionem* exultare, & Solem peculiari quodam gestu, lætitiâ suam testari.

Quidam hunc effectum Solis *turbationi* assignant,

signant, quasi ejus lumbus revera tremulo motu concutitur, & ita circa axem suum volvatur, ut quandam palpitationem pariat. Sed id falsum esse deprehenditur, quod motus Solis circa centrum suum insensibilis sit, & non nisi post repetitas observationes deprehendi queat. Causatur igitur hic apparens tremor, ab interpositis vaporibus, qui calore agitati, tremorem quandam præferunt; ac proinde eos trajicientes radii, eo modo oculi retinam concutunt, ut subsilire Sol, & tripudiare videatur. Eo plane modo, quo Sol in *charta*, aut *pariete* cernitur, si lucernæ fummi ejus radios intercipient, & medium inter illos locum occupent. Vel quo *lapis* in fundo fluminis quiescens, ob superfluentis Aquæ cursum tremere cernitur, & quandam vertiginem habere.

Articulus septimus.

De Stellis fixis.

I.
Stellæ fixæ propria luce fulgent.

STELLÆ fixæ scintillant, eamque vibrationem præferunt, qua Sol emicat, & propria luce fulgere deprehenditur.

Hujus ratio est, quod Stellæ veluti tot Soles in suis vorticibus sint, qui ex materia fluidissima constant, quæ circa centrum suum summa velocitate gyratur: Unde fit, ut materiam illam, quæ ab Attris ad oculos nostros continuata extenditur, premant, efficiantque, ut eam *pressionem*, quam *lumen* appellamus, sentiamus. Id stellarum à Sole distantia confirmat, quæ tanta est, ut iis illuminandis Sol nullo modo sufficere possit. Nam

fi

si Sol inter fixas existeret, non major nobis esset appariturus, quam illarum minima; & vicissim si *Canicula*, exempli causa, quæ inter Fixas minima numeratur, ex orbe suo eriperetur, & Solis locum occuparet, haud dubium est, quin & magnitudine & luce Soli æqualis videretur. Ex quo colligitur, non satis virium suppetere, ad lumen Stellis impertiendum, ac proinde propria luce fulgere, nec ulla Astra illis quicquam scenerari.

Multæ stellæ in suis locis non conspiciuntur, imo interdum contingit, ut una & eadem in locis diversis appareat.

Id à Stellarum vorticibus, qui Cœlum nostrum circumstant, provenit: Quia cum angulosas superficies habeant, non ita inter se aptari queunt, quin radii à Fixis venientes, & in illas incidentes, varias refractiones patiantur: Unde fit, ut ex Terra, tanquam in locis, in quibus revera existunt, non videantur, sed tanquam in locis superficiiei nostri *Vorticis*, per quæ transeunt, illi radii qui ad Terram perveniunt. Cum vero illa loca, ab eo tempore, quo ab *Astronomis* observata sunt, immutata fuisse non deprehendantur, dicuntur Stellæ fixæ, eundem semper inter se situm servare, & in eadem regione collocari. Unde *Macrobius*: Ecce *vergilie* neque à sui unquam se *compulatione* dispergunt, nec *Hyadas*, quæ vicinæ sunt, deserunt; aut *Orionis* proximam regionem relinquunt. *Septentrionem* quoque compago non solvit. *Anguis*, qui inter eos labitur, semel circumfusus non mutat amplexum.

II.

*Quomodo stellæ
apparent in
iis locis, in
quibus non sunt*

Fixæ non nisi noctu deprehenduntur, & interdiu Hominum oculos fugiunt.

Lux fixarum die extinguitur, quoniam radii Solares

III.

*Cur stellæ non
nisi noctu red-
duntur conspi-
cua.*

Solares ad Terram appulsi, & mox ab eadem per aera reflexi, majori virtute pollent, fixarum radiis obluendi, quam ut illi oculos nostros ferire queant. Unde fit, ut quanto Oculi Soli vicinior extiterit, tanto minus sit Fixarum lumen excepturus: quoniam illarum vires Solis occurfu languescunt ac debilitantur; juxta illam Regulam, quæ semper in Corporum occurfu locum habet: *Quæ aliis, viribus præpollent, suum effectum sortiuntur.* Quanquam interdum contingere possit, ut Stellæ interdum sub aspectum nostrum cadant, ut referunt Historici, quæ *Commodi* temporibus, per totum diem apparuerunt, ac si *Aeri essent infixæ.* Sed id contigisse arbitrator, quod Sol tunc temporis, caligine offusus, exigues aut pene nullos radios transmiserit, qui sufficerent fixarum actioni obniti; ac proinde Hominum oculi tenebris undiquaque impliciti, Stellæ conspiciere potuerunt. Sicut in alto & tenebricoso puteo existentibus Fixæ apparent, quamvis sudum sit, & Sol per aerem radios suos fortiter vibret.

IV.

*Quomodo novæ
Stellæ nascun-
tur & evanes-
cunt.*

Stellæ novæ non raro in Coelo nascuntur, quæ tamen post tempus aliquod, extinguuntur, & ex oculis penitus evanescent. Ut ea quæ in *Cygnio* anno millesimo sexcentesimo visa est, haud multum à tertiæ magnitudinis Stellis abhorrens. Alia anno millesimo sexcentesimo quarto, in *Serpentario*, paræ fere cum venere molis; Quarum prima per multos annos subsistit, altera vero post annum è medio excessit.

Novarum Stellarum origo, a Macularum dissolutione pendet, quæ ita aliquando Sideri superinducuntur, ut omnes illius radios, sua densitate

fitate aut duritie impediant. Si vero contingat Stellam iis maculis liberari, novæ Stellæ imago nobis apparet, quæ forte ante multa secula, visa non fuerat. Fit autem *macularum* dissolutio, dum *vortex*, qui maculas ambit, majori impetu *Vortices* vicinos premit, quam ab illis impellatur; quia tunc limites suos latius diffundendo, efficit, ut materia primi elementi, quæ ex aliorum vorticum *eclipticis* egreditur, ad tenebrosam sidus majori copia affluat, aut ita supra maculam, qua regitur, se diffundat, ut in globulos cœlestes impressionem faciens, vim luminis in oculis imprimat.

Stellæ nonnunquam in *Cometam*, & *planetam* degenerant, & propriis radiis exutæ, aliorum duntaxat corporum lumen remittunt.

Ratio hujus phænomeni ex præcedenti deducitur: quippe ubi Sidus omnino maculis obductum fuerit, & vi materiam secundi elementi propellendi fuerit destitutum, contingere potest, ut ejus *vortex* à cæteris vorticibus gyrationem obtineat, & ita à propinquo potentiore absorbeatur. Absorptò autem vortice *Stella* maculis undique involuta, & in Alium Vorticem transacta, vel ulterius pergit, & in alium vorticem propellitur, & fit *Cometa*. Vel ob minorem ejus soliditatem, infra illum terminum descendit, & certam à *Stella*, quæ illius vorticis centrum occupat, distantiam servat, & in *planetam* faciscit; quæ circa illam continuo volvendo, lumen ejus reflectit; & ita fit, ut Corpus quod antea lucidum fluidumque erat, macularum accessu, duritiem adipiscatur, & durum solidumque evadat.

V.

Stellæ aliquando in Cometam vel planetam vertuntur.

Articulus octavus.

De Luna.

I.
Luna eodem
semper modo
Terra obversa-
tur.

E Adem semper Lunæ facies. Telluri obji-
tur, nec adhuc ullo *Telescopio* deprehendi
potuit, ejus Corpus fuisse inversum, & a priori
situ recessisse.

Id provenit, quod pars ejus à Terra remotior,
magis *solida* sit, hoc est, plus materiæ tertii ele-
menti in se contineat, & pauciores meatus habeat,
qui materia primi & secundi elementi occupen-
tur. Constat enim Corpora solida à centro vor-
ticis, in quo gyrantur, longius recedere, quam
ea, quæ minus densantur, quæque pluribus fo-
raminibus excavantur: Quoniam vim majorem
habent ad motum suum continuandum, & in
eo statu remanendum, in quo prius posita sunt.
Ut in *Auro, plumbo*, & aliis metallis notari potest,
quibus major est propensio, ad impulsu retin-
endum, quam *lignis & lapidibus* ejusdem mag-
nitudinis ac figuræ. Eadem igitur nobis Lunæ
facies semper obvertitur, quoniam illa, quæ ex
Terra lumen reflectit, minus solida est, minusque
tertii elementi materiæ includit: ac proinde mi-
norem ambitum requirit, in quo spatietur. Quod
vero lunæ pars illa, quæ Terram spectat, sit *rarior*,
minusque soliditatis habeat, quam alia superior,
probant *Areolæ, maculæ, & umbræ*, quæ illam
intercipiunt, quæ cum Solis radios transmittant,
tenebras pariunt, & obscurum corpus efficiunt.

II.

Luna in omnem partem splendorem suum
diffun-

diffundit, & ita illum reverberat, ut in unum radii non coeant, sed sparsim remittantur, & undequaque projiciantur.

*Luna ob omni
parte radios in
terram remittit.*

Illud *scabra* lunæ superficies & umbellis permixta efficit; quæ receptum lumen dilatat, & omnibus illam intuentibus se lucidam exhibet. Aspera enim Corpora ex multis superficiebus componuntur, quæ ita dispositæ sunt, ut multæ in hunc, aliæ in alterum locum radios reverberent. Si vero luna, quam sphericam omnes philosophi admittunt, tersa foret, & speculi convexi instar, polita, non ex omnibus suis partibus, sed ex uno duntaxat puncto lumen versus spectatorem remitteret, ac proinde non tam conspicua, quam invisibilis dici deberet. Quia licet Hemispherium totum esset Solari lumini expositum, non tamen nisi minima lunæ pars certi spectatoris oculis lumen ingereret, quod ob suam tenuitatem, ingentemque ab eo fidere distantiam necessarium esset extingui, priusquam ad ejus oculos pertingere quiret.

Solis lumine per Acrem diffuso, Luna minor quam noctu conspicitur. Quod Telescopio expertum se Gassendus testatur; qui deprehendit lune discum, pleno orbe lucentis, nocturno tempore diametro quinque minutis amplius sem. Quod etiam familiarius quis experiri poterit, si lunam, dum primum fit vesperti conspicua, contempletur, sole adhuc radiante: quippe tunc falx ejus adeo tenuis apparebit, ut exiguo duntaxat filo circumducta videatur: Sole vero penitus delapso, fit latior, prout tenebræ sparguntur, & densiores evadunt.

III.

*Sole lucente
lunæ discus minor
quam noctu
apparet.*


Hoc luminis incrementum, non ipsi lunæ dif-

co adscribendum est, quasi corpus Lunare radios ex se emittendi vim habeat, & illos noctu dilatandi: sed solum, quod Æther, sive materia illa aeri nostro analoga, quæ lunam circumdat, à radiis Solaribus, quos illa remittit, illuminetur, & idem luminosum cum ipso Sidere conficiat; quia quum illi intime jungatur, ad eundem circulum putatur pertinere. Admoto autem Telescopio, facile adulterinum illud lumen deprehenditur, cum id spatium, quod radiari estimatur, obscurum appareat, & ab arcu partis luminosæ, nullo modo attingatur. Alienum autem à Ratione videtur, rem *libero oculo* aspicere, quam *Telescopio* non licet.

IV.

Cur luna citius
quam Terra
moueat.

Luna ꝓ quæ in peculiari vortice ABCD Ter-



ram T ambiente volvitur, duplo celerius circa
Terram

Terram movetur, quam Terra circa axem suum. Quippe luna sui cæli A B C D circumferentiam, quæ Terræ T Ambitum sexagesies superat, percurrit, dum Terra tricies tantum circa suum axem motu diurno circumfertur.

Quamquam nonnulli gloriantur se hujus phænomeni rationem reddidisse, nulla tamen mihi videtur assignari alia posse, quam ipsius lunæ parvitas. Nam cum non minus Terra, quam ipsa luna, ab eadem cœlesti materia moveatur, nulla causa fingi potest majoris in luna velocitatis, quam quod Terra minor existat. Ea enim est corporum, quæ moventur, regula; ut dum unum duplo celerius, quam alterum movetur, & hoc alterum, duplo majus est, quam prius, tantundem motus in minore, quam in majore reperiri: & quanto unius motus lentior fit, tanto motum alicujus alterius, ipsi æqualis, celeriores fieri. Cum autem lunæ C & Telluris T celeritas, à materia cœlesti, fit, quæ præter propter eadem est, juxta Terram, ac juxta lunam, deberet Terra duplo celerius convolvi, quam convolvitur, ut circiter sexagesies circum suum absolveret, eo tempore, quo luna semel percurrit suum A B C D sexagesies majorem, ni magnitudo impediret.

Luna non semper æqualem in cursu suo tenorem servat: Quippe cum *Soli* primum conjungitur, vel ei ex adverso *opposita* impletur: sive cum *nova* est & *plena*, celerius movetur, quam in aliis suis phasibus.

V.

*Luna celerius
in novilunio
& plenilunio
movetur.*

Hujus inæqualitatis causa ex ejus peculiari cœlo A B C D desumitur, eo quod, ejus circulus non perfecte sphæricus est, sed ad ellipsis figuram

accedit. Cum autem globuli secundi elementi, qui in ambitu A B C D continentur, motu & magnitudine differant, & soliditate alii aliis præstent, necessum est, ut qui solidiores sunt, liberius versus A & C quam versus B & D se diffundant, & ita figuram ovalem sive *ellipticam* conficiant. Ex quo fit, ut cœlestis materia lentius inter A & B, quæ est pars cœli ambitus latior, moveatur quam illa, quæ est inter B & D quæ angustior est. Rationi enim consentaneum est, ut materia *planetam* deferens, lentius in spatio latiore fluat, & in angustiore celerius. Id in *fluminibus* experiri licet, quorum aqua eo celerius decurrit, quo constrictior fuerit alveus, & eo tardior, quo amplius diffunditur.

VI.

*Quomodo luna
in Terram non
decidat.*

Una circa hæc *pænomena* difficultas oritur: Si enim *luna* ob suam parvitatem, celerioris motus capax est; quomodo fit, ut dum à cœlesti materia eam ambiente deferetur, Terram versus non descendit, & relicto circulari suo motu, dum ad C pervenit, non ad Z potius declinet, quam sursum denuo evehatur.

Ad hanc difficultatem faciet, si consideremus *lunam* materiæ cœlestis motum omnino sequi, quamvis non omnem ejus celeritatem obtineat. Cum enim Terra & omnis materia cœlestis, quæ in *vortice* A B C D continetur, circa centrum T volvatur, necesse est, ut luna quæ ab illa cœlesti materia circumducitur, cursum suum versus centrum Terræ T continuet, & ubi punctum C attigerit, non versus Z pergat, sed versus D retorqueatur; eo quod materia cœlestis illam eo propellat, & veluti *vehiculum* transferat.

Articulus nonus.

De Solis & Fixarum maculis.

SOL licet libero oculo deprehensus, splendidus videatur, vultumque uniformem præferat, admoto tamen *Telescopio* ex duabus lentibus convexis fabricato, tantam corporum lucidorum umbrosoforumque diversitatem exhibet, ut quodam quasi *damasceno encausto opere* variegata appareat. Uti ex celebri *Scheimero Gassendus* refert.

I.
Sol per telescopium obscurus
& umbrosus
apparet.

Tam varia in Corpore Solari commissio, non à lentibus vitreis, ut quidam finxere, produci-
tur quæ forte ob suam impuritatem, oculis *umbras*
ingerunt, & proprias notas impertiuntur: quia
iis circumductis, non pariter illæ remouentur,
sed eundem inter se situm retinent, & ad quam-
libet *vitri* circumductionem, immotæ remanent:
Imo quæ uno die versus *orientem* sunt, in sequen-
tibus promoventur, & versus *Occasum* apparent.
Oriuntur igitur hujusmodi Solares maculæ, à
particulis striatis, quæ ejus polos ingressa ad
centrum confluunt, ubi propter irregulares suas
figuras, quas triangularia spatia transeundo ac-
quisierunt, motui subtilioris materiæ quæ in ejus
centro volvitur, obsequi non valentes expellun-
tur, & spumæ adinstar, ab effervescente liquore
extruduntur. Ibi cum figuras *angulis* asperas
habeant, tardiusque cæteris, quæ cum Sole cir-
cumaguntur, gyrent, facile implicantur, & in
magnas moles assurgunt, quæ Soli contiguæ, il-
liusque faciei incumbentes, illum tegunt, & ca-
ligine obruunt.

II.

Cur interdum
macularum ex-
trema fulgida
sint, & medi-
um obscurum.

Extremæ macularum partes, nonnunquam fulgēt, coloresque referunt; cum interim earum medium opacum est, & nullis radiis pervium.

Id à materia Solis maculas ambiente provenit, quia licet forte omnes macularum partes æque stipatæ sint in initio, & pari nisu luminis vim obendant, contingere tamen potest ut in *circumferentia* prius quam in *medio* extenuentur, & in acutum postmodum desinant: sicque lux Solis per hos margines refracta, colores exhibet, & ad oculum dilabitur. Cum interim obscura, pars illarum media maneat opaca, & radiis Solaribus impervia. Quoniam subtilissima materia, quæ in Sole, aut in quacunque alia fixa dominatur non satis virium habet, ad actionem suam transmittendam, & omnis ejus *vigor*, mollium partium occurſu frangitur, Aut si forte globuli coelestes, materiæ primi elementi impetu, in orbem circumacti, à centro recedere nitantur, & luminis actionem oculis impertiri; ea tamen, impulsio non satis valida est, ut *Sensum* afficere possit, nisi continua adsit *Solis* aut *Fixæ* pressio, quæ hanc reluctantiâ superet, & ad actionem recipiendam disponat.


III.

Maculæ Solis
circa eclipti-
cam potius,
quam circa po-
los conspiciun-
tur.

Solis maculæ in partibus *Eclipticæ* vicinis, potius, quam versus ejus *Polos* deprehendi solent, ut testantur Mathematici pene omnes: quorum aliqui ita exacte earum progressum describunt, ut afferant maculas per Solis discum viis non omnino ad Eclipticam parallelis, sed cum inclinatione ad illam, *trium* circitur *graduum* cum *se-*
misse incedere.

Hujus apparentiæ causa est, quod licet mi-
nutiæ

nutiæ illæ, ex quibus *macule* componuntur, dum ex aliorum *vorticum Eclipticis* adveniunt, satis acttonis habeant, ut Solis polos pervadant, atque ad ejus Eclipticam ferantur; postquam vero subtilissimæ Solis materiæ permiscantur, cum tantam agitationem refugiant, communique ejus motui obsequi non possint, tanquam rebelles versus cælum, in quo minor est motus, expelluntur: Ut antehac de *spuma* dictum est. Cur autem versus *Eclipticam*, potius quam versus *polos* excutiantur; id ex eo potissimum provenit, quod nova materia, quæ per polos Solem indefinenter ingreditur, particulas striatas, aliasque omnes, quæ sibi facile connectuntur, extrudat, & versus superiora propellat. Res exemplo manifestior reddetur, si duo *flumina* ab



oppositis regionibus fluere supponantur, quarum
unum

unum ab A versus S, & aliud à B versus idem S feratur, quorum Aquæ si B in S occurrentes, & sese propulsantes; vim parem habeant magnam fossam D E F G excavandi, in qua simul mixtæ torqueantur, & peractis aliquot circulis versus M & Y effluant. Supponatur præterea, mutuo aquarum concussu, *spumam* generari; quæ *vortici* superficiei Sinnatet, & aquarum motum sequatur: nullo negotio capiemus, hanc spumam non posse ad A aut B tendere, id est, versus *polos*, sed completis aliquot supra aquam S vorticibus, inde versus M & Y, hoc est, versus *Eclipticam* debere effluere.

IV.

*Macula solis
interdum in
faculas abeunt,
& è contra.*

Maculæ Solis nonnunquam in *faculas* degenerant, & illæ partes, quæ antea obscuræ caliginosæque videbantur, lumen induunt, & splendidæ apparent. E contra *Facula* in *Maculas* interdum abeunt, & in atris Solis partes convertuntur.

Hujus mutationis causa, à Solis *ebullitione* procedit, qua aliquas corporis sui partes ejicit, & easdem mox resorbet. Maculæ enim in *Faculas* abeunt, dum Solis materia, circa illos fluendo, supra earum extremitates evehitur, in quas vires suas exercendo, illam actionem elicit, quam ad oculos nostros productam, *lumen* vocamus. Nam cum Solis materia, inter ipsas maculas, & cœli vicini superficiem intercipiatur, ob loci angustiam, redditur motus celerior: unde sequitur Solis *lumen* aliquanto intentius esse debere. Quemadmodum in *fluminibus* experimur, quorum rapiditas magis increfcit, fitque valentior, quo arctiora sunt loca, per quæ transeunt, & magis interjecta lapidibus vada, quæ præ-

prætergrediuntur. Faculæ autem in *maculas* convertuntur, & quæ lucidiores erant Solis partes, obscuræ redduntur, quando subtilior illa materia, quæ earum superficiebus incumbibat, à Sole absorbetur, cui magna novæ materiæ Copia, ex alia parte succedens, ejus particulæ sibiipsis adhærentes, densum corpus efficiunt.

Memoriæ proditum est, Solis lucem multoties fuisse interceptam, & ita paulatim defecisse, ut non multo lunæ splendorem excederet. Imo referunt *Historici*, *Plinii* tempore, per duodecim Dies quæsitum esse Solem: Et Constantino excæcato, per septendecim non fulsisse, & non nisi tenebras, eo temporis intervallo *Telluri* incubuisse.

V.

Quomodo Sol aliquando per dies multos absque luce fuerit.

Hanc obnubilationem non in quicquam aliud, quam in *maculas* referri posse existimo; quæ in Solis superficiem irrepserunt, & illius lucis diffusionem impediunt. Nam licet maculæ, dum primum coagmentari incipiunt, mollia admodum ac rara sint Corpora, quæ vim materiæ subtilissimæ frangere queant, continuo tamen Solaris substantiæ, cui contiguæ sunt, concussu, lævigationem, & duritiem acquirunt; alia interim earum superficie, quæ cœlo obversa est, eundem mollitei, & raritatis gradum, quem primo habuerunt, retinente. Ideoque illas non nisi difficulter dissolvi, ex eo quod Solis materia interiorem earum superficiem lambat; sed contra potius semper augeri, quamdiu isti earum margines, qui supra Solis superficiem eminent, ejus materiæ occursum non obdurantur, atque densantur; ac proinde mirum non est, cum hoc contingit, si una & eadem macula, ita supra Solis

Solls superficiem diffundatur, ut ibi per dies plurimos, imo menses aliquot, ejus lucem intercipiat, & *Diei fidus*, in medio *diei* quærat. *ur*.

Articulus Decimus.

De maculis in Orbe Luna apparentibus.

I.
*Quid perpetuæ
& temporariæ
maculae in luna.*

Duplicis generis maculae in luna percipiuntur quaedam *perennes* sunt, quæ à prima rerum origine, per ejus Corpus fluxere, atque ita putantur ipsi adhærere, ut nunquam non faciem ejus discolorem efficiant, Aliæ *Temporariæ* sunt, quæ tantum ejus superficiem veluti libant, & post modicum temporis, disparent, & extinguuntur *perpetuæ*, & quæ lunam aspergere semper videntur, atrum semper & fuscum colorem retinent, & quomodocumque Soli objiciantur, longe cæteris obscuriores sunt.

Hoc phænomenon magnam nostro orbi ac lunari affinitatem intercedere arguit, atque similia in utroque repiri corpora. Quippe tam constantes in luna *maculas*, nihil aliud esse suspicari possumus, quam *maria*, quæ ejus superficiei incumbunt, & per ejus globum diffunduntur: Constat enim lumen ab *Aquis* reflexum, multo debilius esse, quam quod à *Terra* aut solida alia materia remittitur; uti in *mari* nostro cernimus, quod non albicante, sed cæruleo colore perfunditur. Imo videmus res albas, humore affuso, obscuriores effici, & nonnihil ad nigrorem accedere. Aliquid *aquæ*, (ut Galilæi exemplo utar) in pavimentum effundatur, ut pauci inde lateres humectiant, videbimus lateres perfusos præ aliis opaciores

ciores reddi, & luminis vim debilius reflectere : quoniam illa perfusio, laterum meatus opplet, efficitque ut earum superficies *plane* reddantur, è quibus reflexi radii uniuntur, & non nisi versus unum locum pergunt. Cum vero ex superficie convexa minor semper radiorum portio, quam ex plana resultet, lumen quod ex lunari superficie ad oculos nostros reflecti potest, adeo tenue est, tamque exiguo robore præstat, ut recta suppositione habita, non quaterdecies millesima diametri lunaris esse queat.

Luna quasdam partes cæteris Lucidiores ostendit, quæ ita acriter oculos nostros feriunt, ut ab aliis, quibus imminet, sejunctæ ac separatæ videantur. Unde Gassendus: *Cum luna recens est, & sub tertium aut quartum diem, observare plerumque licet, ultra cuspidem inferiorem, tanto intervallo, quanta est pars circumferentiæ, circiter vigesima septima, punctum quoddam lucidam, ac etiam aliquando aliud, tertiumque ulterius, ipsis interstitiis nondum illustratis.*

II.
Quæ est causa partium lucidarum, quæ nonnunquam in luna apparent.

Qui nostra ætate *Telescopio* cœlestia explorant, ambigere nequeunt, montes in orbe lunari reperiri, cum illic summitatum dorsa, satis dilucida intueantur, quæ umbram densissimam spargunt, eamque majorem aut minorem, prout illæ eminentiæ magis aut minus à confinio removentur, quod illustratam lunæ partem, ab obscura ac caliginosa separat. Deprehendunt utique tales umbras decrescere, prout irradiatio augetur, donec penitus elabantur, & luce per totum *hemispherium* diffusa, ulla earum nuspam appareat. Postmodum ubi *lunares radii* in aliud pervenerint, eadem illa cacumina, quæ in priore observa-

vata

vata fuerant, iterum occurrunt, & umbras sed modo contrario projiciunt. Quæ apparitiones evidenter probant suos etiam *montes* lunam habere, quorum juga, à Solis radiis illustrentur, magnamque lucem præferant, humilioribus interim ejus partibus obscuris, & ad nigrorem vergentibus.

III.

Unde oritur in
luna vultus de-
formitas quæ
circa diem sex-
tum videtur.

In luna circa diem sextum versus partes occiduas, *Homuncionis* cujusdam vultus deprehenditur, qualem ferme pictores *Thersiti* tribuunt, lata fronte, naso curvo, ore paulo, atque oculis intra cavitates suffossis.

Totum hoc monstrum plures *macule* conficiunt, quæ intra nominatos cuspides deprimuntur. Cum enim montes, qui in luna deprehenduntur, nostros altitudine multo excedant, magnas umbras projiciunt, quibus illorum interstitia obscura redduntur, & macularum instar ejus partibus in hærentium apparent. Illud in partibus *montosis* quæ sylvarum dorsis junguntur, experimur, quæ semper nudis sterilibusque Agris obscuriores videntur, quoniam plurimum umbræ Arboribus interjicitur, & Corporum objectu, radii, ne ulterius pergant, impediuntur. Ita in luna, cum non scopuli modo, & aggeres, sed excelsi etiam montes detegantur, talis fieri potest umbrarum, inter illos projectarum dispositio, ut quædam *Homuncionis* *nasum*, aliæ *frontem*, nonnullæ *oculos* & *labra* referant: Quæ ubi inter se quis comparaverit, & tanquam unius vultus partes perpendarit, illiberalem quandam Homuncionis faciem sibi repræsentabit, haud multum à vultu *Thersitis* abhorrentem. Quippe haud dubium est, planas lunæ partes, quæ montibus interponuntur caligi-

caliginosas esse, nullumque ad nos lumen reflectere, ac proinde maculas quæ nobis, deformis cujusdam vultus partes referunt, non ab ipsis montium cuspidibus provenire, sed illorum potius interstitiis esse tribuendas, inter quæ umbræ projiciuntur.

Si luna dum crescit, tubo optico inspiciatur, *ferrata* quodammodo & *denticulata* apparet, quasi in ipsa, partis luminosæ confinio, aspera quædam & inæqualia Corpora faciem ejus terminent.

IV.

*Luna crescens
cur denticulata
apparet.*

Causa est, quod Sol tunc primum oriens, & radios suos transversim duntaxat vibrans, ad regionem oppositam umbras producat. Unde si umbræ sectio maxime inæqualis est, ob montium varietatem, in quos Solares radii feruntur, lunæ facies *ferrata* exurget, & *denticulata* apparebit.

In luna, dum in orbem circumducta plena conspicitur, nullæ umbræ, aut maculæ cernuntur: imo quædam ejus partes, quæ nigerrimæ erant, dum cum Sole congregiebatur, in *plenilunio* nitescunt, & in candidissimas convertuntur.

V.

*Cur luna in
plenilunio tota
nitida cernatur.*

Ratio est, quod quicquid nobis tunc temporis luna Detegit, à Sole illuminetur, qui ipsi ex adverso oppositus, omnes ejus abstrusiores recessus irradiat. Aut si aliquæ ejus partes, ratione devexitatis deprimantur, solisque aspectum fugiant, illæ, à ceterioribus partibus, quæ nobis & illis obvertuntur, teguntur, & in conspectum nostrum, eo tempore, non veniunt. Accedit etiam, quod illa intervalla, quæ antehac umbras patie-

patiebantur, non solum directos in plenilunio, Solis radios excipiant; verumetiam, ex ipsis montium lateribus remissos, quibus ad nos reflexis, omnia in lunari orbe candida, & luce ofusa apparere necessum est.

Articulus undecimus.

De Cometis.

I.
*Cometæ diversam cæli plagam percur-
runt.*

Cometæ nullam certam Cœli plagam permeant; sed modo in hac, modo in altera, cursus suos ordiuntur & perticiunt. Quidam enim Sole oriente, alii deficiente, nascuntur. Is qui anno millesimo quingentesimo octuagesimo quinto, in conspectum nostrum venit, pene Soli adversabatur, & directe ejus radios tantum non excipiebat: cum interim alius anni millesimi sexcentissimi septimi, ad *ursam* primum visus est, Sole per hibernum *Tropicum* versante.

Harum apparitionum causa, clare innotesceat, si advertamus *Cometas* potissimum oriri, dum *Sidus* maculis obducitur, & immoto illius *vortice*, in alios vicinos distrahitur & absorbetur. Cum id vero, in qualibet Cœli regione contingere queat, potest *Cometes* modo unam, modo alteram partem permeare, nec ullam esse, per quam non possit, eo pacto, aliquando transire.

II.
Cometæ semper sub eadem magnitudine conspiciuntur.

Cometæ maxime à nobis distare videntur, adeo ut (si nonnullis credimus) adhibito *Telescopio*, non augeantur, sed eandem semper magnitudinem referant, seu optico tubo, seu *libero oculo*, explorentur.

Quidam

Quidam recentiores autumant *Cometas*, non multum ultra Aerem nostrum gigni, atque ita, ejus circumgyratione deferri, ut non nisi raro, supra lunam evehantur, Alii volunt *Cometas* ex materia ætherea procreari, quam fingunt in orbiculares quasdam molēs concrefcere, quæ ætheris motu agitata, & radiis Solaribus ictæ, in *Cometas* evadunt, qui pro diversa loci ratione, modo in *Austro*, modo in *Borea* videntur. Sed hæ opiniones facile falsitatis convincuntur, si perpendatur, unum *Cometam* eodem tempore, à diversis spectatoribus, longissimo etiam terrarum intervallo, disitis deprehendi, qui tamen nullam *parallaxim* ipsis exhibeat. Quod tamen necessum est accidere, si *Cometæ* in *Aere* nostro versentur, & supra ætheream auram non assurgunt. Maxime igitur *Cometæ* à nobis abesse Telescopio deprehenduntur, quod ultra Cælum nostrum evehantur, sive in immensa illa distantia collocentur, quæ inter *Saturnum* & *Fixas* esse supponimus. Nam *Cometæ* tam immania sunt corpora, tantoque impetu feruntur, ut vastum illud spatium, ad omnes suas excursiones absolvendas requirant: neque adinveniri alia loca queant, quæ commodius illorum motibus inservire possint.

Cometæ brevi tempore deficiunt, & intra paucos menses aut dies, è conspectu nostro evanescent. Unde *Plinius* longissimum non nisi centum & octoginta dierum esse asserit: cum is qui sub *Nerone* visus est, quique longissimi ævi ab *Astrologis* est habitus, sex duntaxat menses conspicuus fuit: cum interim, vix mediam Cæli partem percurrerit.

III.

Cur Cometæ intra paucos menses evanescent.

K

Hujus

Hujus ea est ratio, quod Cometæ ab uno vortice in alium transeundo, ob suam soliditatem versus circumferentiam propellantur; Et quamvis eandem ubique celeritatem retineant, tamen quia plus agitationis habent, quam ut à materia *vorticis*, per quem transeunt, cohiberi possint, in alium elabuntur; eo fere modo, quo *navis*, contra fluminis cursum impulsæ, aliquousque fluminis motui obsequitur, inde tamen ad littora appellit, Ita *Cometes* modo hanc Cœli partem, modo alteram peragrando, à Cœli centro recedit, & tantum in ejus extremitate vagatur, quo fit, ut intra paucos menses aut dies, nostro Cœlo relicto, ad alios elabatur, qui conspectum nostrum fugiunt. Unde si spatium, quod Cometæ percurrunt, metiamur, inveniemus raro ad Cœli semicirculum accedere, & sæpius non ultra quadrantem extendi. Quamvis is quem *Regiomontanus* describit, à *libra* per *septentrionem* decurrens, ad *Arietem* usque pervenerit.

IV.

Cometæ longe tardius in fine quam in initio progrediuntur.

Cometæ circa initia sui motus, velocissime rapiuntur, & non nisi lente in fine procedunt, ut de eo qui anno millesimo quingentesimo septuagesimo secundo apparuit, referunt *Astrologi*, qui in sui motus principio, *quinque gradus* in dies singulos conficiebat, in fine vero, vix gradus unius dimidium.

Ratio hujus à Cometarum distantia petitur, nam licet Cometæ per vorticum extremitates transeundo, eandem semper celeritatem tucantur, quia tamen ab uno in alterum sensim delabuntur, & à conspectu nostro paulatim recedunt, celeriores sui cursus initio apparent, quam in fine. Eo modo quo si *viatorem* spectaremus æquis

æquis passibus progredientem, quamdiu à nobis non multum abest, nullam in ejus gressu differentiam animadvertimus; donec ad certam distantiam promotus fuerit; ita Cometæ, quamvis ejusdem sint *magnitudinis*, & fere semper æque celeriter moveri videantur, quamdiu in extimis nostri vorticis partibus versantur, ubi vero progressi fuerint, & in alios vortices migraverint, necessum est, ut lentius, ob *elongationem* moveri videantur.

Cometæ passim prolixos diffundunt crines, præsertim in parte à Sole magis averfa: sed modo vario, quippe nonnulli *Caudam* trahunt; Alii *barbam* præmittunt; Aliqui *Rosæ* imaginem referunt, capillis in omnes partes dispersis.

V.

Unde Cauda &
barba in Cometis.

Tanta phænomenorum varietas, à globulorum cœlestium diversitate, qui in Cœlo nostro reperiuntur, provenit. Supponimus enim, illos qui centro nostri vorticis viciniore sunt, minores esse, sed sensim usque ad *Saturni* orbitam paulatim augeri, ultra quam, omnes mole æquales sunt, & pari celeritate circumacti. Cum igitur Cometæ, in extrema vorticis parte ferantur, lumenque suum à Sole mutuatum ad nos remittunt, sequitur luminis radios, qui per majores ex istis globulis communicantur, cum ad minores deveniunt, non modo secundum lineas rectas progredi, quibus utpote præcipuis, Cometæ *caput* apparet, sed etiam ex parte ad latera refringi & dispergi. Ut si *vas* globulis plumbeis ita repleatur, ut majores minoribus incumbant, facile experiemur, *vas* in fundo *perforato*, globos superiores, in suo descensu plures è minoribus premere, atque illos per lineas rectas impellere. Similiter in *Cometis* observatur; Quippe

K 2

quam

quum Sol Cometæ & Telluri pene medius sit, ejus radii in Cometam impingentes, & in omnes partes diffusi, *Comam* ejus procreant. Si vero Tellus à recta linea, qua Solis & Cometæ centra connectuntur, recedat, radii Solis ad nos reflexi, Cometæ *Corpus* seu *caput* nobis exhibent: qui vero ad latus diffunduntur, *barbam* ejus, aut *Caudam*. Quæ tales nominantur, prout Corpus ejus antecedunt, aut sequuntur. Hujus Refractionis exemplum, in *lapide* in *flumen* projecto, habemus, qui si perpendiculariter, in *Aquam* delabatur, illam æqualiter, & in modum vorticis, in omnes partes dispergit, si vero ad summas aquas projiciatur, cum non æque ac recta incidat, non nisi oblique superficiem ejus dividit.

VI.

*An Cometæ
aliquid certi
de mortalium
casibus prænun-
tiant.*

Calamitatum præcursores passim Cometæ habentur, qui *tempestates*, *clades*, *famem* portentunt; atque bella *populis*, *Regibus* interitum, pestem *provinciis*, & minantur & adferunt. Vespasiani ævo, Cometa ei mortem, si *Jonstono* credimus, prædixit, Alii *Romæ* ab *Alarico* captivitatem, miserum *Mauritii* fatum, *Mahumetis* perniciem nunciavere. Unus *Carolo* magno *ultimum diem*, *Tartarorum* in *Silesiam impetum*, & *auricularum abscissionem* indixit.

Jamdudum inter vulgus hæc decantata fuere, & ab iis etiam credita, qui supra alios sapere videbantur. Quæ vero si rite examinentur, nullam cum rebus, quæ contingere, nexum habere reperiemus. Nam si Cometæ *bellorum*, *cædium* principum, &c. signa sunt, quorum illa absque eorum præmonitionibus, aliquando contingunt? Et Reges moriuntur, invalescit *fames*, *pestis* per integra Regna grassatur, cum nulli visi sunt Cometæ

metæ hæc quidem aliquando præcurrentibus Cometis accidunt, sed sæpius sine illis. Deinde cum Cometæ per totam Terram circumeant, & omni mortalium genti immineant, quomodo uni *cladem* alteri *viçtoriam* spondent? qui fit, ut iis Hominibus *salutaria*; aliis *noxia* prælagiant? Cometarum vis fortassis agnosci posset, si soli Reges interirent, si personas discernere possent, aut magnates duntaxat intuerentur. At cum mixta sint principum & plebeiorum funera, quum iidem casus promiscue illos maneant, non plus in hos quam in mortalium cæteros potentiam habere statuendum est.

Verum dicet aliquis; Constat aliquando huiusmodi sidera, *divinitus* ad aliquid nobis denuntiandum impendi: Absit ut id abnegem: sed quo argumento convinci potest, in particulari alicujus apparitione ita fieri? An id *Deo revelante* dignoscitur, ab externis nobis esse cavendum, si ad *occasum* Cometa pergat, & ab internis, si versus *ortum* dirigatur? nihil in nos potestatis habent Cometæ, & à dementia aut ignorantia nostra pendet, quod iis terreamur, aut illis malignitatem esse arbitremur.

Articulus duodecimus.

De siderum produçtionibus.

AB omnibus ferme hucusque creditum est, Sidera in hæc inferiora dominari, & diffusa undique virtute, veluti rebus Humanis præfidere. Hinc attributus *Marti* calor, Frigus *Mercurio*, *Lunæ* Humiditas, quod iis regnare

K 3

maxime

I.

*Quomodo Sol
pater dicitur
operum natura-
lium.*

maxime videantur, & subiecta cuncta moderari. Unde *Solem* universi parentem, operumque naturalium effectorem appellant, eo quod videant sublunaria illo præsente vigere, illius autem absentia, tabescere, & tantum non emori.

Nonnulli in Sole nescio quas influentias fingunt, quibus ad rerum productionem, quas supra Terram cernimus concurrit. Sed revera si ad Solis actionem attendant, nullam in eo, præter *Illuminationem* reperire poterunt, & si quas alias deprehendant, ad eam tanquam ad originem referuntur. Nam quod Sol corpora calefaciat, exsiccet, urat, ab *illuminatione* proficiscitur, quæ varios illos effectus, pro diversa subiectorum dispositione operatur.

II.

Quo pacto Sol
dicitur causa
humiditatis &
frigiditatis.

Si Quis regerat Humorem & frigus, quibus corpora afficiuntur, à Solis lumine derivari non posse.

Dico illa etiam a Sole ex accidenti provenire, in quantum illius Absentia, humor non amplius discutitur, & extenuatur; ac proinde vapores, magna sui copia, aut frigore accedente, denuo concreſcunt, & humectant.

III.

Quomodo Sol
serenitatem &
tempestatem
producat.

Sol tempeſtates & serenitates gignit; unde circa mediam *Sagittarii* regionem, fulis, qui conſtiterant, humoribus, ac Terra illis diluta fecundos *Favoniorum* flatus producit: *Pleiadum Hyadumque* in *Tauro*, & à Septentrione *Hædorum*, à meridie vicini *Orionis*, atque ex adverſo *Arcturi*, extimulat vires, quæ Auſtrinos flatus exuſcitant, & aliquot dierum continuis pluviis condita rigant ſemina. *Pencerus* in *Aſtol*.

Hæc & ſimilia non à Sole tanquam à cauſa
ſpe-

speciali proficiscuntur, sed tanquam à generali, qui cum radios suos quoquoeversum diffundat, omniaque corpora promiscue illuminet, non ad hunc potius effectum, quam ad alterum determinatur. Quod si vero in hac terræ parte tempestatem, in alia serenitatem gignat, non tam ipsi, quam partium *situi* ac *dispositioni* adscribendum est, quæ ejus radios aliter excipiunt, & iis varie afficiuntur. Quod enim apud nos placidum *ver* sit, & *vario nectantur flore coronæ* quodque eodem tempore *Antoesis Antipodibusque* nostris ignava sit *hyems*, & frigore Terra fluviique concrecant, non à sole pendet, qui constanti tenore *Zodiacum* peragrat, & eodem modo Calorem suum diffundit. Quis dicet tempestates & Serenitates ab eo provenire, quum eodem, inquam, tempore, ultra citraque *Æquatorem* idem sit, & nullam mutationem patiatur? causa igitur cur Sol, dum apud nos æstas regnat, lumen suum impertiatur, radiisque suis capita nostra feriat, Terræ situi, quam calcamus, imputandum est, qui nos ab *Antipodibus* apud quos Hyems est, dirimit; non vero ipsi Soli, cui mere accidentarium est, quod illi algeant, dum æstuamus, aut oblique radios in ipsos emittat, dum nobis perpendiculariter imminet.

Luna multum ad rerum inferiorum mutationes confert: quippe quæ *ventos* impetuosos excitet, *Tempestates* cieat, & dissipatos vapores in *pluvias* redigat. Illius quoque opera, *sata* propagantur, *fruges* maturescunt, & prout incurvata fuerit, aut in gibbum sinuata, *Aquam* allicit, aut dissipat.

Hæc omnia quamvis pro indubitatis apud plu-

IV.

Antuna quicquam domini habeat in hæc inferiora.

rimos habeantur, dici tamen potest, sine sufficienti ratione admitti; quoniam non magis procellæ oriuntur, *imber* Terras irrigat, & *planta* incrementa ac progressus suscipiunt, dum luna Soli exposita est, quam dum falcata est, aut in occidens deprimitur; nisi dicatur debili suo lumine quod à Sole haurit, Humorem ciendi vim habere, cui discutiendo cum impar sit, fovere illum & augere dicitur. Sed qualiscumque vis illa sit, immerito illi tribuitur, quæ Soli tanquam causæ generali attribuenda est; qui suis radiis omnes Temporum ac Rerum vicissitudines producit, quas in Terrarum orbe contingere cernimus. Unde Astrologorum præcepta, ut milium mense *Aprili* Terræ committatur, dum Sol est in *Tauro*. Et frumenta in *Octobri*, dum Sole cum *Scorpione* exoriente, Pleiades occultantur: uti eleganter primo Georg. describit Virgilius.

— *Milio venit annua cura,
Candidus auratis aperit, cum Cornibus annum
Taurus, & adverso cedens Canis occidit Astro.
Ac si triticeam in messem, robustaque sarra
Exercebis humum solisque instabis aristas,
Ante tibi Eoæ Atlantides abscondantur,
Gnosiaque ardentes decedit Stella Corona,
Debita quam fulcis Committas semina, quamque
Invita properes anni spem credere Terræ.*

Hinc Poetæ, qui cuique rei propria assignant nomina, *Tempestuosum* Orionem appellant, vergilias *pluviosus*, *inferenas* Hyades, quod illæ maria ac Terras imbris ac procellis infestent. Sidera quidem, mutationum tempestatumque signa dici possunt, nullo pacto autem causæ, quasi eorum beneficio

beneficio fata propagentur, & incrementa accipiant, sed solum tempora designant, quibus Sol frumenti incrementum adjuvat, & fluctus in mari concutiuntur. Ac proinde non majori ratione sidera mutationum causæ dici possunt, quam *hirundines*, aut similia animalia, quæ suo adventu *ver* instare denuntiant, & suo avolatu, imminere *hyemem*. Cum eorum duntaxat sint signa, quibus illa contingere deprehenditur.

Canicula summum Calorem excitat, imo interdum adeo maligna est, ut morbos pariat, & diffuso per aerem contagio indiscriminatim pene omnes corripit. Unde Virgilius.

V.

*Nullam vim
habet canicula
in calora aut
morbis procre-
andis.*

— *Aut scirius ardor*

*Ille sitim morbosque ferens mortalibus ægris
Nascitur, & lævo contristat lumine Cælum.*

Hoc experimentum eodem modo, quo cetera explicandum est; intentum scilicet illum *calorem*, non à *Canicula* proficisci, quasi vis quædam illi insit, calidissimis spiritibus excitandis, quibus Corpora inflammentur, aut temerentur: Sed quod hæc *Stella*, eo tempore oriatur, quo Sol Terræ vicinus, maxime illam exsiccat, exsiccationesque educit, quæ vitiato primum aere, labem corporibus inferunt, & contagio corrumpunt. Hinc Cælum *Romanum* circa, id tempus insalubre, maximeque Hominis sanitati noxium est; Quod in *Romano agro*, plurimæ *cryptæ specusque* existant, è quibuseducti, Calore Solis, halitus, corporum harmoniam depravant, morbosque generant. Hos autem effectus, frustra quis *Canicule* assignaverit, quum illa, dum æstus potissimum

potissimum vigent, non tam ad nostrum, quam ad *Antipodum* verticem vergat, ac proinde illos potius quam nos, acrius ferire deberet. Omnibus enim Sideribus commune est, ut illa plus efficiant, in quæ directius lumen suum remittunt, & in quæ radios acrius jaculantur. Quod cum in *Canicula* non contingat, imo potius Antipodes frigore premantur, dum Cælum nostrum ardet, credendum est calores, non à *Canicula* provenire, & aliud esse æstus nostri principium.

VI.

Planeta non ad Corporum humorem aut siccitatem concurrunt.

Certis experimentis planetarum vires probantur; ut quod aliqui *Frigus* incutiant, alii *Calorem*, alii sub hoc aspectu *humorem*, alteri sub altero *siccitatem* procreant. Unde Plinius, cum creverunt *Herbæ*, & humore iterum, ut juxta obveniat magnitudo, opus est eundem, per *Cancris Stellas* accessu *avocatas* suo (Sol) promit ac suppeditat.

Illud etiam sano sensu fallum esse dici potest, Quia cum omnia Sidera, non nisi mutuato à Sole lumine agant, & illa idem reflectant, non potest ex ejus variatione, effectuum diversitas colligi. Totum igitur, quod ex eorum cum Sole coitu erui potest, est quod *Aer* tempore æstivo calidus sit, hyemali frigidus. At qualis futurus sit Cæli status, dum anno sequenti, Sol siderum *Domos* subibit, dum *Canicula* orietur, aut ad occasum *Arcturus* perget; an *Venti* ruent, an candescet æstas, nullo certo augurio dignosci potest: Cum non raro contingat, ut anni tempestates confundantur, ut æstate *Aer* rigescat lucida sit *Hyemis* aura, in vere regnet *Calor*, & *Autumnus* ingens *frigus* corripiat. Non ullo præfixo ordine, mundus stat, & omnia quasi casu regerentur, fortuito eveniunt, & elabuntur.

Conclu-

VII.

*Concluditur
nihil posse fide-
ra in hac infe-
riora.*

Concludendum est igitur evanidos esse fide-
rum influxus, & *Sole* excepto, qui per lumen ca-
loremque suum operatur, nullam *Aëris* inesse in
inferiora potestatem: Ac proinde frustra illos ex
luna orbiculata, aut *gibbosa* ventos aut pluvias
colligere, sorbendam esse *portionem*, aut *Vena se-
ctionem*, æstuante aut sedato mari, esse celebran-
dam; plantandas arbores, rigandos flores, dum
luna crescit, aut lucis *expers* redditur. A quibus
observationibus aliquando liberandos iri Homi-
nes spero, ubi vanas esse intellexerint, & non
nisi iis suppositionibus nixas, quarum veritatem
nemo serio, & prout Philosophum decet, exper-
tus est.

Articulus decimus tertius.

De prædictionibus Astrologicis.

I.

*An Thales ope
Astrologiæ olei
caritatem præ-
viderit.*

Nemo ignorat *Thaletem* philosophum,
Astrologiæ præceptis imbutum, temporum
ambitus, stellarum *motus*, & reciprocos *Solis* mea-
tus compertos habuisse, quorum inspectione,
haud dubie futuram olei inopiam intellexit.

Quamvis illud cum quadam fiducia ab *Astro-
logis*, in suæ scientiæ gloriam asseratur, ostendi
tamen potest, *Thaletem*, non id ex Astrologorum
placitis coniecisse, sed potius ex assiduo rerum
naturalium studio. Quippe cum physicam pro-
fiteretur, & vim *Aquæ* (quam rerum principium
esse affirmabat) apprime nosceret, scire potuit,
qui fructus maxime Humore gauderent, quantum
ad eorum incrementa, pluvia conferret, & qua
potissimum anni parte lætiores provenirent.

Hæc

Hæc omnia absque Astrologiæ præceptis nosse potuit, quæ quemque solertem, & naturæ arcana rimantem phylicum non latet. Verum si motus Siderum coitusque contemplando Thales ventura prædicere valuit, cur & ipsi, qui eandem artem callere se jactitant, non idem experiuntur? cur *inopes* semper & pene *mendici* vitam ducunt? cum & divitias, sicut *Thales* comparare queant, nisi quia non satis firma præcepta sua existimant, quibus innitantur, & famam suam in discrimen, positiva asseveratione adducere non audent.

II.

Plurimis à mathematicis prænuntiata mors est, sed absque certitudine.

Multis diu ante mortis tempus, *fatum* ab Astrologis pronuntiatum est; ut de quodam *Seneca* memorat, qui cum à *Mathematico*, ipsi interitus imminere denuntiaretur, domum posthac reversus, intra biduum extinctus est.

Non hic eventus prædictionis veritatem arguit; potest enim quamvis inane & vanum augurium timorem homini parere, easdemque ægritudines adferre, ac si certam mortem sponderet. Si interim infirmare contingat, in limine mortem esse imaginatur, & ejus horrore correptus asciscit, quam tantopere averfatur. Quoties hoc pacto vitæ finis acceleratus est? Quot metu mortis è vivis excessere? non enim semper mali acerbitate cruciamur; sed non raro ejus specie, cui nisi tempestive occurramus, miseros nos efficiamus, & deficiente animo, ultro ad mortem properamus.

III.

Varia mortis genera ab Astrologis prænuntiata.

Inspecto *Divi Augusti* Horoscopo, asseruisse *P. Nigidium Mathematicum*, Terrarum Dominum esse genitum, & *Julii Cæsaris* fore successorem. De *Tiberio* adhuc in cunis vagiente vaticinatus

est

est *Scribonius*, aliquando regnaturum, & multis difficultatibus feliciter superatis, futurum novarum provinciarum Domitorem. *Largius Proculus* diem obitus Domitiani indicavit. *Aflectarius* genus addidit, & quæsitus ab eo, quis eum maineret exitus, à *Canibus* devorandum esse respondit. Quod evenisse constat, quamvis Domitianus ad fidem coarguendam, exuri subito jussisset; jamque comburebatur, cum ortus repente nimbus, rogam exstinxit, ad quem accedentes Canes, semiustum cadaver laniaverunt. *Sueton. in Domit.*

Ad hæc dicendum est primo, non absque ratione de *Historiographorum* fide ambigi posse, non quod omnes falsitatis arguam, existimemque consulto scriptis suis mendacia inferuisse, sed quod nimis colligendis *Vulgi* rumoribus, sedulos fuisse putem; præsertim qui de *Regis* aut *imperatoris* natalitiis aut interitu spargebantur. Secundo evidens est, ex Historicis plurimos, maximam operam dedisse, ut principum gratiam inirent, sibi que eos devincerent; quod alio pacto efficere non poterant, quam aliqua comminiscendo, quæ illis arriderent, utpote ostendendo ipsos à *Deo* administrandæ Reipublicæ destinatos esse; omnia his regnantibus fore prospera, & illos longam vitam, indefessamque felicitatem manere. Sed ne videar Historicorum fidem nimium labefactare, pro me *Seneca* loquatur, qui eorum temporibus vitam agens, melius eorum ingenium & mores calluit. *Nec magna molitione detrahenda est autoritas Ephoro: Historicus est. Quidam incredibilium relatu commendationem parant, & lectorem aliud acturum, si per quotidianam duceretur, miraculo excitant. Quidam creduli, quidam negligentes sunt; quibusdam mendacium obrepit,*

obrepit, quibusdam placet. Illi non evitant, illi appetunt, & hoc in commune de tota natione, quæ approbari opus suum, & fieri populare non putat posse, nisi illud mendacio asperfit. Ephorus vero non religiosissima fidei sæpe decipitur, sæpe decipit.

Et certe multos alios præter Ephorum decessisse aut deceptos esse, in iis præsertim, quæ de Augusto retulere, probari potest. Nam cum Augustus Regni frænum tenere non posset, nisi Cæsare & Pompeio interfectis, quos tamen Chaldei non in Senatu, aut in Ægypto, sed domi, sed annis graves, sed gloria insignes è vivis excessuros asseruerint. Quando nam igitur illis fides habenda est, si contraria pronuntient? & forte in uno veri, in cæteris fallant aut decipiantur.

IV.

*Quo pacto Ascle-
tarian Domitiani mor-
tem præscire
potuit.*

At obtinent Asclatationem certo, instantem Domitiano exitum prædixisse, seque à Canibus brevi esse lacerandum: Unde illi nisi ab Astris tanta futuri evidentia?

Non hic hæreo, quod nonnulli *Authores vanam* esse hanc prædictionem existimaverint, & inter illas fabulas recensuerint, quæ apud vulgus sparguntur. Unum duntaxat innuo, Asclatationem Domitiani mortem potuisse absque Astrologiæ ope, certis signis coniecisse: primo, invisos pene omnibus esse Tyrannos, & ex iis paucos placida morte, è medio excedere. Secundo multos Domitiano insidiari, & undique ab Hostibus impeti. At se laniandum excerpendumque à Canibus prænuntiavit; sed id ab *Asclatatione*, nisi conjectura, prævideri non potuit, imo potius à populo effectum esse credendum est; quum & ipsi Astrologiæ periti, sua præfagia ultra mortem non extendant, arbitrenturque Sidera, nihil posse

posse in funera ; unde imaginandum est Ascletarionem sensisse non cadaver suum esse devorandum, sed vivum potius, in temeritatis pœnam à Canibus esse torquendum, & inter laniatus expiraturum. Quod cum non contigerit, constat quam vanæ sint Astrologorum prædictiones, aut si quæ futura quondam præviderint, non cognitione certa, sed casu & conjectura fecisse.

HISTO-

HISTORIÆ NATURALIS PARS QUARTA.

De Terra, Aqua, Igne, & Aere.

Articulus primus.

De Globo Terræ.

I.

*Terra si cum
cæli magnitu-
dine compare-
tur, punctum
est.*



Quamvis Terræ moles tanta sit, tam-
que vasta occupet spatia, ut ejus
ambitus circiter 7200 leucarum
Gallicarum sit, sive secundum
nuperam *Willebrordi Snelii* opi-
nionem, milliarium vices quater
mille sexcentorum viginti quatuor. Nihilomi-
nus, si Astronomis credamus, *Puncti* duntaxat
nomen obtinet, si cum toto Orbe conferatur, &
ad Cœli magnitudinem comparetur. Hinc com-
munis contra Hominum vanitatem querela, illos
pro puncto, igne & ferro præliari, cui obti-
nendo, tantas tragedias excitant, in quo hono-
res gerunt, exercent imperia, & opes cupiunt
aut adipiscuntur. *Punctum est, illud, inquit Sene-
ca, in quo navigatis, in quo bellatis, in quo Regna
dispo-*

disponitis : minima etiam, cum illis utrimque Oceanus concurrat.

Non suo sensu caret, hoc Astronomorum ef-
fatum. *Terram* universi comparatione, pene ni-
hilum, & veluti punctum esse. Tanta enim est in-
ter fixas & *Terram* distantia, ut nulla certa ra-
tione elici possit, cum omnem calculationem ex-
cedat, & vix imaginatione queat apprehendi.
Planetarum distantia, ex *parallaxi*, sive aspectus
variatione, quam spectatoribus exhibent, colli-
gi potest : Fixæ autem tanto locorum intervallo
abfunt, ut ex earum intuitu, nulla *parallaxis*
gignatur, & *Terræ* semidiameter ad illas collatus,
pro nullo habeatur. Unde si quis nostrum sup-
ponatur in *Terræ loco* manere, ipsam autem sur-
sum attolli, & Cœlum versus erigi. Haud du-
bium est, quin ut primum assurgat, veluti in-
gens globus sit apparitura : Paulatim tamen de-
cresceret, prout versus *lunam*, mox *Solem*, dein
Saturnum perget : Adeo ut ad *Solem* elata, tan-
quam una ex minoribus Stellis sit apparitura,
ulterius vero pergendo, scilicet versus *Stellas*
Fixas, omnem prorsus conspectum nostrum fu-
giet, Ac proinde *Terra*, quæ tot maria, tot
insulas, totque regna complectitur, si ad Cœli
amplitudinem comparetur, adinstar puncti ha-
benda est. Imo si ad vorticem nostrum, cujus
centrum *Sol* occupat, eam conferamus, adeo
exigua, tamque parvi momenti videtur, ut qui
Scioterica Horologia conficiunt, & umbris solari-
bus horas metiuntur, stilorum omnium vertices,
in *Terræ* centro locatos esse supponant, unde in
superficiem *umbras* suas projiciunt; quasi adeo
tenuis sit differentia, ut non alias hinc quam il-
linc *umbras* projicere queant.

II.

Quomodo Terra in Aeris medio consistat.

Terra in Cœli medio pendet, nullis columnis innixa: imo veluti immota consisteret, æqualem semper ab Orbibus Cœlestibus distantiam servat.

Id Terræ contingit, non ex eo, quod Univerſi centrum exiſtat; ut quidam paſſim exiſtimant, & circa ejus ambitum, cæteri Orbes volvantur; Quoniam ea ratione data, adhuc inquiritur, cur Terra à loco ſuo non deturbetur, & in Aeris medio labrata, impediatur, quo minus avolet, aut deorſum ruat. Nam ſi nativo pondere gravis eſt, quò pacto non decidit? ſi levitate donatur, qui ſit, ut ſurſum non fertur? Dicendum eſt igitur, Terram in *Aeris medio* ſuſpenſam detineri à materia ſubtili, circa eam gyrante, & omnes ejus poros pervadente. Cum enim Cœleſtis materia, quæ undique Terram ambit, æquali celeritate circa eam rotetur, ejusque motum multoties excedat, non poteſt non impedire, ne labatur, aut aſcendat; ac proinde in medio librata permaneat, nam ſicut *Aves* ab Aere ſuſtinentur, ne cadant: ita *Terra* & *luna*, quæ in eodem vortice volvuntur, ab eadem materia, quæ ipſas deſert, fulciuntur, impediunturque, ne à centris ſuis deſſectant, aut alio amoveantur.

III.

Cur Terra ſuo pondere non ad ſolem propius accedat.

Terra quamvis gravis, non ad Vorticis Solis circumferentiam pellitur, ſed à globulis cœleſtibus eam circumfluentibus detenta, ad certam diſtantiam remanet, & ſemper inter *martem* & *mercurium* media, nunquam ulterius provehitur.

Ratio eſt, quod *planetae*, de quorum numero eſt *Terra*, ob variam eorum ſoliditatem, à vorticis centro, magis aut minus removeantur: adeo ut

ut *Saturnus*, qui omnium maxime à Sole distat, cæteros soliditate excedit. *Terra* vero quamvis densum compactumque Corpus esse videatur, non tamen ea soliditate pollet, ut magis versus vorticis sui circumferentiam recedere debeat; cum *Mars*, qui ipsa multo minor est, ob arctiorem tamen suarum partium nexum, solidior sit. Nam licet *Terra* quoad ejus superficiem maxime compacta solidaque videatur, levis tamen pro magnitudine sua, est æstimanda; quia illa superficies, non nisi duorum aut trium miliarium crassitiem habet, quæ vix alicujus est momenti, si ad eas cavitates conferatur, quæ intra illam reconduntur. Ac proinde sicut *naves exigue*, & quæ parum agitationis habent, facile in flumine detinentur, ejusque motu feruntur: Ita *Terra* in Solis vorticem delapsa, pro suæ soliditatis ratione, eundem semper locum retinet, nec ulterius ad Solis vorticis *peripheriam* potest de-
trudi.

Terra vim magneticam *Ferro* tribuit, sed adeo debilem, ut eam facile amittat, & contrariam nanciscatur: ut si *laminæ ferreæ extremitas*, nulla adhuc tali virtute imbuta, *Terræ* obversetur, statim in illa extremitate versus *Terram* depressa, vim *Poli Australis* in borealibus plagis acquireret, quam momento postea amittet, & contrariam comparabit, si eadem ejus extremitas elevetur, & opposita inclinetur.

Hujus ratio ex imbecillitate virtutis *magneticæ*, quæ in *Terra* reperitur, desumitur: Quia cum particule striatæ, quæ è *Terra* egrediuntur, per interiorem ejus superioris regionis crustam, ex qua metalla gignuntur, revertantur,

IV.

*Virtus Terra
magnetica, non
nisi ferrum de-
bilitat afficit.*

fit ut paucae, aut forte nullae per Aerem nostrum regrediuntur, iis solis exceptis, quae transitum interius non inveniunt. Hinc fit, ut *lapides magnetici*, qui idoneos iis particulis recipiendis meatus habent, vim maiorem *Ferrum* attrahendi, habeant; quoniam particulae striatae in ipsis, eodem modo dispositos meatus reperiunt, ac meatus *Terrae inferioris*: redeundo autem per Aerem, aut alia corpora *Terrae exterioris*, in quibus nullos huiusmodi poros offendunt, difficilius moventur, & paucae ad nos perveniunt.

V.

Qui iter in
Austrum à bo-
rez faciunt,
boream deprimi
deprehendunt.

Qui à *Borea* in *Austrum* pergunt, partes Coeli borealis supra horizontem, magis ac magis deprimi conspiciunt. At qui ab *Austro boream* versus proficiscuntur, boreae partes sensim erigi deprehendunt. Adeo ut superatis septuaginta tribus Italicis recti itineris milliaribus, *Polus borealis* sit ipsi futurus, gradu integro elevatior.

Id Terram *rotundam* esse, atque in globi modum confectam esse arguit; nam *Terra plana* existente, talis mutatio contingere non potest. Licet enim ponatur cum quibusdam Aliquem directe sub polo constitui, non tamen altitudinis poli mutatio, oriri potest; quippe si secundum rectam lineam recedat, non aequalis tunc depressio continget, nec post septuaginta tria milliaria, gradus unus post ipsum relinquetur; sed minor semper ac minor recessus ejus Suadet, propter decreascentem minus ac minus angulum. Adeo ut tandem septuaginta tria milliaria, non unius gradus, sed vix unius minuti depressionem factura sint: Quod quotidianae experientiae adversatur.

Articulus secundus.

De Aqua.

Diebus singulis experimur *Aquam* difficilius quam *oleum* congelari, & non nisi magno frigore concrefcere. *Oleum* enim aura tantillum folito asperiori obrigefcit, & firmum constituitur; Item *Aqua* citius quam *oleum* in vapores convertitur, si ambo soli exponantur, & æqualem ab eo calorem recipiant.

Quod *Aqua* fluida fit, & difficilius in glaciem concrefcet, ex eo potiffimum oritur, quod partes *leves ac lubricas* habeat; anguillarum figuras referentes, quæ licet inter se implicentur, & ad invicem accedant, nunquam tamen ita nexæ cohærent, ut non facile fejungantur. *Oleum* vero, ex partibus constat, quæ sibi facile adhærent, *Arborum ramis* fimiles, quæ ita implicari non possunt quin illico mutuo neſtantur, & veluti impeditæ, sibi interjiciantur. Unde fit ut *oleum*, non ita cito in vapores abeat, quam *Aqua*, cujus partes, materię subtilis agitatione, facile à feinvicem ſeparantur, & non nisi levi nexu vincuntur.

Aquæ gravitas in fundo fluminis non ſentitur: Unde ſi quis ſub *Aquis* collocaretur, minime pondus earum experiretur: ut teſtantur *Urinatores*, qui *Aquarum* mole, eorum capitibus impendente, non deprimuntur, ſed ſua in eis, ac ſi in aere noſtro verſarentur, exequentur.

Id potiffimum ex eo provenit, quod non plus

I.

Aqua difficilius quam oleum congelatur.

II.

Homo ſub aquis conſtitutus, non earum gravitatem ſentit.

Aquæ in Corpus immerſum gravitet, quam quantum Aquæ descenderet, ſi corpus illud ſuo loco cederet, nam collocetur Homo ille in vaſe B, qui corpore ſuo ita foramini A incumbat ut exitum aquæ impediat experietur totum cylindri Aquæ A B C pondus ſibi impendere, cujus baſim ſuppono eſſe ejusdem magnitudinis cum foramine A, qui ſi ipſe per illud foramen descenderet, totus etiam ille cylindrus aquæ descenderet; ſed ſi paulo altius ſupponatur, ut ad B, ita ut non prohibeat amplius egreſſum aquæ per foramen A, tum nullam gravitatem ſentiet ex aqua, quæ inter B & C ipſi ſuperincumbit, quia ſi ipſe descenderet verſus A, nequaquam descenderet Aqua iſta cum illo, ſed contra pars aquæ, quæ illi verſus A ſubjacet, paris cum ejus corpore magnitudinis, in ejus locum aſcenderet; unde ht, ut aqua illum ſurſum evehat potius quam deprimat, prout *Urinatorum* exemplo comprobatur.



A

III.

*Alfiltratio-
nem peragen-
dam requiritur
ut pannus bu-
more imbutur.*

Filtratio non peragitur, niſi *panno* per omnes partes Aqua imbuto: Sive Aqua non per pannum lineum aſcendit, & per protenſam alteram, è vaſis ſuperficie partem deſluit, niſi pars illa ſit probe *liquore* pertuſa: Adeo ut ſicca parte panni extra vaſ remanente, omnis filtratio ceſſet.

Hujus ratio eſt, quod in filtratione exteriores Aquæ partes, qua imbutus eſt pannus, ita ſe il-
lius

lius filis implicant, & intime illius poros penetrant, ut quandam *pellicula* speciem ibi conficiant, per quam interiores istius aquæ partes, quæ in continua sunt agitatione, defluunt, & versus illam panni partem feruntur, quæ demissa est, & extra *vas* prominet. Data autem aliqua parte panni sicca, & nullo liquore extensa, non formari ille *tubus* potest, qui ad partium aquæ transmissionem requiritur, ac proinde necessum est, totum pannum madefieri, & Aquam per totum illius corpus decurrere. Nam non est putandum partem foris eminentem, per aquæ propulsionem in vase contentæ humefieri, & madorem recipere: hoc enim fieri natura repugnat: sed illi humiditas accedit, quod filtri pars aquæ primum immergitur; quoniam tunc, illius poros aqua ampliante, & eam sensim copiosius subeunte, illius quoque partes dilatantur & viam insequenti liquori præbent.

Advertunt illi qui in Aquis natant, & fluviorum abdita scrutantur, *undam* in *fluminibus* inæqualiter decurrere, & lentius in *fundo*, quam in *superficie* procedere.

Id non omnibus fluminibus contingit; sed iisduntaxat, quorum alveus inæqualis est, & fossis quibusdam intercipitur. Nam si omnes ejus partes æqualiter sitæ sunt, nec ulla supra aliam exuberat, non apparet quorsum flumina in fundo tardius, quam in superficie ferrentur. Illa igitur solum impari cursu aguntur, quæ in una parte, quam in alia profundiora sunt, & quorum fundus partes habet aliis prominentes. Quoniam Aqua dimissiora illa loca subeundo, in illis aliquantulum detinetur, &

IV.

Cur aqua in fundo fluminum lentius decurrat.

inæquali cursu, cum illa quæ in superficie est, rapitur.

V.

Aqua contenta in vase inæqualis crassitie, non propellitur à copiosiori.

Vas vitreum aliquod conficiatur, cum *angusto brachio*, & illud aqua impleatur: illa quæ in vase continetur, aliam paucam, quæ in *brachio* est, loco deturbare non poterit, neque sublimius evehere; quamvis hac multo copiosior sit, eamque pondere excedat.

Hic effectus materiæ cœlesti debetur, quæ circa Terram citissime rotatur, & terrestria corpora, versus sui motus centrum propellit. Quippe quum Aqua in vase, & in ejus *brachio* contenta, æqualem superficiem habeant, æqualiter à cœlesti materia premuntur, & deorsum detruduntur; ac proinde aqua copiosa, in ingenti illo vase nullam vim habet exiguum illud aquæ, quæ in angusto brachio recluditur, loco suo deturbandi, & sublimius attollendi.

VI.

Cur acus obli-bea summæ aquæ innatet.

Aquæ superficies difficiliter dividitur, quam ejus interiora: *Acus* siquidem exiguæ *chalybeæ*, transversim summæ aquæ innatant, ad fundum vero pergunt, ubi corpus ejus penetraverint, & tantillum ejus interiora libaverint.

Illud ex eo oritur, quod Aquæ partes, licet uniformi agitatione inter se moveantur, & lævem æqualemque superficiem componant, quia vero Aeris partes Aquæ circumfusi, alia ratione & mensura feruntur, nec in eundem motum consentiunt, sit ut superficies *Aeris* & *Aquæ* poliantur: Quemadmodum aspera corpora videmus, mutuo attritu lævigari, & politiem induere. Constat autem lævia corpora multo asperis ad resistendum aptiora esse, & vim majorem aliis pro-

propulsandis exerere. Ac proinde mirum non est, si *Aqua superficies* cum difficilius quam ejus interiora separetur, chalybeam acum sustineat, & eam non patiaturs demergi. Requiritur tamen ut *Acus* in *Aqua* subsidat, neque supra modum crassa sit, & transversim incumbat, quoniam aliter accideret, si diverso modo imponeretur, & unum illius extremum, aliud multo crassitie superaret.

Articulus tertius.

De quarundam Aquarum proprietatibus.

Quædam Aquæ calidæ scaturiunt, & veluti ignem in Terræ visceribus conceperint, calorem referunt, eumque aliis corporibus impertiuntur. Quidam putei ita incalescunt, ut demissum in eo, per aliquod tempus, ovum, coquatur, & ad duritiem adigatur.

I.

Qui nonnullæ aque incallescunt, ut ibermæ est.

Nonnulli *Thermarum* calorem à subterraneis ignibus oriri autumant, qui in Terræ penetralibus latent, & per quosdam canales diffunduntur, quos *Aqua* pertransiens incalescit, & fervorem comparat. Verum, id rationi consentaneum non videtur: quippe non apparet, unde suppetat hæc ignium materia; qui fieri queat, ut ignium alimenta in flammæ sub Terra convertantur; aut si veri ignes illic regnant, quomodo ab erumpente fumo non suffocantur, aut se dilatando, ex latibus demum non erumpunt. Verisimilius igitur videtur, nullam illic nativum ignem residere, sed diversorum liquorum misturam sufficere, ad calorem illic producendum; ut
in

iu *Aqua & Calce* experimur, quæ per fermentationem incalescunt, & ignem sola mixtione generant. Illud idem in *Oleo Tartari*, & *spiritu Vitrioli* animadvertitur; item in *Aqua forti & Tartaro, butyro Antimonii & spiritu nitri*; quæ etsi ad Tactum sunt frigida, tamen si immisceantur, incalescunt, & quidem ita, ut si repente *Aquæ forti*, in qua Ferrum solutum est, *Oleum Tartari* infundatur, non solum ebulliat, sed & flammam mistura concipiat. Quod etiam accidit, si *butyro Antimonii* dicto, confertim spiritus *nitri* infundatur.

Provenit ergo Thermarum calor ex *bituminis & Sulphuris* mistura, quæ dum inter se confunduntur, per quandam fermentationem, calorem concipiunt, & fervescentiam adipiscuntur.

II.

*Aquæ fortes
metalla perfor-
diunt, & in
dura potius
quam in mollia
agunt.*

Aquæ stigiæ, seu *Fortes* passim nominatæ, durissima metalla penetrant, atque illa brevi temporis spatio exsolvunt: In *cera* vero, quæ mollis est, nihil agunt, & eam veluti intactam prætereunt. Eadem *Aquæ* facilius *Ferrum & Chalybem* dissolvunt quam *plumbum* quod illis mollius est, & ad divisionem proclivius.

Ejus ratio est, quod *Aquæ fortes*, cedentia corpora sine injuria perlabuntur, diffingunt autem ac imminuunt quæ illis obstant, & earum transitum impediunt. Id ab iis facile capietur, qui norunt omnia corpora non iisdem partibus componi, neque illas inter se, eodem modo conjungi; sed secundum figurarum & magnitudinum variationem, quibus afficiuntur. Nam sicuti *scyphorum* aut *fistilium* acervus, si baculo feriatur, in mille aut amplius frustra frangi potest; *lana* autem baculo eodem, parique impetu per-

percutta, nullam mutationem sortitur; & sicut forcipum aut cultrorum acie, *scissilia* & *scyphi* scindi nequeunt, *luna* vero statim abruptitur, & in partes exilit: Ita facile intelligitur, quomodo Corpora aliqua ab Aquis fortibus dividantur, & in multas partes abeant: Alia vero, earum transitu, nullam mutationem subeant, aut sensibili modo diffringantur.

Referunt Historici fontem in Epiro esse, qui effectus contrarios operatur. In *Dodone*, inquit Plinius, *Jovis fons cum sit gelidus, & immersas faces extinguat, si extinctæ admoveantur, accendit.*

Id fieri prima fronte, quodammodo impossibile videtur, quum soli igni comburere competat, & frustra frigido corpori *inflammatio* tribuatur: dici tamen potest Epirici fontis Aquam, cum gelida sit, facem immixtam extinguere, id enim aquæ proprium est, ignem obruere, & motarum partium vim retundere: immerito vero extinctæ facis impressus ardor illi adscribetur, quum ille non ab Aquis, sed ab exhalationibus, quæ aquis supernatant, proveniat. Effluunt enim è supposita fonti Terra vapores ex *Sulphure*, *Bitumine*, & *Nitro* conferti, qui per fontem tanquam per caminum ascendentes, inflammabiles in ejus superficie evadunt, extinguuntur igitur faces, dum immerguntur, accenduntur vero, dum Fonti admoventur, & iis halitibus occurrunt, qui ex locis cavernosis, & per fontem penetrantibus erumpunt.

III.

Dodon fons faces accensas extinguit, extinctas accendit.

Gassendus occasione Fontis, qui auctore Plinio, ter in die statis auctibus & diminutionibus crescit & decrescit, cujusdem *Collis martiensis* nomine

IV.

Causa interruptionis fluxus in Collis martensi fonte.

mine mēvinit, qui oēties intra horæ spatium fluit, totiesque fluxu inhibito, sistit. Quippe imminens & jam eruptura aqua, levi murmure se prodit, sensimque in alveolo per minuti ferme dimidium augetur, deinde per minuta ferme sex: cum vero nullum amplius decrementum sub finem percipitur, aliqua interponitur mora, priusquam aqua denuo effluat. Non tamen intervalla ab una eruptione, in aliam æqualia sunt, sed quandoque plura, interdum pauciora intercurrent; cum interim raro accidat, ut non unus horæ spatio octo effluxiones, & totidem cessationes numerentur.

Tam interrupti aquarum cursus rationem reddere arduum est; quicquid ex *Epirotici* fontis exemplo præsidii comparare possumus. Nam quod in hoc Aqua *interdiu* copiosa sit, *noctū* vero deficiat, in Solis calorem refundi potest, cujus vi exarescere fontes æstivo tempore videmus, hyemali vero exundare. At simile quid in *Colistmartiensis* fonte comminisci nequit, quum non minus diurnis quam nocturnis horis, interruptas suas effluxiones servet. Si tamen de re tam abstrusa quicquam suspicari licet, facile crediderim, intra montem exiguam quandam lacunam contineri, ad quam accedens rivulus, cursu continuo replet: quoddam etiam spiramentum inesse, è quo subterraneus halitus, aut modicus ventus incessanter reflans, aquam cohibeat, remittatque in locum à quo proficiscitur, adversum; & illic intumescere, quoadusque proprio pondere victa, vim venti superet; & cum impetu, perlabatur ac decurrat: donec lacuna pene exhauriatur, & sicca remaneat. Deinde ventus recuperato spiramento, eodem modo quo ante efflu-

effluxuram, aquam retinet, continuoque propellit, donec irrumpentis aquæ vi, iterum propulsetur, & ejus impetui cedat.

In Cyrenaica provincia *Solis fons* media nocte fervet, mox sensim tepescit; deinde ad primam lucem friget: & quo Sol magis attollitur, eo fit frigidior, adeo ut *meridie* rigeat: rursus paulatim tepescit; deinde ad *primam noctem* calet, & quo magis ille progreditur, eo fit calidior, ut habet Lucretius,

V.

*An mammonis
fons alternis
temporibus frigat & caleat.*

*Esse apud Ammonis fanum fons, luce diurna
Frigidus, at calidus nocturno tempore fertur.*

Philosophorum nonnulli, hujus proprietatis rationem reddere conati sunt, innuendo quædam *Aquæ* caloris inesse semina, quæ *Terra* nocturno frigore oppressa devehit, & eadem diurno calore laxata resorbet; quod cum alternis vicibus fiat, fons luce frigidus evadit, & nocte media fervet, calidiorque redditur, quo magis Sol dimittitur. Sed vereor ne fictæ rei vera causa quæzatur, nimiumque solliciti simus, in ratione effectus detegenda, qui nullibi extat, & non satis sincera referentium fide firmetur. Cum *Arrianus, Curtius, Plinius, Mela*, aliique Historici, & Geographi, qui fontem illum describunt, illum nunquam aspexerint, & solo rumore adducti, id asseruerint. Quis nescit *Ammonis* Sacerdotes esse Alexandro adulatos, quum fanum illud inviseret, & multa ei impostura, aut simili arte exhibuisset: ut locum illum magis celebrem redderent. De rei veritate primum constet, antequam illius causa iustigetur.

Aquæ

VI.
Unde oritur
calor, in hyeme,
in Aquis pute-
alibus.

Aquæ puteales æstivis temporibus frigidae sunt, hybernis vero incalescunt, aut ad minus teporem sortiuntur.

Hic Calor frigisve, non tam ab Aqua, quam à sensu nostro procedit, quo existimamus illam æstate quam hyeme frigidiorē esse. Usu enim venit, ut quæ manu frigida contrectamus, calida esse arbitremur; & è contra frigida, quibus calidam manum apponimus. Id *Thermas* ingrediendo experimur, quæ calore distinguuntur, & variis gradibus differunt: quippe primum balneum ingressi calidum illud arbitramur, dum adhuc frigescit corpus, & nondum alia subiit, ubi vero à summe calido gradatim ad primum denuo revertimur, illud tunc gelidum existimamus, & veluti à se ipso diversum. Ita de *cryptis* & *cavernis* differendum est, quæ semper eandem temperiem quolibet tempore servant, & ex eo solo *frigidiores* æstate sentiri, quod fervescēte aere relicto, illas subimus, cujus comparatione, frigidae percipiuntur. In *Hyeme* autem *calida*, quod ab aere exteriorē, qui iis multo frigidior est, ad illas accedimus, cujus intuitu calidae apparent, ac sentiuntur.

VII.
Quadam Aquæ
inebriant, alia
limphaticos
haurientes ef-
ficiunt.

Quædam Aquæ ebrietatem conciliant, & eas sumentes ita afficiunt ut instar vini temulentos titubantesque reddant: ut de *Lethe* fluvio memoratur

*Quem quicumque parum moderato gutture traxit,
Haud aliter titubat, quam si mera vina bibisset.*

Aliæ haustæ *limphaticos*, & à mentis statu deturbatos efficiunt, hebetudine per totum cerebrum irrepente.

Causa

Causa in bitumen, quo Aquæ illæ refertæ sunt, refunditur. Caput enim maxime *bitumen* ferit, & nervorum meatus obstruendo, sensuum hebetudinem contrahit, ad eum fere modum, quo pastinacæ sylvestris semina, ut ait *Agricola*, *de rebus è Terra effluentibus, libro secundo*. Linteolo involuta, & in vinum posita; & quo pulveres *florum Hermodaëili*, quibus Turcæ utantur, cum eodem sumpti faciunt, ut ocyus & fortius inebriant. Ita *bitumen* aquis permistum inebriare solet, & grave corpus reddere.

Articulus quartus.

De Fontibus & Fluviiis.

Nihil frequentius, quam è Terræ penetrabilibus Fontes erumpere, & contra aquarum pondus, sursum evehi, & in *montium* jugis scaturire. Id omnis fere fert Tellus, dum Humore gravida, adventitia corpora enititur, & luci exponit.

I.

Unde oriuntur
fontes in ca-
cuminiibus
montium.

Fontium effluentium ratio, non eadem apud omnes est. Quidam enim volunt Aquam in terreno orbe, per canales ascendere, non modo prorsus abfimili, quo *Sanguis* in *Animali*, per venas discurrendo, totum corpus pervadit, & eadem vi, in caput & in tibias effunditur. Huic sententiæ favet *Plinius* libro secundo, capite sexagesimo quinto. *Cum enim terra arrida est & secca, & sine humore per se constare nequeat: nec rursus Aqua nisi sustinente Terra, mutuo implexu jungatur, necessum est venas admittere, quibus tanquam vinculis Aqua discurrat, & ad montium juga nitatur.*

itur. Verum probabile non videtur Aquam per tubos subterraneos seu canales, velut in *Anamalis* corpore, *sanguinem* deferri. Quia quamvis Aqua è mari in specus propulsetur, & vi ipsi impressa, fursum ascendat; non apparet tamen cur dum ad maris superficiem pervenit, non illic consistat aut relabatur, quum impetus quo fursum deferebatur, desinat, & ulterius non extendatur.

Verisimilius igitur videtur Fontium originem Vaporibus deberi, sive Aquæ particulis vi caloris subterranei, ab invicem disjunctis. Nam cum infra campos & montes, magnæ cavitates existant, Aquis oppletæ, ambigi nequit, quin magna earum copia in vapores resolvatur, & ad Terræ exteriora, elatorumque montium cacumina attollatur: ubi frigore succedente, vapores in aquam conversi, cum per eisdem meatus, per quos ascenderant, reverti nequeant, vias alias latiores inveniunt, in *crustarum* seu corticum intervallis, quibus tota Terræ superficies conflata est.

II.

Fontes præter
Sorgam dul-
ces habant a-
guas.

Omniium Fontium Aquæ, si *Sorga* in Venafino comitatu Galliæ excipiantur, dulces sunt, & nihil maris salsedinem, à quo derivantur, sapiunt.

Hujus rei ratio est, quod *dulces* aquæ marinæ particulæ duntaxat in fontes ascendant: quoniam illæ tenues sunt, & facile inflectuntur. *Salsæ* vero, cum rigidæ sint, duritiemque quandam habeant, in vapores mutari non possunt, nec ullo modo obliquos Terræ meatus perlabi. Dulcescunt igitur *Fontes*, quia nisi Aqua constant, quæ per exiguos Terræ anfractus percolatur,

aut

aut in *vapores* caloris vi attollitur: *Sorgæ* vero fontis *salsæ* sunt aquæ, quoniam patulos canales percurrunt; & priusquam rigidas inflexilesque partes exuere possint, fursum contendunt.

Quidam *Fontes* toto hyberno tempore scaturiunt, & largo gurgite se diffundunt; accedente vero *estate*, & nimio perurente Terram calore, exarescunt, & paulatim deficiunt.

Fontes huiusmodi ex pluviis & nivibus originem trahunt, quæ liquatæ in eos confluunt, & diurnum alimentum suppeditant. Sunt enim intra Terram, & maxime sub montibus, *cavernæ*, receptaculaque varia, quæ imbribus aut nivibus quotannis oppletæ, pro capacitatis ratione, tardius aut citius se exonerant: Adeo ut post multos imbres, Fontes passim scaturiant, & novæ aquæ è Terra eliciantur. Summo autem æstu succedente, Fontes siccantur, imo penitus exarescunt, donec profundas easdem *specus* imbres repetant, & novam fluxui materiam suppeditent. Unde tempore *Elæ* Fontes qui antea perennes habebantur, exaruerunt, quoniam clauso Coeli ostio, non *imbres*, non *nives*, pro more in terram cadebant, quæ liquatæ effusarum aquarum locum supplerent.

III.

Cur quidam fontes tantum hyeme scaturiant & siccantur æstate.

Omnia flumina in *plano declivi* fluunt, & ubicumque talis inclinatio abest, Aquæ immotæ manent, & in neutram partem feruntur.

IV.

Quare flumina non nisi in plano declivi decurrunt.

Ratio est, quod in *plano declivi*, partes Aquæ superiores suo pondere suppositas premunt, quæ cum fluxæ sunt, & corporibus imminentibus facile cedunt, in inferiora delabuntur, in quibus liberius expanduntur, & cum minori coactione decurrunt. Inclinatio enim, veluti quædam per-

M

pendicu-

pendiculorum continua series in qua comprimi Aqua nequit, quin in brevioris perpendiculari innum incidat, & sponte propria agatur. Nam si *alvens* per quem flumina decurrunt, inclinatus non foret, nulla assignari ratio posset, cur in hanc potius, quam in alteram partem ferretur, & cur magis versus *occasum*, quam versus *orientem* pergeret. Deinde cur mare intumescens in æstu non æqualem in fluminibus altitudinem haberet, si illa in plano horizontali fluere, & non per declivia raperentur.

V.

*Causa consian-
tis Nili inunda-
tionis post sol-
stitium æsti-
vum.*

Nilus qui *octodecim* duntaxat *pedes* altus est, interdum ad octodecim *cubitos* hoc est, viginti septem pedes excrevit; interdum ad duodecim tantum cubitos: sed ejus inundatio adeo constans est, ut statis temporibus semper accidat, nimirum post solstitium æstivum.

Communis Antiquorum opinio fuit, *Nilum* ab *Ethæsiis*, qui per id tempus flare solent, incrementum accipere, qui in fluminis ostia impacti, cursum ejus remorantur, efficiuntque, ut alveo completo exuberet. Hinc *Lucretius libro sexto*.

*Nilus in æstate crescit, campisque redundat,
Unicus in terris Ægypti totius amnis;
Aut quia sunt æstate Aquilones ostia contra
Anni tempore eo, quo Ethæsia flabra feruntur,
Et contra fluvium flantes remorantur, & undas
Cogentes sursum replent, coguntque manere.*

Sed genuina Nili inundationis hæc ratio esse non videtur, cum constet *Nilum* interdum exundare, priusquam molles isti venti spirent, & ejus ostia claudere queant: Atque etiam intumescentiam cessare,

cessare, antequam flare desinant, & ejus fauces concutere. Causa tanti incrementi in *imbrium* frequentiam potius referenda est, quæ à medio circiter *Junio* in *Septembrem* usque in *Æthiopia* decidunt. Quippe illic Hyems maxime eo tempore viget, à *Maii* fine ad *Septembris* initium continuato rigore.

Fontes in montibus interdum subito nascuntur, qui antea non apparuerant: Et è contra, nonnulli statim deficiunt, & vix tempore aliquo interposito evanescent & extinguuntur.

VI.
*Unde subito
fontes oriuntur
aut evanes-*
cunt.

Id non raro Terræ motu accidit, dum scilicet aquarum scaturigines aperiuntur, fractis aggeribus, qui humorem illo tractu superiorem continebant. Siccantur autem, dum novi opponuntur aggeres, aut in altis cavernis excepta Aqua, evchi amplius non potest. Quoniam tunc, cursum suum mutare cogitur, & alio deflectere. Quis ignorat in montium specubus magnam aquarum vim recludi, quibus Terræ agitatione apertis, carceres illi referantur, & delitescentibus aquis exitum præbent.

Articulus quintus.

De Mari.

MOles *Maris* Terra altior esse conspicitur, & multo supra ejus superficiem videtur attolli. Unde qui oculos è littore in Mare conjiciunt, ipsis Terra altius videtur; & è mari spectatum littus, humilior ac depressius apparet.

I.
*Mare altius
Terra esse vide-*
tur.

Nonnulli omnia *visu* metientes, existimant .

mare ob suam quam cum Terra habet convexitatem, paulatim affurgere, & Terram supergredi; ac proinde non Terræ fundo solum, cui incumbit, eminere; sed supra insulas & continentes attolli. Sed revera hic *visus error est*, qui cum in remotiores maris partes tendat, in illas per radios dirigitur, qui quanto magis à perpendiculari, & ad pedes vergente recedunt, tanto magis remotiores, altiores, ac veluti in fastigio positas repræsentat. Id non in mari solum, sed in quacumque planitie contingere experimur. Quod autem è diverso, littus è mari humiliter depressusque videatur, vulgaris est apud *Opticos* effectus. Nam cum littoris altitudo, sub minimo visorio angulo contineatur, quem hinc & inde provoluti fluctus intercipiunt, & illius prospectum furantur, mirum non est, si littus infra aquas deprimi videatur, & infra ipsos fluctus subsidere.

II.

*Ratio cur mare
non sit terra altius.*

At Ratio quæ adigit ad asserendum mare, secluso fluctuum tumore, non Terra altius esse, maxime evidens est, quoniam dato Aquam super Terram fluere, sequeretur quod illa propria gravitate exundaret, & relicta superiori parte Terræ, inferiorem duntaxat occuparet. Aut cum Aquæ partes se mutuo impellant, & quæ superiores sunt, humiliores propulsent, tota Terræ superficies illico tegetur, & sic nullæ amplius in mari insulæ, nulli montes conspicui forent, sed Terra aquis undique obruta, rerum aliarum conspectum tolleretur. Præterea quo pacto flumina ad mare deflecterent, & ad suæ originis locum reverterentur, si mare Terræ emineat, & infra maris superficiem, Terræ superficies collocetur?

cetur? nihil enim grave proprio instinctu sursum attollitur, & ascendit potius quam descendit, quod corpus se sublimius petit.

Flumina continuo in mare se exonerant, & peragratis aliquot Terræ tractibus, in illud denuo revertuntur; cum interim mare non augeatur, neque solito magis exundet.

III.

Cur flumina ad mare citra ejus inflationem revertuntur.

Id fieri evidentissime constat mutua transformatione, qua Aqua maris in vapores, & ii vicissim in aquam transmutantur. Nam sicut in Animali videmus *sanguinem* è vena *cava* in Cor delabi, mox ab eo per *magnam arteriam* in cæteras corporis partes dispergi: Ita Vapores è mari, per Terræ meatus in montium verticem deferuntur, ubi in Aquam frigore succedente conversi, in flumina abeunt; quæ per decliviores exterioris superficiei partes denuo in *mare* labuntur, & primum originis suæ locum repetunt: Adeo ut quantum ex Terræ cavitatibus evaporatur, tantum ad eadem loca è mari, devehatur; & quantum per Terræ meatus è mari elapitur, tantundem per flumina refluat.

Æstate fervida mare solito *salsius* evadit, & acrius linguam pungit. Hinc qui sub *Æquatore* & *Zona torrida* degunt, aquam marinam eo tempore asperiores experiantur.

IV.

Maris aqua in æstate magis salsa deprehenditur.

Quia Sol qui illic maxime fervescit, è maris superficie tenuiores dulcioreque partes attollit, & in vapores exagitat, rigidis crassioribus relictis. Unde quo vehementior est Solis æstus, eo magis aquarum exteriora concutiuntur, pluresque ejusmodi vapores educuntur, qui in *Aere* concreti, & in *Aquam* iterum reversi, non eun-

dem semper ex quo profecti sunt, locum relabuntur: Sed quandoque per aerem exspatiati aliorum deferuntur. Hujus rei exemplum in Aqua in *cacabo* ebulliente habeamus, quæ certe eo semper falsior evadit, quo diutius subjectis prunis imponitur, & quo plus ex ea humoris effluit.

V.

Quomodo aqua
marina exuere
salem possit.

Effode *puteum*, paulo superius quam extremus maris allapsi fluctus excurrit, ea profunditate quæ respondeat ultimo refluui maris decremento: replebit hunc æstuans mare aqua dulci potuique accommodata. Illud in oris Mauritanie populari constat experientia, ubi aquæ dulcis defectum illa sola pensat. *Bacon. centur. prima, sylv. sylv.*

Aqua marina suo *sale* exuitur, dum multam arenam permeat, demissis intra Terram angulis suis partibus, quæ *salsugine* eam afficiunt: non tamen cum multis opinandum est, ad aquarum *transcolationem* requiri, ut pori per quos transmittuntur, angustissimi sint, quoniam eorum aditus confestim à primis Salis particulis præcluderentur, & insipidis aquæ partibus omnis transitus impediretur: Sed potius requiritur, ut *aquæ* per corpora transfundantur, quæ satis latos & patentes *meatus* habent, in quibus anguli & flexus reperiuntur, Salis partibus retinendis idonei. Necessarium quoque est, ut corpus illud quod prætergrediuntur, satis magnum & compactum sit, ut *Aqua* quæ paulatim defluit, & omnes *salsas* partes simul deponere non valet, sufficiens spatium offendat, in quo hic unam, ibi alteram exuat, prout angulis aut flexibus à quibus retardatur, occurrerit, ac proinde aliquod quoque temporis intervallum requiritur,

quiritur, ut omnes vas deponat, priusquam totum percurrerit.

Aquæ marinæ fortius immixtis corporibus obluantur, quam fluviales : unde *naves* quas mare sustinuit, in flumine aut etiam in *portu* merguntur.

VI.

*Aqua marinæ
graviora onera
sustinet quam
fluviales.*

Id ex eo provenit quod Aqua maris *ponderosior* sit, quia crassis & solidis partibus constat, quæ in minus spatium contrahi possunt, ac proinde imposita onera facilius sustinet, nec illa finit demergi : ut patet de *Asphalite* lacu, qui cum falsissimus est, hominem manibus pedibusque ligatum dorso suo sustinet. *Hieronimus Florentinus* Decoctorem de turri in aquas ligatum præcipitatum, per integram sustentatum noctem vidit : In *Hispania* lateres ex terra, qua argentea opera absterguntur, formatos, aquis innataſſe observavit *Posidonius*. *Jonst.* Nec alia ratio assignari potest, cur *Navis* in *portu* altius immergatur, quam ubi in altum provecta est ; quam quod Aqua quæ portum replet, propter Aquæ dulcismisturam, quæ tum ex fontibus, tum ex fluviis confluit, levior est, multumque suæ soliditatis ac gravitatis ea mixtione amittat.

Aqua falsa minus quam dulcis, incendiis extinguendis, idonea est : imo potius promovet, & novam *flamman* excitat.

Id accidit, quod *Salis* particulae, quæ in hæc aqua maxime dominantur, cum rigidae sint & inflexiles, facile objectis corporibus concutuntur, & ita concussæ multoque robore pollentes, non modo flammam, si illi immittantur, augent ; sed etiam ex se solis, aliquam accendere

VII.

*Falsa aqua igni
extinguendo
inutiles sunt,
imo illum au-
gens.*

valent, si à corporibus, cum impetu exiliant. Accedit quoque, quod *Aqua marina*, multo fluviatili pinguior est, plusque *uliginis* in se contineat, quæ ignis pabulum subministrat, & flammam nutrit. Unde haud parvum in *Ætiaca* pugna injectus in *Antoniniam* classem ignis, incrementum accepit, dum incauti rudesque maris naturæ milites, eum aqua salsa aspergerent, & irrupentem flammam humore extinguere conarentur.

Articulus sextus,


De Maris Fluxu ac Refluxu.

I.
Causa fluxus ac
refluxus maris.

A Quarum moles *viginti quatuor* horarum & *quinquaginta* ferme minutorum spatio, bis ad littus accedit ac revertitur.

Causa tanti *miraculi*, in Corpus lunæ refunditur, quæ materiam cœlestem inter ipsam & terram intercurrentem premens. Aquam quoque Aere intermedio propellit & versus littora agit. Sicut enim platea ea parte angustior videtur, in quâ crassum aliquod Corpus interjacet; & fortius ventus in corpora obvia impingit, quo per arctiora spatia deferitur; ita ob lunæ præsentiam, spatio inter ipsam & Terram angustiore effecto, necessum est *Aerem* & *Aquam*, quæ fluida sunt corpora, cedere, & versus littora attolli. Non alio prorsus modo, quo liquor in vase majore copia infusus, versus labra affluit, si comprimatur, & medio, a quo expellitur, relicto, ad extrema deferatur. Sed majoris claritatis gratia, ponatur Terra esse T, Aqua vero quæ Terram

ram ambit E F G H, luna B circulum suum men-
sibus singulis percurrrens. N O P Q coeli vortex,
qui pro centro terram T habet, quique cum luna
circa ipsam terram jugiter circumagitur. Nam
eadem cœlestis materia, quæ ad O pergit, cur-
su suo ad P & Q continuato, tantundem spatii
ex una parte terræ requireret quantum ex alia, &



sic illam undique premeret. Verum, quia luna
in puncto B adest, & coeli celeritatem non affe-
quitur, oritur ut cœlestis materia terram paulo
magis versus P quam versus O aut Q comprimat,
ac proinde Terra paulum ex vorticis centro re-
cedat

cedat, & versus D accedat: quo fit ut aqua quæ est ad F & ad H comprimatur etiam aliquanto magis ac deprimatur quam aqua quæ est ad E aut at G. Deinde quia terra viginti quatuor horis circa centrum suum circumvolvitur, ea terræ istius portio, quæ nunc in puncto F existit, in quo mare subsidit, intra sex horas ex puncto G in quo intumescit mare, futura est, & elapsis duodecim horis in puncto H, ubi iterum suble- dit mare. Jam vero quia *luna* nonnihil etiam progreditur, & eundem *terræ* circuitum triginta ferme diebus perficit, duodecim horæ minutæ in singulis reciprocationibus addendæ sunt; Adeo ut aqua maris duodecim horas & viginti quatuor minuta fluendo ac refluxendo, in uno & eodem loco impendat.

II.

Hæc tanta
æstuum in lit-
toribus aqua-
rum appulsus
diversitas.

Æstus maris non idem ubique tempus servat, sed ad quædam littora citius, ad alia tardius aquæ devolvuntur. Ad *Aquitanicam* enim oram septem horarum spatio pergit, & ab ea quidque horis refugit: è contra versus *Canadensem* quin- que horarum spatio movetur, & ab ea recedendo septem consumit. *Guineum* mare quatuor horis assurgit, & octo relabitur.

Hæc in fluxibus & refluxibus varietates, mul- tis ex causis oriri possunt; sed præsertim ab *al- veorum*, in quibus aquæ continentur, *inequali- tate*, aut littorum *situ* & dispositione; quibus aquarum cursus maxime juvatur aut impeditur. Hujus rei specimen in fluminum ripis habemus, in quibus aqua pro situs diversitate præcipitatur aut leniter decurrit, torquetur, aut per vias re- ctas tendit. Adeo ut si mare ad littus *Aquinani- cum* inertius accedat quam refluit, id ejus decli- vitati

vitati imputandum est, quæ ejus progressui opitatur, & refluxum ejus tardat, & impedit. Quod in mari *Hollandico* Aqua multo citius affluat, quam refluat, inde fit quod per *Texellum* in meridionale mare, & per *Zelandiam* in *Rheenum* se exoneret. Quod *Amsterdami* tardius affluat, quam in *Frisio* littore, sinus recessus in causa est, in quem mare devolvi, cumque tam cito implere non potest, quam apertæ oræ allabitur. Quod autem in *Mediterraneo* mari exigua aut nulla reciprocatio fiat, id provenire putandum est, quod multæ insulæ interjiciantur, quæ maris æstum arcent & turbant, atque ob loci angustias, quæ aquas exspatiari non sinunt, & ultra solitum sensibilibiter provehi.

Portus qui sub eodem meridiano sunt, non omnes maritimum æstum iisdem horis patiuntur: ut de celebri illo portu *Havre de graces* in Gallia nominato, qui in plenilunio aut novilunio summum æstum hora nona matutina habet, *Diepa* vero non nisi decima hora; quamvis hæc duo loca parum ab invicem absint, & vix *semi-gradu* differant.

Id illis accidit, non solum, quod inter angustias *Oceani Britannici* varii & inæquales amfractus sint, qui aquas deflectunt, & earum cursum immutant: Sed etiam ob Ventorum impetum, qui in illo mari sæviunt, & à diversis partibus spirant. Sic *Caletum*, tum *Slusas*, quæ urbecula est in Flandria confinibus sita, *Brugis* contermina, nova plenaque luna summo æstu implet, hora plus minus undecima, ea parte illustrata quæ in Austrum reflexa est. *Arnemude* ac *Mesliburgi* tractus hora secunda seu noctis seu dici.

Zirizeæ

III.

Æstus in Havre de Graces citius accidit in plenilunio quam Diepa.

Zirizee hora tertia, luna in occasum brumalem seu hybernum conversa, à quo *Africus* flat, & Sol *Capricornum* subit. *Bergis* sesquihora aut duabus serius, *Antverpiæ ac Dordraci* luna inclinata in *Æquinoctialem* occidentem, à quo *Favonii* seu *Zephiri* spirant, hora propemodum sexta; *Mechliniæ* octava, sic tamen ut modo tardius, modo properantius mare influat, Aere vel tranquillo, vel ventis incitato. *Lemnius de occultis naturæ miraculis*, libro secundo, capite quadragesimo primo.

IV. *Æstus sunt in plenilunio & novilunio majores.* Majores æstus in conjunctionibus circa D, & oppositionibus circa B, sive *novilunio & plenilunio* contingunt, quam in quadratis lunæ aspectibus, nimirum circa A & C. Unde nautæ ob majores & celeriores affluxus & refluxus luna nova & plena *mare vivum* nominant, dividua, propter minores & tardiores, *mortuum*.

Ratio est quod Cœlum ABCD non sit perfecte sphaericum, sed ad figuram *ellipticam* aliquantulum accedat, & majora inter terram, & sui extremum AC exhibeat spatia, quam ex diametro ei opposita circa B & D. Cum vero luna in temporibus intermedijs, in majoribus istis spatiis versetur, ob laxiores angustias quas pertransit, necesse est, ut lentius progrediatur, ac proinde minor fiat aquarum compressio, & sic minor maris reciprocatio. Cum autem in *plenilunio* aut *novilunio* in ellipsis istius diametro minima sit, oportet majorem à materia coelesti interfluente pressionem fieri, ac proinde majorem celerioremqæ æstum provenire.

V. Euripus fluvius si *Antiquis* credimus, incertis undis

undis defluit, & septies in *Aegeo* sinu reciprocatur motus.

*An Euripus
motus in die
reciprocet.*

Hujus effectus causa in lunæ *interpositionem* referri etiam potest, cujus pressione fluvius defluit, non in unam mundi partem, ut cætera maria, sed quoquoeversum: adeo ut pars una in *Cæciam*, alia ad *Boream* altera ad *Austrum*, &c. feratur, quæ prout in freti angustias, aut littora incidentia inciderint, refluxus acceleratur aut retardatur. Quamvis non immerito ambigi possit, an quæ de illo flumine à Veteribus prodita sunt, cum veritate consentiant. Cum Titus Livius libro octavo decad. 3. id inficietur, & de Authorum fide dubitandi occasionem præbeat. *Fretum ipsum Euripi*, inquit, *non septies in die, sicut fama fert, temporibus statim reciprocatur; sed temere in modum venti, nunc huc, nunc illuc verso mari, velut monte præcipiti delapsus torrens rapitur: ita ut nec nocte, nec die quies navibus detur.*

Flumina & lacus nullam reciprocationem patiuntur, & quantumvis lunæ opponantur, nullam mutationem præseferunt.

Id ex eo potissimum oritur, quod eorum latera non satis ab invicem distent, minorque sit eorum superficies, ut in unam partem magis quam in aliam à materia cœlesti premi queat. Nam sicut *vasa* quo arctiora fuerint, motum liquoris minorem ostendunt; ita præter vastam hanc aquæ molem, quæ terram ambit, nulla alia extat, quæ possit eodem tempore, in omnibus suis partibus simul, liberiori spatio frui ex duobus lateribus, ut assurgat; ex duobus vero aliis comprimi, ut subsidat.

VI.

*Cur nullus sit
fluxus & refluxus in fluminibus.*

Articulus septimus.

De Igne.

I.

*Aliqui sunt
ignes lucentes
tantum & non
calefacientes.*

Quidam ignes dum *lucent*, omni calore destituuntur. Qui enim in mari vela faciunt, animadvertunt nonnunquam fluctibus in scopulos impotenti tempestate adactis, *scintillas* exilire. Sic è *lignis putridis & piscibus* fale conditis radii sine ardore erumpunt, qui ad oculos delati, nulum nervis tactoriis motum ingerunt.

Ratio est, quod materia primi elementi in hujusmodi corporum meatibus, inclusa, licet satis virium habeat ad globulos secundi elementi impellendos, & ad retinam, quantum ad luminis perceptionem sufficit, movendam; nimium tamen debilis est, ut partes terrestres à se invicem sejungat, & in illis eam agitationem excitet, quæ ad calorem in ipsis procreandum requiritur. Ignis igitur tantum lucidus est, dum intervalla particularium terrestrium ita angusta sunt, ut soli primo elemento locum dent, & omne corpus crassum refugiant. Sic dum *Salis* spicula, angustos *Piscium* meatus ingrediuntur, & globulos secundi elementi isthinc expellunt, adeo ut Soli materiæ primi elementi pateant, efficiunt, ut piscium squamæ ad modum *lampyridum* luceant.

II.

*Quidam ignes
urunt, & non
micant.*

Quædam Corpora magnum calorem exhibent, omnis vero luminis sunt expertia: ut *Animalium* vivorum *sanguis*, *simus equinus* in putredinem vergens, *calx* liquore aspersa, & similia, in quibus

quibus latens ignis urit, citra omnem flammæ emissionem.

Quoniam in ejusmodi corporibus, partes quæ primum elementum circumstant, quæque ab eo agitantur, nimis molles flaccidæque sunt, quam ut luminis actionem transmittere possint. Nam licet nonnullæ materiæ primi elementi innatent, atque ejus motibus obsequantur, quia tamen quædam sive aqueæ sive aeræ flexiles admiscuntur, vim quidem ignem excitandi habent, non autem luminis actionem recipiendi. Hinc spiritu *vitrioli*, & *Oleo Tartari* permixtis ebullitio oritur, quoniam impeditus in ipsis materiæ subtilis commeatus, quandam *luctam* inter eos liquores procreat, ex quo vehemens calor exurgit. Sic *finus equinus*, sic viventium Animalium *sanguis* incalescunt, primo elemento, à molliore materia inter partium angustias, intercluso. Ac proinde incalescunt tantum, sive vim habent nervos tactui inservientes agitandi; non autem cœlestes globulos, in quo luminis ratio posita est, impellendi. *Calx* autem Aqua aspersa ignem concipit quia ita adaptati sunt ejus pori, ut partes aqueæ solo primo elemento septas recipiat; adeo ut globulis æthereis expulsis, sola primi elementi materia dominetur. Quippe illa formam *Ignis* habere dicuntur, quorum particule seorsim primi elementi motum sequuntur, & ejus agitationem imitantur.

III.

Flamma ingenita quadam propensione, *Calum* Cur flamma versus fertur, & superiora loca affectat: unde fursum ascendit. quo facilius eo pertingat, crassitiem suam deponit, & *conicam* figuram assumit.

Dici potest Flammam non tam superiora petere

tere quam eo extrinsecus deferri; nam cum undique ab aere circuncingatur, & ob minorem suam soliditatem quodammodo diverberetur, sursum potius quam deorsum tendit; quoniam laxiori illic aere minus constringitur, & imbecillio-rem resistentiam offendit. Quomodo autem illud peragatur, sic accipe: primi elementi materia, quæ maxime in *flamma* viget, cum in continuo sit motu, ab eo loco in quo est, semper egredi nititur, cumque globulis cœlestibus levior sit, sursum fertur, & à *Terræ* centro se removet, verum, cum Corpus aliquod moveri nequeat, nisi aliud in ejus locum motu circulari succedat, tantundem aeris versus *Flammam* regreditur, quantum *fumi* elapsum est, ac proinde aer qui candela summitatem lambendo, ac *candelam* accedit, cereis partibus mixtus, *Flammæ* pabulum ministrat: Adeo ut vis ignem exporrigendi & sursum propellendi aliquo modo *Aeris* tribui possit. Quorsum vero *Flamma* conicam figuram habeat, & in acumen desinat, manifestum est, quia partes *Flammæ*, quæ ejus medium occupant, minimam soliditatem habent, ac proinde fortius moventur, citiusque in altum evehuntur, quam exteriores, quarum agitatio ab aeris contactu minuitur, & imbecilior evadit.

IV.

*Ignes græci
non possunt a-
quis extinguï.*

Quidam ignes quos *Græcos* vocant, aquis ob-
luctantur, & ab eis se obrui aut extinguï nullo
modo patiuntur.

Vim illam ejusmodi Ignis à suarum partium
soliditate mutuatur, quæ celeriter agitatur, a-
quam omni ex parte repellunt. Ad *Ignis* enim
conservationem potissimum requiritur, ut in eo
sint particulæ terrestres, quæ à primo elemento
impul-

impulsæ, vim obtineant impediendi, ne ab aere aliisque liquoribus supra ignem positis suffocetur. Qua virtute potissimum *Bituminosa*, *Oleosa*, & *Sulphurea*, ex quibus Græci ignes conficiuntur, præstant. Quippe ob suam crassitiem & ramosarum suarum partium cohærentiam, maxime idonea sunt, à loco suo dejici, & aquam ita movere, ut globulos æthereos, *Ignem* suo illapsu extincturos arceant, ac repellant.

Silicis in *chalibem* percussione Ignis excitatur, imo chalybs chalybi attritus Ignem generat. Sunt quoque lapides, quos *vivos* appellamus, qui clavo aut lapide percussi, *scintillas* edunt. Neque *vanus in attritione lignorum conatus est*, inquit Ovetan. libro sexto, capite quinto, *quum ipsi Indi quedam ligna, ut hæreant, componunt, inter utrumque aliud interponunt, motu celerrimo velut terebellum vertunt, Ignem sic excutiunt.*

Causa est, quod *Silicis* partes rigidæ sint ac fragiles, quæ cum à duro etiam corpore percutiuntur, spatia quæ inter multas eorum particulas interjacent, & à globulis secundi elementi solent occupari solito arctiora reddantur, ac ideo cœlestibus globulis vi ictus expulsis, sola restat materia subtilissima, quæ crassas eas particulas recipiat, & motu vehementi in orbem agitet. Sic dum *chalybis* partes rigidæ sint ac friabiles, ictus quidem impetu cedant, sed illico resiliunt, & mox ab invicem sejunctæ, & à primi elementi motu abreptæ, in *scintillas* abeunt, ignisque formam exhibent. Pari ratione Ignis ex vehementi *baculorum* frictione elicitur, quoniam continuato eo motu, eorum particule primum constringuntur, deinde maximo impetu unæ ab

V.

Quomodo Ignis ex chalibe, lapidibus, & quibusdam lignis excutitur.

aliis in gyros agunt, quo non solum aeris partes, sed etiam globuli ætherei eas ambientes divelluntur, ac proinde à vehementi primi elementi agitatione in orbem actæ in scintillas abeunt, & *Ignis* speciem referunt.

VI.

Quædam lucernæ per multa secula in sepulchris arserunt.

Memorant scriptores quondam *lucernas* extitisse, quæ perpetuo arderent, & in sepulchris lumine intemerato ad multos annos fervarentur. *Vives* ad librum vigesimum primum de Civitate Dei, refert eruto olim conditorio *candelam* supra millesimum quingentesimum annum arsisse, tactam autem inter admotas manus in tenuissimum abiisse pulverem. Recenset *Fortunius Licetus* ante annos centum, *Paulo tertio* sedente in *Tullie Ciceronis* gnatæ sepulchro, lucernam inconsumpti pabuli esse repertam, sed cui idem fatum contigit, ut luce intromissa, statim extingueretur.

Gassendus hujusmodi lucernas inter ludicra recenset, quæ secluso aere ardent, admissio autem evanescunt & evaporantur; cum secundum ipsum aeris accessu denuo accendi deberent potius & novas vires assumere. Nihil tamen, meo judicio obest, quominus *Ignis* in locis subterraneis, ubi non *venti* flatu, non *aeris* intemperie concuti potest, conservetur. Contingere siquidem potest, ut multæ fuliginis particule undique lucernæ flammam ambient, & sibi mutuo adhærentes & immotæ, exiguum quasi fornix circa illam componant, quo *aeris* partes arceantur, ne in flammam irruentes, illam obruant, ac suffocent. Quippe ita compositus fornix ad vim *Flammæ* intringendam conducit, ne ultiores *olei* vel *ellyphni* particulas inflammet & accendat. Unde fit, ut primum elementum
in

in cō, *Stella* adinstar in orbem revolutum, globulos æthereos, qui ipsum circumstant, repellat, & *lumen* per totum sepulchrum transmittat, tennue quidem & subobscurum, sed quod loco aperto, vires aeris externi agitatione recuperet, & amota, qua cingebatur fuligine lucernam accensam, & lumine radiantem manifestet & prodad.

Articulus octavus.

De Terræ motu, & Ignibus subterraneis.

Campania per plures dies tremuit. Principio anni quo *L. Cornelius* & *Q. Minutius* *Consules* fuere, tam crebros Terræ motus fuisse tradit *Livius*, ut non tantum rei ipsius, sed & feriarum ob id indictarum tæderet Homines. Idem narrat per dies duodequadraginta Terræ motum fuisse, libro quadragesimo quarto.

Quidam impetum illum, qui Terræ motum efficit, Soli tribuunt, cum putent illum *Halitus* qui in Terræ specubus coguntur, suo calore educere, & ad Terræ superficiem attrahere. Verum id fieri non posse ratio statuit, quod Solis radii tantum Terræ penetrare nequeant: quia licet particulæ terrestres à radiis Solis impulsæ, alias sibi vicinas, ad quas isti radii non pertingunt, agitent, Hæque rursus alias, & sic consequenter, non tamen ea partium terræ commotio, igni excitando sufficit. Melius igitur Terræ motus causa, in *exhalationes* refunditur, quæ in rimas & terræ cavitates illapsæ, pingues ibi & crassos *fumos* componunt, non admodum iis dissimiles,

I.

Causa terræ motus in Campaniâ, & aliis partibus.

qui ex *candela* recens extincta egrediuntur, & spatium circumvicinam implent, qui ignis *scintilla*, forte silicum attritu, excitata, confestim accenduntur, ignemque concipiunt; qui subito rarefacti, omnia carceris sui claustra concutunt, & obstantibus corporibus vim inferunt.

II.

Terræ motus non nisi in aliquibus partibus accidit.

Terræ motu non nisi aliqui Terræ tractus agitantur: unde nunquam totus orbis concutitur, nisi *miraculum* adsit, & Divina Potentia magnum quid moliat.

Ratio in promptu est, quod *exhalationes*, quæ in Terra grassantur, quæque eam commovendi vim habent, non ubique dilatandi se spatium inveniunt. Cum enim innumeri sint subterranei specus, & varia recipiendis peregrinis corporibus *diverticula*, non omnia eadem materia opplentur. *Quidam* enim aquas continent, quæ ob innatum frigus partiumque suarum crassitiem, torpescunt, & absque motu, veluti in lecto stagnant. *Alii* denso aere turgent, qui inter angustias reclusus non nisi vi ex antris suis excluditur. *Alii* ignibus occupantur, sed qui carceribus reclusi, & extra prouendi impares, innoxii manent, & nullos in terram impetus faciunt. Soli igitur *Ignes* illi terram concutunt, qui carceris parietibus disruptis erumpunt, & laxatis *habentis* grassantur, ac se expandendi spatium quærunt. Cum vero ii pauci sint, nullamque ad Terræ globum proportionem habeant. Non nisi aliquas ejus partes agitant & commovent.

III.

Unde oritur fragor qui terræ motum sequitur.

Ex omni Terræ motu quidam *fragor* resultat tonitruum similis, qui ei fere semper conjunctus est, aut interdum etiam præcedit.

Id

Id provenit quod Ignis intra Terræ *cavitates* rarefactus, per multas vibrationes & subsultus se reducat: nam cum in cavernis illis innumeri flexuosi meatus existant, quos accensæ *exhalationes* pervadunt, oportet ut *Sonus* per eos delatus multiplicetur, & additione increascit. Ita *specubus* reboare solenne est; ita è tortuosis cornibus, quæ apud mulicos *Serpentis* nomen obtinent, quædam mugitus species emittitur, qui non nisi flexuosis meatibus, per quos ad aures nostras pervenit, assignandus est. Major igitur minorve *fragor* è Terræ motu oritur, prout materia citius vel tardius accenditur, & prout rarefacti halitus fortius erumpunt, & se per plures aut pauciores vibrationes explicant.

Terra è visceribus nonnunquam Ignem expromit, & illum per montium vertices sursum effert. Sic *Ætna* in Sicilia, *Vesuvius* in agro Neapolitano, *Hecla* in Islandia flammam evomunt, & circumvicinas Regiones cineribus opplent. *Vesuvius Mons*, teste Dion. Cass. in Hecl. arsit, *Tito Vespasiano & Flavio Domitiano vii. Coss.* Rupto vertice primum saxa ejaculatus est, post tantas flammam, ut duo oppida *Herculanum & Pompei* conflagrarent: tam densos fumos, ut lumen Solis obscurarent: postremo tam densum efflavit cinerem, ut tanquam nix vicinam regionem tegeret, quem vis ventorum in *Africam, Ægyptum, Chyriam* projecisse dicitur.

Dubitari non potest quin intra Terram *Ignes* gignentur, quam magna illic *sulphuris* ac *bituminis* vis insit, quæ præ cæteris succis pingua sunt, ignemque promptissime concipiunt, ac retinent. Nullam autem intra Terræ viscera materiam

IV.

Unde tantus ignis qui ex Ætna & Vesuvio erumpit.

riam magis creandis ignibus idoneam deprehendimus, & quicquid ardet, aut calefit, sui conservationem ab eorum mistura habet. Unde nullibi Ignis erumpit, aut aliquo in loco calor se prodit, quin utrumque illic maxime vigere, aut saltem eorum alterum imperium obtinere invenitur. Nec parum ad *Ignis* in specubus latentis incrementum dilatationemque conferre *Ventus* potest, dum cavernis afflatus, illum magis aut minus accendit efficitque ut plus correptæ materiæ in flammam abeat, & vehementius exasperetur.

V.

Cur ignis subterraneus ad montium summitates ascendat.

Ratio autem cur *flamme* subterraneæ montium *vertices* petant, & relicta humilliori terra, in superiorem sæviant, ab ipso igne petenda est, qui cum vi intra cavitates detineatur, & illic se dilatandi copia non fiat, carceris sui parietes superne potius quam inferne infringit, quoniam ea parte debilius est obstaculum, & minus ejus impulsibus fit resistentia. Unde libertatem nactus, tamdiu perseverat, quamdiu materia subest, quæ ipsi alimentum subministrat, & in flammam convertitur.

VI.

Montes certis tantum temporibus flammam aut lapides emittunt.

Montes accensi post aliquod temporis intervallum, furere desinunt, & non diu post, vires suas resumunt, & ignes alios aut saxa jaculantur.

Quia Igne erumpente, laxatisque vacuis montium lateribus, *aque* allabuntur, quæ deserta loca occupant, ostiaque obstruunt, ne tam cito alia exhalabilis materia congregetur, & novis ignibus pabulum præbeat. Accedit quoque ut vehementi flammaram emissionem, montium

partes

partes subvertantur, & ruinæ in barathri profundum corruant, quibus via halitibus præclusa, expectandum est donec satis sulphuris & bituminis denuo colligatur, quæ accensa, eam materiam depellant, & sursum ejaculentur. Unde non eandem semper vomiferi montes magnitudinem retinent; quum ipse Vesuvius miræ olim magnitudinis, vix solo nunc æquetur, tota ejus mole repetito incendio consumpta.

*Nec quæ sulphureis ardet fornacibus Ætna
Ignea semper erit; neque enim fuit ignea semper.*

Ovidius decimo quinto Metamorph.

Articulus nonus.

De Vitro.

NOn ignobilis effectus *Vitrum* est Ignis, cuius forma non minus quam materies ab eo pendet. Nam cum pleraque corpora indefesso motu Ignis agitet, & eorum partes, soluta unionem diffingat, quasdam in *fumum*, alias in *calces* & *cineres* convertit, quæ nova ignis actione excoctæ, denuo connectuntur, & in *Vitrum* abeunt. Hoc corpus è cineribus assurgens, & reliquiis corporum ustorum exortum, *pellucidum est*, & liberum radiis Solaribus transitum præbet, nec nisi peregrinæ materiæ mistura opacum efficitur.

I.

*Unde oritur
pelluciditas
Vitri.*

Hujus perspicuitatis causa, facile ex *vitri* generatione deducitur. Nam cum formaretur, liquidum esset, & ejus particule inter se move-

rentur, Ignis materia circa illas fluens, innumeros meatus excavavit, quos secundum elementum undique adveniens libere permeans, *luminis* actionem in omnes partes, secundum *lineas rectas* transfudit. Cum vero iidem pori, perfecta generatione, continuo subtilis materiae transcurso illæsi servantur, & simili materia repleantur, eodem modo quo antehac *lumen* per eos transfunditur, & par in concreto vitro ac in liquefacto pelluciditatis remanet. Hoc enim corporibus Igne liquefactis est commune, ut dum adhuc liquida sunt, ipsorum particulae non ægre se accommodant ad quaslibet figuras, & cum postea frigore concresecunt, easdem retinent, quas ultimo induerunt. Quod si quædam *Opacitas* vitro innascatur, id semper ex *sordibus*, *nubeculis*, & exiguis *bullis*, quæ in eo occurrunt, provenit, quæ cum in magna crassitie plures sint, quam in minori, pelluciditatem ejus magis impediunt.

II.
Cur Vitrum sit
fragile.

Fragilitas *vitro* maxime competit, & non nisi ægre *ductilitatem* patitur. Hinc levi tactu Vitrum frangitur, & in partes varias exilit.

Quia licet vitrum *durum* sit, & satis crassis partibus constet, quia tamen superficies secundum quas illæ se contingunt, admodum exiguae sunt, & non nisi in punctis cohærent, si pauxillum à locis suis dimoveantur, *unionem* suam amittunt & in frustra dividuntur. Multa autem molliora corpora difficilius franguntur, quia partes suas sic intextas habent, ut ab invicem se jungi nequeunt, nisi pluribus earum ramulis ruptis atque avulsis.

Si vitrum *frigidum* igni admoveatur, adeo ut in una parte magis quam in cæteris calorem recipiat, hoc ipso in illa parte infringetur, & rupto quarundam particularum nexu, integritatem amittet.

III.

Vitrum frigidum igni admoveatur frangitur.

Ratio est, quod intromisso igne, omnes vitri meatus, non eodem modo dilatentur, ac proinde subtilis materia eos penetrans, quum non satis patulos ea parte, qua *frigidum* est vitrum, ad egrediendum meatus inveniatur, per ejus fracturam eos sibi aperit, & facto *impetu*, elabatur. Si vero lento priimum igni, ac deinde gradatim potentiori apponatur, *vitrum* integrum remanebit, nec ullum damnum patietur; quia omnes ejus meatus ita copiose laxabuntur, ut libera materiæ subtili via pateat, & absque obstaculo egrediatur. Sic usu venit ut *pocula vitrea*, si ejecto calido liquore, statim vento frigidiori exponantur, crepent, ac diffingantur; quia nempe subtilis materia, in *poculorum* vitreorum poris inclusa, cum exhalare nitatur, & liberum exitum, ob infidens frigus, non inveniatur, latera quibus detinetur, infringit, & per fragiles vitri particularum transitum molitur.

Vitrum rigidum est, & non nisi cum *fractura* periculo inflectitur. Unde si tantillum à vi externa in partem unam inclinatur, statim sibi relictum resilit, & *arcus* adinstar, ad priorem figuram revertitur.

IV.

Cur vitrum adinstar arcus sit rigidum.

Ratio est, quod ea inflectione figura vitri non nihil immutetur, & angustiores illius pori efficiantur; unde primi elementi particulæ, per illos transire assuetæ, *vias* ibi solito minus commodas invenientes, & nihilominus quoad possunt, in

in motu perseverantes, impetum in eorum parietes faciunt ad figuram priorem ipsis restituentem. Hæc enim *resiliendi* proprietas, non *Vitro* solum, sed & omnibus duris corporibus competit, quorum particulae immediato contactu, non ramulorum intextu conjunguntur; ut in *arcu ferreo*, aut etiam *ligneo* incurvato sit manifestum, qui se ad figuram priorem statim reducit, nisi nimis diu, in eo statu cohibeatur, & aliorum materia subtilis transitum adinveniat.

V.

Quomodo vitrum vi ignis liquecat.

Vitrum Ignis actione liquefcit, & omnes figuras, dum candet, facile induit.

Quia ejus particulae Ignis vi antehac attritæ & lævigatæ facile moventur, atque aliæ supra alias oblique *repentes* & fluentes in exiguis quibusdam superficiebus, se contingere incipiunt, & se mutuo sequentes, corpus liquidum componunt, quod pro artificis arbitrio duci potest, & in quolibet figuras inverti.

Articulus Decimus.

De Cineribus & Carbone.

I.

Vas cineribus oppletum tantum tene aquæ contract, quantum aliud ejusdem magnitudinis vacuum.

CIneres tantum *aquæ* hauriunt, tamque profunde eorum penetralibus liquor immergitur, ut vas cineres continens, eandem ferme aquæ quantitatem, observatore *Aristotele*, capiat, quantum aliud ejusdem magnitudinis vacuum & inane complectitur.

Hujus ratio alia reddi non potest, quam quod *pori* & cavitates, quæ eorum partibus interponuntur, veluti flocci & tenues quædam exuvie sunt

sunt, quæ infusum liquorem recipiunt, & illum quodammodo exsugunt & absorbent; adeo ut cinis terrestris quædam nix dici queat. Nam sicuti in nive exquisito *microscopio* tenuissimæ congelatæ guttulæ deprehenduntur, in floccorum modum effictæ; Ita in cineribus corpuscula videntur exiguarum exuviarum adinstar, quæ injectum liquorem hauriunt, & intra tenues suas superficies recondunt.

Cineres tergendis corporibus adhiberi solent. Unde qui *oleum*, pinguemque aliam materiam è panno educere satagunt, *Cineribus* maxime utuntur, quarum ope, quascumque sordes eximunt, & pristinum corporibus nitorem restituant.

II.

*Quomodo ab-
stergendis è
panno maculis
cineres inser-
viunt.*

Id ex eo provenit, quod corpora mutuo affricu lævigentur, & omnem asperitatem depo-
nant. Unde cinerum aliorumque corporum attritu, quicquid sordium illis adhærescit, excutitur, & omnia plana efficiuntur, modo *aqua* aliufve similis liquor adsit, quo veluti vehiculo cineres ad intimos corporis recessus, in quibus sordes degunt, deferantur: quia cum aliquid uliginis & acrimoniæ habeant, illis implicantur, atque iterato affricu, quicquid asperum est, secum auferunt. Unde ex diluto cinere fit *lixivium*, dum Aqua per cinerum meatus transmissa, & eorum acrimoniam uliginemque suffurata, abluendis corporibus fit efficax, & iis *sordibus* tollendis, quæ ipsis adhærent ac immiscentur. Quippe telæ poros subeundo, & ad intimos ejus cuniculos penetrando, educit quicquid illic sordium offendit, illud scilicet vel secum *vehendo*, vel in eorum superficie *destituendo*.

Plan-

III.

Radices plantarum à frigore cineres tenentur.

Plantarum radices, tempore hyberno *cineribus* muniuntur, ne frigoris injuriis sint obnoxia, & liquefacta nive aut glacie, quæ stirpibus nocent, perfundantur.

Quoniam cineres *aridi* sunt, omnique succo propemodum carent, ac proinde resolutæ nivis humorem exsugunt, & intra meatus suos recipiunt & foveant. Calidi enim cineres sunt, & intestino adhuc motu agitantur. Nam sicut *acetum* & *fax vini* vim calefaciendi retinent; ita cineres igneæ qualitatis participes sunt, & vim frigus arcendi habent.

IV.

Cur ignis in carbone conservetur.

Carbones ignem conservant illumque diu tinentur, præsertim si cineribus tegantur, & ab *aeris* afflatu removeantur.

Quia Ignis in carbone latens, quibusdam particulis tenuibus & ramosis inest, quæ aliis crassioribus implicatæ, quamvis celerrime agitentur, non tamen nisi successive, id est, unæ post alias egredi possunt. Ignis corporis alicujus meatibus inclusus, aliquo tempore eget, ad omnes ejus particulas dissolvendas, ut se ab eis extricare & liberare queat: ac forte priusquam eo modo egrediantur, *Carbonis* partes longo motu deteri debent, & singulæ in plures alias dividi. Facilius vero *Aeris* afflatu Ignis in carbone dissipatur, quia cineribus excussis denudatur, fitque magis aeris impullibus obnoxius, qui ejus poros subeundo, eosque solito magis dilatando, igneis particulis avolandi copiam facit, & liberum exitum præbet.

V.

Carbo modica aqua addita magis incalescit.

Si nonnihil aquæ carboni accenso infundatur, vegetior efficitur, majoremque calorem exhalat.

Quia

Quia Humor accensi corporis poros ingrediendo Ignis particulas ad intima loca repellit cui cum immisceatur, & ob dominantem illic *calorem* reverti cogatur, ignis particulas, quæ in iis latibulis continebantur, educit, & secum ad corporis extrema defert. Unde *Aqua*, quæ mediocribus ignibus alendis inepta est, & vim illorum statim retundit, magnos tamen sua uligine juvat, eorumque *calorem* auget, quoniam flexilium partium suarum motu, ardorem educit, & flammam altius attollit.

Ad pyrium pulverem componendum *Sulphuri* & *Nitro* carbo admiscetur, ex quorum mixtura, humore aliquo aspersa, granula sive pillulæ formantur, quæ ignem concipiunt, & exigua interposita mora inflammantur.

VI.

Cur Carbo ad compositionem pyrii pulveris requiritur.

Ad pulveris pyrii compositionem carbo requiritur, quoniam meatibus abundat, & undique facile penetratur: tum quia plurimi in corporibus, ex quorum ustione superest, antea fuerant; tum quia dum comburebatur, multum fumi ex iis evanuit. Addi etiam potest in carbone duo partium genera reperiri, aliæ *tenuiores* & *ramosæ*, quæ igni admotæ facile ignem concipiunt; quia jam ante ignis vi concussæ fuerunt, sed longis & multiplicibus ramis implexæ, ex eo quoque jam evolassent, nisi ipsa extinctio, eorum fugam sistisset. Aliæ sunt *crassiores*, quæ si diutius ignis perseverasset, in cineres abiissent. Itaque *Sulphuris* ramuli, & *Nitri* spicula latos carbonis meatus subeuntia, ramosis ejus particulis involvuntur ac constringuntur, præsertim dum humore aliquo perfusa, & in exiguas pillulas compacta postmodum siccantur. Accenditur igitur

igitur pulvis pyrius, dum ignis *Sulphure* prius incenso paulatim *Nitri* particulas exagitat, ut tandem ipsæ viribus assumptis, & majus spatium ad gyros suos describendos exigentes, carbonis vincula discerpant, totumque granum confringant. Carbonis enim resistentia valde celeritatem auget, ut *Nitri* rotata spicula, in flammam erumpant.

Articulus undecimus.

De Aere.

I.

*Cur Aer terra
proximior ca-
lidus magis est
quam remotior.*

EA quæ Terræ vicinior est Aeris *regio*, calidior est, majorempue æstum consequitur, quam quæ à Terra longius removetur, & superiorem *Atmosphæra* partem occupat. In hac siquidem frigus dominatur, & *grando*, *nives*, cæteraque *gelida* corpora prodeunt.

Causa hujus effectus est, quod Radii Solares à Terra copiosius reflexi, Aerem acrius diverberent, ac illum magis solito concutiant. Vehementior autem terrestrium partium *agitatio*, calorem efficit, præsertim si illa à lumine proficiscatur, & aliquo temporis spatio perseveret. Quia vero *radii* à Terra remissi, non tam copiose versus altiore aeris regionem feruntur, imo qui ab illa ascendunt, vires suas occurrentibus corporibus impertiuntur, necessum est, imminuta agitatione, *frigus* exoriri, & illic crescere *nubes*, atque *Nivem* ac *pluvias* produci.

II.

*Quomodo aer
potest reddi
gravior.*

Si Aer congregetur, & in vase aliquo per impulsionem intrudatur, pondus acquirit, & multo gravior

gravior eo fit, qui libere exspatiatur, & nulla coactione detinetur. Id Galilæus Galilæi hoc modo expertus est. *Accepi inquit, lagenam vitream satis amplam, cui os obturavi diligenter, præterquam quod inferni degitale coriaceum, cui juncta erat striciffime utri lusorii animula, quæ deinde, instrumento ad id apto, maximam aeris quantitatem intrusi, & quia facile condensatur, duæ aut tres aeris lagenæ intrudentur, præter cum aerem, quo primum plena erat. Quippe hoc experimento didicit Galilæus congestum aerem graviolem reddidisse lagenam, ore autem aperto, immittutum esse pondus, & vas minus grave evasisse.*

Hujus experimenti evidens est ratio; quia in corporum *condensatione*, partes ad se accedunt, & intimius uniuntur, ac proinde ob majorem suam copiam, necessum est rarefactis præponderari. Major enim solito aeris copia, vas gravius efficit. Ut clare evincetur, si *lagenæ* aeris, alteri aqua repletæ adaptetur, quæ ita in fundo perforata sit, ut pro libitu aditus aperiri queat: Quippe utroque vase ita conjuncto, datoque aeri in *lagenam* aquæ plenam aditu, tantum aquæ effluet, quantum aeris condensati congestum erat, & violentius compressum. Ac proinde existimandum est, quantitatem aeris vi in *lagenam* adactam, aquæ moli æqualem esse, ab ea per *lagenam* expulsæ.

Aer in vase aliquo inclusus, & vi quadam externa compressus, resiliendi vim obtinet, ut in *Sclopetis pneumaticis* experiri licet, in quibus opera Aeris compressi, plumbeæ *glandes* tanto cum impetu emittuntur, ut pulveris tormentarii vigorem excedere videatur. Similiter nonnullæ

III.

Vi aeris compressi glandes plumbeæ emittuntur è sclopetis.

nullæ aliæ extant *machinæ*, quæ solius aeris ministerio aquas sursum versus jaculantur, atque eas fontium adinstar propellunt.

Hoc enim fit quod Aere intra *tubos* machinasque compresso, unaquæque ejus particula sphaericum illud spatium, in quo circa suum centrum gyret, non habeat; sed aliæ vicinæ illud ingrediantur, & eam ab eo extrudere nitantur: Cumque interim eadem caloris vis, sive eadem istarum particularum agitatio, globulorum celestium motu conservetur, illæ cum libere expandi nequeant, & circumobsidentibus vicinis impediuntur, se mutuo extremitatibus suis verberant, & loco expellunt. Sicque omnes simul impetum faciunt, ut libertati se restituant, & majus commodiusque *spatium* nanciscantur.

IV.
Unde probetur
gravitas aeris.

Sit tubus vitreus tres pedes altus, una parte clausus, altera apertus, per quam *hydrargyrus* ad summam repletionem infundatur, tum in *vas* subjectum similiter hydrargyro plenum invertatur, adeo ut, ea extremitate aperta in *vas* defluere possit. *Argentum vivum* non tunc ad tubi inum descendet, sed penfile ad *viginti septem* digitorum vel circiter altitudinem remanebit.

Aeris pondus, vulgaris hujus phænomeni causa est; quod *hydrargyrum* in ea altitudine detinet, nec patitur inferius descendere. Quia licet hydrargyrus qui in tubo est, gravissimus sit, delabi tamen in *vas* subjectum non potest, quin hydrargyrum in eo stagnantem, mox totam aeris molem sublevet & attollat. Obstant autem crassæ & volantes aeris particule, ut ad majorem humilitatem flecti & condensari possint; quia
licet

licet complicatæ facile volvantur, & in orbem gyrent, non tamen eadem facilitate compressi-
onem admittunt, nec sinunt se ad minus spati-
um redigi. Non tamen omni aeri æqualis vis
ad resistendum inest: sed pro raritatis aut crassi-
tiei suæ ratione, varios fortitur effectus: Tenuior
enim, & cujus particulas calor aut alia causa de-
bilis dilatât, facilius flectitur, minusque pres-
sioni *Hydrargyri* oblectatur, quam crassior, &
cujus particulæ vehementius expanduntur. Unde
fit ut *hydrargyri* humilior *særeno* quam *nebuloso*
& pluvio cœlo descendat, & aer minus impellenti
hydrargyro obstat in *montis vertice* quam in *valle*,
& umbroso loco; quoniam illic crassiores sunt
aeris partes, &que languidius à calore exagi-
tantur.

Si tubus vitreus viginti septem digitis brevior,
modo supra explicat; *argento vivo* compleatur, V.
nullus continget in eo argenti vivi descensus; sed *Quandonam*
vertice tenus repletus remanebit nulla argenti vi- *impeditur hy-*
vi facta subsistentia. *drargiri de-*
scensus in tubo
vitreo.

Quia aeris externi particulæ ita agitantur,
tamque globulorum cœlestium motibus obsequ-
untur; ut ab *hydrargyri* pondere pauciores vi-
ginti septem digitos, alti comprimi nequeant, ac
proinde vim ejus ita retundant, ut omnem ejus
descensum impédiant.

In Antliis ad motum emboli aqua sequitur, &
per tubum libere ascendit: sed altius quam ad VI.
unius & triginta pedum altitudinem evehi ne- *Cur aqua in*
quit: *antliis altius*
quam ad 31 pe-
des ascendere
non possit.

Aqua cum *embolo* supra attracto ascendit, quia
cum nullum sit in natura vacuum, & omnia spa-
cia

tia corporibus repleantur, nullus in mundo fieri potest motus, quin integer corporum *circulus* moveatur. Unde embolus sursum elevatus efficit, ut aer qui supra antlias erat, circa earum medium moveatur, & qui earum medium ambiebat, ad locum in quo stagnat aqua, succedat, atque hæc per tubum eversa, emboli locum occupet. Quia aqua eo potissimum fertur, ubi minima aeris pressio est, nempe intra tubum, quem embolus deseruit, Cur autem aqua ope antliarum ultra *unum & triginta pedes* attolli nequeat, ex hoc oritur, quod aer innato suo pondere, citra condensationem, illam sursum propulerit, postea altiore aquæ molem sustinere non valens, emboli motu, solito vehementius concutitur, & hoc pacto flectitur atque effringitur: Ac proinde materia subtili supra aquam in tubum expulsa ad unius & triginta pedum justam humilitatem deprimitur & subsidit.

HISTORIÆ NATURALIS

PARS QUINTA.

De Fossilibus.

Articulus primus.

De Metallis in Genere.



Excusanda videtur Hominum *avaritia*, qui officii sui obliti Terram aperiunt, & in eruendis metallis, communis parentis sinum perfodiunt, & lacerant. Tot enim usibus deputantur *metalla*, ut iis

carere genus humanum commode non possit. Annon annulis, numismatibus cudendis materiam *Aurum* ministrat? Unde vestium, domesticæque suppellectilis ornatus, si *Argentum* mundo exulet. Quis nescit *Æs* rei statuariæ auxiliari? & musicæ fistulis fabricandis *Plumbum* inservire? Hinc providente natura, non unius metalli ferax Terra est, sed multa in eadem etiam fodina reconduntur quæ indole discrepant, & varias affectiones fortiantur.

I.

Unde in Terra metallorum diversitas.

Multiplicis hujus productionis ratio à diversis succis in ea occurrentibus, ibique condensatis petitur; cum enim ad metalla evehenda, *acres spiritus*, oleagineæ *exhalationes*, necnon Argenti *vivi vapores* inserviant, hi ex terra interiori ad exteriorem delati, metallorum particulas, quas secum vehunt, deponunt, & pro earum diversitate, quibus constant, varia *fossilium* genera oriuntur. Nam uti in *Arborum* fructibus, videmus substantiam crassiorem in unas partes, subtiliorem & magis defæcatam in alias concrefcere: ita in eadem vena multa generantur metalla, quorum alia materiam minus elaboratam exigunt; ut *Ferrum Plumbum*; alia vero magis præparatam, & ab omni fæce immunem, ut *Aurum*. Quo fit ut major vis ignobilium metallorum in fodina existat, quam præstantium, quoniam plus Temporis in iis formandis natura impendit, & majorem curam ad eorum perfectionem adhibet.

II.

Metalla in radicibus montium proveniunt, qui sunt versus orientem & meridiem.

Metallorum fodinæ maxime sub montibus frequentes sunt, in illis præsertim partibus, quæ Soli *meridiano* aut *orientali* objiciuntur.

Quia in montium radicibus, multæ insunt cavitates, in quibus sublata metallorum particulae congregari possunt, & facilius ad externam Terræ superficiem ascendere, in his præsertim locis, quæ Soli exponuntur, caloremque ejus impensius recipiunt. Nam licet ejus *radii* in Terræ superficie terminentur, & abdita ejus non penetrent; haud dubium tamen est, quin calor ab eo productus, ad intimas Terræ *regionis* partes pertingat, & ea loca fortius exagitet, in quæ directius radios suos vibrat, ac emittit. Ter-

ra enim rimis fatifcente, succi facilius attolluntur, & onera sua, nimirum metallorum particulas, sursum sine impedimento deferunt. Hinc *Fluviorum* scaturigines in radicibus montium oriuntur, quoniam per eas aqua facilius percolatur, & liberius ad eorum juga ascendit.

Terra quæ *metalla* tegit, passim sterilis est, nullumque fructum fert. Imo vapores malignos plurimum exhalat, quibus incolæ offenduntur, & multos inde *morbos* contrahunt.

III.
Terra metallorum ferax sterilis est.

Terræ sterilitas ex eo nascitur, quod succus alimentitius, qui ad *herbarum* & *Plantarum* nutrimentum à natura deputatur, alio divertatur, ad præparandam scilicet metallis materiam. Cujus defectu necessum est *arbores* languescere siccare *herbæ*, & *Terram* ipsam omni vigore ac ornamento destitui. Tractus autem illi terrarum acrius olent, tetrumque odorem spirant, ob halituum diversitatem, qui ex ipsis exhalantur. Non enim tota illorum materia Metallis componendis infumitur, sed subtilior eorum pars à spiritibus agitata, per rimas transmittitur, & aeri permixta, auram inficit, & illam haurientibus noxam infert. Id in plerisque lacubus paludibusquæ *Zelandicis* experiri licet, ex quibus glebæ bituminosæ, quæ accensæ, ut *Naphtha* ardent, non sine odore tetro ac viroso. Imo tanta earum vis est, ut ubi frequentius ipsis ædes incalescunt, *ferrum*, *cuprum*, *stannum*, *argentum*, atque *Aenea* quæque deurat, omniaque in ædibus, præter *Aurum*, deteriora efficiat. *Lemnius* de occultis naturæ miraculis, libro primo, capite decimo septimo.

IV.

In quibusdam
fluminibus me-
talla inveni-
untur.

Metalla nonnunquam in fluminibus reperiuntur, ut de *Tago*, *Gange*, & *Paciolo* referunt Historici, qui multas Auri Argentique, & aliorum fossilium particulas continent, quæ passim ab Accolis colliguntur, & à se invicem secretæ, diversorum metallorum massas conficiunt.

Metalla non in iis fluminibus generantur, quasi ex succorum coagulatione, ut in *terra interiore*, illic producantur, & primam sui originem habeant; sed solum quod eorum aquæ terram perlabentes, aliqua metallorum *ramenta* erodant ac suffurentur, quæ secum devehunt, & ad longum etiam spatium deferunt. *Aqua* enim ineptum est creandis metallis elementum, cum quicquid ex ejus cum terra concretionem oriri potest, nihil aliud quam lutum esse queat.

Articulus secundus.

De Mercurio & Sulphure.

I.

Argentum vivum cætera metalli, præter aurum pondere vincit.

Mercurius seu Argentum vivum, maxime ponderosum, & si Aurum excipias, omnia metalla gravitate excedit. Unde corpora omnia illi innatant, & in ejus superficie detinentur.

Ratio est, quod mercurio pauciores insint meatus, quos materia subtilissima pervadat. A sola enim *pororum* multitudine aut paucitate, corporum *gravitas* aut *levitas* pendet. Nam licet forte admittatur metallorum aliorum partes, ejusdem esse magnitudinis & figuræ, atque etiam earum motus esse similes; quia tamen plures *pori* in illis existunt, necessario Argento vivo sunt leviora. Nec alia ratione *Aurum* Argento vivo

vivo præponderat eique immergitur, quam quod paucioribus meatibus perforatur, nec tanta copia primi elementi illud transgreditur; quamquam etsi non multum, quum teste Gassendo deprehendatur solum habere se ad illud ut *quadraginta quatuor ad quadraginta tria*.

Argentum vivum liquidum est, & nisi intra vasis latera contineatur, per inclinata loca defluit.

II.

*Unde oritur
fluiditas in
mercurio.*

Quoniam Argentum vivum in multas exiguas particulas dividitur, quæ motibus propriis à se mutuo diversis agitantur, & è locis suis continuo recedunt. Nec obest quod non humectet & nihil sui in attractantium manibus post se relinquant: quia non *Humidum* cum *liquido* confunditur, nec una est utriusque natura. Ignis enim *liquidus* est, & metalla fusa defluunt; non tamen nisi inepte quis affirmabit Ignem *humectare*, & fusa metalla, loca per quæ transeunt, *madida* relinquere. Cum ad Fluiditatem sufficiat, quod partes Corporum insensibiles commoveantur, aut ita solutæ sint, ut à subtili materia exagitentur, & ad motum impellantur. Causa igitur Fluiditatis quam in *Argento vivo* cernimus, est, quod particulæ ex quibus constat tam læves sint & lubricæ, ut neutiquam possint inter se compingi, & quod cum crassiores sint, quam aquæ particulæ, vix transitum inter se præbent globulis secundi elementi, sed tantum materiæ illi subtilissimæ, quam *primum elementum* appellamus.

Mercurius Auro maxime afficitur; unde qui ex *Lue Venerea* inuncti sunt, si aureum *anulum*

III.

ore

Quomodo annulus aureus attrahat argentum vivum.

ore gestent, ac dentibus linguaque hinc inde volutent, Argentum vivum quod Corpori ex unctiōe innatat, in annulum devolvitur, sic ut totus argenteus eximatur, & non nisi Igni admotus, pristino nitori restituatur. *Lemnius de occultis naturæ miraculis, libro secundo, capite ultimo.*

Id evenit quod Mercurius, quem fluidum partesque commotas habere dicimus, modico calore exhaletur, & in fumum abeat; unde fulgini quæ cum flatu ex pulmonibus extruditur, admixtus, sursum ad os deferitur, ubi *annulo*, ut pote denso ac frigidiori corpori occurrens sistitur, & junctis denuo partibus, ad priorem formam redit. Eo fere modo quo *Aqua* in alembico, ignis calore in vapores convertitur, tolliturque in sublime, donec gelido corpore excepta, agitationem amittit, & rursus in aquam revertitur. Non igitur Argentum vivum ab *Auro* attrahitur, ut nonnulli loquuntur, sed illi adhæret, & intra ejus poros se intrudendo, denuo coagulatur, & priorem statum recuperat. Unde consulunt *medici*, ut qui olim morbo gallico fuerunt infecti, & ejusmodi ceromate delibuti annulum *aureum* in ore teneant, imo aliqua auri ramenta hauriant, quum iis magna metalli hujus copia inhæreat. Adco ut observatum sit, incisa vena aliquot drachmas profluxisse; atque hinc est, tales tantisper *palescant*, & tremuli existant, quorum corporibus aliqua hujus metalli portio inhærescit.

IV.

Mercurius in notabili quantitate sumptus mortem adfert.

Si mercurii notabilis quantitas ore in corpus immittatur, animalis vita in discrimen adducitur, imo ipsi non raro interitus inferitur.

Quia cum mercurius *gravissimum* liquidum, que

que corpus sit, facile in *venas* se ingerit, & sanguini immixtus, motum ejus interruptit aut sistit, Unde qui illum sæpenumero tractant tremuli efficiuntur, & *paralysi* obnoxii. Quod hujus metalli pondere, ita sanguis condensetur, motusque ejus retardetur, ut è cerebro non sat spirituum suppeditet, quos inde in nervos immittere queat. Nam cum Mercurii particulae ob gravitatem suam mutuo sibi incumbant, sanguinem condensant, ejusque agitationem cohibent; Adeo ut nimis pauci spiritus è cerebro ad nervos traducantur, & non nisi facta interruptione, *musculos* motibus inservientes inflent ac repleant. Nec alia de causa, iis, qui è fodinis *Mercurium* educant *gingivæ* laxantur, & *dentes* tremunt, quam quod ille facile ad imam usque radicem permeet, & partium nexum pervertat ac labefactet.

Sulphur partim in aperto coelo, & ubi ignis maxime dominatur, prodit: Unde in agro *Senensi* in *Aeoliis* in *Neapolitano* tractu, in quibus subterranei ignes grassantur, Sulphur valde frequens est, & raro inquisitores fallit.

Hujus ea est causa, quod ramosæ exhalationum particulae, quæ succis acribus, ac metallicis quibusdam particulis admixtæ, *Sulphur* constituunt, vi caloris subterranei, his in locis agitantur, atque celeriter motæ sursum feruntur, & ad externam agrorum superficiem ascendunt, ubi in succum *pinguem*, vel oleagineum concrefcentes Sulphur componunt. Hinc *adeps* & *Pinguedo* quæ similiter ex tenuibus & mollibus partibus constant, loca calida affectant, nec ullibi magis in corpore Animantis coagulantur, quam
ubi

V.

Cur Sulphur in
Senensi agro,
in *Aeoliis* &
ceteris frequens
est.

ubi viget calor, ut circa *Cor* & *renes*, & alias partes, in quibus major vis caloris sentitur. Ac proinde sicut *adeps* in corpore animantis concrescit, ita *Sulphur* formatur, dum pinguioribus partes vi caloris expirant, & in terræ exterioribus concrescunt, atque in unum corpus abeunt,

VI.

*Quam ob rem
sulphur facile
inflammetur.*

Sulphur maxime inflammabile est: unde igne admoto, *flamman* statim concipit, & undiquaque accenditur.

Quoniam particulis *succorum* acrium constat, quæ tam tenuibus ac spissis materiæ oleagineæ ramulis sunt involutæ, ut permulti meatus inter istos ramulos, soli primo elemento pateant. Manifestum autem est, partes tenuiores primum commoveri, & ab intercurrente materia arripi.

Articulus tertius.

De Sale.

I.

Tres salis species, & quomodo à se invicem distinguantur.

Variæ sunt *Salium* species, prout è diversis locis tiunt aut generantur. Quidam *fossilis* est, qui vel cum arena educitur, vel è rupibus vi evellitur. Sunt enim multis in locis montes, *Salis* nativi, in quibus lapicidinarum modo *Sal* ferro excinditur, & arborum adinstar repullulat. Non procul *Astracano* montes duo memorantur tam ingentis molis, tantaque *Salis* copia ut quamvis singulis diebus viginti millia frustra ligonibus vel rutris excindantur, tamen ne minima quidem pars detracta esse videtur, eadem quantitate indies concrescente. *Petrus Petreius* in
descri

descriptione Russiæ. Alius est *Marinus*, qui ex mari derivatur, dum aqua in alveos deducta, Solis calore excoquitur. Alius *fontanus*, qui ex falsa fontana vel puteali aqua, Ignis opera extrahitur, & evaporatis tenuibus particulis ponderosus evadit. Ea sola inter *fossilem* & alios interjacet differentia, quod prior indilutus sit, nullaque exhalatione opus habeat; *Fontanus* vero sal, & marinus, ita aquis immisceantur, ut vi externa indigeant, qua separentur, & aliud distinctum corpus constituent.

Hujus discriminis ratio est, quod aqua duplicis generis *particulis* constat, *flexilibus* & *inflexilibus*, quæ licet inter se confundantur, & unum duntaxat corpus constituent, diversam tamen naturam retinent, nec ita uniuntur, quin ignis aut Solis opera queant separari. Cum igitur *Sal* ex aqua in alveis educitur, non id partium aquæ coagulatione, ut quidam autumant, fit, sed earundem secretionem, dum *flexiles* nimirum & minus rigide in aerem evaporantur solis inflexilibus in fundo remanentibus, quæ postea inter se junctæ, & transversim adhærentes, *Salis grana* componunt.

Si Sal integer sive in grana compactus in ignem mittatur, *crepitat*, & cum fragore exilit; solutus vero, & in particulas divisus non item; uti nec ille qui in lacubus Solis ardore exsiccat, gignitur.

Illud ex aquæ dulcis *rarefactione*, quæ in granorum medio includitur, provenit. Cum enim Salis partes, quæ grana componunt, confuse duntaxat inter se complicantur, & non intime se contingant, satis spatii inter suas extremitates

II.

Quare sal in ignem immixtus crepitat, si integer sit, non autem si fractus.

tes relinquunt, ad aliquas *dulcis aquæ* partes recipiendas, quæ quamdiu non, agitantur, conglobatæ ibi remanent : Verum ubi vehementi calore concitantur, sese dilatant, & vim facientes, carceres suos infringunt, & cum crepitu erumpunt. Granorum autem *fragmenta*, sicut & Sal ille qui in summa lacuum concrevit, non cum strepitu resiliunt, quoniam illorum claustra effracta jam esse supponuntur, & nihil amplius liquoris inter cæteras partes contineri, quæ ignis appositu rarefiant & dilatentur. Unde oritur ut Salis *particulæ* lento igne exsiccatae difficulter admodum liquefcent, quoniam omni humore carent, nec liquoris aliquid restet, quod earum emollitionem adjuvet, & eo modo eas inflectat, quo ad fluiditatem requiritur.

III.

Cur sal linguam pungat.

Sal linguæ admotus & saliva humefactus eam pungit ac penetrat.

Quia Sal ex partibus *teretibus & rigidis* maxime contat, quæ in cuspides erectæ, punctim in linguæ meatus incidunt, & ejus fibras penetrant, Sunt enim Salis particulæ *telorum* instar, quæ vibratæ linguæ poros subeunt, & magna vi ejus minutias concutiunt ac divellunt. Unde qui negant Saporem *salsum* in eo consistere, quod partes Salis in poros linguæ punctim incidunt, quum eos transversim attingere possint, notare debuissent *Acum* non nisi cuspe pungere, nec *gladium* sine acie scindere, reliquis autem suis partibus nullum posse vulnus infligere : Vnde quia in qualibet Salis *mica*, permultæ hujusmodi cuspides inveniuntur, non potest magis contingere, ut illa in ore liquecendo, nullas cuspides in linguæ poros immittat, quam si quis nudis pedibus

bus supra *spinis* ambularer, & nullam læsionem pateretur.

Carnes ope Salis diu incorruptæ servantur, temporisque lapsu duriores evadunt.

Hujus causa ex præcedenti discursu colligi potest, quia Salis partes *punctim* carniū meatus ingrediendo, non tantum *humorem* tollunt, liquidasque partes depopulantur, sed ad modum paxillorum se habent, inter earum partes defixorum; ubi immoti, & non cedentes, illas fulciunt, impediuntque ne aliæ magis *lubricæ* & plicatiles immixtæ, illas concitantes loco depellant, & ita corpus corrumpant, quod componunt. *Sal* igitur carnem cibosque alios à corruptione servat ac tuetur, duritie sua nimirum ac inflexilitate; quemadmodum *claviculis* asseres firmiores redduntur, & gladii *rigiditas* vaginam servat ne frangatur.

IV.

Quomodo carnes ope salis à corruptione conservantur.

Sal ad Terræ fertilitatem conducit, & agris sterilitatem expugnat. Hinc ejus aspersu agri feraces efficiuntur, & fructum adferunt. *Obesæ* quoque mulieres, & quæ magna ex parte effoetæ sunt, moderato illius in condimentis usu, *foecundæ* fiunt & conceptui idoneæ.

V.

Sal terræ fertilitatem, & obesis mulieribus foecunditatem conciliat.

Ratio est, quod Sal agrorum meatus penetrando, noxium humorem exugit, ubi plus satis palustres sunt, & nimia uligine referti. Exsiccandi enim vim Sal habet, & *humorem* è corporibus amovendi, ut dictum est; unde si *obesæ mulieres* moderato illius usu sterilitatem depouunt, & *foecundæ* fiunt, id ex eo potissimum oritur, quod Sal omnem uliginem abstergat, vulvamque plus satis udam ac madidam exliccet, ac demum

demum efficiat, ut *genitale semen* facilius utero, minus lubrico, adhærescat. Non mulieribus modo, sed & ipsis viris lumbos incitat, & acrimonia per eos transfusa, tentiginem movet. Salem autem foecunditati auxiliari, vel illud argumento est, quod immensa vis *murium soricumque* in marinis navibus enasci soleat, & quod mulieres *salinariae* continenter pruriant, multarumque prolium sint feraces. Sic frequens marinorum piscium esus, omniaque testacea, *Ostrea*, *Gammari*, *Locustæ*, *Cancræ*, *cochleæ*, *Conchæque Marine* libidinem concitant, caliditatis mordacisque naturæ ratione. Ita Lemnius de occultis naturæ miraculis, libro secundo.

VI.

*Granum salis
oleo admixtum
impedit ne tam
cito Lampas
consumatur.*

Unum aut alterum Salis *granum* oleo, quo lampas ardens nutritur, impositum, ejus evaporationem tantillum sistit, impeditque ne tam cito consumatur.

Quia Sal lampadis calore concussus, dilatatur, & adstringentes quasdam particulas subministrat, quæ in *ellyphnum* immixtæ, *oleum* in transitu detinent, impediuntque ne tam cito sursum ferantur & avolent.

 Articulus quartus.

De Auro.

I.

*Cur Aurum ab
igne consumi
nequeat.*

Aurum ignis vehementia fusum, & quam proxime ad ejus ardorem accedens, non minuitur, aut quicquam sui ponderis aut molis amittit. Hinc commune Chymicorum effatum, *Aurum ab Igne destrui non potest*, cum post mul-

ta secula fornaci immisum, nullam sensibilem jacturam patiat.

Quoniam Aurum adeo tenuibus particulis contat, tamque intimo nexu firmatis, ut à se invicem dirimi nequeant. Nam licet Aurum, sicut & cetera alia corpora poros habeat, quos subtilissima materia intercurrat; non tamen *secundi elementi* globulos admittit; quo fit ut maxime solidum sit, & magnam materię crassioris quantitatem sub parva mole ac superficie contineat. Arcta autem partium connectio, meatuumque paucitas, corpus *solidum* reddit, & vi externa indissolubile efficit.

Aurum maxime dividi dilatarique potest, ut pote cujus *uncia*, ut loquitur Plinius, in septingenas & quinquagenas pluresque bracteas, quaternum utrobique digitorum spargantur. Imo referunt alii unicam *Auri* unciam in bracteas ductam, decem terrę jugera cooperire posse.

Tantę ductilitatis ratio, partium ejus *mollitię* singularique earum plexui tribuenda est, efficit enim mollities, ut partes citra separationem cedant, & quę antehac compactę erant, in longum protrahantur. Ut in *argilla* & *pingui terra* experimur, quę laxius ob mollitiem extenduntur, & aliam superficiem, decrecente profunditate acquirunt. Densitas enim compactioque partes suppeditat, quę cum in profunditate minuantur, in latitudinem excrescunt. Accedit quoque peculiaris partium *Auri nexus*, qui divisionem refugit, nec patitur illas à se mutuo separari. Unde quantumvis *malleo*, aut alio quovis modo Aurum attenuetur, partium suarum nexum adhuc retinet, & quamvis demum exiguos

II.

Unde oritur ductilitas auri.

guos aliquos meatus admittat, ita tamen illi implicantur, fiuntque pervii, ut liquoris particulæ quoquoeversum discurrere possint.

III.

Calefactum aurum cæteris metallis acrius urit.

Aurum fufum, aut alio modo calefactum cæteris metallis acrius urit, caloremque diutius conservat.

Id ex ejus partium *cohesionem* provenit, quæ cum pingues sunt, & arcte inter se complicantur, ingestum ignem diu foveant, & circumvicina corpora vehementius urunt. Quippe cum ejus meatus valde exigui sint, & soli materiæ primi elementi pateant, partes ignis ita implicantur, ut quamvis celerrime moveantur, non tamen nisi longo tempore elabi queant: quo fit ut Aurum illas intra se retinendo, majorem calorem exerat, & admotam *manum* aliave ustilia corpora citius corripit.

IV.

Quomodo Aurum Aqua Regia dissolvitur.

Aqua forti, (cui Regia nomen inditum est) ex Nitro & Vitriolo confecta Aurum dissolvitur, non vero si eidem Aquæ (ut preparari solet æquis Nitri & Vitrioli partibus, pars octava ponderis ex Sale communi, aut quarta pars Ammoniaci adhibeatur) quoniam tunc solum plumbum & argentum exsolvit.

Id ex varia horum metallorum contextura oritur: *Argentum* enim ita meatus habet dispositos, ut Nitri & Vitrioli particulæ facile eos subeant si solæ sint, & Sali non admisceantur. Quoniam inter ipsa analogia quædam est, & in partibus figurarum similitudo. In *Auro* autem talis analogia abest, imo ita ejus pori disponuntur, ut nullo modo Vitrioli & Nitri particulasmittere queant. Salis enim particulæ vitriolo
&

& nitro admixtæ, corpuscolorum ordinem invertunt, & nimis rigidas efficiunt, ut Auri metus amplius ingredi queant. Inde alia ejusdem generis fortis aqua adhiberi solet ex *chalcanto*, *Alumine* & *halinitro* confecta ad Aurum ab Argento separandum. Quoniam particulæ quæ in hujusmodi aquis insunt, plexum illum dirimunt, quo Auri particula, cum Argenti particulis commiscetur. Adeo ut dubium esse non possit, quin diversi generis corpuscula in talibus aquis reperiantur, quorum aliqua cum Argenti particulis conveniant, dissentiant autem cum Auri particulis: alia cum Auri particulis consentiant, & cum Argenti particulis differant & discriminentur.

Aurum in pulverem redactum, si incendatur, ingentem strepitum producit, adeo ut *fulminis* adinstar omnia supposita penetret ac perrumpat. Hinc fulgurans Aurum passim appellatur.

V.
Aurum fulgurans si accendatur, magnum strepitum edit.

Illud mirum non videbitur, si quomodo is pulvis præparetur, attendamus. Aurum enim primo ab *aqua fortis* seu Regia dissolvitur, deinde *oleo tartari* infuso præcipitatur, convertiturque in pulverem, qui exsiccatus, non apposito igne duntaxat: sed & levi calore agitur, & in *flammam* cum vehementi fragore abit: quoniam omnibus pulveris granulis uno momento in flammam conversis, vis illa ignis circumvicinorum corporum meatus laxat, & partium plexum solvit, ut avolanti Auro viam faciat, quod tam celeriter erumpit, ut *tonitru* fragorem imitetur, & *fulguris* imaginem referat.

Aurum multis corporis morbis auxiliatur:

P

Nam

VI.

*Aurum multis
moris succur-
rit.*

Nam qui ex *Venereo* fœdoque contactu labem conceperunt, ac contagione inguinum infecti sunt, ejus usu manifeste sublevantur. *Elephantiasim* quoque, quæ vulgaris lepra censetur, expurgat, aut saltem mitigat. *Dentes* labantes ac minus stabiles firmat, omniaque oris ulcera ac pustulas compescit; virus eluit, atque eruptiones exsiccat. *Lemnius de occultis naturæ miraculis, libro tertio.*

Sed *Lemnio*, uti nec aliis quibusdam *medicis* hac in re non assentiri possum, qui existimem *Aurum* nullo modo infirmis prodesse, ni prius resolvatur, & in ægrotorum corporibus digeratur. Quippe *medicamenti* vis in eo consistit, quod particulæ, in quas medicamentum resolvitur, corpori se insinuant, & humores noxios expellant, aut affecta membra expresso succo foveant ac corroborent. At, quomodo id fiet, si *Aurum* semper *integrum* manet, & nihil sui unquam amittat? quomodo medebitur, si nullas partes suppeditat, & semper inviolatum per corpus deferatur? Annon cotidie experiuntur *medici* bracteolas illas, quibus *pillulas* suas pharmacopai contegunt, per ventriculum & viscera intacta transire, & cum fecibus emitti Illæ nihilominus tenuissimæ sunt, & quæ facile detereantur, si calore naturali minui possent & digeri.

VII.

*An detur au-
rum potabile.*

Non est quod *potabile* *Aurum* suum *medici* obtrudant, id enim merum commentum est, & à circulatoribus duntaxat jactatum, ad pecunias lucrandas. Sed dato id naturæ viribus effici posse, nullum in medicina usum haberet, quum inter *potabile* illud *Aurum* & *solidum*, nihil præter concretionem & fusionem intercederet.

Si

Si regeras aquis *fortibus* & salibus resolvi Aurum posse, quod medica vi polleat. Id non inficior, sed assero solum insalubre illud esse, & sanitati ob huiusmodi aquarum misturam officere. Neque juvat quod multi medici *laminas* aurique segmenta carnibus elixis admisceri jubeant, ad vires spiritusque vitales erigendos; Id faciunt non quod illud aliquando Aurum præstittisse didicerint, sed quoniam ita inter illos receptum est, & talis vis nobilissimo metallo, consensu concessa est. Nam cum in *elixas* illas carnes nihil Auri traducatur, & ejus substantia semper integra maneat, non videtur quomodo rei medicæ utile esse possit, sed potius inter eas potiones numerandum, quæ sumptæ, neque offendunt, neque juvant.

Articulus quintus.

De Argento & Stanno.

Argentum igni summopere resistit, & malleo contusum, in laminas etiam valde tenues ducitur. Diversi tamen ab Auro coloris est, utpote quod candescat, & luminis radios inviolatos ad oculum remittit. Mirari tamen subit, qui corpus *album nigrorem* inducat, & atras lineas post se in *Charta* relinquat.

Argentum *candorem* à partium suarum duritie mutuatur, quæ admissum lumen totum reflectunt, & eadem qua receperunt actione, remittunt. Argenti enim particulæ nullam in radios mutationem inducunt, & quamvis ex iis nonnullæ asperæ esse concipiuntur, radios tamen

I.

Quomodo argentum album est, & tamen lineas nigras in charta describit.

quaquaversum reperiuntur, & sine ulla detor-
sione, ad oculos remittunt. Non tamen constans
est huic *metallo* color, quippe si lævigetur, &
partium ejus inæqualitas complanetur, cando-
rem suum amittit, & splendorem quendam adi-
piscitur; eo quod albicantes ejus particulæ ac-
ceptum lumen versus unam partem rejiciunt, quo
fit ut aliæ plagæ nigrescant, quoniam ob talem
luminis impulsus obfuscantur, impediunturque
ne acceptos radios ad oculum reflectant. Cando-
rem igitur Argentum conservat, quamdiu lu-
men in omnibus tractibus recipit, & illud omni
ex parte ad organum reverberat. Talis autem
albedo non obest, quin Argentum in *charta* du-
ctum lineas subnigras efformet, quia tali affric-
tu, exiguae Argenti partes deteruntur, quæ cum te-
nues sint & asperæ, *nigrum* colorem facile indu-
cunt. Nonnihil tamen pristini splendoris reti-
nent, quoniam majores aliquæ particulæ emi-
nent, quæ priorem contexturam servantes, eo-
dem modo quo ante radios reperiuntur.

II.

*Argentum acu-
torem sonum
edit, quam
Aurum.*

Argentum acutissimum *sonum* edit, & malleo,
aliove modo percussum, vehementius quam Au-
rum aures flagellat.

Quia Argentum ad modum *arcus* tenditur,
cujus partes compressæ illico revertuntur, & ad
priorem statum se restituunt. Constat enim *te-
stimonii fides* eo acutius sonare, quo magis ten-
duntur, quoniam tunc celerius moventur, sive
celerius progrediuntur & recurrunt. *Aurum* ve-
rò cum mollius sit, paucioresque poros habeat,
facilius percussioni cedit, & tardius vicinum æ-
ræ suo tremore commovet. Tremuli autem
aeris celeritas sonum *acutum* efficit, & ejusdem
tarditas

tarditas, *gravem*. Ea ratione loquela aut cantus majorem strepitum creat, quam venti, qui cum vehementia flant, quoniam aer *laringem* feriens ad cantum efficiendum, multo celerius quam venti agitur. Argentum igitur *acutius* quam Aurum sonum emittit, quoniam tensæ ejus partes celerius aerem impellunt, & majorem tremorem ipsi impertiuntur.

Liquatum Argentum *sulphuris* injectione in *calcem* abit, & in pulverem minutissimum redigitur.

Fit hæc mutatio dum *Sulphur* igne concepto *argenti* poros subit, & ipsi admiscetur, quoniam tunc tenuiores quasdam ejus particulas frangit, aut à ceteris expellit, crassiori interim & pene tota ejus substantia, intra post ustionem remanente. Quippe nihil aliud apud *Chymicos* est, corpus in *calcem* converti, quam subtiliori ejus portione avolante, reliquam quasi intactam manere. Inter *cineres* enim & *calcem* ea interest differentia, quod *Cineres* sint eorum corporum reliquæ quorum magna pars igne consumpta est: *Calx* vero sit eorum, quæ fere tota post absolutam ustionem supersunt.

III.

Argentum sulphure injecto in pulverem redigitur.

Stannum quod *Chymici* tanquam *medium* inter Argentum & plumbum considerant, suas ab utroque distinctas proprietates habet, quippe illitum, vas contra ignis impetum tuetur, impeditque ne tam cito lique scat.

IV.

Stannum illitum vas ab igne defendit.

Id ex eo provenit, quod Stannum quod multo *mercurio* constat, facile vasorum poros & cavitates obstruit, obstatque ne ignis eas subeundo, partes quibus interfunt, agitet, & à vicinis suis divellat aut separet. Unde passim Stannum metallo-

tallorum *defensor* à *Chymicis* appellatur, quod illa ab igne intacta tueatur, & vim ejus maxime arceat. Quoniam in eorum meatibus intrusum, veluti radices ibi agit, nec nisi summo calore inde deturbatur. Cum hac tamen cautela, ne stannum à ferro candenti tangatur, quia tunc Introductis per majores poros ignis particulis, statim liquefcit, & ejus partes ab invicem sejunguntur. Distantia etiam exigua interposita, calorem intensissimum fert, nec patitur se, ob datam rationem, ab igne subigi.

V.

*Cur stannum
calcinatum sit
altero non cal-
cinato gravius.*

Stannum inter omnia metalla levissimum est, calcenatum tamen altero non calcinato est gravius.

Stanni levitas non à minori *humoris* quantitate, qua forte *Argento* & *Æri* cedit, sumitur, ut quidam autumant; sed præcise à *pororum*, quibus constat, magnitudine. Nam cum Stannum non corpus simplex sit, sed multas heterogeneas partes includat, quæ inter se convenire non possunt, necessum est, ut inter illas lata quædam intervalla relinquuntur, quæ a materia subtili replentur. A multitudine autem vel magnitudine vacuitatum, corporum *levitas* provenit. Unde metallum unum non dicitur altero levius, nisi quia in eo plures aut majores *pori* sunt, qui eorum partes separant, & eas inter se arctius conjungi prohibent. Quod autem Stannum *calcinatum* gravius non calcinato evadat, mirum videtur, cum in aliis corporibus contrarium experiamur. *Crudus* enim *panis* sive non coctus, gravior est cocto; & lapis calcinatus alterum non calcinatum levitate excedit: sed quia id Stanno peculiare esse æstimatur, dici oportet inter duas Stanni moles æquales, quarum una cal-

calcinata sit, & non altera; calcinatam ponderosorem esse, quoniam majores illi meatus, qui in non calcinato erant, per calcinationem contrahuntur, & angustiores fiunt; quod sufficit ad reddendum Stannum *ponderosius* & solidius.

Glans ex Stanno confecta, *bombarda* aut *sclopo* emissâ, majori incommodo corpus afficit, magisque noxium vulnus infert, quam plumbea, etiamsi illam mole ac figura adæquet, & pulveris *nitrati* eadem quantitate *bombarda* oneretur.

VI.

*Glans stannea
majus damnum
corpori adfert,
quam plumbea.*

Ratio est, quod partes Stanni exteriores inæqualiter promineant, & nonnullæ veluti quædam *spicula* erigantur. Unde per carnem transeundo delicatiores fibras abrumpunt, & stragem in eis excitant. Vel dici potest tenuissima illaamenta quæ *glans* in carne lacerata relinquit, vim inficiendi habere, & eam suo contactu corrumpere. Ut manifestum sit in *caninis* & *viperinis* dentibus, qui contagium in ficto vulnere spargunt, & noxam ac perniciem brevi tempore per totum corpus inferunt.

Articulus sextus.

De Plumbo & Ære.

Plumbum manu contactum facile flectitur, & duri corporis impetui cedit. Hinc *igni* appositum non tantum facile, sed etiam cito liquefit, & fluidum efficitur.

I.

*Cur plumbum
facile lique-
cat.*

Id ex infirma partium ejus adhæsione oritur, plumbum enim ex iis particulis confatur, quarum unæ non difficilius quam aliæ, à vicinis se-

junguntur, ac proinde igne appposito, ejus particulæ non solum in aliquo motu constituuntur, sed etiam quantum ad situm separantur. Mollia enim corpora à *duris*, quibus aliquo modo opponuntur, discrepant, quod Durorum partes mutuo contactu se contingant, & juxta se invicem quiescant, partes vero *fluidorum* quorum naturam mollia participant, motibus à se diversis agitantur, & circa sua centra volvuntur. Liquefcit igitur plumbum, dum igne poros ejus subeunte, partes ejus solvuntur, & positionem suam variant. Hinc credidere nonnulli *pilam plumbeam* motu celerimo liquari posse, quod ejus particulæ intestino motu concutiantur, & non nisi debili nexu sibi adhæreant. Sed id effici solo motu posse non arbitror, quum videam glandes plumbeas bombardæ emissas, celerrime deferri, & eorum motum, longe eum quem arcus imprimit, excedere, non tamen ea agitatione illas liquari, & in termino defluere.

II.

Plumbum quibusdam morbis succurrit.

Plumbum *refrigerandi* vim habet, & calorem noxium in corpore mitigandi: Imo quidam deploratam sanitatem, admota plumbi lamina restituere, ut de quodam *musico* fertur, qui vocem conservandi gratia, pectori laminam plumbeam casu pectori adhiquerat, gravem *morbum* depulit, & ignoto remedio salutis suæ consuluit.

Plumbum enim refrigerat, quoniam illius partes valde remisse agitantur, & unæ aliis impositæ tantum non quiescunt. Non enim frigus in omnimoda quiete consistit, sed sufficit si corporum particulæ tardius moveantur, & organum tactorium magis solito ea tarditate afficiatur. Quippe Corpus vehementer concussum facilius frigus per-

percipit, & ejus rigore acrius exacerbatur. Plumbi igitur *lamina æstuans* corpus refrigerat, quoniam particularum ejus motus imminuit, & calorem noxium, qui in motu consistit, mitigat ac compefcit. Hinc *lamina* venercorum substeruntur lumbis, si quando propter crebras veneris exercitationes, somnis vexati, *semen* emittunt. Talibus *Calvus Orator* cohibuit libidinem, ut vires corporis studiorum custodiret labori. *Plinius*. Nec minor est apud *Medicos* plumbi usus ad vulnera siccanda, humoremque superfluum sistendum, quoniam meatus sua frigiditate obstruendo, humori viam intercludit, impeditque ne ulterius subeat.

Plumbum in vase *liquatum* si baculo flagelletur, & continua agitatione pulsetur, disjungitur, & in pulverem minutissimum evadit.

Quoniam vehementi illo motu, partes *plumbi* tenuiores ac lubricæ, quæ crassiores conjungebant, avolant, & in acre exhalantur; ut in *acqua ferventi* experimur, quæ agitata turbidiorem fumum emittit, quod disjunctis per inhærentem calorem particulis, earum nonnullæ abeant, & per *aerem* ferantur. Igitur sibi relictæ pinguiorcs Plumbi particulæ, ad, se invicem accedunt, & firmitus quam ante copulantur. Ad eum fere modum, quo, continuo *cremoris* concussu, pinguiorcs ejus particulæ in *butyrum* coeunt, & in corpuscula concrefcunt, à *sero*, cui immiscentur, distincta.

Æs inter dura metalla numeratur, quod ob arctiorem partium plexum, diu igni resistit, nec liquatur, ni prius accendatur, & tantum luminis diffundat, ut in fornace *æstri* cujusdam speciem referat.

III.

Plumbum liquatum baculo agitato in pulverem redigitur.

IV.

Cur æs difficulter liquecat, ni prius igne accendatur.

Id *Æri* à primo elemento contingit; quod ita ejus angustissimis includitur, ut partes insensibiles ei innatent, & adeo impetuose inter se ab illo impelluntur, & circa centra sua gyrentur, ut nervum *opticum* eminens, & *tactorios* nervos cominus moveant. Non tamen ita fufum liquorem patitur; Quippe si ei aqua aut aliud corpus humidum immergatur, subito ingens strepitus oritur & *Æs* ipsum è vase exilit. Quoniam aqua quæ ipso est ponderosior, facile ejus poros ingreditur, in quibus ob intensum calorem dilatatur, & illic ob loci parvitatem continere se non valens, cum impetu erumpit, & circumambientes *Æris particulas* secum defert & dispergit. Non modo valde dissimili, quo *pulvis pyrius* lapillis undique contactus, igne admoto, cum explosione erumpit, & circumpositos lapillos excutit & dissipat.

V.
Unde *Æs* facile
eruginem
contrahit.

Æs eruginem facile contrahit: unde à quibusdam ærugo propria *Æri* rubigo dicta est, quod ipsi adnascatur, & illud quadam fuligine contegat.

Ærugo ab *exhalationibus* & partibus *sulphureis* provenit, quæ ex *Æris* ramentis efflorescunt, & ejus pororum orificia obstruunt. Originem suam ab aeris humore, qui *Æris* partibus inferitur, habet, qui à materia subtili agitated, foras erumpit, & in ejus superficie retentus, concrefcit. Quemadmodum videmus marcorem in carne, corio, pane, & aliis concrefcere, si in loco humido reponantur, & nonnihil salis ipsis apponatur, quia Sal earum meatus laxat, & spiritibus *sulphureis* viam patientiorem reddit. Hinc *Cuprum tersum*, & nulla asperitate obductum, facilius æru-

æruginem induit, quam *scabrum*, & cui partes aliquæ eminent; quia terfo meatus apertiores insunt, quibus se facilius humida aura ingerit & admovetur.

Articulus septimus.

De Ferro.

Ferro durities maxime competit, quum eo nullum metallum difficilius fundatur, nec intentiori igne opus est, ut lique scat. Nihilominus *fornaci* immis sum mole extenditur, majoremque quantitatem acquirit. Accipiat aliquis *laminam ferream*, quæ baculum ligneum adæquet, deinde Ferrum in ignem injiciat, donec penitus incandescat, experietur, postquam illud extraxerit, longius evasisse, & majorem quam antea locum occupare.

Ratio est, quod Ignis in Ferri *meatus* intro ductus, eos laxat, & ad majus spatium protendit; cum enim Corporum penetratio repugnet, & duæ extensæ materiæ in eodem loco reponi non possint, necessum est Ferrum, ignis introductione dilatari, & novam quantitatem acquirere.

Ferrum *aceto* & *alumine* illitum, fit *Æri* simile. Smolnicii (oppidum est montis Carpathi) ex puteo extrahitur aqua, & in locatos triplici ordine infunditur canales, in quibus Ferri portiones in *Æs* vertuntur. *Agricola de Metallis.*

Contingit hæc transmutatio, non prioris forme jactura, ut quidam loquuntur, & *novæ alterius*

I.

Quomodo ferrum quod durum est, in igne extensionem acquirit.

II.

Ferrum ali quando in Æs commutatur.

terius generatione; sed sola partium accessione, dum scilicet Ferri meatus, *aluminis* & *acetii* particulae subeunt, & ejus partium nexum immutant. Nam cum *acetum* ea acrimonia polleat, qua facile Ferri *poros* penetrat, non potest eos ingredi, quin partium ordinem solvat, & aliam dispositionem inducat: Quo fit, ut novus *color* in Ferro innascatur, & nigredine deposita, *rubedo* quaedam oriatur. Nec parum ad id efficiendum *alumen* conducit, quod cum adstringentem vim habeat, eas particulas transfundit, quae aliis intime adhæreant, & firmiter implicentur. Ac proinde mirum non est, si immutata partium textura *Ferrum* *Aeri* simile reddatur, & ejus speciem referat.

III.

*Cur Ferrum
durius evadit,
si dum candet,
in aquam pro-
jiciatur.*

Si è fornace candens Ferrum forcipe eximatur, & in *aere* refrigerandum exponatur, non tantam duritiem acquirit, quam si statim aquae injiciatur, & celeriter frigeat.

Quoniam dum candet Ferrum, meatus ejus maxime patent, & non tantum primi elementi materiae, sed & exiguis terrestribus particulis replentur, quae Igni innatantes, continuo illos subeunt & egrediuntur. Unde dum aeri refrigerandum exponitur, illae eadem aeris particulae, suum cursum per illius poros continuantes, efficiunt, ut pori non nisi paulatim comprimantur, & Ferri partes eandem texturam & plexum, quem in fornace habuerunt, retineant. Ubi vero candens Ferrum *Aquae* immergitur, non impedit quidem illa, quominus primum elementum è Ferri meatibus erumpat, sed quia nihil est, quod illa loca occupare potest præter subtilem materiam, quae in aqua existit, cujus particulae
nimis

nimis exiguae sunt, quam ut poros illos eo modo quo antea apertos teneant; sit ut citissime coarctentur, & eadem opera ad se invicem accedant. Ex quo ejus durities oritur, quae nihil aliud est, quam arcta partium compressio, & mutuus earum contactus.

Ferrugo sive contracta Ferri rubigo, *profluvia* mulierum remoratur, imo si potui admisceatur, & propinanda foeminae praebeatur, *conceptum* impedit, obstatque ne impraegnetur.

IV.

Ferrugine fistuntur mulierum menstrua.

Ratio est quod Ferrugo ex *sulphureis*, *ramosis*, & *angulosis partibus* constat, quae maxime adstringunt, & orificia illa in quae inciderint, occludunt. Ut in eorum manibus, qui illam contrectant, videre est, quae difficulter abluuntur, & non nisi longo temporis tractu pristinum nitorem recuperant. Menstruos igitur mulierum *effluxus* sistit, quia venarum orificia, per quae delabitur sanguis, occupando obstruit, impeditque ne ulterius tendat. Sic hausta ferrugine *conceptio* impeditur, quoniam occlusis venularum orificiis, adhærere ingestum semen nequit, aut si forte adhæreat, succi defectu, qui ad fibrarum propagationem requiritur, illico decedit, & veluti evanidum, citraque omnem effectum deprimitur.

Chalibs qui fusione fit, magnaue ignis vehementia perficitur, redditur mellior, si denuo igni admotus & candescens, lente postea refrigeretur.

V.

Cur chalybs se lente refrigeretur evadat mollior.

Quia dum hoc pacto refrigeratur, ramenta *angulosa* & *confragosa*, quae ex grumulorum superficiebus, ad interiores eorum partes, vi caloris protrusa erant, foras se exerunt, & una aliis impli-

implicata, tanquam *uncis* quibusdam perexiguis unos grumulos aliis annectunt : quo fit, utamenta ista, non amplius tam arcte in grumulis suis compacta sint, atque ut grumuli non amplius *immediate* contactu, sed tanquam *hamis* vel *uncis* quibusdam alligati, sibi mutuo adhærent; & ideo chalybs non admodum durus nec rigidus, nec fragilis, sed mollis & flexilis evadit. In quo non differt, à Ferro communi, nisi quod chalybi iterum candefacto, & deinde celeriter refrigerato, prior durities & rigiditas reddatur, non autem ferro, saltem tanta.

VI.

Quomodo lignum in quibusdam stagnis in ferrum vertatur.

Ferunt nonnulli *lignum* Ferri naturam interdum assumere, si quibusdam stagnis aut fontibus immergatur. Ut de Stagno illo Hibernico narrat *Maginus*, in quo si *palum* ligneum defigatur, ea pars quæ limum subit, in Ferrum convertitur; alia vero, quæ aquam contingit, non nisi lapidis formam adipiscente.

Id si verum est, oritur quod *lignum* diu in limo sepultum, halitum metallicum admittat, qui se intra ejus fibras insinuando, paulatim con-crefcit, & ejus poros sensim occupat, adeo ut temporis decursu, aliquam ferri similitudinem habeat, & ejus duritiem aliquo modo imitetur.

 Articulus octavus.

De varia Lapidum generatione.

I.

Unde lapides in Provincia orti
Rhombi figuram referunt.

L Apides qui in *Ariatiensi* aut *Sparronio* agro in Provincia in Gallia nascuntur, seu rubei sint seu chrySTALLINI, *Rhombi* figuram habent; quoscum

cum freris, & in frusta partitus fueris, singula Rhombum efficiunt, & in minores semper ac minores Rhomboidas pro ratione divisionis abeunt. *Gassendus.*

Illud dispositioni materiæ, ex qua lapides generantur, tribuendum est, quæ cum maxime elaborata est, adeo regulariter distribuitur, ut singulæ ejus particulæ, in majoribus conformandis compingantur. Supponendum est igitur, in prima ejusmodi *lapidum* formatione, quasdam succi particulas, vi caloris in longum fuisse protensas, quibus aliæ allabentes eodem modo se jungentes, paulatim exiguas quasdam tabulas contexerunt, mox aliis supervenientibus, quæ ipsis transverse adhærerent, factum est, ut anguli *Talchi* vel *specularis* lapidis speciem referrent. Ut in cujusque salis formatione deprehenditur, cujus granorum *basis*, ea particularum dispositione, quadrata efficitur. Ac proinde sicut *Sal gemmeum* quod tessellatam figuram habet, dum in fragmenta abrumpitur, in totidem tessulas compescitur, ita *Sparronii* lapides, qui *Rhombi* figura sunt, latera eadem semper retinent, & in exiguis etiam particulis, inviolatam angulorum formam tuentur.

In Terra nonnunquam *vitrei* lapides gignuntur, qui cæteros non minus pondere quam duritie adæquant, nisi quod fragiles sunt, & in partes citius dispescuntur.

II.

Hæc vitrei lapides qui interdum nascuntur.

Talium lapidum origo, in arenam refunditur, quæ igne vehementissimo fusa, in *massam* primo colliquatur, mox refrigerata, lapidum *duritiem adipiscitur*. Eo modo quo cinerum particulæ igne valido concussæ, lævigantur, & sibi ipsis

ipsis adhærentes, in vitrum abeunt. Sic usu venit, ut post ingentia terræ incendia, vitrei lapides ex ea eruantur, qui varias formas, pro locorum diversitate, in quæ liquor dilapsus est, referunt. Imo censuit Plinius vitrum ab accensis arenis initium habuisse: *Fama est*, inquit, *appulsa nave mercatorum nitri, cum sparsi per litus epulas pararent, nec esset cortinis attollendis lapidum occasio, glebas nitri è nave subdidisse: quibus accensis permixta arena littoris, translucentes nobilis liquoris fluxisse rivos*, libro trigesimo sexto, capite vigesimo sexto.

III.

Quomodo nascuntur lapides in corpore humano.

Calculi in corpore Humano generantur, qui uti magnitudine, ita & duritie discrepant. Nam alii *friabiles* sunt, aliqui omnino *duri*, & non nisi ægre dissolubiles.

Lapidum in *vesica*, & calculorum in *renibus* nascentium, eadem, quam aliorum originis est ratio; cum scilicet meatibus interclusis, arenarum granula intercipiuntur, & inter se firmiter cohærentia, in quoddam arduum corpus concrescunt. Certum est enim, sanguinem & lotium percolari, exiguaque terrestrium corporumamenta secum devehere, quæ talibus prædita sunt figuris, ut sanguine aut lotio tardius in renibus & vesica motis, cohærentia calculum vel lapidem componunt, Arenæ enim quæ in corpore humano procreantur, partes *angulosas* habent, quibus facile sibi ipsis implicantur, & in massam abeunt. Unde fit, ut tantum doloris dum è copore emittuntur, adferant, quoniam cum urina devolutæ, membranulam suis *angulis* contingendo, illam excoriant & diffingunt.

Lapides nonnunquam in fluminibus præcreantur, imo fundus qui aquam sustinet, exiguo tempore totus in durum corpus convertitur. Meminit *Patritius*, dum *Avinione* studiis incumberet, corpori abluendo, non raro in minorem *Rhodani* alveum æstivis mensibus descendisse, & fundum quem antea placidum mollemque repererat, ita induruisse, ut totus asperis lapidibus tegeretur.

Provenire id potuit ex Terræ-motu, qui antea circa vallem Clausam contigerat. Apertis si quidem Terræ succussu hiatibus, magna arenarum vis erumpere potuit, quæ à *Sorga* fluvio in minorem *Rhodani* alveum delata, & illic sensim subsidens ac coacervata, pro varia ejus distributione, diversos lapides composuit. Nec illud verisimilitudine caret, quum illi qui *Rhodanum* aut *Druentiam* fluvios frequentant, testentur, se in eorum alveis, non raro equorum soleas, clavos, aliaque hujusmodi *ferramenta* invenisse, circa quæ ita arenæ granula confluxere, tantoque ordine sese adaptasse, ut una crusta lapidea circumcingerentur. Quoniam arenæ ferramentorum occursum interceptæ, sibi ipsis adhæserunt, & duritiem mutuo contactu contraxerunt.

In camporum superficiebus lapides inveniuntur, iis per omnia similes, qui in fluminibus crescunt: quippe magnitudine & figura pares sunt, ut pote *ovalis*, & nonnihil ad sphaericam formam accedentes.

Dici potest hujusmodi lapides aquarum impetu è montibus in subjectos campos defluxisse, aut è fluminibus aut stagnis, quæ aliquando exundaverunt, fuisse illic asportatos. Constat enim

IV.

Quæ causa lapidum qui in fluminum fundis gignuntur.

V.

Unde oriuntur lapides in exteriori terræ parte.

lapides qui in *Crautia* campis sparguntur, non illic natos esse, sed ex *Druentia* & *Rhodani* effluviis, qui sedibus olim relictis, per ea loca vagati, limum & arenam iis efformandis vexere. Nam non omnes qui illic jacent, lapides, æquales sunt, sed magnitudine, quamvis non figura, dissentiunt. Qui enim ad medium accedunt, cæteris majores sunt, minuuntur autem prout ab eo distrahuntur ac recedunt. Sed minimi sunt illi qui extremum versus porriguntur, quoniam *Druentia* & *Rhodano* illic aliquamdiu stagnantibus, plus arenæ circa medium devolutum est, quam versus partes posteriores. Quod ita contigisse argumento est, quod planities quæ procul à montibus absunt, hujusmodi lapidibus destituantur, & nullum eorum extet ullibi vestigium.

VI.

*Origo lapidum
in fontibus.*

Deprehenduntur lapides in fontibus nasci, imo eorum fundus ita intumescere, ut notabiliter excrescat. Scaturiginis *Dinia* mentionem facit *Gassendus*, quæ quos præterfluit canales, *Topachea* intus crusta obducit.

Generantur in fontibus lapides, dum eorum aquæ è rupibus, quas permeant, particulas quasdam deterunt: quippe particulas illas talis figuræ esse supponimus, ut facile inter se compingantur, quando in iis locis coeunt, in quibus aqua vivida minus minusque, quam in rupium iltarum venis agitata, finit ut fundum decidant. Talem partium erosionem testatur aqua illa *Romæ* è fonte defluens, quæ tubum per quem delabitur, ita incrustavit, ut illum *Alabastride* lapide jamdudum temporis successu opplexerit.

Articulus nonus.

De unionibus & Gemmis.

Gemmae & uniones passim lapides appellantur, sed *pretiosi* addito nomine, quod eos magni Homines faciant, & diligentiori cura ac labore expiscentur. In hoc *Gemma* cum *Unionibus* conveniunt, quod eandem figuram habeant, & licet variis in locis orti, nunquam dissimilem formam referunt.

I.

Cur eadem sit
gemmis &
unionibus signi-
ficat.

Causa est, quod uniones in *conchis* politissimis generentur, in quibus tantus nitor inest, ut procreati in earum cavitatibus lapilli, eandem prorsus politiem exhibeant. Sunt enim *Uniones* in initio veluti quidam tumores *verrucarum* adinstar, ex eadem concharum materia orti, qui post aliquod tempus excreti, lapides evadunt. *Gemma* vero succorum percolatione generantur, qui cum paucissimi sunt, nec magna eorum copia parari queat, fit ut unius guttae effluvio, singularis *gemma* exurgat, & non nisi aucta materia, sive pluribus guttis accedentibus, plures efformentur. Quae licet forte inter se magnitudine differant, ob similem tamen in ipsis, materiae subtilis actionem, uniformi *figura* donantur.

II.

Unde diversitas
colorum in la-
pidibus pretiosis.

Lapides pretiosi pene omnes colore discriminantur: quidam enim *diaphani* sunt, alii tantum non ad *opacitatem* accedunt; neque inter perspicuos est convenientia. Nam *Carbunculus* *purpureo* diluitur, *Smaragdus* *viridi*, *Sapphyrus*

Qz

caeruleo;

cæruleo, *Hyacinthus subflavo igneo*; *Amethystus violaceo*, *Opalus vario* & cætera.

Lapilli perspicui sunt, cum Halitus sive vapores qui in succos mutantur, ita in terræ meatibus colliguntur, ut lubricis ac fluidis eorum particulis exhalatis, ita mutuo sensim adhærescunt, ut globuli secundi elementi commode eas perlabi queant, ad luminis actionem transferendam. Illi autem opaci redduntur, dum Halitus in arctis quibusdam terræ meatibus intercepti sistuntur, & ita terræ particulis involvuntur, ut nullis globulis æthereis aditus pateat. Quod autem quidam lapilli diversis *coloribus* diluantur, & varia corpusculorum mistura procedit, quæ diversimode lumen reflectunt, & variis modis oculos nostros afficiunt. Id ex aquæ cum vino mixtione dilucide apparet, ubi utriusque color ita confunditur, ut aqua vini *rubedinem* induisse videatur, & vinum ad aquæ *pallorem* deflexisse.

III.

Cur nævi in aliquibus lapidibus apparent.

Nonnulli lapides nævos contrahunt, quasdamque maculas exhibent, ut Achates & alii.

Quia succus ex quo formantur, in receptaculis colligitur, ubi tanquam in matrice deponitur, tantillumque antequam concreascit, quiescit: unde quicquid impurum est, paulatim in fundum devolvitur, & tanquam *amurca* subsidit. Si vero, priusquam heterogeneæ partes imum petiverint, coaguletur, & in massam unam abeat, fit ut lapilli maculas quasdam induant, aut lineis variis asperguntur. Sic sæpe intra Christallum *musche*, *formice*, & hujusmodi *animalia* conspiciuntur, quoniam succo lapidifcenti admixta, prius in vasibus illis in massam concreverunt, quam ad imum potuerint delabi.

Chry-

Chryſtallus in montibus invenitur, maxime ubi *hybernae* nives sunt, ſummumque frigus dominatur.

Antiquorum fuit opinio exiſtimantium Chryſtallum ex gelu & nivibus fieri, ſeu ut alii volunt, ex aquis ingenti frigore congelatis. Unde *Seneca*, *Aqua caeleſtis*, *minimum in ſe terreni habens*, cum induruit, longioris frigoris pertinacia ſpiſſatur magis ac magis: donec omni aere excluſo, in ſe tota compreſſa eſt, & humor qui fuerat, lapis effectus eſt. Naturalium quaſtionem libro tertio. Illud tamen falſum eſſe multa convincunt. Primum quod appoſita igni Chryſtallus, non liqueſcat, aut tantillum calore etiam intentiſſimo minuatur, quod tamen omni glaciei competit, ſive corpori ex aquis concreto. Deinde, ſi Chryſtallus ex conſtrictis gelu nivibus oriatur, quomodo ejus aſſrictu ignis elicitur? quis unquam ex aqua congelata ſcintillas exilire deprehendit, ſicut e Chryſtallo educi experimur? Poſtremo ſi loca nivibus conſperſa Chryſtalli origini favent, quare in iis montibus non naſcitur, ubi nives *perennes* ſunt, & in quibus æternum frigus inhabitat. Dicendum igitur eſt Chryſtallum ſicut & *gemmas* alias, ſucci lapideſcentis percolatione concreſcere, & pro materiæ diverſitate, variam in ipſa perſpicuitatem & duritiem progigni. Si autem interdum Chryſtallus è rupibus evellatur, quaſi aliquid ex illis detractum, id contingit, quod aliqua pars ſucci per rimas inter concreſcendum delapſa, productioris formæ evaſerit, & imum verſus propenderit.

Paſſim jactatur Adamas indomitæ eſſe duritiei, adeo ut nec *ferro*, neque *malleis*, aut *incudibus* codat.

IV.

Chryſtallus po-
tiſſimum in
montibus offen-
ditur.

V.

An Adamas igni non cedat, & sanguine hircino teri possit.

cedat. Imo ejus natura ita esse ignum victrix, ut in ardentissimam fornacem injectus non incallescit: nihilominus Hircino sanguine teritur, sed non alio quam recenti & calido.

Hæc quidem vulgo credita sunt, sed quæ falsitatis experimenta convincunt. Igni enim & ferro Adamas cedit, & non minus unius quam alterius viribus minuitur. Nam teste *Bodino Theatri nat. Libro secundo*, malleo in scobem redigitur, & ferreo atteritur *pistillo*. Ab igne quoque superatur, & in calcem flamma diurna redigitur. Neque magis verum est, quod de eo spargitur, nempe ejus pulverem propinatum *dysenteriam* gignere, cum constet quosdam servos, ut furtum tegerent, integros devorasse, quos tamen impune, citraque valetudinis læsionem egresserunt. Imo *drachmæ* unius pondere, sub forma scobis propinatus, non magis quam panis obfuisse dicitur. *Cardanus libro secundo, tracti 5. contradi. 9.*

VI.
Qui adamas tantum fulgorem emittit.

Adamas inter cæteras gemmas maxime *fulget*, & acre lumen versus oculos emittit.

Quoniam ex succo defæcatissimo concrevit, cujus partes in percolatione ita dividuntur, ut receptos radios undique reverberent aut refringant. Sunt enim singulæ ejus particulæ veluti tot *specula*, quæ lumen retorquent, & visum eo modo quo percutiuntur, referiunt. Id etiam tincturæ, cujus maxime capax est, assignari potest, non propter innatam quandam similitudinem, ut quidam somniant, sed quia talis est partium ejus dispositio ac situs, ut cuncta *tinctura* filamina apposite conveniant, & meatus ejus omnes occupent; quod ad radiorum retorsionem, maxime juvare sciunt omnes, qui aliquid de Optica sciunt.

Coral-

Corallium quod sub *aqua marina* arborefcit, & in truncum ac ramos expanditur, extra mare eductum, & aeri expositum, statim in lapidem induratur, & pristinam mollitiem amittit. Ut eleganter *Ovidius*, decimo quinto *Metamorph.* describit.

VII.

Cur corallium sub aquis molle, statim aeri expositum durifcat.

*Sic & Coralium, quo primum contigit auras,
Tempore, durefcit, mollis fuit herba sub undis.*

Ratio est, quod Corallium sub aquis marinis delitefcens, multo fale imbuatur: Unde in aerem eductum, humore exhalato, solidum redditur, & firmitatem acquirit. *Fluide* enim particulae corporum meatibus inclusae, illos dilatant, aliasque ipsorum particulas motu suo concutiant quod eorum mollitiem efficit; sed iis evaporatis, aliae quae remanent, arctius junguntur, & firmiori vinculo sibi adhærent. Sic teneriores plantae ob humoris & salis copiam, quibus distenduntur, fissiles prius fiunt, sed senescentes, humore detracto, aereque earum poros permeante indurescunt, & frangi se potius quam duci patiuntur.

Articulus decimus.

De Magnete.

SI magnes in aere tranquillo suspendatur, aut, *hydrargyro* impositus libere supernatet, illico deprehenditur ita moveri, variasque in partes deflecti, donec se ad meridianum componat, & polorum unus in boream, in Austrum alter convertatur.

I.

Cur magnes versus polum borealem dirigatur.

vertatur. Non tamen æqualiter, quasi in *horizontali* situ sistatur, sed ea parte, qua *boream* spectat, infra horizontis planitiem deprimatur, & quantum poterit versus polum Terræ *Borealem* dirigatur.


Hujus conversionis ratio à *materia striata* pendet, à qua *magnes* vires suas accipit; cujus particulae ita sunt intortae, ut quæ è polo *Australi* egrediuntur, polum oppositum scilicet *Borealem* subire nequeant, ac proinde in magnetis meatus *hydrargyra* innatantis oblique irruentes, illum ea qua pollent virtute, impellunt ad suum motum perseverandum secundum lineas rectas. Quo demum fit, ut *magnes* post aliquot hinc & inde agitationes, ad statum naturalem redigatur. Adeo ut, secluso impedimento polus *Australis* magnetis versus *Borealem* terræ polum tendat, & *borealis* versus *Australem*. Quia materia illa striata quæ à polo Terræ boreali per aerem interjectum ad *Austrum* pergit, prius ab *Australi* cœli parte per mediam terram venit, & illa à boreali venit, quæ ad *boream* regreditur. Quod autem *magnes* non se in horizontali situ contineat, sed versus borealem polum declinet, id provenit, quod nos in boreali parte versetur, & polus ejus *borealis* infra horizontem propius quam *Australis* demergatur.

II.

Magnete in partes diviso poli ejus mutantur.

Magnete in duas partes per longum diviso, policearum immutantur, & illa fragmenta quæ ante sectionem jungebantur, eisdemque polos spectabant, se fugiunt & averfantur. Nam si partes A & a sibi mutuo prius adhærebant item B & b in extremo opposito, partitione facta a versus B convertitur, & b versus A, adeo ut
polus

polus borealis unius cum Alterius boreali, nec Australis cum Australi amplius conveniant.



Ratio est quod particulæ striatæ *Australes*, quæ per partem *borealem* unius segmenti egrediuntur, debent in aliud per *Austroalem* ingredi, & egredi per *borealem*. Cum igitur particulæ striatæ quæ ex majori seg-

mento *A b* egrediuntur, *Australes* sint, invertere debent superius *A b*, & ita illud adaptare ut libere per *a* ingrediantur, & per *B* exeant. Supponitur enim *A* esse polus *Australis*, per quem *Australes* particulæ subeunt, quæ ab interiori segmento egrediuntur per *b* quæque proinde in superius per *b* ingredi non possunt, cum sit *borealis*, & borealibus recipiendis idoneus.

Magnetis poli non semper accurate versus terræ polos deriguntur, sed ab iis varie declinant, ut *Gillebrandus Anglus* nuper evulgavit prolata observatione *Burrusii*, qui exquisita operatione deprehendit anno millesimo quingentesimo octogesimo, declinationem esse *Limbusii* prope *Londinum* graduum *tredecim*, minutorum *triginta* quinque. Itemque *Gunteri*, qui anno millesimo sexcentesimo vigesimo secundo, esse solummodo graduum *sex* minutorum *tredecim*: Ac denique sui ipsius qui millesimo sexcentesimo trigesimo quarto, deprehenderit esse solum graduum

III.

Quæ causa declinationis in magnete.

duum quatuor, minutorum duorum. *Gassendus.*

Hujusmodi decrementa à Terræ *inæqualitatibus* proficiscuntur. Constat enim quædam loca pluribus ferramentis abundare, quam alia, nec magnetes per totam Terram æqualiter dispergi; sed plures simul in uno ejus tractu reperiri. Unde fit ut particula striata, quæ liberius per magnetica corpora quam per alia cætera feruntur, à terra interiori erumpentes, majori copia versus certa quædam loca fluant, quam versus alia. Sicque non raro ab itineribus suis devient, & versus illa corpora deflectant, quæ facilius permeant, Quia vero *polorum* magnetis, aut extremitatum *acus* conversio, à solo istarum particularum cursu pendet, versus illam partem dirigere se debet, in qua est major materiæ quantitas, ad illam trahendam idoneæ. Illius rei in *magnete*, qui alterius figuræ est quam *sphæricæ*, experimentum haberi potest: quippe si *Acus* exigua, diversis ejus partibus applicetur, non eodem semper prorsus modo, ad ejus polos se convertet, sed sæpe ab ipsis aliquantum declinabit. Mirum igitur videri non debet, si in uno & eodem loco magnetis *declinatio* mutetur, & temporis tractu ejus poli non semper accurate polos terræ respiciant. Quoniam hæc materia potest, nobis incisiis locum mutare, exempli causa, in *maris fundo*, aut in *terræ cavis*, vel etiam ferrum ex unis *terre* partibus in alias ab Hominibus transferri potest, & diversis usibus deputatum corrumpi, & in aliud corpus degenerare.

IV.

*Magnes ferro
vim suam com-
municat,*

Magnes virtutem suam Ferro impertit, & ita illud tactu suo immutat, ut eodem quo ille modo, ad mundi polos dirigatur.

Id

Id fit ob magnam inter utrumque affinitatem : tanta enim est inter illa naturæ similitudo , ut magnes crudum indigestumque ferrum dici queat : Ferrum autem decoctus magnes , & pars ejus defæciator. Nam ferrum è *magnete* conflatur , ex quo tanquam ex vena eruitur , & defluit. Hinc in *Anglia, Italia, Germania*, aliisque locis, ubi *Ferrum* effoditur, *magnes* quoque passim reperitur, & ambo ab eadem matrice pendent. Quomodo autem Ferrum magnetis virtute imbuatur, & ei admotum propensionem ejus acquirat, fiet manifestum supposito ferrum meatus particulis striatis recipiendis idoneos habere, nihilque ad vim comparandam deesse, nisi quod exiguæ quædam ramulorum, ex quibus ramenta constant, extremitates, hinc & inde in meatibus istis promineant : quæ omnes versus unam & eandem partem inflecti debent, in iis meatibus, per quos striata materia ab *Austro* veniens, & in aliis versus oppositam transire queat. Verum magnete appposito, striata materia ab uno terræ polo ad alterum indefinenter commeans, magno robore magnæque quantitate, ad modum *torrentis*, in ferri poros irruens, istas ramulorum extremitates eo pacto inflectit : Ac proinde omnia supplet, quæ ad vim magneticam obtinendam in eo deliderabantur.

Magnes si probe incalascet, omni virtute Ferrum attrahendi destituitur, imo non amplius
V.
Calescens
magnes vim
ferrum attra-
bendi amittit.
 sine magna animi nostri voluptate, *magnetem* accensis carbonibus cumulatum, cæruleam flammam sulphuream & ferream eructare, qua dissipata, simul cum abeuntis animæ qualitate trahendi

hendi beneficium amisisse. *Porta magiæ naturalis libro septimo.*

Hæc jactura procedit, quod Igne magnetis meatibus *immissis*, multæ tenues ac lubricæ particulæ abigantur, quarum ablatione, *novus* partium plexus, *novaque* pororum dispositio oritur. Quemadmodum in *baculo ligneo* videmus, quod igni admotum, paulatim incurvatur, & aliam inflexionem subit. Quoniam caloris vi quædam ejus partes propius ad se invicem accedunt, aliæ autem secernuntur, & aliam affinitatem cum aliis ineunt. Unde fit, ut igne *magnetis* ramentorum situm invertente, striata materia illam permeare solita, laxiores solito meatus inveniens, exiguum aut pene nullam virtutem in illis exerceat.

VI.

Quid censendum de sepulchro Mahamedis.

Passim inter Homines jactatur *Mahamedis* sepulchrum inter duos magnetes paris roboris suspendi, & ita medium tenere, ut nec *solum* nec *culmen* attingat.

Sed hæc & similia fabulas esse existimo: humanam enim industriam excedit, ut duo aut plures magnetes æqualis prorsus virtutis comparentur, quique ita adaptentur, ut interjectum ferrum ea sit figura ac temperie, ut non fortius ex una parte quam alia alliciatur: cum exigua differentia in *magnete*, *ferro*, aut in ipso etiam *loco*, æqualitatem illam invertere possit. Nec cum majori authoritate recipiendum est, quod de *Bellerophontis* equo, & de Statua in *Scrapis* Templo à nonnullis proditur. Hæc enim commentitiæ fabulæ prodiderunt, & nimia in Hominibus omnia credendi *proclivitas*.

HISTORIÆ NATURALIS PARS SEXTA.

De Meteoris.

Articulus primus.

De Vaporibus & Exhalationibus.



Vapores copiosiores è Terra assurgere videntur tempore *hyberno*, quam *estate*, dum Sol directius Terram ferit, & acrius stagna fluviosque diverberat. Hinc pluviarum vis major decedit, & Aer

I.
Cur vapores copiosiores appareant hyeme quam estate.

nebulis ac etiam nubibus magis oneratur.

Hæc vulgi est opinio, qui de naturæ oeconomia solis sensibus judicat, & citra examen admittit quicquid magis est obvium. Sed contrarium suadet ratio, quum fieri nequeat, ut Sol cujus præsentia *exhalationes* & vapores in aerem attolluntur, diutius *stagnis* & locis *paludosis* æstate incumbat, & non plures vapores elevet, quam hybernis mensibus, in quibus non nisi oblique & languide ea exagitat. Deinde videmus

aquas

aquas æstivo tempore, solito magis deprimi & notabiliter decreſcere. Quod autem vapores copioſiores hyeme fiat, aeremque largius complere videantur, ex eo oritur, quod Aere ob Solis abſentiam gelido, multum aſcendere non poſſint, ſed illico condenſentur, & graves effecti relabantur, & terram denuo repetant.

II.

Unde plures vapores ex una parte terræ quam ex alia oriuntur.

E quibuſdam Terræ locis plures exhalationes erumpunt, quam ex aliis, non ſolum in iis terrarum tractibus, quos denſæ & opacæ ſylvæ operiunt, ſed in iis qui æqualem à Sole calorem recipiunt.

Id ab ignibus ſubterraneis oriri poteſt, qui incluſum humorem agitando, illum per varios ductus transmittunt. Non enim ambigi poteſt, quin in multis terræ partibus, obſcuri quidam ignes lateant, qui exhalabilem materiam ad aſcendendum compellant, & diviſis ejus partibus in vapores aut exhalationes tranſmutent. Ut videmus cultos hortos, aut aratum ſolum plura emittere effluvia, præſertim ſi calore externo foveantur, & illis Sol impenſius incumbat.

III.

Quomodo Hominis halitus in fenestris concreſcit.

Halitus ex Hominis ore emiſſi, frigido præſertim tempore circa fenestras concreſcunt, & in aquæ guttas aut glaciem convertuntur.

Id fit, quod Stomachi calore vapores expulſi ad fenestras devehuntur, quas cum ob craſſitiem ſuam prætergredi, & tranſire non poſſint; urgente intrinſecus frigore in aquam concreſcant; & ſi contingat auram nimium exaſperari; frigusque ſolito acrius ſævire, glacies, circa fenestram efformatur, quæ prout vapores paulatim congregantur, & uni aliis incumbunt, varias figuras

guras repræsentant, aut etiam nonnullis florum imaginibus, fenestras adornant.

• Effluvia quæ è corporibus manant, odore distinguuntur: quædam enim *salubres*, alia *noxias* IV.
Quædam corpora salubres, alia noxias exhalationes emittunt. exhalationes emittunt. Ubi *rosarum* copia est, totus circumvicinus aer *rosaceo odore* perfunditur. E diverso, vitiosus putredinique obnoxius evadit, si *stercus* aut aliud quid *fatidum* ambiar.

Ratio est, quod effluvia illa quæ per aerem vagantur, nihil aliud sint, quam vividæ ac subtiles terrestrium corporum particulæ, quæ Solis calore concussæ in altum devehuntur; ad eum modum quo *madefactus pannus* admotus igni, vapidos halitus emittit. Salubres igitur noxiæve exhalationes sunt, prout sana aut vitiosa sunt illa corpora, è quibus extrahuntur. Sic vapores qui ex sola terra assurgunt, sicci sunt, quoniam terrea siccaque corpuscula secum deferunt. Qui è *mari* vero effluunt, humorem quandam frigiditatemque præferunt, quia *flexiles* ac lubricas aquæ particulas devehunt, quæ simul junctæ liquidum ac gelidum corpus componunt. Non mirum igitur à quibusdam videri debet, quod à *Domino Digbeo* in suo de pulvere sympathico libello, de *urbe Londinensi* refertur, quod aer qui illam circumcingit, hybernis præsertim mensibus, totus *fuligine & sale* volatili repleatur, quia cum per vastam illam urbem, è fossilibus carbonibus foco utantur, per aerem salis & fuliginis *particulæ* volitant, quæ obserata conclavia, cistæque penetrando, *lectos, aulæ,* & omnia quæque *nitida* foedant & corrumpunt. Nec absque ratione censent *Medici* innumeros *Londini* incolas *Phthisim* contrahere, & *peripneumonicos*,

monicos, seu consumptos, ut aiunt, interire. Quia tali aere attracto, inflammatione pulmones infestantur, & sensim exulcerationem patiuntur.

V.

Exhalatio non tam facile sursum fertur quam vapor.

Vapor facilius citiusque sursum fertur, quam exhalatio, ut videri potest in *Salis, Nitri ac Virioli* distillatione, è quibus non nisi cum magna difficultate aliquid educitur.

Causa est, quod aqua, quæ vaporibus materiam subministrat, ex lævibus, longis, ac lubricis partibus constat, ad anguillarum modum efformatis, quæ licet inter se adhæreant & implacentur, nunquam tamen ita nexæ copulantur, quin facili opera à se mutuo divelli queant. Terra vero, ex qua *exhalatio* educitur, magis irregulares habet partes, quæ tanquam *virgultorum* rami in sepibus, facile sibi ipsis adhærent & non nisi ægrè divellantur. Quo fit ut *vapor* ex tenuibus ac lubricis aquæ particulis conflatus, facilius ascendat, & minori Solis agitatione in altum evehatur, quam exhalatio, quæ ob firmiorem *partium suarum* nexum infra detinetur, & non nisi ab aliis corporibus fulta ascendit.

VI.

Halitus ore emissus in hyeme videtur, non autem æstate.

Halitus qui *hyberno tempore* ex ore transmittitur, sicut & *equorum* aliorumque Animalium sudor, dum calefcunt, magis fit conspicuus, quam æstate.

Ratio est, quod vaporum particulae, quæ tempore *æstivo* per aerem deferuntur, materiae subtili magis obsequantur, & quibullibet ejus impulsibus cedant. *Hyemali* vero tempore, quo subtilis materia debilius agitur, *Halitus* aut *sudor* propter aeris frigus, specie densi & obscuri fumi crassescunt, & non raro in aquam abeunt:

imo

imo si augeatur frigus, & asperum inclemensque cœlum fiat, *barbis* aut *capillis* adherentes congelascunt. Æstiva autem tempestate, non videntur propter calorem aeris, in quò dissipantur, & liberius se explicant ac expediunt.

Articulus secundus.

De Ventis.

Circa Solis exortum *Eurus* five orientalis Ventus passim sentitur, & circa illius occasum *Zephyrus* five occidentalis: quam differentiam illi maxime experiuntur, qui in longe dis-
 sito à Terra mari vela faciunt.

I.


*Mane eurus,
 vespere autem
 Zephyrus pas-
 sim sentitur.*

Illud à Solis præsentia pendet, qui Terram concutit, & vapores in Aerem elevat, nam cum magna Terræ pars à Sole semper illuminetur, necessum est, ut ex ea plures vapores attollat, qui eo decedente iterum relabuntur, & orientales atque occidentales plagas petunt, eorum nempe vaporum spatium occupaturi, quos nocturnum frigus ibi condensavit: ac proinde qui partes *orientales* incolunt, ventum orientalem, & qui *occidentales* occidentalem sentiunt. Res dilucidius apparebit consideranti Terræ ambitum A B C D & oppositum ei Solem S qui hemisphærium A B C radiis suis feriens & *Meridiem* ad B & *noctem* ad D faciens, eodem tempore respectu populorum habitantium ad A occidit, & respectu habitantium ad C oritur. Quippe vapores circa B diurno calore rarefacti, per vias

R

oppo-

oppositas versus D tendunt, nimirum per A & per C ad spatium illorum occupandum, quos noctis *frigus* condensavit, ventum *occidentalem* creant, ad A ubi Sol occidit, & *orientalem* ad C ubi exoritur.



Dixi in initio hanc ventorum diversitatem ab iis potissimum deprehendi qui vela faciunt, & diffusiora maria metiuntur; quia multa in terra obstant, ut *montium* altitudo, *climatumque* varietas, ne talis ventorum ordo semper observetur.



II.

Cur venti orientales sicciores sunt occidentalibus.

Venti ab *oriente* plerumque magis sicci sunt, & ad serenum aerem nitidumque reddendum aptiores sunt, quam *occidentales*, qui passim Humidi sunt, & pluribus vaporibus turgent.

Hujus phaenomeni ratio ex aeris motu deducitur, qui circa Terram ab Oriente in occasum defertur; quia cum venti in C facti, aeris agitationem sequantur, vapores obvios ante se propellunt, dissipantque, ac ita impediunt ne crescant, & in pluvias abeant. Qui autem in Occidente A fiunt, quum Aeris motui obnivantur, & alium quam ipse cursum teneant; vaporum

rum occurrentium impetum sistunt, & in Nubes cogunt. Ob eandem causam venti ab *Oriente* C cæteris paribus fortiores sunt, vehementiusque spirant, quam ab *Occidente* A; quia illi qui in C fiunt, massæ aeris cursum sequuntur. Vel etiam quia in parte Terræ quæ inter C & D posita est, ob diuturniorem Solis absentiam arctius vapores constringuntur, quam in illa, quæ inter D & A sita est. Vaporum autem *condensatio* ad ventorum vim conducit, qui indubie fortiores evadunt, quo graviores sunt illæ partes, ex quibus constant & conflantur.

Venti circa loca maritima *interdiu* à mari, *nocturno* vero à Terra spirare deprehenduntur.

Hæc ventorum alteratio, Solis illuminationi tribuitur, qua vapores diversimode è mari & terra educit. Dum enim Sol splendet, communiter plures vapores è *Mari* quam è *Terra* elevat: quia Terra multis in locis arida, & non illi tantum materiæ quantum aqua suppeditat: è diverso cum Sol recessit, calor relictus, plures è Terra quam è Mari attollit: quia Terra utpote compactum corpus, & multo humore grave, diutius quam mare calorem sibi impressum retinet. Unde validi illi *venti* qui è locis mediterraneis in mari spirant, fortissimi sunt prope littora, sensim autem in alto mari deficiunt, quo longius provehuntur. Quod *Columbo* primo Indiarum occidentalium *detectori* argumento fuit, regiones alias ultra *Atlanticum* Oceanum non procul abesse, dum deprehendit strenuos ac feroces ventos versus Europam afflare, quos nimis validos existimaret, quam ut ab aquis proficiscerentur.

III.

Circa littus maris venti à terra noctu, interdiu à mari proveniunt.

IV.

Qua causa
Etheſiarum &
constantium a-
liorum vento-
rum.

Quidam venti ſtatis temporibus revertuntur, & eundem ſemper tenorem ſervant. Ut *Etheſia*, qui ſingulis annis biduo poſt *Caniculæ* exortum quadraginta diebus ſpirare ſolent. Zephyri qui ab *Æquinoctio* verno ad *Autumnale* in mari mediterraneo flant. Australes qui ſub *Zona torrida* fiunt, vices & reciprocationes *diurnas*, *menſtruas* & *ſemeſtres* habent.

Horum omnium unica cauſa Sol eſt, qui pro vario ejus ad varias Terræ partes, ſitu, ventorum diverſitatem excitat. Nam quantum ad *Etheſias*, qui poſt æſtivum ſolſtitium obſervantur, veriſimile eſt eos à vaporibus provenire vi Solis à terris & aquis, quæ in ſeptentrione ſunt, eductis, poſtquam jam ſatis diu ad *Tropicum Cancræ* hæſit. Conſtat enim illum diutius in Tropicis morari, quam in ſpatio interjecto: Et cogitandum menſibus *Martio*, *Aprili*, & *Mai*o, maximam nubium & nivium partem, quæ circa polum noſtrum hærebat, in vapores & ventos reſolvi; ventosque iſtos ab initio veris (quo tempore ſunt calidiſſimi) ad *Solſtitium* æſtivum, paulatim deficiente materia languere. Menſe vero *Junio*, nondum ibi terras & aquas ſatis eſſe calefactas, ut materiam novi venti ſuppeditent; ſed paulatim Sole ad *Tropicum Cancrum* commorante, magis & magis illas incaleſcere, tandemque idcirco *Etheſias* producere, quum magnæ illius & pertinacis dici, quæ ad ſex integros menſes ibidem extenditur, meridies paululum inclinat.

V.

Zephyri in mari mediterraneo certo anni tempore flant.

Simili ratione Zephyri in mediterraneo mari ab æquinoctio verno ad Autumnale flare ſolent, quia magna vaporum copia ex Oceano *Aſiatico* æſtivalis

æstivis caloribus attollitur, qui aliquot horis, post Solis ortum, quæ certo temporis spatio, post noctem mediam respondent, versus ortum aguntur, & usque ad occasum vires suas exeunt. Stati ac certi intra *Tropicos* sive in Zona torrida sunt venti; quia illic Sol in Terram directos & perpendiculares radios mittens, plurimos vapores excitat, qui luminis actione agitati expanduntur, & ventum producant. Et ita de ventis aliis, qui certis temporibus oriuntur, ut de *Africo*, qui ab orientali ora Africæ ad Mozambicum ab initio Augusti ad decimum quintum Septembris spirat: quia à mense Aprili usque ad Augustum multos vapores è mari Indico educit, qui versus Africam deferuntur, & comparato majori spatio dilatantur, & locum majorem occupant.

Arte venti efficiuntur, ut *Chymici* eo instrumento ostendunt, quo, loco follis utuntur. Paratur enim ex Cupro globus, ita ut aqua repleti, claudique repletus possit. Fistula angustii orificii, ex una parte paratur, aqua igni admoveatur repletus, fistula alteri loco follis. Ubi globus incalcescit, & aerescit aqua, continuo aer exspiratur, & donec aqua tota absumpta sit, follis loco fungitur. Jonstons Admir. Meteor. capite sexto.

Oritur talis ventus ex eo quod aquæ particulæ ignis fervore agitatæ, inter se collidantur, & magno molimine ab invicem recedere conentur: & quia dilatare se, & à se mutuo remove non possunt, nisi quatenus aliquæ ex iis per fistulam egrediuntur, tota illa vis, qua plures colliduntur, tanquam in unum collecta, id agit, ut

VI.

Modus conficiendi ventos artificiales.

proximas per illud exturbet. Atque hoc modo ventus per *fistulam* spirans excitatur. Et quia continua ignis actione aliæ semper hujus aquæ particulae rarefiunt, & in gyros actæ, à se invicem recedunt, dum interim aliæ per *fistulam* enituntur, sic ventus non cessat, priusquam universa globi aqua evaporetur, aut ignis ab eo removeatur.

VII.

Cur ventus frigidior aere sentiat, cum tamen non sit illo magis frigidus.

Venti aere tranquillo frigidiores sentiuntur, quam *Aer* ipse, quamvis non illo multo sint frigidiores, ut ex *thermometro vitreo* dignosci potest, in quo aqua fortis inclusa, flante vento, non magis solito ascendit, quod tamen fieri deberet, si *Aer* internus ab externo vento refrigeraretur.

Ratio est, quod *Aer* tranquillus non nisi externam cutim perstringit, quæ quum interiori carne frigidior sit, minus advenientem frigiditatem percipit: ventus vero utpote concitator, in corpus nostrum adactus, *carnem* penetrat, & ad corporis interiora deferitur, quæ cum calidiora sunt, magisque Cordis æstu agitentur, majorem frigiditatem eo impulsu sentiunt. Ad eum modum quo manus calida, ad glaciæ contactum majus frigus percipit, quam tepida, & cujus particulae minus agitantur.

Articulus tertius.

De Nubibus.

I.

Cur nubes libratur in aere.

Nubes sustinentur libranturque in aere, quamvis spissæ gravesque appareant. Ratio est, quod glaciæ particulae, vel aquae guttae

guttæ ex quibus componuntur, exiguæ admodum sint, multæque superficiei pro ratione suæ materiæ habentes, sæpe magis ab aeris resistentia impediuntur ne descendant, quam à pondere suo impelluntur. Præterea venti, qui passim prope Terram spirant, quum crassiori materia cæscent, quam illi, qui in aere sublimi feruntur, non tantum nubes suspendere, sed etiam ultra aeris regionem, in qua existunt, attollere possunt. Deinde licet *glaciei* particulæ ventis impulsæ, contiguæ evadant, non tamen idcirco omnino connectuntur; quinimo corpus adeo rarum, læve, atque extensum componunt, ut nisi calor aliquas harum partium liquefaciens superveniat, atque hac ratione illas condenset, ac graves reddat, vix unquam ad Terram delabi queant.

Tempore verno plures nebulæ conspiciuntur, quam aliis anni tempestatibus: Unde Lucretius,

II.

Quare frequentiores sunt nebulæ in vere.

Perfida nubiferi vetat inconstantia veris.

Quia eo tempore major est *inaequalitas* inter calorem diurnum & nocturnum frigus: quo fit, ut magna vaporum copia, simul cum aeris frigore concurrat. Ut enim vapores in *aquam* aut *glaciem* convertantur, duo requiruntur, *primum*, ut illorum particulæ, ita ad se accedant, ut se mutuo contingere possint. *Secundum*, ut satis frigoris adfit, ad illas, dum propinquæ sunt sistendas, & uniendas. Nam inutile esset *frigus*, si vaporum particulæ à se invicem dissiderent & dividerentur. Parum etiam illarum *connectio*

juvaret, si tanta esset caloris agitatio, ut illarum nexum impediret. Ac proinde cum in *Vere* vapores diurno calore attollantur, qui succedente nocturno frigore coalescunt, fit ut eo tempore plures nebulæ, appareant, & iis Terra uberius humectetur, pari ratione frequentius in locis maritimis aut paludosis, quam in locis procul ab aqua diffitis nebulæ nascuntur, quoniam aqua ibi suum calorem citius quam terra amittens, aerem frige facit, in quo porro vapores, quos terræ calidæ & humentes magna copia exhalant, condensantur.

III.

Unde oritur
nubium ordo, ut
una supra ali-
am videatur.

In cœlo sæpenumero *gemina* nubium acies videntur, quarum una infra alteram defertur.

Causa est, quod vapores, ex quibus nubes gignantur, non æquali vi in aerem ascendant, sed nonnullæ *altius*, aliæ *minus alte* enituntur, antequam, satis condensati sint ad illas formandas. Unde oritur ut unas remotiores, alias terræ viciniore intuemur, & aliquando autem à diversis ventis agitatae. Quod maxime in montanis locis videre est, ubi sublatis vapores inæqualius quam in aliis locis, à calore aguntur.

IV.

Nubes altissi-
mæ ex particu-
lis glaciatis
componuntur.

Altissimæ nubes ex glaciis particulis componuntur; quod ex summis editorum montium jugis colligi potest, quæ media etiam æstate nivibus teguntur.

Illud ob aerem illic frigidissimum provenit, qui indubie eo, qui montium cacuminibus incumbit, gelidior est, aut ad minus æque frigidus: & quoniam vapores quo sublimius ascendant, tanto plus frigoris ipsos constringentis opperiantur; minusque à ventis premi possant; propte-

propterea ut plurimum, maxime sublimes nubium partes, tantum ex tenuissimis glaciei capillamentis, longe à se mutuo disitis constant,

Nebulæ circa *Auroram* progigni solent, dum
ferena nox præcessit, & tranquillum cælum est, V.
& ab omni vento immune. Et si unum eorum *Cur nebula circa auroram ori-*
deficiat, non oriuntur nebulae, aut statim evan-
escunt. *antur.*

Ratio est, quod Nebula ex *vapore* potissimum
assurgit, qui ex terræ superficie, atque lento
calore educitur, ex locis scilicet *palustribus*, aut
fluviiis, si tardi sint, & inerte defluant. Unde
si calor nimius est, vaporem plus æquo dilatat,
efficitque ut sursum efferatur & avolet. Obest
quoque sæviens bruma, & ageratum vento cœ-
lum, quoniam tunc à circumstante frigiditate
vapor cohiberi non potest, & illa crassitudo a-
mittitur, quæ nebulae maxime competit. De-
mum *nox pluvia* aut *nubila* impedit, quia *plu-*
via teporem illum extinguit, qui ad halitus e-
mittendos requiritur. Denique ubi *nox nubila*
præcesserit, nebula non ascendit, quia cum nul-
lus ros tunc decidat, nulla subest vaporibus at-
tollendis materia; ac proinde necessum est, ad
nebulae supra Terram efformationem, ut cælum
quiescat, adsit telluri *tepor & nox serena* præcef-
ferit.

Dum nebula collecta sursum fertur, aquam
nuntiat, & pluviam minatur: secus vero si pau-
latim extenuetur, & solutis partibus ascendat. VI.
Quando nebu-
la est pluvia
nuntiata.

Quia nebula dum ita conglobata per aerem at-
tollitur, innumeras *roris* particulas, quæ in acre
matutino & frigido sparguntur, colligit, quæ
mox

mox modico calore excitatæ dissolvuntur, & in imbrem abeunt. Unde coalescere subito nebulam observamus, cum paulo ante defæcatum esset cœlum, nihilque minus quam pluviam polliceretur. Partes autem nebulæ à Sole discussæ, & à se mutuo avulsæ fursum nitentes, cum in molem unam concrefcere nequeant, *serenitatem* non turbant, nec ullam *pluviam* portendunt.

Articulus quartus.

De Pluvia.

I.
Cur guttæ ca-
dentes rotundæ
sunt.

PLUVIÆ guttæ dum decidunt, figuram *sphericam* affectant, & cum circa Terram pervenerint, totæ rotundæ apparent.

Nonnulli id fieri existimant abinnato ipsis rebus instinctu, quo res quælibet à perniciæ defendere se conatur; adeo ut guttæ aquæ cadentes, in orbem vertantur, ut ab aeris injuria, aut alterius obfistentis corporis actione se tueantur. Sed hi nimium rebus insensibilibus tribuunt, qui illis intellectum & voluntatem assignant, arbitranturque inanimata discurrere, & ratione uti. *Leves* igitur ac *rotundæ* guttæ evadunt à *cœlestibus globulis*, qui illas ambiunt, & intra earum poros se intrudunt. Hoc pacto: Cum globuli cœlestes alio modo per *aquæ* partes, quam in circumambiente aere moveantur, & secundum lineas rectas pergere affectent, fit, ut illi qui in aere vagantur, minus à motibus suis impedian- tur, si aquæ guttæ quibus occurrunt, *sphericæ* sint, quam *angulosæ*, aut figuram aliam sortitæ. Unde si pars aliqua in earum superficiebus, ultra figuram

guram sphaericam protuberet, globuli coelestes per aerem discurrentes majori virtute in illas impingunt, quam in caeteras; ac proinde illas centrum versus adigunt. Si vero pars illa eo impetu protusa, ad centrum caeteris proximius accedat, coelestes globuli intra guttam ipsam inclusi, cum majori vehementia eam à centro detrudunt; & hac ratione omnes ad guttam sphaericam reddendam conspirant.

Certis in Regionibus nunquam aut raro pluit; ut de *Aegypto* saltem *ulteriore* passim ab Historicis fertur. Item de *Libia* ac *India* regionibus *Plutarchus* memorat, quae semper siccae sunt, & nullo unquam humore reficiuntur.

II.

Quorsum in
Aegypto &
aliis regionibus
non pluit.

Non id nimio aestui, qui in illis Terrae tractibus dominatur, adscribendum puto, quum aliae sint Regiones multo calidiores, in quibus tamen imbres decidunt, & statis temporibus pluit. Melius hanc pluviae inopiam in Terrae *siccitatem*, partiumque ejus concretionem refundendam esse opinor, sub qua nullae latent aquae, quae evaporentur, & *pluviam* generent. Aut si quae inibi sint, ob Terrae densitatem in aerem transmitti non possunt. Nam uti *Canes* nunquam sudant, quoniam compactam nimis cutim habent, quae omnem halitui viam pracludit. Ita in *Aegypto* tantae duritiei Tellus esse potest, ut ejus meatus nimis angusti sunt, quam ut à vaporibus, qui in ejus penetralibus formantur, penetrari queant. Non dicendum est *Ethiopia* quotannis è mari Mediterraneo versus *Aegyptum* flare, & multas nubes eo devehere, quae in pluviam concrefcere possint. Verisimile enim non est vapores ventorum vi posse tam longe deferri,

deferri, cum facile dissipentur, & *Ethesiæ* non continui sint, sed circa *tertiam* dici *horam* orientantur, & nocte sequenti, penitus desinant.

III.

Quomodo Lacte
& sanguine
interdum pluit.

Lac & Sanguis nonnunquam è cœlo decidunt, & per longos Terræ tractus diffunduntur. In *inferiori cœlo relatum in monumenta est lacte pluuisse* *M. Acilio & C. Porcio consulibus. Plinius Hist. Natural. capite 56.* Sanguineæ etiam pluvix meminit *Livius* decad. 4. libro nono; quæ biduo in area Concordiæ decedit. Et inter *Neotericos* aucthores. *Gemma Frisius libro secundo Cosmocrit. capite secundo* refert in Emdenli ditione apud *Frisios* orientales, nocte quadam, sanguinem pluuisse tanta copia, ut ad quinque aut sex milliarium spatium Herbæ & vestes expositæ in apricum, ex albo colore penitus in purpureum sint mutatæ.

Gassendus existimat lacteam pluviam nihil aliud esse quam candescentem aliquo modo aquam, cui nonnihil plumbeæ materiæ aut salis saturni cum balinitro & aceto admixtum est, aut similis alterius materiæ, quæ albedinem aquæ conciliare possit. Et purpuream pluviam ipsammetesse aquam admixtis chalcantinis & asphalticis balitibus, qui pluviis non in aere labentibus, sed in terra collectis, rubeum colorem impertiuntur, quarum guttæ herbis aut vestibus insidentes, eas quadam rubedine aspergunt. Sed verisimilius videtur hujusmodi pluvias è vaporibus progigni, qui exhalant è locis minio aut rubrica abundantibus: quomodo nix in Armenia quandoque est rubra, ob minium quo Regio illa abundat; vel ex locis sanguinolentis post magnas hominum clades; vel color propter intensum Solis calorem, quomodo febri laborantium

urine,

urinae, aut aquis per calidos cineres percolatis
ruber conciliatur.

Refert Avicenna *vitulum* aliquando pluiffe, &
ex alto etiam cœlo cum maximo imbre deci-
disse.

Haud arbitror Avicennam duxisse vitulum in
nubibus procreatum esse, & illic materiam ani-
malibus compingendis idoneam suppetere. Sed
solum vitulum aliunde ingenti turbine esse abre-
ptum, & cum pluvia in distantem aliquem lo-
cum delatum. Quis nescit *fluxam* cœli sub-
stantiam hujusmodi efformandis corporibus esse
ineptam? quomodo tanta moles in nubibus su-
stineretur, & ante completam generationem non
dilaberetur? An quia Avicenna quondam vitu-
lo pluiffe scripsit, compactus in nubibus vitulus
est? Sed illi credant, qui authoritati potius
quam rationi patrocinantur, & qui omnia pro-
miscue admittunt, quæ ab antiquis Authoribus
aut narrata sunt, aut somniata.

IV.

An vitulus un-
quam pluerit
prout narrat
Avicenna.

Nihil communius tam apud veteres quam no-
vos scriptores, tempore æstivo *ranas* pluiffe, &
agros, *colles*, *vias* multitudine tecta & infecta
esse.

V.

Quomodo ranis
pluat, & quo-
modo illa gene-
rentur.

Quamvis inficiari non audeam *Ranas* in nu-
bibus gigni posse, non tamen iis facile assensum
præbuerim, qui illud nimis confidenter asseve-
rant. Ratio mea hæc est, quod hujusmodi ani-
malcula, nunquam in domuum *teciis*, aut *tabu-
latis*, vel etiam in ipsis *fluminibus* decidisse de-
prehendantur, sed in viis duntaxat, aut locis
aliis multo pulvere conspersis; in quæ decidente
pluvia, exurgunt & efformantur. Conjecturam
meam

meam firmat Aemilianus libro secundo de Animalibus capite quinto. Memini etiam ego in itinere ex Neapoli Italica Dicearciam versus, ranis pluuisse, quarum anterior pars binis innixa pedibus, repebat, posterior adhuc informis, & tanquam è cæno humido coalita trahabatur. Quod fane magnum argumentum est Ranas ex putri pulvere, & delapso imbre oriri, & non tam in ipsis nubibus, quam supra terram originem habere. Præterea, unde tanta aeris vel nubibus materia, formandis ranis suppeteret? qua vi coalesceret? Quibus vinculis tamdiu suspensæ Ranæ detinerentur, & quorsum nondum perfecta generatione deorsum laberentur; Quæ omnia cum explicari nequeant, verisimilius videtur, Ranas ex pulvere & aqua pluviali infuso progigni, & non in cœlo, sed super terram profluere.

VI. *Æstate pluvia guttæ latiores sunt quam hyeme.*

Æstivo tempore grandioribus communiter guttis pluit, quam hyeme.

Ratio est, quod in æstate guttæ ex loco eminentiori decidunt, & longissimum aeris tractum metientes, in via auferunt, & incrementum accipiunt. Duobus enim modis pluvia è nubibus labitur, vel cum aer inferior recessu vel superior incurfu, illas ad descendendum invitat. Unde aere inferiori se contrahente, stillicidium oritur, quæ pluvia minutissima est, & pulveris instar in terram decidens. Imber autem, seu etiam nimbus, qui magnis guttis è cœlo ruunt efficiuntur, quoties nubes solo aere superiori pressa, descendit, quoniam tunc aquæ guttæ è loco altissimo labentes, alias aquæ particulas offendunt, quibus sibi adjunctis, crassiores evadunt.

Articulus quintus.

De Grandine & Nive.

MInores grandinis *lapilli* nonnunquam pellucidi sunt, nullumque colorem induunt: majores vero etsi superficie tenus perspicui appaereant, intus aliquid nivis continent, & quandam albedinis speciem exhibent.

I.

Minora grana grandinis perspicua sunt, non autem majora.

Grandinis *pelluciditas* oritur, dum ventus frigidus qui eam efficit, formatas jam aquæ guttas intercipit, & in corpus durum constringit. Quoniam tunc meatus inviolati manent, per quos globuli secundi elementi transeunt, luminis actionem in omnes partes, secundum lineas rectas transferebant: ut de *Vitro* antea dictum est. Sed cum hic ventus floccis liquescentibus appropinquat, calorem in illorum poros pellit, sive materiam subtilem maxime agitatam, quæ tunc in aere circumstante invenitur; quia ipse *ventus* non tam facile, nec tam cito atque hic calor eos pervadere potest. Is autem calor horum floccorum meatibus inclusus, ad ipsorum circumferentias magis quam ad centra accedere nititur, quia subtilis materia (in cujus agitatione consistit) ibi liberius movetur, & ita magis ac magis liquefacere pergit, priusquam incipiant rursus in *glaciem* concreescere: atque etiam liquidissimæ, id est, magis agitatæ particularum aquearum, quæ alibi in istis floccis reperiuntur, ad eorum circumferentias accedunt: iis contra quæ non tam cito liquefcere possunt, circa centra manentibus. Quo fit, ut crassiora grandinis

dinis grana in superficie pellucida sint, & intrinsecus alba.

II.

Unde insolita
granorum gran-
dinis magni-
tudo provenit.

Grando lapidibus similis aliquando è coelo delabitur. Memoratur in Gallia *Paschali Pontifice summo*, frustum unum *duodecim pedum* longitudine descendisse: Et aliud trium librarum pondere *Bomela* in Geldria anno Domini millesimo sexcentesimo sexagesimo sexto. Novi unum qui grandinis *pilas* vidisse se aliquando testatur, ovorum non pondere solum, sed & magnitudine æquales.

Tanta crassities ab ipso vento *frigido*, à quo ipsa grando formatur, provenit, qui *nivem* è sublimi in inferiora præcipitans, plurimos ejus floccos simul compellit, & gelu in unam massam constringit. Vel dici potest grandineos hujusmodi lapides in *altissimis* nubibus progigni, è quibus descendendo incrementum accipiunt, & in inusitatas moles abeunt. Fieri enim potest, ut plurimum humoris in via occurrat, qui ipsis adhærendo, præsentī frigore correptus, congelatur. Unde in grandine innumeræ superficies, veluti tot tunicæ effortantur, quæ illius magnitudinem augment, & ejus ponderi novam gravitatem infundunt: ut in *candelarum* formatione animadvertimus, quæ repetita immersione crescunt, & novis partibus adjunctis, *crassitiem* acquirunt.

III.

Unde fit quod
nix stellata,
rosea aut pilosa
decidat.

Nix ut plurimum *stellata* figura, sive sex radiis cincta decidit; quod quis facile detegit, si nivis floccos sicco panno excipiat, & disjunctis radiis à se invicem separet. Interdum etiam *rosea* & *pilosa* gignitur.

Ille

Illā figurarum varietas ex eo contingit, quod nivis *floci* priusquam in terram delabantur, diversas in aere mutationes subeant, & secundum caloris & frigoris vicissitudines, diversas figuras sortiuntur. Gignitur nix stellata, dum ejus folia, calore accedente paulatim liquefcunt, & illud tantillum liquoris, in quod solvuntur, per foliorum superficies diffusum, exiguas inæqualitates ibi occurrentes omnes replet; Atque ita planas & politas illas reddit, ac ex corporum liquidorum sunt quamvis ibi statim iterum concrefcant. Cum enim tunc *Calor* non vehementior sit, quam requiritur, ut exigua illa capillamenta, aere undique cincta, reliquis integris in aquam solvat; Non satis virium habere potest, ad impediendum ne illud tantillum aquæ, glacialibus iis superficiebus illapsum, earum frigore iterum adstringantur. Postea hic calor pervadens etiam alia capillamenta, quæ singuli glomi in ambitu, ubi similibus aliis sex cinguntur, habent, ea ex iis capillamentis quæ maxime à sex vicinis globulis sunt remota, indifferenter huc illuc flectit, & hoc ipso, iis quæ è regione sex horum globulorum consistunt, adjungit. Hæc enim eorundem sex *globulorum* vicinia refrigerata non liquefcunt; sed contra denuo materiam aliorum sibi junctorum protinus glaciunt: Atque ita sex cuspides aut radii, circa singulos glomos formantur, qui diversas figuras recipere possunt, prout hi glomi magis aut minus *crassi* & compressi sunt; capillamenta item densa & longa; calor quo coquantur, lentas ac moderatus. Unde nix *pilosa* generatur, dum glaciei particule, quæ floccos componunt, à calore densantur, & mox à frigore denuo congelatæ,

S

circa

circa centrum suum vertuntur, & ab aliis glacialibus fragmentis confringuntur. *Rosea* vero, dum radii è nive prominentes, à calore flectuntur, & junctis extremitatibus, iterum congelantur.

IV.

*Cur nivem
contrectantibus
manus ferve-
sunt.*

Si quis nivem contrectaverit, confestim manus ejus fervere, & quodammodo *uri* videntur.

Aliqui id fieri per *Antiperistasis* opinantur, quod frigore expulso calor inducatur, & ignis particulæ accedant. Sed cum talem in *Natura* contrarietatem non agnoscamus, dicimus illum fervorem à particulis nivis congelatis procedere, quæ aqueo humore dejectæ; manuum poros subeunt, & sanguinem repellunt, obstantque ne per venulas, quæ in manibus disperguntur, solito cursu diffundatur: Quo fit ut manus intumescant, & *rubore* suffundantur. Quamobrem si ita affectas manus igni fervido admoveamus, acrem dolorem patimur, quoniam ignis in earum poros vi intrusus, particulas glaciatas plus æquo dilatat, & non nisi cum aliqua strage extrahit. Unde debiliore calore manus fovendæ sunt, ut sensim denuo incalescant, & in vigorem pristinum restituantur.

V.

*Qua ratione
nix fecundita-
tem agris con-
ciliat.*

Nivibus agri foecundantur, si ipsis per aliud quod tempus insideant, & liquorem sensim præbeant.

Ratio est, quod nives *terram* tegendo, amicum plantis succum comprimunt, impediuntque ne soli vigor exhalatione evanescat. Tum etiam quod *nives* paulatim liquecendo, pinguem humorem suppeditant, quo aluntur plantæ, & vegetiores evadunt. Ut patet dum *soluto gelu* Terra de-

detegitur, & tepido diei exponitur. Scio quosdam medicos aliter censere, dum *Hortulanis* præcipiunt, ut soli superficies, in quo consistæ stirpes sunt, stramentis & inspersis cineribus à nivium injuriis tueantur, sed id non præcepisse existimo, quasi nives stirpibus noxias esse arbitrentur, sed solum ne perfusis stillicidio radicibus, frigus denuo exasperari, & succum intra illarum poros currentem congelari contingat: Cum constet eo humore imbutas *radices* marcescere & extinguï.

Articulus sextus.

De Rore & Melle.

Ros copiosior frequentiorque in locis humidis & palustribus reperitur, quam aridis. Unde fluminum ripæ passim rore teguntur, cum agri & exucca alia loca nullo externo humore perfundantur.

Hujus phænomeni causa in vapores passim refunditur, qui magna copia circa littora ascendant, & cum ad modicam altitudinem evehantur, in easdem sedes recidant, unde prius erupere: Non huic rationi penitus assentior, cum editissimi montes in æstate rore madeant, & in hyeme pruina cooperiantur. Non enim prope Terram solum, sed & in *sublimi* etiam aere vapores concrescunt. Quæ enim in altum vi Solis attolluntur, frigore nocturno succedente coeunt, & in rorem convertuntur. Quod littora magis quam ficciora loca circa Auroram humore compleantur ex eo oritur, quod terra arida priores roris

I.

Cur Ros in locis humidis potius quam ficcis copiosior est.

guttulas hauriat, nec sinat eas in sua superficie condescere. Ripæ autem quum humore suffundantur, & veluti saturæ turgeant, rorem supra se detinent, & non patiuntur ultra pergere. Sic roris guttulæ in *brassicæ foliis* in unam coalescunt, absorbentur vero, dum in *arenam* delabuntur, & inter ejus grana se insinuant.

II.

Terra rore vacua mane, futuram pluviam arguit.

Si mane Terra Rore non aspergatur, & nebula quæ eam humectare solet, sursum recedens, *aridam* omnino terram deserit, pluviam sequentur.

Hujus ea est ratio, quod id vix contingere queat, nisi quum terra noctu non satis *refrigerata*, vel mane supramodum *calefacta* multos vapores exspirat, qui nebulam in altum pellentes, efficiunt ut ejus guttæ, sibi invicem occurrentes jungantur, atque ita tam crassæ evadant, ut paulo post in pluviam decidere compellantur.

III.

Pruina quasdam herbas teneriores efficit.

Pruina ubi in quarundam herbarum folia incidit, eas teneriores efficit, ut *caules* & similes, quæ tempore hyberno auræ exponuntur.

Quia frigus superveniens, illas herbas constringit, efficitque ut earum particulis ad se invicem propius accedentibus, earum ordo & situs varietur. Unde fit, ut calore in eas ita maceratas agente, plexus earum facile abruptatur, & fibræ antea *imminutæ*, & ex parte *solutæ* omnino distrahantur. Sic *caro* frigori nocturno exposita, fit tenerior, quod strictius conjunctæ ejus partes polymodum calore laxentur, & facilius ejus motibus obsequantur.

IV.

Partes *pruinæ* inter se coeunt, cujus contrarium in

in grandine experimur. *Grandinis* enim lapilli distincta grana conficiunt, & nullo modo sibi ipsis copulantur. *Unde pruina partes inter se connectuntur.*

Causa imprimis videtur esse, quod grandinei lapilli ex alto decidentes, cum ad interiorem aeris tractum pervenerint, ob vigentem in eo calorem, superficie tenus liquefunt, & prominentes particulas amittunt, quibus asperi redderentur: non autem *Pruina*, quæ sua spicula semper retinet, & in cuspides prope terram definit. Unde ejus particulæ ob mutuam scabritiem implicantur, & sibi adhærent. Vel addi potest, quod *Pruina* viscidiori substantia constet, quam *Grando*, quoniam pluvia ex qua grando componitur, mera est aqua, quæ confestim in aerem ascendit: *Pruina* autem ex *Rore* concrefcit, qui pinguior est, utpote ex diversis Animalium, plantarum, fossilium, corporibus collectus. Manifestum autem est, ex tanta corporum varietate extractum humorem, tenaciorem esse, quam pure aqueum; ac idcirco pruinae grana sibi adhære, & intimius quam Grandinis lapilli connecti.

Qui Agriculturæ studio incumbunt, & naturæ miracula exactius contemplantur, animadvertunt Apes brevi temporis spatio *Mel* conficere, & alvearia sua adimplere.

Quidam hujus operis exacti speculatores, notant Alvearia interdum in mensis Maii initio, melle omnino destitui, atque dum Rores decidunt, & flores cœlesti humore teguntur, instar cellæ stipata invenisse.

Non satis adhuc evidens est, an *Apes* succum ex floribus extrahant, qui confestim in mel convertatur

V.

Mel ab apibus brevi temporis spatio conficitur.

vertatur, an quæ collegerunt, insita proprietate, in talem *saporem* transmutent. Quibusdam placet Apes non conficiendi mel, sed illud tantum colligendi *peritiam* habere. Alii volunt ipsis *vim* quandam inesse ea quæ è floribus exsugunt, in mel vertendi, & mutata eorum qualitate, novum saporem impertiendi. His facile adstipulor, cum videam in Animalium *uberibus*, quod ex alimento superest, in *lac* mutari, & novum substantiæ genus assumere. Quidni quod in stomachum Apes transmittunt, parte una nutrimento distanata, reliquam debitis organis in mel convertant, & illam cotidie in alvearia deponant. Difficile quidem exploratu est, an quem è floribus succum ducunt, ore evomant, an parte *alia* ejaculentur; sed rationi magis consentaneum esse videtur parte posteriori ejici, si in Apum *stomachis* efformetur, & suum illic saporem acquirat. Non obest quod Apes in confectum mel involent, & floribus desertis, iis locis maxime delectentur quæ melle intinguntur, quoniam illud tanquam alimentum appetunt, quo nutriuntur, & denuo in aliud mel convertunt. Sicut *mulieres* quæ infantibus ubera præbent, *lac* hauriunt, & illud in stomachum traductum, in novum lac transmutant.

VI.

Unde manna
diversitas in
varis regionibus.

Manna secundum regiones in quibus depluitur, varia est, & non nisi in certis generum arboribus colligitur. Plinius putat in *Quercu* & *Tilia* potissimum coagulari. Calabri in fraxino, Syri in cedro.

Ratio est, quod manna non nisi arborum foliis formetur, quæ ad ejus consistentiam & duriciem juvant. Cum enim ex solis exhalationibus

bus conflet ejus particulæ talis sunt figuræ. Ut cum foliis aliarum arborum conjungi nequeant. Unde *Baconus* mannam præstantissimam & uberi proventu *Calabriam* ferre afferit, quod *Mori* frondibus ex quibus colligitur, quandam coaguli vim inesse existimet, qua delapsus ros inspissetur. Hanc autem vim mori foliis attribuit, quod *aspera* sint ac *hirsuta*, & conservando liquori magis idonea. Non tamen hic succus cum melle confundendus est, cum diversæ sit ab eo iadolis, & diversa ejus operatio. Mel enim bilem movet, & ad eam augendam plurimum conducit: manna vero eam abigit, & è corpore deturbat.

Articulus septimus.

De Tempeste & Tonitru.

Eædem Tempestates acrius in mari sæviunt, quam in Terra: ut omnes qui littora & altum mare explorarunt, testantur.

Ratio est, quod Vapores ex aquis sublatis, *humidiores* semper & crassiores illis sint, qui ex terris expirant, quique ex aridis corporibus abstrahuntur. Unde plus aeris atque exhalationis secum devehendo, ventis validioribus creandis materiam suppeditant. Eam ob causam, venti non ubique pari affectione imbuuntur, sed qui in una regione *sicci* sunt, in alia *humidiores* possunt. Sic venti *Meridionales*, qui in omnibus fere locis *humidi* sunt, *sicci* in *Ægypto* feruntur, ubi *Africæ* tellus calore exucca, & omni hu-

I.
Tempestates in
mari acriores
sunt, quam cir-
ca littora.

more deftituta, illis materiam præbet, & eorum vigorem tuetur.

II.

Quare Hirundines circa terram volitant, instante tempestate.

Hirundines tempestate imminente ad Terram accedunt, & solito dimissius per aerem feruntur.

Quia nubes quæ ex alto decidunt, quæque suo pondere interjecta corpora deprimunt, *muscas*, quibus hirundines pascuntur, versus terram propellunt, quibus familiare est ablandiente cælo, & clementi aere in altum evolare, & liberiora spatia evagari.

III.

Cur Travados ita sint nautis formidabiles.

Mare raro aut nunquam magis concutitur, aut impensius fervescit, quam dum turbinibus aut procellis, quas *Travados* appellant, agitur. Illæ enim inter cæteras maxime nautis formidabiles sunt, & quarum furorem omni conatu evitare moliantur.

Earum tempestatum vehementia præsertim paulo ultra *bonæ Spei* promontorium sentitur, quoniam illic vapores magna quantitate ex *Æthiopico* mari emissi, quoniam latissimum est, & Solis radiis maxime fervescit, ventum *occidentalem* facile producere possunt, qui eorum impetum sistunt, qui à mari Indico ipsi opposito proficiuntur, & ita illos in nubem adigunt: quæ nubes, quia ex inæqualitate oritur, quæ inter immensa duo illa *maria*, & *terram* hæc, quæ etiam latissima est, interponitur, majorem molem habere debet, quam quæ in regionibus nostris efformatur, ubi tantum à minoribus istis inæqualitatibus pendet, quæ planities nostras interfecant, & lacus ac montes dirimunt: Ita hæc nubes sublimis magno pondere comparato, tota decidit,

edit, & magno impetu omnem subiectum aerem agens, tempestatem excitat; quæ vehementior passim efficitur, quo minor in initio nubes deprehensa fuerit, quoniam altissima, & maxime remota à Terra esse supponitur. Manifestum autem est, ponderosi corporis impetum validiorem esse, quo ex loco *editiori* descendit, & longius spatium dimetitur.

In magnis tempestatibus quidam ignes in malorum summitate aliquando consistunt, qui *Castor & Pollux* à nautis vocantur, si duo sint: *Helela* autem si unicus. Illos felicitis augurii esse existimant, hunc vero infaustum, & qui immittentem tempestatem portendat.

Nascuntur hujusmodi Ignēs ab exhalationibus quæ vaporibus in nubem coalitis admiscuntur, quæ cum ob partium suarum soliditatem, & irregulares suas figuras, à nube delabente, pari impetu cum vaporibus propelli nequeant, aeris agitatione, ab ipsis sejunguntur: ac proinde hæ exhalationes, in varios cumulos congregatæ, quam altissime possunt, juxta *nubem* volitantes, *malis* navium aut *funibus* implicantur; dum nubes ad sui motus terminum perveniens, illas eo usque detrudit. Duo autem ignes melioris spei signa sunt, quod procellæ acriores in fine sint, magisque sæviant, ac proinde multiplicatis ignibus franguntur tempestates, & plures nubes unæ aliis incumbendo brevi disperguntur. Uno autem solummodo Igne conspecto *acrior* tempestas, majorque aquarum eluvies expectanda est; quoniam superesse adhuc possunt nubes, quæ in inferiores ruant, & novis viribus mare concutiant.

IV.

Quæ origo Castoris & Pollucis & quomodo boni augurii esse existimantur.

V.

Cur Tonitru
frequentius
estate quam hy-
eme auditur.

Tonitru *estate* familiarius est, quam *hyemi*, in qua non nisi raro auditur.

Ratio est quod Tonitru ad modum procellarum & nubium lapsu oritur, dum nimirum superiores magno impetu in inferiores decidunt; quod certe non contingeret, nisi dum aer calidior circa superiores delatus, illam sensim condensaret, & graviores efficeret. Cum autem *hyverno* tempore, non tam facile calor sufficiens nubibus dissolvendis ad superiores usque pertingit, manifestum est frequentius in *estate* tonare debere.

VI.

Unde varius
Tonitru fragor.

Tonitru fragor varius est, & non semper eodem modo aures nostras percussit; quandoque enim continuo fragore, alias ictibus repetitis auditur.

Continuatur Tonitru sonus ob varias corporum reflexiones, & circumambientis aeris resonantiam. Nam sicuti unus, *tormenti bellici* bombus, continuato fragore auditur, ob *collium*, *edificiorum*, & aliorum locorum redundantiam: Ita diuturnior redditur Tonitru fragor, ob aerem circumquaque positum, & disposita per ordinem corpora, quæ illum reverberant. Quod autem interruptis fragoribus interdum tonet, ex hoc solo procedere potest, quod partes editiorum nubium vel simul omnes delabantur, vel una post aliam, vel tardius aut celerius; vel quod inferiores majores aut minores, crassiores aut tenuiores sint, & magis aut minus obnituntur.

VII.

Quare post plu-
viam omnis
fragor definit.

Post ingentem pluviam Tonitru definit, & omnis in aere fragor cessat.

Quoniam nubes superior in subjectam delapsa, tanta vi pollet, ut illam concutiendo, eam penitus

penitus dejiciat; & quamvis forte non satis virium habeat ad illam omnino infra deturbandam, ex ea tamen aliquos nivis floccos excutit, qui per inferioris aeris calorem decedentes, in *pluviam* convertuntur. Ob eandem causam Tonitruum vehementiam *bombardarum* explosione, aut *campanarum* sonitu, fulminis vim infringere nituntur; Quippe nix aeris agitatione concussa, discutitur, & ad descendendum adigitur.

Tonitru celeritate fulguri cedit, & quamvis eo sit prius, posterius tamen semper percipitur.

VIII.

Tonitru post fulgur semper auditur, etsi illo sit prius.

Hujus rei manifesta redditur ratio, quod visus ope globulorum cœlestium peragitur, qui cum solidi sint, & divisionem non patiantur, non vacillant aut deflectuntur. Auditus vero, fit tremula aeris agitatione, cujus particulæ, cum flexiles sint, & à se invicem disjungantur, in se reflectuntur & vacillant.

Articulus octavus.

De Fulmine.

EDitiora loca magis quam humilia Fulmine feriuntur: Hinc montes sæpius quam valles. Fulminis ictus tolerant, necnon proceræ arbores ut *Ilices* & *Quercus*, illius injuriis maxime obnoxie sunt. Unde Claudianus.

I.

Cur fulmen in Turres & proceras arbores passim decedit.

*Incubuit nunquam cœlestis flamma salictis,
Nec parvi frutices iram meruere tonantis;
Ingentes quercus, annosas fulminat ornos.*

Ratio

Ratio est quod Fulmen accensis exhalationibus constat, quæ ob suam raritatem & volatilitatem à vaporibus secernuntur, & simul cum turbine in terram irruentes, debent potius *Turrium* fastigia, vel *montium* vertices percutere, quam loca depressiora. Fulmen enim nube dehiscente, potissimum ex ea parte erumpit, quæ cæteris infirmior est, aut ejus impetui magis resistit. Cum autem *Turres*, *scopuli*, cæteraque alia *eminentiora* loca, illi magis oblucentur, facilius nubes talium corporum occursum diffringitur, & in illam vim suam exercet.

II.
Quomodo lapis
in fulmine ge-
neratur.

Lapis interdum in fulmine generatur, & cum eo ex nubibus cadit, qui passim *Cuneus* seu *fulminis telum* nominatur, quoniam omnia corpora dirumpit, & obstitentia quæque prosternat.

Id accidit si exhalationibus, quæ Fulmen componunt, multæ aliæ *pingues* & *sulphureæ* admisceantur, præsertim si crassiores etiam adsint ei terræ similes, quæ in fundis vasorum, in quibus collecta est pluvia, subsidit. Nam quemadmodum experientia discimus, si *hujus terre nitri* & *sulphuris* certas partes simul misceamus misturamque istam incendamus, illam, temporis momento in lapidem quendam concreescere. Ita lapis fulmineus, ex viscosis ac terrestribus exhalationibus, *sulphure* admixto generatur, quas in ipsa adhuc nube, vel etiam per aerem descensu sibi adjungere potest. Unde nonnunquam non lapis modo, sed & ferrum, aliaque metalla cum fulmine dilabuntur. Testatur *Agricola libro quinto de ortu subterraneorum*; in Persia, cum coruscat, corpora ærea & sagittis hamatis similia decidere, quæ in fornacibus non liquecunt, sed quo-

quorum humor in *fumum* resolvitur, residua terra in *cinerem* abeunte.

Aurum, *Aes*, *argentum*, fulmine liquatur intus, sacculis ipsis nullo modo ambutis, ac ne confuso quidem ceræ signo. *Dolia* exhauriuntur intactis operimentis, nulloque alio vestigio relicto. *Marcia* princeps Romanorum icta gravida, partu exanimis, citra ullum aliud incommodum vixit, Plinius libro secundo capite 51.

Varii illi effectus à varia fulguris compositione pendent. Quoddam enim exhalationibus maxime *subtilibus* constat, quæ *Salis* volatilis vim imitantur, aut quæ fortis naturam sunt adeptæ. Et tale *rara* & tenera corpora intacta relinquit; comminuit autem & dissipat *densiora*, & quæ illis renituntur & obsistunt. Unde Fulmen *argentum*, *Aes*, *Aurum*, liquefacere potest, *crumena* aut saccis illæsis: sicuti videmus aquam fortem per *ceram* libere transmitti, *ferrum* autem & simile durum corpus resolvere, & in minutias partiri. Cujus rationem adfert Seneca in Quæstionibus naturalibus capite 52. *Valentiora*, inquit, quia *resistunt*, *vehementius* fulgur dissipat: *cedentia* nonnunquam sine injuria transit, cum lapide ferroque & durissimis quibusque confligit; quia *viam* necesse est per illa impetu quærat: Itaque facit *viam* qua effugiat. *Teneris* & *rarioribus* parcit, quanquam & *flammis* opportuna videantur; quia transitu *patente* minus *sevit*.

Quoad secundum de *Dolio*, quod intactis operimentis liquore evacuatur, dicendum est, per *Dolii* meatus subtilissimam materiam subire, quæ acerrima sua agitatione vini partes ita immittit, atque ad eam exilitatem reducit, ut per ejusdem

III.

ut fulmen aurum in bursa, vinum in dolio illis intactis consumat.

eiusdem Dolii poros transmitti queant. Unde brevi temporis intervallo, *vinum* in vapores conversum, per vasis *poros*, atque compaginata ejus latera extruditur, & singulari modo exugitur. Unde huic malo avertendo solent nonnulli antequam tempestas ingruat, cadq; vinarios præmunire, superposita vasis *ferri lamina* cum *sale* aut *filicibus*, eo quod cum durissimis fulmen confluetur, & in ea potissimum vim suam exerat.

Quantum ad *Marciam*, quæ fulmine afflata extinctum foetum peperit, non necessarium videtur ad Fulminis potentiam recurrendi: quum id ex timore contingere potuerit, ut matrona illa scilicet, vicini fulminis delapsu territa, abortum passa sit: Quod per *urbem Romanam* postea vulgatum, Historicis occasionem dederit scribendi, ipsa incolumi, exanimatum fuisse in utero partum. Vel si vere fulmine percussam admittamus, causa esse potuit, quod *exhalationes* quibus fulmen illud constitit, ad *oleorum* naturam accederent, adeo ut lævem tantum flammam alendo, non nisi teneriora corpora corripuerint, durioribus relictis intactis.

IV.

An laurus à
fulminis ictu
eximatur.

Nihil inter Antiquos vulgatum magis, quam *laurum* fulmine invictum esse, & tanta vi polle-
re, ut pestilentem ejus spiritum abigat. Hinc *Tiberius* Imperator tonitrua veritus, lauream coronam turbatiore cœlo gestebat. Et *Columella* præcipit, ut gallinæ incubanti laureæ ramulos adversus fulmen & tonitrua supponantur.

Hujus immunitatis causam quidam in Lauri figuram referunt, quæ maxime *rotunda* est, ac lævi & denso cortice. Unde inferunt fulminis exhalationes illi inhærere non posse, sed intactam præter-

præterire. Verum infirma videtur hæc ratio, quum columnæ marmoreæ, quæ *lauri* truncum rotunditate & duritie superant, aliquando fulmine feriantur, & noxam recipiant. Ut testatur *Cardanus subtil. libro secundo*. Florentiæ inquit, in æde maxima, seu potius in ædis ambitu videmus columnam fulgure percussam & violatam. Ego enim fabulam esse credo, quod de Lauro tamdiu jactatum est, quum authores non desint, qui asseverent *laurum* aliquando de cælo factam esse, ut *Conimbricenses*; & fictitiam omnino esse illam immunitatem, ut exemplis ostendit *Vicomercatus comment. in Meteor. Aristotelis*. Ratio forte cur illam Veteres lauro concesserint, esse potuit, quod *lauri* dum virent, spirituosos halitus ejaculentur, qui venenatos spiritus abigunt, & contagio obnituntur. Sed verisimile non est, lauri *frondes* aut truncum tantæ esse virtutis ut erumpentia è nubibus fulmina eludant, & quos tegunt aut sustinent, ab eorum impetu liberent & tueantur.

Phoca seu Vitulus marinus creditur nunquam fulmine afflari: ideo tentoria Imperatorum ex pellibus Vituli marini fieri solebant: & *Augustus* adeo fulmina expavecebat, ut easdem secum semper portaret. *Suetonius*.

V.

Non Phoca est fulmini impetrabilis.

Quidam eam virtutem raro pellium contextui, minusque solido acceptum ferant, quod *Fulmen* per earum poros transmittatur, & nullam injuriam ejus penetratione patiantur. Sed hæc ratio non satis solida videtur, ut tantam vim stabiliat. Nam qui immunis à fulgure is dici poterit, qui illis cooperitur? si fulmen per earum poros deducatur, & via ad eum, quem ab-

fcon-

Icondunt, pateat? Hanc igitur phocæ regmini attributam fuisse virtutem suspicor, ob miram quam habet cum mari *sympatiam*, cujus pili pelago turbato, & in fluctus assurgente, eriguntur; dimittuntur vero, & in planum sternuntur, si aquæ subsidant, & æstus defluat. Hinc *Nauta* aeris mutationibus cognoscendis, hujusmodi *pelles* circumferebant, quod forte nonnullis ansam præbuit imaginandi *Phocæ exuvias* adversus fulmen prodesse, & tabernacula illa ab ejus ictibus immunia esse, quæ talibus pellibus obtegerentur.

Articulus nonus.

De Iride.

I.
Primaria Iris
vegetior est
quam secunda-
ria.

Iris *primaria*, seu quæ sola plerumque apparet, vegetior firmioribusque coloribus tincta exhibetur, quam *secundaria*, quæ supra aliam assurgit. Hujus enim colores debiliores sunt, & non nisi ordine inverso conspiciuntur.

Illud à radiis provenit, qui ab utraque Iride ad oculum pertingunt. Qui enim ex interiori emergunt, veluti in *ampulla vitrea* post duas refractiones, & unam reflectionem, ad oculum nostrum perveniunt. Unde radii sub eodem angulo quem faciunt, cum axe communi, in eodem oculi puncto occurrunt, ab eodem conibase. *Exterior* autem sive *secundaria* fit, quoniam radii infimo guttarum quadranti incidentes, post duas *refractiones*, & totidem *reflectiones* emergunt, atque oculo incidunt: Quo fit ut *rubedo*, *flavedo*, *viror*, cæterique alii colores qui

in

in iride primaria conspicui sunt, debiliores sint, & ordine perturbato in exteriore exhibeantur. Quia radii incidentes, qui post duas refractiones & reflectionem unam, minorem elevationis angulum relinquunt, reflectione addita majorem faciunt; & è diverso qui majorem, saltem majori ex parte, minorem.

Sunt qui referunt *arcum caelestem* cornibus ever-
fis, hoc est, versus coelum exporrectis interdum
aspexisse, qui eandem prorsus ipsis speciem ac
aliæ Irides exhiberet.

II.

*An unquam vi-
sa fuerint iri-
des inversæ.*

Quidam id somnium fuisse arbitrantur, & in-
ter ea numerandum, quæ à deliris & amentibus
finguntur. Sed meo judicio nihil obstat, quin id
interdum oriri possit; si Solares radii per reflecti-
onem in *maris* aut *lacus* alicujus superficiem in-
current; modo sit magna aeris tranquillitas nul-
lusque ventus adsit, qui aquam commoveat, &
inæqualem ejus superficiem reddat. Præsertim si
quædam nubes illi aquæ superincumbat, quæ im-
pediat ne Solis lumen recta ad pluviam tendens,
illud quod aqua eo remittit, supprimat atque
extinguat. Verum est, talem arcum non nisi
raro videri: At non ideo somnium dicendum
est, quoniam paucis eum intueri contigit. Suffi-
cit aliquando apparuisse, ut quo pacto ortus sit,
inquiratur, & illius novitatem non miremur
tantum, sed causam cognoscamus.

Iris passim imbrium *nuntia* habetur, eo quod
certissimam pluviam promittat. Hinc Claudianus,

III.

*Quo pacto iris
pluviam præ-
nuntiet.*

*Jupiter interea cinctum Thaumantide nimbis
Ire jubet: —*

T

Quan-

Quamquam id passim à Philosophis pro indubitato recipiatur, non tamen ideo universaliter est amplectendum, quum contrarium experiamur, & non minus serenitas, quam pluviosi dies arcum cœlestem sequantur. Nam licet nubes, in qua depingitur, *rorida* sit, & aqua turgeat, ea tamen esse potest aeris temperies, ut quicquid huiusmodi in ea continetur, evaporetur, & calore accedente in auras evanescat. Unde impedita concrezione, & disjunctis aquæ particulis, mirum non est, si nulli imbres nascantur, & serenum cœlum appareat. Ex quo colligitur non generaliter verum esse quod asserit *Aristoteles*, arcum à meridie *ortum*, magnam aquarum vim devehere; circa *occasum* autem, non nisi leves pluvias minari. Cum iis signis non raro decipiamur, & fulgente à meridie Iride quandoque serenescat, & versus occasum, ingentes imbres decidant. Unde *Plinio* magis assentior, dum scribit, *Arcus frequentes ne pluvias quidem, aut serenos dies cum fide portendunt.*

IV.
Tres Irides ali-
quando visi.

Conspecti sunt interdum tres Arcus cœlestes, adeo ut tertius superveniens, duos ordinarios cinxerit, sed *pallidior*, minusque aliis vegetus, & tantum circiter à secundo distans, quantum ab illo primus removebatur.

Contigit illa Iris *tertia* ope grandinis, quæ roranti nubi admixta fuit. Nam cum grandinis lapilli rotundi sint ac pellucidi, & major in illis quam in aere refractione fiat, *Arcus celestis* exterior, multo etiam major in illis esse debuit, & ita supra alterum apparere. *Interior* vero, qui ob eandem rationem longe minor debuit fuisse quam interior pluviae, fieri potest, ut ob insignem hu-

jus

jus fulgorem, nullam sui speciem præbuerit, vel ut uterque limbis commissis, pro uno fuerit existimatus, sed pro uno cujus colores aliter quam in Arcu ordinario dispositi esse debuerunt. Igitur Iris tertia cum primaria convenit, quod fiat per radios in superiorem guttarum portionem incidentes, ac proinde idem colorum ordo utrique insit, nisi quod in secunda color sensim deficiat, debiliorque sit quam in prima, & in tertia quam in secunda.

Iris non omnibus eadem apparet, sed sua cuique videtur: unde tot in nube picti arcus conspiciuntur, quot oculi sunt, qui versus eam diriguntur.

V.

Non omnibus
Iris eadem apparet, sed cuique sua.

Hujus multiplicитatis ratio est manifesta, ex eo quod radii qui unius oculo incidunt, ad alterius oculum non pertingant. Nam licet quælibet gutta solis radium remittat, nubes tamen coloratam Iridis speciem solum exhibet, dum in eo situ posita est, ut certo angulo reflectionem faciat. Unde si quis versus eam progrediatur, aut aliquot passibus ab eo retrocedat, non eandem semper Iridem contemplabitur, sed aliam atque aliam, prout *angulus* per processum augebitur, vel retrocessum decrescet.

Luna interdum Arcum coelestem depingit, quem *Aristoteles* die mensis unica, atque etiam in plenilunio contingere asseverat.

VI.

Luna etiam
Iridem generare potest.

Ambigi nequit, quin radii lunares in nubem impingi possint, & eo modo in singulas ejus guttas agere, ut ad oculos nostros reflexi, Iridem exhibeant, Solari quidem debiliorem, nec tanta colorum varietate decoratam. Talem se Oxonia

anno millesimo sexcentesimo sexto, mense Junio vidisse testatur *Bombachius*. Verum quod certis duntaxat temporibus deprehendatur, ut Aristoteli placuit, falsum esse existimo, cum graves Authores fidem faciant, se bis illam duorum annorum spatio aspexisse, idque variis diebus, & luna non plena, sed medio orbe dissecta. Imo *Scaliger* exercitatione octava veluti de re communi in insula D. Thomæ loquitur. In insula S. Thomæ, inquit, si antecesserit pluvia, fieri à luna Iridem, cujus color sit quasi alba nebula. Coloratum ego ipse duobus vix abhinc annis in Anglia sum contemplatus prope *Amtempcourt* Regis palatium decem aut undecim miliaribus Londino distans, circa medium octobris, & luna in cornua falcata. Hujus spectaculi testem habeo nobilissimum ac eruditissimum virum Equitem Carolum Vualdegrave, in cujus confortio tunc eram. Qui rei novitatem admiratus, aiebat, se talem arcum vespertinis horis nunquam aspexisse. Quippe adeo dilucidus apparuit, distinctoque præferebat colores, ut Solarem Iridem aliquo modo æmularetur, & similem quamvis debiliorem speciem exhiberet.

Articulus decimus.

De Ignibus in Aere accensis.

I.
Cur Ignes fatui ad lacus & paludosa loca deducunt: Unde fit, ut domum noctu petentes, eos insequendo, in præcipitia non raro decendant, & fraudulentorum ducum lumine, ab itinere deviant.

Ignes fatui non raro viatores ad lacus & paludosa loca deducunt: Unde fit, ut domum noctu petentes, eos insequendo, in præcipitia non raro decendant, & fraudulentorum ducum lumine, ab itinere deviant.

Hic effectus ex iis quæ antea de ventis diximus colligi potest. Nam cum plures vapores tempore nocturno è Terra quam ex aquis attollantur, fit ut *erratici* ignes illi, qui aeris cursum sequuntur, versus aquas aut paludes deferantur: quoniam illic ob minorem agitationem Aer refrigeratur, fitque eo, qui Terræ incubat, condensior, ac proinde hujusmodi ignes *aeris* alis quodammodo fulti & ejus motibus obsequentes, eo è vicinis terris devehuntur.

Nihil magis inter Philosophos tritum, quam ignes *fatuos* accedentes ad ipsos fugere, insectari autem eos, qui fugiunt. Ut multis exemplis apud omnes probatur, præsertim *Fromondum*.

Causa Aeri imputatur, qui cum levis ac fluidus sit, ambulantis agitatione concussus, illos propulsat, eosdem autem defert, dum fuga sequitur. Nam si ante ambulantem Ignis consistat, aere anteriori depulso, propellitur, & insequentem fugit: Si vero post ambulantem est, aere tergum *insequente*, comitatur, & ipse fugientem insectatur.

II.

Quomodo fatui ignes sequantur fugientes, & fugiant insequentes.

Notatur in Veterum scriptis, quosdam ignes emicuisse, qui puerorum capillis adhæserint, & absque illorum sensu, innoxioque capillitio, aliquando fulserint. Id *Ascanio* Aeneæ filio, contigisse narrat Virgilius libro secundo Aeneidos.

III.

Unde proveniunt flammæ quæ circa crines puerorum interdum apparent.

*Ecce levis summo de Vertice visus Iuli
Fundere lumen apex, tactuque innoxia molli
Lambere flamma comas, & circum tempora pasci.*

Oriri possunt hujusmodi flammæ, dum exhalatio

latio subtilis & penetrans, talis nempe, quæ *salis* naturam participat, alterius pinguis & sulphurææ meatus ingreditur. Hoc enim sufficere potest, ad tenues quasdam flammæ tam in sublimi, quam in infimo ære excitendas. Nam certum est, non tantum *violentam* agitationem, sed sæpe etiam solam diversorum corporum *misturam* igni producendo sufficere. Ut in *calce* aqua conspersa videmus, & innumeris aliis exemplis, quæ cotidie *chymicis* occurrunt. Gigni etiam possunt hujusmodi lambentes flammæ, ex spirituum commotione qui è corpore erumpunt, quique inter se convoluti, quandam ignis speciem præferunt: ut de *Alexandro* magno referunt Historici, qui in magno prælii ardore *scintillas* emisit. Et de feroci *Tiberii* equo, è cujus capite *flamma* emicuit. Nam cum *Alexander* igneæ fuerit complexionis, & multum vino indulgeret, potuere per ejus poros spiritus transmitti, formandis ignibus idonei: sicut ex *equo* Tiberii, velociori agitato incalescente, viscosus & pinguis sudor erumpere, ex quo Ignis accensus est, sed innoxius, & omni ardore destitutus. Hinc *Ignes fatui* locis pinguioribus, ut *cloacis, cæmeteriis, palustribus*, potissimum incumbunt, quoniam inde major exhalationum copia educitur, & viscidiores spiritus, illic magis erumpunt.

IV.

Quid sint illa
stella quæ de
nocte cadunt.

Serenis noctibus *Stella* de cœlo delabi videntur, quæ veluti igne continuo iter suum signant, & illuc celerrime transiliunt.

Tales *Stellæ* gignuntur, dum magnus æstus & siccitas præcessit, & dum spatium, quod inter duas nubes interjacet, multas exhalationes continet, admodum subtiles, & igni concipiendo idoneas:

idoneas: Quippe si tunc ita *leves* sint, & parum densæ, & una ex loco satis alto ruente, nullus *fulminis* sonus audiatur, neque tempestas in aere excitetur; nihilominus interjectæ *exhalationes* ita convolvi possunt, ut minores flammæ oriantur, quæ stellæ *cadentes* vel *discurrentes* appellari solent. Unde pro varia accensæ exhalationis specie diversa fortiuntur nomina. Nam si exhalatio jacens & oblonga accendatur, *Trabs* vocari solet, si basim Paulo latiore amplioreque habeat, *Pyramis*; si rotundam, *Clypeus*; si circa medium infletur, & intumescat, minuatur vero versus extrema, *Draco* &c.

Ignes qui juxta Terram originem habent, aliquamdiu permanent, & non nisi post aliquod tempus pereunt: Illi vero qui in sublimi summoque aere formantur, statim ab ortu evanescunt & extinguuntur.

Ratio est quod flamma fortius debiliusque materiæ adhæret, prout illa magis aut minus densa est & compacta. Cum autem *Meteora* quæ altius in aere formantur, valde tenui ac rara materia consent, necessum est illa intra breve tempus interire, & non nisi per brevissimam moram lucere. Quippe si eorum materia densa esset, proprio pondere in terram deducerentur, & sedem superiorem relinquerent. Et idcirco *Aristoteles primo Meteororum*, illos ei flammæ similes esse arbitratur, quæ secundum fumum *lucernæ* recens *extinctæ* decurrit, quum hæc lucerna ad alterius flammam ab ea nonnihil distantis denuo accenditur.

V.

Cur ignes prope terram geniti, aliquamdiu durent non autem illi qui in sublimi formantur.

VI.

In cœlo videmus aliquando *præliorum* simulachra,

Unde oriuntur
exercitus qui
in aere ali-
quando viden-
tur.

lachra, armatos milites, & irruentes in sese acies. Anno Domini millesimo quingentesimo quadragesimo quinto, tales in *Silesia* apparuere imagines. *Ursi* ab oriente aciem instructam ducebat, cui ab occasu armata manu *Leo* occurrit; intra utrumque exercitum lucidissima emicuit stella; mox inter se congressi dimicarunt acriter, ut distillare ex fauciatibus sanguis, & exanima corpora decidere viderentur. Inter praeliandum *Aquila* sese supra copias *Leonis* de alta rupe, alarum libravit remigio. Dirempto quasi certamine, *Leo* inter suas tulit cohortes; nullum *ursi* vestigium, sed prostrata jacuere cadavera, quae alter constiterat exercitus, quibus canitiæ venerandi adstiterant *Senes*. Finito praelio, reduxit exercitum ad occasum *Leo*, quo aliquouſque progresso, quidam albo equo & ornato vectus, equo ad pugnae locum à copiis rediit, atque in eum equum juvenem cataphractum ibi stantem collocavit, & versus ortum procedentem comitatus, cum cæteris speciebus evanuit. *Jonston, admirand. Meteor.*

Haud ignarus sum quantum apud plebem hujusmodi narrationes valeant, & quam prona ad ea credenda Homines sint, quæ futurorum notitiam ipsis detegere imaginantur. Sat est duas nubes in oppositum constitui, & aliquas refractiones & reflectiones efficere, ut statim apprehendant illas inter se *congregari*, dilucidiores earum portiones, *cataphractos milites* esse, imo armorum audiri crepitum, missilia transvolare, & aliorum clypeis excipi. Vidi ipse in *Flandria* nocte serena in aere vapores modo insolito dispositos, & qui nonnihil luminis in sese refundebant, ita incolae terruisse, ut proxima luce passim se instructas

structas *acies*, directas *hastas*, emissos *globulos* spectasse se referrent: Imo *tubæ* sonum, ensium *strepitum* audiisse asseverarent.

Sed quia accidere potest, ut revera hujusmodi species conspiciantur, duas addam rationes, è quibus contingere hujusmodi simulachra posse videtur. *Prior* est, quod in aere variæ nubes esse possint, ea parvitate, ut singulæ militum speciem referant, & unæ in alias irruentes, satis magnam exhalationum copiam contineant, ad parva quædam fulgura excitanda, atque interdum glandulas emittendas, & aliquos sonos edendos; ex quo præliari milites, & inter se configere appareant. *Posterior*, dum omnes illæ exiguæ nubes sibi proprio lumine splendent, & lumen illud reverberant, quod coruscationes & ignes magnæ alicujus tempestatis, tam longe inde sævientis, ut ibi ex terra non percipiatur, ad illas usque transmittunt.

Articulus undecimus.

De Halonibus & Parbeliis.

HAlones five *Coronæ* non nisi aere sereno fiunt conspicuæ, & in hoc ab *Iride* distinguuntur, quæ nunquam apparet, nisi pluente cœlo, ubi deprehenditur, & si forte ubi consistit spectator, non pluat.

I.

Cur Halones non nisi dum serenum apparent.

Ratio hujus diversitatis ex utriusque compositione facile eruitur. Quippe *Halones* non per radiorum refractionem, quæ fit ex aquæ guttis, quemadmodum *Iris*, oriuntur, sed per eam quæ

ex

ex stellulis five lamellis ex glacie pellucida compositis, & licet hujusmodi stellæ nunquam nisi inclementi cœlo, frigidisque mensibus decidere videantur; ratione tamen convincimur, illas quacunque anni tempestate generari: imo cum calore opus habeant, ut ex albis, quales sunt initio, *pellucida* reddantur, verisimile est, æstivos menses, magis ad illarum formationem conducere.

II.
Quomodo fi-
ans duplices co-
ronæ.

Visæ sunt aliquando Coronæ *duplices*, ita dispositæ, ut una supra alteram expanderetur, fieretque concentrica.

Id accidit si duo aut plures ordines particularum glaciei congesti sunt, dummodo radios Solares, non ideo plane excludant: illi radii qui per duos ordines in stellarum extremitatibus penetrant, bis fere tantundem incurvati, quantum alii, qui per unum tantum, alium circulum coloratum producent, ambitu quidem priori longe majorem, sed minus lucidum: ut ita duæ Coronæ, quarum una *alteram* ambiat, & quarum exterior interiori minus *pietâ* sit, appareant.

III.
Quare coronæ
non videantur
circa solem aut
lunam dum ori-
untur aut occi-
dunt.

Coronæ circa Solem aut lunam videri non solent, dum sunt *horizonti* vicinæ, five dum ista sidera oriuntur vel occidunt.

Quia tunc Siderum radii obliquius in *glaciei* particulas incidunt, quam ut illas penetrare possint: ac proinde non fiunt illæ refractiones, quarum ope circuli five coronæ peraguntur.

IV.

Spatii Soles interdum plures apparent in uno circulo

circulo contenti. Fertur enim *sex* anno Domini millesimo sexcentesimo vigesimo quinto, à *Polonia Rege* esse visos. *Quinque* toti populo Romano anno millesimo sexcentesimo vigesimo nono apparuisse, & per quatuor horas spectandos se præbuisse.

Unde multi Soles in uno circulo nascuntur.

Oriuntur hæc *Parhelia* in nube continua glacie conflata, cujus superficies satis polita & tersa, à Sole versus meridiem elato, illustratur, & receptos radios in nivem nubis, quam circumdat, reverberat. Quoniam tunc *nix* è terra subjecta eam aspicientibus, ad modum ingentis albæ coronæ exhibetur, in qua circulus unus ob radios directe à Sole fluentes apparet, duo sequentes ob eorundem *refractionem*, cæteri vero ob *reflectionem* conspiciuntur.

Multi soles in coelo apparentes, non omnibus eodem modo fiunt conspicui: Aliqui enim spectatores in eodem circulo plures, alii paucioresprehendunt.

V.
Quo fit ut plures Soles in eodem circulo, ab uno quam ab alio videantur.

Ratio est quod radii à Solibus istis provenientes, non pari ratione ad quemcumque spectatorem deferuntur, cum aliqui eo in loco collocari possunt, ut non nisi *duos* videre queant; alii talem situm nancisci, ut *tres* aut *quatuor*, alii *plures*, habita loci ratione, è quo oculos versus sidera obvertunt. Radii enim non omnium spectatorum oculos eodem modo afficiunt, nec radii qui unius oculo incidunt, ad alterius oculum perveniunt: Quum indubie qui ex uno loco in alium migrat, alia sidera contempletur, & sicut varios Halones, ut antea dictum est, ita alias Solis imagines spectet. Preterea quum Terra aut Sol necessario moveatur, oportet Sole situm mutante,
aut

aut spectatore cum Terræ vertigine devoluto, visiones angulum mutari, & conspecta prius Sidera, post aliquot horas eam latitudinem amittere, sub qua primum ei objecta sunt. Unde fit, ut cuique sui Soles videantur, & pro locorum varietate alia atque alia Parhelia appareant.

VI.

Ut Sol nonnunquam noctu apparet.

Referunt Historici Solem aliquando *noctū* visum esse, & supra nostrum horizontem eo tempore apparuisse, quo constaret illum intra delitescere.

Causa fuit, quod nubes ex glaciei stellulis conflata, in tam excelsa aeris regione fuerint collocatæ, ut radii Solis infra *horizontem* existentis, ad eam provenire potuerint. Nam si eas refractiones & reflectiones perpendamus, quas duæ aut tres exiguæ nubes variis in locis sitæ, & lumen unæ ab aliis accipientes efficere queunt, facile capiemus, quomodo in assuetas quasdam lucēs, nocturno tempore exhibeant, efficiantque ut *Sol* supra nostrum horizontem videatur, eo tempore, quo *infra nos* est; & umbræ in *horologiis* plus justo accedant vel recedant, & *horam* prorsus aliam, quam revera est, denotent.

VII.

An Parhelia imminentes elades prænuntient.

A Conspectis Parheliis regnorum *clades*, populorum *defectio*, principum *caedes* aut *interitus* contingere observatur. Hinc *Meteorologi* pene omnes Sex Soles à Rege *Poloniæ* visos, *Francisci* Gallorum Monarchæ capturam apud *Papiam* spondisse: Et adulterinæ Solis imagines quæ an. 1157. apparuerunt, *Electorum* in Regis Romanorum

norum creatione dissidium præmonuisse asserunt.

Haud inficiandum est, quin post Parhelia insoliti quidam eventus contingant: At quis asferet illos à visis siderum imaginibus originem habere, & non fortuito potius, quam previo sensu accidisse. Tantusne inter corpora cœlestia & res humanas interest *nexus*, ut iis præter morem apparentibus, prodigia sequantur? Crede mihi, apparerent *Parhelia*, quamvis nulli novi effectus prodirent; & novi effectus prodirent, etsi nulla in cœlo *signa* præcessissent. Cessabit igitur natura, non naturales causæ coibunt, effectusque sua non producent, nisi belligerent *Reges*, ni principum capita devoveant *populi*, & nisi Imperia *clades*, *depopulationes*, *funera* maneant? Quot occumbunt *Reges*, quot provinciæ vastantur, non apparentibus *Parheliis*? Si forte post observata *Parhelia* clades contingunt, mirum videri non debet, si ad Hominum mores attendamus, qui nunquam sua sorte contenti sunt, & novi aliquid semper moliantur. Deinde quid habent *Parhelia* quod plus quam cetera naturæ *Phænomena* portendant? Annon eorum omnium eadem est materia? Annon casuale est, quod hac tempestate potius quam alia oriantur? Quæ Homini *vanitas*, ut sibi imaginetur se tanti esse, ut sua causa, *Prodigia* in cœlo generentur, *Cometae* fulgeant, si bellum ineat; multiplicentur *Soles*, si regni alicujus magnates sint conflicturi, aut alia *emblemata* in aere pingantur, si ægrotaturi sint, aut vitam cum morte commutaturi. Ne tanti nos ducamus, ut fingamus illa non nisi ut nos de futuris præmoneant, nasci: Cogitemus potius
hæc

hæc naturalia esse, & concurrentibus simul earum causis non posse non oriri. Nihil ad eorum efficaciam confert, quod raro contingant: Eorum enim infrequentia non prodigia esse arguit, non magis quam si *Leonem* miraculum esse existimemus, eo quod rarius quam *Lupus* nascatur, & majori cum apparatu oculis nostris exhibeatur.

HISTO-

P
n
in
ra
di
ti
qu
ad
sta
vi

HISTORIÆ NATURALIS PARS SEPTIMA.

De Plantis.

Articulus primus.

De Plantarum Partibus.



Uælibet Planta radice constat, etfi I.
Malabatrum Indicum excipias, *Cur cuilibet*
 cujus folia supra aquam spar- *Planta radix*
 guntur, nulla stirps reperitur, *inest.*
 quæ radice careat.

Hujus necessitatis causa, ab ipsius plantæ natura desumitur, ad cujus conservationem maxime refert, ut aliqua ejus pars Terræ imponatur, & ei firmiter adhæreat. *Planta* enim *radice* veluti manu vel ungue terram apprehendit, & excurrentibus fibris, quandam ejus portionem sibi arripit & vendicat. Accedit quoque, quod stirpes *Radice* tanquam ore utantur, ad alimentum exsugendum, & novam sibi substantiam comparandam. Nam cum plantarum vita in *continuo motu* consistat, brevi intrinsecus humor

humor absumitur, ni alius per radicem accedat, qui elabentis locum suppleat, & plantas ab interitu tueatur. Nec etiam *Malabathrum* Indicum aut *lens* quam palustrem appellant, radicibus destituuntur, quicquid de iis veteres Philosophi scripserint: quippe si illa propius intuearis, videntur folia tenui *cauliculo* prodire, & fundo ex quo deducuntur, infigi.

II.

Unde quarundam plantarum radices rotundæ, aliæ exiles sunt.

Quarundam plantarum radices, prout profundius terram penetrant, tenuiores redduntur, & in *conum* seu mucronem definunt, ut Arborum radices. Aliarum vero in orbem intumescunt, & figuram sphericam assumunt, ut *Rapa*.

Arborum radices versus extrema, quibus terram permeant, exiliores fiunt, quoniam succus per eas transiens sursum evehitur, & diutius in superiori plantarum portione remanet; nam licet calor cuius vi nutritio peragitur, in omnes partes se extendat, & sursum deorsumque feratur, certum est, tamen, acrius versus superiores partes transmitti, quam versus inferiores; ac proinde cum superior arborum portio plus alimenti suscipiat, diutiusque nutriatur, non est mirum, si in maiorem molem excreseat, & radices in mucronem producantur. *Raparum* autem radices orbiculares fiunt, quia alimentum in priori earum nodo recipitur, qui quam implexis partibus constet, angustosque meatus habeat, transmitti alimentum, & libere percolari nequit, ac proinde necessum est, ut materia illa versus latera diffundatur, & fibræ succo turgentes distrahantur & expandantur.

III.

Quædam stirpes caudices cavos habent, & in medio

medio perforantur, ut *arundinis calamus*, frumentorum *culmi*, qui à radice fistulas ducunt, & inane spatium continent.

Quomodo fiunt
cavitates in
quarundam
stirpium caudi-
cibus.

Id provenit, quod fibræ quæ nutrimento transmittendo inserviunt, non à *plantæ* medullæ deriventur, sed à *nodi* germinantis lateribus, quæ quia à medio recedunt, & certam distantiam servant, inane quoddam spatium relinquunt, & cavitatem procreant. Hinc in *capis*, tubus circa medium magis extenditur, quoniam fibrarum extremitates, à se longius recedunt, & figuram sphericam affectant. Sunt enim cæparum *involutra* veluti tot folia, quæ circa medium latiora in *cylindricam* superficiem convolvuntur.

Arborum trunci unam & eandem figuram habent, nempe *sphericam*, qua pene omnes afficiuntur, quamvis longitudine discrepent, & multiplici alia varietate distinguantur.

IV.

Cur arborum
trunci rotundi
sunt.

Rotunditatis causa in arborum truncis eadem est, quæ in liquidis corporibus, quæ à cœlesti materia in illos impellente formatur. Nam sicuti globuli cœlestes partes aquæ versus ejus centrum æqualiter premendo, *sphericam* efficiunt; ita iidem globuli in externam arborum superficiem impellendo, ad rotunditatem adigunt, eique æquabilitatem conciliant. Non obest quod *Plantæ* liquoribus mollitie cedant, nec tam prompte à circumambiente subtili materia figurari queant; illud enim eo compensatur quod liquorum *gutta* statim & quasi momento teretes evadunt; viventibus vero longiori temporis intervallo, & iteratis innumeris pulsibus opus sit, ut similem figuram adipiscantur. Sic *ferramenta* quibus nonnullæ partes eminent, frequentiore

manuum aut vestium contactu poliuntur, & asperitatem demum deponunt.

V.

Quæ causa duritiæ corticis in arboribus.

Pars Arboris exterior & quæ velut *indusium* illam vestit, durior esse solet, quam substantia ejus interna. Unde pleræque arbores *corticem* tempore verno exuunt, & illo ultro spoliuntur.

Nascitur extrema arborum duritiæ, ab aliis corporibus, quæ in illas impingunt, & quodam assultu adoriuntur. Innumera enim sunt corpuscula, non primi aut secundi elementi tantum, sed & particulæ tertiæ, quæ semper in viventium *superficiem* irruunt, quæ cum omnia ejus meatus subire nequeant, vim faciunt, omnesque ejus partes versus medium propellunt. Ita *manus* & *pedes* aliorum corporum impulsu, *callum* contrahunt: sic *panis*, *carnis assæ* superficies in forno, ignis fervore in eam agentis induratur, & interiori substantia compactior redditur. Quod autem vernis temporibus planta suis *corticibus* denudetur, ob humorem affusum oritur, qui cum ea tempestate uberior sit, majorique copia inter corticem & truncum interfluat, gluten diluit, & illud subigendo, utriusque nexum solvit.

VI.

Unde oritur diversitas foliorum in plantis.

Omnia pene plantarum *folia* discrepant, variasque figuras sortiuntur. Quædam enim ampla sunt, ut in *Cucurbita*: Alia exilia & capillata, ut in *pinu*: quædam carnosa, ut in *portulaca*, &c.

Foliorum conformatio ex diverso fibrarum plexu provenit, quæ prout vario modo coeunt aut distrahuntur, diversa foliorum genera componunt. Hinc quædam *longa* sunt, quoniam
fibræ

fibræ in longum duntaxat porriguntur, alia *rotunda*, quum transversæ explicantur, & ita de cæteris. Nam cum eorum plurima non à *cortice* duntaxat, sed & ab ipsa etiam interiori substantia originem habeant, fit ut secundum umbicularis nodi dispositionem, succus diversimode sugatur, ac percoletur, ex quo diversi fibrarum ductus oriuntur, & variæ foliorum species exurgunt.

Articulus secundus.

De Plantarum Viribus.

Quibusdam stirpibus vis *calefaciendi*, corporaque dilatandi inest; ut *brassicæ*, *cappari*, *cinnamomo*. Aliis è contra *refrigerandi*, & eorum partes coarctandi, quibus insinuantur. Ut *hordeo*, *Cucumeri*, *Portulacæ*.

Calefaciendi potentia in stirpibus oritur, ex eo quod tenuissimæ earum particulæ, subtili materia circumseptæ, corporum meatus subeunt illosque ita penetrant, ut partes quibus immiscantur, ita agitent, ut earum compaginem solvant, atque continuitatem interrumpant. Hinc ex impedito materiæ subtilis commeatu dissidium, & quædam rixæ species oritur, ac proinde calor vehementiorque partium agitatio. Ut in mixtione *spiritus Vitrioli* & *olei tartari* cernitur; ubi ebullitio efficitur, dum utriusque consueti motus turbantur, & unum in aliud vim suam exierit. Aliæ autem stirpes *frigus* generant, quarum particulæ insensibiles, talis sunt structuræ, ut nostri corporis partium agitationem impedire aut retardare valeant. Sic *portulaca*, *hor-*

I.
Quibusdam
stirpibus vis
inest calefaci-
endi, aliis re-
frigerandi.

deum, frigida dicuntur, quod eorum corpuscula non facile à subtili materia discutiantur, & motum spirituum vitalium sistant aut temperent. Ac proinde censendum est *maiores* subtilis materiæ particulas, in calidis corporibus dominari, *minusculas* autem, & debiliores in frigidis quoniam hæ minoris agitationis capaces sunt, & facile ad quietem rediguntur.

II.

*Qui corporibus
duritiem aut
flexilitatem
conciliant.*

Quibusdam corporibus plantæ duritiem conciliant, & illa firma solidaque reddunt. Aliæ vero eadem emolliunt, & quandam in eis flexilitatem procreant.

Herbarum admixtione corpora *dura* evadunt, dum quibus constant particulæ, calore antea concussæ, & à se mutuo separatæ, ab herbarum succo occupantur, qui meatus permeans, earumque agitationem coercens, efficit ut ad sese propius accedant, & intimius postmodum uniantur: quippe tenuioribus ejus particulis exhalatis, quæ supersunt arctius junguntur, & firmiter sibi ipsis adhærent. *Dura* autem corpora mollescent, & flexilia evadunt, dum eorum particulis à se invicem calore divulsis, peregrinus humor irrepit, qui distentas partes tenet, atque ipsis interpolitus, mobiles & cedentes efficit. Ex hoc enim mollities originem ducit, quod partes à se invicem divellantur, & aliquid inter eas interfluat.

III.

*In quo consistit
vis diuterica
plantarum.*

Quædam Herbæ virtute *diuterica* præditæ sunt, ut *radices feniculi, pimpinellæ, apii, bacca juniperi, urtica, amygdala amara* & similes quæ urinam ciunt, & lotium excitant.

Hæc facultas in iis plantis maxime viget, quoniam calidæ sunt, & earum particulæ facile à subtili

subtili materia agitantur. Nam quum urina ob-
structionibus detineatur; illæ penetrandi vim
habent, eaque obstacula removendi, quæ lotii
cursum sistunt ac remorantur. Quippe in mea-
tus irrumpendo, *pituitam* incidunt, & *arenulas*
quadam viscositate coalitas dissipant ac excer-
nunt. Unde fit ut renibus ea commotione laxa-
tis, materia in eis contenta dissolvatur, & facile
per eos trajici queat. Pari ratione de illis plantis
differendum est, quæ mulierum *mensēs* provo-
cant, & sanguinem retentum diluunt; ut *cro-
cus*, *pulegium*, *salvia*: quia calore suo oppilatos
meatus, aperiunt, obstructionesque tollunt,
quibus in uterum sanguis devehitur.

Quædam stirpes *Anodyne* sunt, sive quæ do-
lores carnis mitigant, vulnera occludunt, & iis
cicatrices obducunt.

Hac virtute plantæ imbuuntur, quæ *stipticæ*
sunt, & similibus particulis constant, quæ in
alumine reperiuntur: quæ nimirum dum sese
vicissim irretiunt, & se concutiendo loca depres-
siora penetrant, humorem noxium ac super-
fluum exsugunt & extrahunt; quo inde egesto,
partem illam debito alimento recipiendo idone-
am efficiunt; quo fit ut *vulnus* hiansque plaga
sensim nova substantia compleatur, coalescat, &
demum cicatrice obducatur.

Papaver, *Cydronia*, *granatorum succus* & simi-
les, sanguinem sistendi vim habent, & nimia mu-
lierum *profluvia* cohibendi.

Quoniam talium corporum particulae poris
sese inlinuando, commotas sanguinis partes di-
vidunt, easque ab invicem suo interposito sepa-
rant.

IV.

Quædam herba
Dolores &
vulnera curant.

V.

Papaveri, cy-
dronia inest vis
sanguinem si-
stendi.

rant. Unde fit, ut minus agitatæ, earumque actione interrupta, ad se accedant, atque ex parte coagulentur. Vel oriri potest hic effectus quod *granatorum* succo, exempli gratia, venarum & arteriarum orificiis incumbente, earum angustia obstruantur, nec amplius decurrenti sanguini exitus pateat. Experimento enim discimus sanguinem frigore coerceri, cursumque ejus interrumpi: ut dum frigidam aquam *temporibus* aut naribus adhibemus, aut *laminam ferream* certæ corporis parti apponimus.

VI.

*Feniculum, polium &c. la-
tis quantita-
tem adaugent.*

Nonnullæ herbæ multum ad lactis ubertatem conferunt, ut *feniculum*, *polium*, *polygama*: Aliæ semini generando ului sunt, ut *asparagi*, *pinæ nuces* & *oryza*, quæ feminis productiva passim habentur, quæque illud impense adaugent.

Priores copiosius *lac* efficiunt, quoniam nutritivam vim habent, & ut alimenta corpori famulantur. Unde succo alimentitio admixtæ, meatus laxant, viasque illas sua crassitie aperiunt, quibus sanguis ad *mammas* transmittitur. Constat enim facili percolatione sanguinem in *lac* converti, & ubera humore madescere. Par est de *feminis* generatione ratio; nisi quod Herbæ illæ quæ ad Seminis productionem concurrunt, plus *Salis* habeant, majoremque calorem per corpus diffundant. Quo fit, ut organa ad semen generandum à natura destinata, liberius laxentur, & copiosius materiæ transitum præbeant.

VII.

*Absynbium,
amigdalæ ama-
ræ &c. vermes
enecant.*

Amigdalæ amaræ, *Absynbium*, *cornua cervi* &c. vermibus adversantur, eosque in corpore humano enecant, vel expellunt.

Ratio est, quod hæc omnia amara sunt, & acrimo-

acrimoniam fumentibus ingerunt. Vermes enim solis cibis dulcibus pascuntur, ex quibus non nutriuntur modo, sed & primum generantur. Nam cum *amara* particulis consistant asperis, & multis spiculis undique illæ circumsepantur, facile vermes, qui teneri spongiosoque corpore sunt, penetrant, & eorum interiora dilacerant. Hinc fit, ut *vermes* intereant, vel *amarorem* vitando cum fæcibus ejiciuntur, vel nonnunquam in sublime tendant, & ex ore vel naribus prolabantur.

Articulus tertius.

De obviis Plantarum Qualitatibus.

Inter colores qui plantis conveniunt, *viridis* maxime communis & pene universalis est, quo non adolescentiores modo imbuuntur, sed quem nonnullæ etiam *vietae* retinent, & in longam ætatem tuentur.

I.

Cur plantæ pascuntur virides sint.

Liquet ex præcedentibus *Colorum* naturam in varia luminis reflectione consistere, & pro diversa superficiei visibilium corporum, in quæ inciderit dispositione. Adeo ut illa variis coloribus tingantur, quorum extimæ particulae diversimode coarctantur, & admissos luminis radios ad oculum reverberant. Sic foliorum *Viror* in plantis nascentibus, à copioso humore oritur, cujus corpuscula peregrinis aliorum particulis ita admiscuntur, ut incussum lumen eo modo remittant & refringant, quo ea solent, quæ in *fluminibus* & aquis stagnantibus, aliorum mistura, in *muscum* vertuntur. Et ita secundum variam humoris cum externa materia commixtionem, diversus

viroris status in plantis deprehenditur. Quædam enim maxime *virescunt*, in quibus humor abundat, & succus negligentiori cura percolatur; Aliæ dilutiores, minusque viroris præferunt, illæ nimirum quorum folia ætate provehuntur, aut fructus ad maturitatem pervenit. Quoniam temporis tractu magna pars humoris avolat, & crudior succus calore subactus maturefcit & decoquitur. Hinc fit ut plantæ *folia* alios colores induant, & in *flava*, atque etiam interdum in *rubra* corpora degenerant.

II.

Cur plantarum
radices passim
albæ sunt.

Radix in Terra delitescens, cæteris aliis plantarum partibus tenerior evadit, & ut plurimum albo colore tingitur.

Hujus causa est, quod succi particulæ, qui intra radicum poros colore agitantur, exitum moliantur, atque etiam multæ ex iis carceres suos percurrunt & elabuntur. Sed cum à circumjecta terra impediuntur, ne ultra pergant, & longius evagari non permittantur, ad radicem redeunt, ubi denuo decoctæ, teneriorem efficiunt. Cum autem humor ille qui virorem foliis conciliat, concutitur, & terræ tepore in *spumam* coarctetur, fit ut radix candida appareat, & secundum multiplices suas superficies, varias luminis partes reflectat. Hinc *Oliveribus* solenne est, plurimas plantas defodere, & injecta humo obtegere, ut *cichorium*, *brassicam*, *carduos*, *porrum* &c. quo teneriores fiant & alborem nanciscantur.

III.

Unde nascitur
odor herbarum.

Plantarum aliæ alias odore superant: quæ enim in Arabia locisque fervidioribus gignuntur, cæteris odore præstant, ut de *cynamomo* patet, quod

quod ad multos annos odorem suum servat ; & non nisi sero senectutem sentit.

Ratio est, quod Halitus è corporibus odoriferis egredientes, ex *sulphurea* seu pingui quadam materia componantur, quæ calore attenuata, & mamillaribus narium processibus allabens eas leniter aut aspere ferit & implicat. Cum vero stirpes illæ quæ in regionibus calidis nascuntur, radiis Solaribus sint expositæ, eorum opera, humore aqueo exhalato, solus pinguior remanet, qui odori materiam ministrat, & libere ad nares nostras defertur. Quippe eo per distillationem sublato, nihil amplius odoris in corporibus residet : ut in illo materiæ residuo, ex qua pinguior portio, sive *essentia*, quam vocant, quæ per *alembicum* extrahitur, experiri licet : quæ peracta distillatione, omnis odoris expers remanet. Ac proinde mirum non est, si plantæ fortius *oleant*, quarum pinguior materia calore exsolvitur, & illas olfactus fibras debilius pulsant, quæ in locis humidioribus frigidisque oriuntur. Quoniam caloris *inopia* non perfecte succus subigitur, prohibetque aqueus humor, ne debita coctio fiat, & pinguedo odori inserviens dilatetur & rarefcat. Hinc fit, ut huiusmodi plantæ dum arescunt & siccantur, odorem acriorem spirent, quoniam earum particule copiosius effunduntur, nec amplius humore aqueo coeunt & implicantur.

Fructus non eundem semper odorem retinent, sed illum pro temporis ratione mutant: qui enim maturescunt, suavius olent, halitusque gratiores afflant, quam qui *virides* sunt & adhuc adolescunt.

Quia cum Odor in *siccis* ac tenuibus partibus consistat, jucundior redditur, leniusque olfactus

organum

IV.

Cur fructus in
suo progressu
odorem mutant.

organum afficit, si materia è qua diffunduntur halitus, dilutior & magis digesta fuerit. Quod certe potissimum accidit, dum fructus maturefcunt, & ad collectionis tempus accedunt. Quoniam tunc per longam decoctionem succus defæcatur, partes subiguntur, & perfecta agitur percolatio. Quæ omnia dum contingunt, necessum est, novos è fructibus effluere halitus, & jucundiores percipi *odores*.

V.
*Causa diversi
saporis in fru-
ctibus.*

Fructus pene omnes, *sapore* distinguuntur, & linguam peculiari & proprio modo afficiunt. Quidam *acerbi* gustu deprehenduntur; ut *pruna sylvestria*. Alii *acres*, ut *cape*, *semen sinapi*, &c. Nonnulli *dulces*, ut *triticum*; alteri *acidi*, ut *acetosa*; quidam *amari*, ut *Absyntbium*, *aloes* &c.

Hæc saporum differentia à diversa particulæ textura nascitur, quæ fructus componunt, & gustus organi meatus subeunt. Hujusmodi enim corporum particulis, ubi humore diluuntur, vis inest, linguam movendi, & varias ei affectiones imprimendi. Unde corporum particulæ quæ linguam contrahunt & exasperant, *acerba* dicuntur. Eorum particulæ, quæ eam pungunt, & cum dilatantis caloris sensu partiuntur, *Acris*: Quæ linguam lenire videntur, & exasperatas ejus partes æquare, *dulcis*: Quæ linguam punctim feriunt, & cum frigoris constringentis sensu dividunt, *acerba*: Quæ autem linguam detergunt, & quandam ei siccitatem conciliant, *Amara* Vocantur. Adeo ut totum corporum illorum discrimen in hoc consistat, quod variam magnitudinem habeant, & figura, motu, duritie, levitate, & modis aliis discrepent.

Non-

Nonnulli fructus Saporem mutant, & qui antea acres & amari fuerant, dulces & mansueti evadunt, Sic *allium* & *cepe* coctione mitescunt, & aquæ infusa macerantur, & acrimonium deponunt.

VI.

Allium & cepæ coctione amaritudinem exuunt.

Ratio est, quod fructuum sapor in rigidis & pungentibus *Salis* particulis consistit, cujusmodi sunt quæ Salem componunt. Unde dum *cepe* & *allium* mitiora coquendo fiunt, id oritur quod ignis eorum partes laxet, viamque salinis corpusculis ad exhalandum aperiat. Unde cæteri fructus maturescendo suaviores efficiuntur, quia humore discusso, & in auras abeunte, *salis Ammoniaci*, vel aliorum volatilium portio discedit; iis duntaxat relictis, quæ fructibus suavitatem conciliant. Nec alia ratione *allium* & *cepe* aqua macerata, leniora efficiuntur, mitiusque gustus organum pulsant, quam quod *Salis* particule aquæ particulis implicitæ exsolvantur, & cum ipsis extrahantur, & avolent.

Articulus quartus.

De occultis Plantarum Qualitatibus.

VOcantur plantarum Qualitates occultæ, quæ ad medicinam spectant, & quarum vires ratione potius quam sensibus dignoscuntur. Inter eas primæ numerantur, quæ *purgativa* virtute pollent, quæque excrementitios aut corruptos humores è corpore humano detrudunt. Nam radix pontica, vulgo *rhubarbarum* & *Scammonium* flavam luteamque bilem educunt. *Sena*, *Polypodium*, *Epithimus*, *Helleborum*, atram & succum

I.

In quo consistit vis purgativa in plantis.

cum melancholicum: Cnicos vulgo *Carthanus*, *agaricus*, *mercurialis*, *esula*, & septem *Tribimali* species, pituitam & aquosos humores. *Fumaria*, *casia*, *cylindracia*, vulgo fistularis violæ, *pruna damascena*, *buglossus* sanguinem à feculenta eluvie expurgant. Lemnius de occultis naturæ miraculis.

Veterum medicorum fuit opinio, medicamenta quæ vi *purgativa* sunt prædita, substantiæ similitudine id exequi; adeo ut humores sibi familiares proliciant, & eam materiam ad excretionem impellant, quæ illis maxime affinis est, & cum qua aliquam cognationem habent. Unde *Galenus*, qui purgandi vim in attractione posuit, simpli. lib. 3. vult quandam similitudinem inter substantiam quæ *purgat*, & illam quæ purgatur interesse: ita ut medicamenta quosdam humores seligant cum quibus magis consentiunt; ut illa *bilem*, alia *melancholiam*, altera *pituitam* educant. Sed adduci nequeo, ut huic opinioni assentiar, cum usu cotidiano probetur, melancholicus humor, qui viscidus ac lentus est, à *Cassia* laxativa, & pungente *colocyntide* eximi, quæ tamen nullam cum eo cognationem habent. An non hydropicorum aquæ *aloe* & *rhabarbaro* dissipantur? At quæ inter illa affinitas & similitudo? purgantia igitur medicamenta depravatos humores evacuant, per quandam fermentationem hoc pacto: Ingestum in corpore pharmacum, acri succo, ut pote ex *liene* effluente excipitur, quo veluti aqua forti minuitur & atteritur: sed quoniam dissimilis est ab eo substantiæ, nec nisi ægre cum eo admiscetur, succus illius additione intumescit, ac fermentatur; ut videmus *vinum* sulphurearum sæcum copia, aut etiam rei alterius im-

impositione, efflari & excandescere. Deinde ita humore vectus medicamentum ad *jecur*, & sensim in corporis venas transmittitur, in quibus, quum sanguini ob partium dissimilitudinem admisceri nequeat, *bili*, *pituita*, aut alteri humori adhæret & sociatur. Sed quoniam à sanguine per totum corpus defertur, in transitu ejus partes mordet, pungit, & ut corrugentur efficit; quo fit ut contractis partibus graves humores exprimantur, & extra vasa quibus continebantur, detrudantur, Cum subinde omnes corporis partes undique humores illos propellant, nec ullum eis in venarum receptaculis sit refugium, de novo ad *jecur*, mox ad *ventriculum*, & intestina repelluntur, ubi excitatis excrementis egeruntur, & per secessum erumpunt.

Quædam plantæ vomitum excitant, & noxios humores sursum evocant; ut *cortex juglandis medicanus*, *colocynthis*, *genistæ folia*, *nux vomica*, &c.

Hæ similem cum purgantibus pharmacis vim habent, nisi quod celerius virtutem suam exerant, & citius fermentatione completa effectum suum sortiuntur. Per vomitum igitur humores evacuantur, dum stomachus vellicantibus pharmacis particulis commovetur, & ita constringitur, ut amplius contentam materiam retinere non valeat. Redundante enim ventriculo necesse est humores illos expromi, quibus gravatur. Hinc non absque periculo vomitus præscribitur iis qui *asthmate* aut *tabe* laborant, aut qui contracto nimium angustoque sunt pectore, ne irritatis in ventriculo humoribus exitus sufficiens non pateat, aut compressis nimium ventriculi fibris, nociva corpori convulsio oriatur.

II.

Unde vis quibusdam plantis vomitum excitandi.

Quibus

III.

*Vis inest non-
nullis plantis
animalia ene-
canli.*

Quibusdam plantis inficiendi corpora vis inest, & in Animalia non grassandi modo, sed & ipsis vitam adimendi. Ut de *napello*, *arsenico sublimato*, apud medicos constat; quæ noxio suo calore corpus adurunt, & firmiores ejus partes absumunt, & erodunt.

Hujusmodi effectus, plantarum figuræ & motui assignandi sunt, quibus solis, vires suas promunt, & ea patrant quæ attoniti miramur. Rationi enim maxime consentaneum est existimare, partes quibus venena conflantur, *rigidas* esse, *penetrantes*, duras, & *spiculis* instructas: Ad eum modum quo microscopio deprehendimus *urticas* aculeis undique armatas esse, & infinitis telis exasperari. Unde tale corpus, fermentatione in ventriculo peracta, variis humoribus in eo repertis admixtum. Ultra modum excandescit, præsertim dum è vena *cava*, in sinistrum cordis latus, mox in dextrum defertur. Quoniam inde adaucto calore, & maxima vi erumpens, in viscera irrui, & partium suarum spiculis, eorum substantiam penetrat, erodit, & exurit.

IV.

*Cicuta frigore
Hominis int-
imit. Scam-
monea fauces
stringendo.*

Aliæ plantæ sunt, quæ vi contraria pollent quæque frigore Animalia enecant: ut *Cicuta*, quæ homines extinguit, aut amentes reddit. *Scammonea*, quæ ita fauces constringit, ut ad mortem perducatur.

Hujusmodi plantarum vis in eo consistit, quod sanguinis circuitum sistunt, & nativum calorem supprimunt. Quippe cum placidus & lenis sit sanguinis motus, & uno tenore per totum corpus defluat, trajecta in humorum massam frigida seu tarde mota corpuscula, sanguinis motionem perturbant, & calorem in extremis partibus hebetant:

betant: Quæ sensim per venas ad Cor delata, illud refrigerant, & ad reporem adigunt. Nam siue in re *Venenata*, agitatio partium sit sanguinis motui contraria, siue earum tarditas calorem ejus imminuat, idem semper effectus sequetur, si earum accessu in Corde mutatio oriatur, & orificia per quæ sanguis eo defluit, tantillum obstruantur. Nam quod *Cicutæ* esus delirium inferat, aliunde oriri non potest, quam quod in cerebro inordinatæ vellicationes fiant, & spiritus per ejus fibras inusitato modo deferantur.

Quædam Herbx *antidoti* vim habent, & venenis adversantur. Ut *Portulaca*, quæ serpentium virus educit: *Endivia*, quæ aranæ puncturis medetur. *Vinum merum*, quod *Cicutæ* viribus obsistit, & frigiditatem expugnat. Sunt quoque antidotæ stirpes communes, ut *Calendula*, *Carduus Benedictus*, *Angelica*, *Ruta*, & similes, quæ veneni robur frangunt, & stragem impediunt.

Ratio est, quod hujusmodi plantæ iis particulis consent, quæ cum veneni particulis affinitatem habent, & cum quibus facile sociantur: quæque ejus sint potentia, ut à natura subigi & domari nequeant. Unde veneni vim sua interpositione infringunt, & illa corpuscula exsolvunt, quæ sanguinem figunt & coagulant. Quæ enim calida sunt, facile frigidorum venenorum malignitatem discutiunt & obtundunt. Unde *publicus ille uocentissima facis minister*. *Critonem* admonerat, ne *Socratem* permetteret attentius disputare, propterea quod ex ea mentis agitatione caloris quid contraheretur. *Scaliger* exercit. 152. Frigidæ autem Plantæ adversus frigida venena utiles etiam habentur, & iisdem extra corpus evo-

V.

Quo pacto portulaca & alia
similes veneno
obstant.

candis

candis profunt : quoniam coagulatus frigore sanguis paulatim humore superveniente dissolvitur, & ejus expeditæ particulae denuo concitantur, quo fit, ut confusa utriusque materia, variis motibus agitetur, & demum simul extra corpus expellatur.

Articulus quintus.

De Sympathia & Antipathia Plantarum.

I.
*Palma fœmina
maris confinio
delectatur.*

Palma fœmina maris confinio maxime gaudet ; cujus communicatione concipit, & fertilis efficitur. Unde prona in marem blandioribus comis nutat, & sponte versus illum fertur. Ab illo avulsa veluti vidua languescit, & contrahitur, ac nonnunquam intercidit.

Causa hujus Sympathiæ inter palmas halitui tribuenda est, qui è mare promanat, & ad fœminam transmittitur. Inest enim hujusmodi effluvio vis seminalis, fœcundansque facultas, qua fœmina imbuta, speciosius adolescit, & uberius impregnatur. Nam quidquam palmæ similisque naturæ stirpibus contingit, quod *Gallinis* quæ ova quidem citra galli ministerium excludunt, sed quæ animari formarique in pullos nequeant, quantumvis Gallinæ incubitu foveantur, atque incallescant. Ita Herbæ vegetante vi præditæ, non minus quam animantes, quæ lubrico udofoque semine se propagant, generandi vim, ac vitalem spiritum aliæ in alias transfundunt, mutuoque complexu ac concubitu fruuntur, atque id ipsum tacito quodam naturæ consensu, ac latenti occultaque inspiratione foveantur, germinant,

nant, animantur, florent, ac semina fructusque concipiunt & proferunt.

Cucumeres & Cucurbitæ oleum respuunt, & illud ita averfantur, ut illi admotæ resiliant, & in hamum incurventur.

Id provenit, quod profluvium quod ex oleo emanat, talibus particulis constet, ut in ipsas exhalatæ, veluti tot contulis percutiant, efficiantque, ut impulsibus suis corrugentur & resiliant, atque ita se contrahendo reducantur, ut oleum effugere videantur.


II.

Cur cucumeres
oleum resugi-
ant.

Herba viva quæ ab Arabibus & Persis *Suluque* & *Suluc* passim vocatur, & cui Philosophi *pudica* vocabulum indidere, si dum viret levi manus

III.

Quomodo herba
manus conta-
ctum refugiat.



contactu attingatur, illico refugit contrahiturque, mox subducta tangentis manu, paulatim erigi-

erigitur, & priorem situm repetit. Similem fuisse ad Memphim arborem narrat *Theophrastus* quarto *Historiarum*, capite tertio, specie spinosam, & *filici* quoad folia non ab similem, cujus ramis contactis folia decidunt, marcescuntque; & postea veluti recuperatis viribus, iterum assurgunt, & statum pristinum recuperant, ut in duabus illis figuris ostenditur.

Henricus Regius libro quarto *Philosophiæ Naturalis*, hujus miraculi rationem adferre conatur; supponendo primum, magnam hujus plantæ teneritudinem, quæ levi contactu quodammodo ulceretur & contunditur. Secundo nervos quosdam interiores esse quos 1. 1 designat, exterioribus 2. 2 ampliores, quo fit ut halitus ex terra γ majori copia in superiores foliorum fibras α α transmitti, quam in inferiores β β. Quippe manu superioribus foliorum partibus admota circa δ δ figuræ 1. 1 spiritus in illis partibus contenti per nervos interiores 1. 1 deorsum feruntur, eoque valvulas & meatus aperiunt, qui sunt circa 5. 5, & ex amplioribus in angustiores 2. 2 transeunt. Cum autem propter obstaculum sursum tendentium valvularum 6. 6 nequeant descendere, ascendunt, clauduntque suo ascensu valvulas 4. 4 ex angustioribus nervis in latiores spectantes; atque ita necessario transeunt in interiores musculos sive fibras β β, easque inflando, folia versus inferiora, quantum articulatio seu flexibilitas quæ est circa puncta adscripta patitur, in situm scilicet & figuram quam figura 1. 1 exhibet. Postea vero cum folia ista ut in 1. 1 figura ostenditur, sunt depressa, & manus ab herba tollitur, halitus per interiores amplioresque nervos 1. 1, valvulasque sursum spectan-

tes 3.3, copiosius quam per exteriores angustioresque 2.2 ex terra γ in caulem ascendunt; eo-
que claudunt primo valvulas quæ circa 5.5 exist-
unt, atque ex latioribus & interioribus nervis in
exteriores 2.2, spectant, progredientesque por-
ro ulterius, transeunt in superiores foliorum
musculos $\ast\ast$, eosque inflando, nonnihil folia at-
tollunt, quæ erant depressa $\mathcal{J}\mathcal{J}$, premuntque
ista foliorum aliquanta sublatione halitus copio-
sos in inferioribus foliorum musculis $\beta\beta$ existen-
tes; iique pressi aperiunt in angustioribus nervis
2.2, valvulas ex exterioribus nervis in interi-
ores spectantes 4.4, transeuntque in nervos la-
tiores & interiores 1.1; ibique cum propter ha-
lituum vehementiam ex terra γ copiosius in il-
los exhalantium, & valvulas 5.5 in angustiores
nervos spectantes, claudentium, neque descen-
dere, neque ad latera transire queant; à copiosi-
oribus halitibus in nervos illos laxiores perpetuo
ascendentibus determinantur necessario in supe-
riores foliorum musculos $\ast\ast$: quos cum haliti-
bus ex terra per latiores nervos ascendentibus, in-
gressi, attollunt folia secundum superiores partes
 $\ast\ast$ halitibus copiosioribus repleta, secundum in-
teriores vero $\beta\beta$ inanita, in illum situm, quem
folia ante habuerunt, qualemque figura 1 hic
nobis ostendit.

Quidam Historici referunt *pudifetanam* arbo-
rem non hominis tantum manum, sed & ejus
afflatum odire, atque ejus accessum refugere.

Contingere id potest, quod halitus corpuscu-
la ita in ejus substantiam impingantur, ut deli-
cati ejus nervi aliquomodo solvantur, & textu-
ra percellatur. Sicut experimur *anus* halitu te-

IV.

*Pudifetana ar-
bor hominis af-
flatum odit.*

nera infantium corpora offendi & infectionem contrahere.

V.

*Adiantum &
brassica aquam
non patiuntur.*

Adiantum sicut & *brassica* aquam refugiant, & illam à se quantum possunt, propulsant. Unde si aquis immergantur, non madescunt, & ab omni humore immunes se tuentur.

Hujus ratio ab earum superficiebus desumenda est, quæ ita læves & tersæ sunt, ut nullam aquam sibi inhærere patiantur, ut enim corpori humor affigi queat, opus est, ut rugis quibusdam asperatam superficiem habeat, & nonnullæ particulæ emineant, in quibus implexus liquor detineatur. Hinc *pinguis* aquam non admittunt, quoniam adeps facile complanatur, & ad æqualitatem redigitur. Vel refundi potest hæc *Adianti* & *Brassicæ* ab humore averfio, in lanuginem, sive teneram quandam pilationem qualis in quibusdam fructibus cernitur, qui suis apiculis, ita aquæ guttas colligunt, & conglobatas detinent, ut eos altius penetrare, & nisi longo temporis spatio detentas madefacere non sinant.

VI.

*Quomodo dictamnus ferrum
è corpore extrahat.*

Tanta est inter *dictamnus* & *ferrum* affinitas, ut ad illius præsentiam, telum ex inflicto vulnere extrahatur. *Capras auditum est in Creta ferat, cum essent confixæ venenatis sagittis, herbam querere, quæ Dictamnus vocaretur, quam cum gustavissent, sagittas excidere dicunt è corpore.* Cicero secundo de natura Deorum.

Quidam sibi imaginati sunt *Dictamno* vim quandam magneticam inesse, qua ferrum educit, & è corpore insita vi evocat: sed id falsum esse usu cotidiano comprobatur. Quippe *dictamnus* terro admotus, nullam vim testatur, nec minimam qui-

quidem *scobem* allicit. Dicendum potius telum *dictamni* esu, è corpore depelli, quoniam vulnus aperit, & extrema illius, partium suarum agitatione laxat. Quo fit, ut ferrum vulnere aperto, sponte decidat, aut leni opera educatur. Accedit etiam quod illud non nisi extra corpus viventis animalis expellatur, ac proinde illius virtute, naturæque irritatæ impulsu extra de-trudi.

Fraxinus serpentibus est inimica, illosque procul abigit.

VII.

Fraxinus ser-pentes abigit.

Causa alia non posse esse videtur, quam hali-tus è fraxino erumpens, qui in serpentibus fibra-rum plexum lacerat, & pessime afficit. Quod-cumque enim animal, ingrata sibi & infesta aver-satur, & solo naturæ ductu illa fugit. Sic *musca* colocyntidem averfatur, *mus* laurum, *vesper-tilio* hedaram, non electione aliqua, sed mero naturæ impetu, in quantum emissi ex illis plan-tis spiritus, ipsis noxii sunt, & fibrarum plexum, quibus constant, evertunt & amoliantur.

Articulus sextus.

De ortu Plantarum.

A Liquæ plantæ inter cæteras notantur, quæ sponte oriuntur, & sine prævio semine assurgunt. Ut *sylvestre* illud *Nardum* Asarum vo-catum, quod in muris etiam crescit. Et quædam *Adianti* species, quod circa puteos procreatur, Imo innumeræ aliæ stirpes quæ è terra alte suffosa proveniunt, nullo semine impregnata.

I.

Quomodo nas-centur plantæ absque ullo se-mine.

Qui sideribus inferiorum virtutem assignant, putantque nihil in terris peragi quod cœlestibus influentiis non adjuvetur, harum plantarum auctores in promptu habent; Solem nimirum, aut quenquam ex planetis, quibus stirpium natalitia tribuunt, & quorum opera omnia fieri volunt, quæ in terrarum orbe gignuntur. Unde Cabalisticis accedunt, dum veluti è cathedra perhibent, *nullam herbam esse aut plantam inferius, cujus non sit stella in firmamento, quæ eam percutiat, & dicat ei, Cresce.* Verum cum de Siderum potestate antea dictum sit, existimemque nostri ævi Philosophos non ita desipere, ut singulares omnes effectus generalibus causis acceptum referant, aliunde plantarum origo est investiganda. Generantur igitur plantæ absque radice aut semine, dum insensibiles terrestres materiæ partes, in superiori terræ crusta, à subtili materia agitata, talem figuram adipiscuntur, cumque situm & motum obtinent, quæ ad primam stirpis formationem requiruntur: quo veluti jacto fundamento, cæteræ partes producuntur, dum succus nutritius per primum illud rudimentum ascendens partes dilatat, eisque certam figuram tribuit. Nam quemadmodum *sorices, glires, anguille, murenae, limaces, lumbrici* non semper ex semine; sed plerumque ex lentore Terræ, atque ex sordibus ac putrilagine germinant, sic in locis arenosis multi *frutices* sponte emicant ex alimenti confluvio, qui postmodum seminio se propagant; ac numerosa prole se tuentur. *Lemn. de occult Natur. Miracul.* Non tamen inficiandum est, quin Sol ad hujusmodi effectus procreandos aliquid conferat, terram nimirum calefaciendo, humorem educendo, atque etiam illa
inter

inter se coagulando: At quid illa ad *radicum*, *fibrarum*, *venarum*, *nervorumque* formationem. Sol enim extrinsecum duntaxat agens est, quod nullum semen ministrat, sed illud in terræ superficie repertum agitatur tantum, & impedimentum amovet, quæ partium ejus unionem arcebant.

Memoriæ proditum est, sylvam in Cyrene post magnos imbres è terra pullulasse, quod ad multa milliaria extenderetur. Meminit quoque *Theophrastus sexto Histor. cap. 3.* insignem arborem nomine *Laser* (quam Plinius inter eximia naturæ dona numerat, quod pluribus compositionibus inferitur, concoctionique, plurimum confert, senibus & foeminis) post pluviam è terræ sinu erupisse, antea in illis partibus incognitam.

Scio nonnullos imaginari sylvam, magnificamque illam arborem non sponte è terra prodisse, sed seminibus è plantis aliis adductis, quæ ventorum opera in *Cyrenem* delata sunt. Sed illud haud necessarium esse mihi videtur, quum *Theophrasto* teste, terra apud Cretenses vix tantillum subigi queat, quin cupressi illico oriantur, non mutuatis ab aliis seminibus, sed quod in ea regione corpuscula lateant, quæ cum egerentur, & Solis agitatione copulantur, primum earum stirpium rudimentum componunt. Quod vero idem in aliis terris non contingat, id provenit, quod seminis particulæ non ita misceri queant, & eo modo con crescere, quo ad primam ejus *organizationem* necessarium est. Notum enim est, non quamcumque terram stirpibus gignendis esse idoneam, quum quæ in *Indiis*, *Brasilia*, *Ara-*

II.

Quomodo sylva sine semine aliquando è terra eruperit.

bia nascuntur, in *Anglia*, *Flandria*, frigidioribusque aliis mundi partibus produci non possint. Imo in eadem regione plantæ peculiaribus locis delectantur, & Terræ pars quæ uni congruit, alteri inepta est, aut officit. Generari igitur *sylvæ* possunt, non hominum industria tantum, aut feminibus à vento devectis, sed corpusculis in terra repertis, quæ pro eorum motu seu calore, ita componi & conformari possunt, ut sponte in varias stirpes exurgant. Nam quo alio pacto *Asparagi*, referente Dioscoride ex contusis & defossis arietum cornibus prodire possunt? Qui *farris spica* ex mulieris naso, & *Hedera* ex cervi cornu crevere? Quo artificio *Platanus* ex Æneo tripode prodire quivit? nisi terræ particulis, quæ talem situm, figuram, & motum acquisiverunt, quæ eorum fingendo tyrocinio inservirent. Hæc autem contigisse non *Dioscorides* modo, sed & alii gravissimi authores, *Plinius*, *Plutarchus*, *Theophrastus* ut comperta referunt.

III.

Cur plantæ in
variis locis
crescentes, di-
versas habeant
affectiones.

Plantæ quæ in *Philippinis* insulis proveniunt, variis qualitatibus imbuuntur, & prout diversas mundi plagas spectant, diversas affectiones habent. Quippe ea folia quæ ortum respiciunt, salubria sunt, sanitatemque præbent: quæ autem in occasum vergunt, venetica, & mortem summentibus inferentia. Sic apud nos poma quæ prope ea loca crescunt, ubi *brassicorum* est copia, odorem tetrum referunt.

Ratio est, quod è terra aut è plantis vicinioribus effluvia quædam exhalentur, quæ male folia aut fructus afficiant, & suas illis qualitates imperantur. Constat enim arbores aut Herbas veneticas, virus suum proximis corporibus communicare,

nicare, & illa eodem odore & sævitia afficere. Quia vapores ascendentes aliquid illius terræ, secum vehunt, ex qua ascendunt: & facile juniores plantæ inficiuntur, quæ juxta putridas & male olentes consistunt.

Ufu frequenti deprehenditur plantas agrestes fieri, & in alias diversas degenerare. Sic *brassica* in *rapam* convertitur, *ficus* in *caprificum*, *tritum* in *lolium*, *bordenum* in *avinam*, & similes, quibus & vires & forma immutantur.

IV.

Quomodo plantæ degenerant, & in alias variantur.

Id oriri compertum est, aut cultoris negligentia, vel loci situ, aut etiam ambientis aeris qualitate. Sylvescunt enim plantæ, nisi secundum unius cujusque indolem, loca idonea ipsis destinantur, & modus quo fieri debeant, observetur. Quod cum in multis, maxime tamen in *viola altili* deprehenditur, quæ nisi annis singulis loci situm mutare edoceatur, in vilem ac sui dissimilem flosculum, minusque odoratum degenerat. Quod expertus Virgilius ita scribit.

*Vidi lecta, diti, & multo spectata labore
Degenerare tamen, ni vis humana quotannis
Maxima quæque manu legeret, sic omnia satis
In pejus ruere, ac retro sublapsa referri.*

Cujus deficientiæ ea est ratio, quod plantarum rudimenta in prima sui origine certam materiam exigant, ex qua earum plexus, partiumque dispositio producat. Cum autem in omni loco talis materia haud reperiatur, cui commissum semen est, tali plexui efformando idonea; mirum non est, si illic plantæ deficient, & in alias degeneres commutentur. Quippe hæc transmutatio

tatio non in radice fit, sed in ipso semine, quod dum congruentem materiam non offendat, aut præ vetustate vigore destituitur, naturam variare necessum est. Hinc periti *Hortulani* seminum vires explorant, iis aquæ leniter ebullienti injectis: quæ horæ intervallo si proba fuerint, germinabunt ac pullulabunt.

V.

*Cur servanda
cæli pars in
plantarum
transmutatione.*

Inter præcepta quæ ab Antiquis authoribus de plantis serendis derivata sunt, unum est ut cæli aspectuum ratio habeatur: adeo ut quæ ex uno loco in alium transferuntur, iisdem cæli partibus respondeant, quas antea spectabant

*Quin etiam cæli regionem in cortice signant,
Ut quo quæque modo steterit, qua parte calores
Austrinos tulerit, quæ terga obverterit axi,
Restituant.* Virgilius 2 Georg.

Ratio est quod facie arborum variata, & in aliam cæli regionem conversa, interna partium dispositio immutetur, & meatus seu viæ per quas alimentum à radice in sublime tendit, invertantur, & situm alium acquirunt. Si quis enim stirpem in campo aperto genitam, & ad certam aliquam magnitudinem jam provectam falce cederit, *circulos* varios deprehendet, versus *Austrum* latiores, angustiores autem versus *Aquilonem*. Quod certe in nullam aliam causam refundi potest, quam in ipsum calorem, qui ab *Australi* parte proveniens, fortius arboris particulas agit, venasque illius magis extendit, quam qui à *boreali* proficiscitur. Quod si non idem in ligno *brasiliensi* reperiat, sed concentrici sint ejus circuli, & æqua mensura ab invicem distent,

stent, id provenit quod in Zona torrida Arbores æqualem ab *Austro* & *Borea* calorem recipiant, & alternis vicibus Sol eas concutiat & penetret. Ex quibus patet in plantarum translatione cœli aspectus esse attendendos, & ei cœli parti esse obvertendas, in qua satæ primum fuerunt.

Articulus septimus.

De Plantarum Nutritione.

UT Tellus stirpibus ferendis idonea reddatur, *sterquilinium* ei, priusquam imbres decidunt, adhibetur. Vitium enim tritici, aliarumque segetum sterilitas, stercore impugnatur, & ipsis nova ubertas fœcunditasque accedit.

Ratio est, quod fimi omnes multo *Sale* consent, qui in terra dispersus, ejus humiditatem temperat, & germinationem promovet. Plantarum siquidem vita in *calido* & *humido* consistit, quorum prius agentis, & posterius patientis rationem obtinet, obest tamen interdum *stercoratio*, ni humor accedat, qui fimum diluat, & *salinas* partes dissolvat, quæ ipsi admiscuntur. Hinc Agricolis solenne est, fimum agris adhibere, dum pluviarum spes adest, ut ante *Ver*, & sub *Autumni* finem, quatenus fimo aqua subactò, *Sal* diluatur, & humoris vehiculo ad intimos radicis meatus perveniat. Alioquin commissæ telluri segetes, calore aduruntur, si integer *Sal* maneat, aut fimi copia, terra nimium oneretur. Unde *Plinius* libro decimo octavo. *Ager si non stercoratur, alget; si nimium stercoratus est, aduritur.* Nam magna est inter fimos differentia; quippe

I.

Sterquilinium.
ad segetum fœ-
cunditatem
confert.

quippe *columbinus* summe calidus est, tum *ovillus*, qui non nisi terræ viribus reparandis profunt, quas nimium frigus, aut cruditas labefactavit. *Suillus* acer est, & mordacis naturæ, quæ cæpæ maxime gaudent. Medii temperamenti sunt *bulbus*, *equinus*, *asinus*, qui segetes maxime juvant, & eis fertilitatem conciliant.

II.

Cur terræ novales fertiliores sunt aliis, quæ continuo feruntur.

Terræ *novales*, seu quæ alternis tantum annis proscinduntur, fertiliores, probantur, quam quæ continuo feruntur; & eo magis uberes fiunt, quo diutius, ut cum Virgilio dicam, *segnem patiuntur situ durescere campum*.

Causa est, quod pori qui in terra innumerati sunt, cultura aperiuntur, & facilius per eos tanquam paratos *tubulos* succus sursum attollitur. Agris autem neglectis, meatus illi occluduntur, nec expirandis halitibus fit locus. Accedit etiam quod plantæ eo interstitio in campis genitæ evelantur, aut si excrefcere permittantur, sponte arefcetes, aut Solis calore adultæ, demum circa *hyemem* putrefiunt, quæ vice fumi terram impinguant, ac foecundam reddant. Et ob hanc causam glebæ in agris uruntur, quia crematis messo frumento stipulis, aquæ partes avolant, & quicquid solidioris substantiæ residuum est, à terræ humore diluitur, & sua crassitie, ejus fertilitati consulit. Quare Virgilius

*Sæpe etiam steriles incendere profuit agros,
Atque levem stipulam crepitantibus urere flammis
Sive inde occultas vires, & pabula terre
Pinguia concipiunt —*

III.

Ager planus nutriendis stirpibus aptior est, quam

quam *declivis*: unde plantæ quæ in inclinata terra nascuntur, infelicitè crescunt, & vix unquam ad æquam magnitudinem proveniunt.

Plantæ feliciter crescunt in agro plano quam declivi.

Quia cum *Sal*, ut dictum est, haud parum ad stirpium nutritionem conferat, facile in deflexo loco, ubi pluviae delabuntur, dissolvitur, & viribus ejus temperatis, fit illis fovendis inutilis. Ager autem *planus*, & qui defluxionibus citra declivitatem patet, ultra *Salem* pinguemque materiam quam continet, peregrina etiam substantia dicatur, quæ ad eum cum pluvia divertitur, & ejus fertilitatem adauget.

Cucumeres teneri & delicatiores evadunt, si ante sationem, earum semina fuerint paululum lacte macerata. Transire posset hoc experimentum ad *carduos altiles*, aliaque semina sublato marcore aut amaritudine. *Bacon*.

IV.
Teneriores evadunt cucumeres, si earum semina prius lacte macerentur.

Hujus peregrinæ suavitatis causa, ex eo provenire potest, quod semine lacte emollito, fibræ quæ primum in radice formantur, talem induunt figuram, talemque contexturam adipiscuntur, ut iis solis particulis pateant, quæ dulcorem componunt, & crassiores alios succos respuunt. Hinc qui florum odores augere student, & eorum vires artificio excitare, præscribunt ut *Rosa*, exempli causa, prope *allium* conferatur, quatenus hujus radices ita foetidum succum, acrioresque terrestres materiae particulas exsugant & alliciant, atque earum paucæ relinquantur, quæ illi succo misceantur, qui per *Rosæ* tubulos est evehendus.

Plantarum aliæ aliis tardius aut citius crescunt ac nutriuntur. *Salix* enim, *viis*, *cucurbita*, brevi temporis spatio incrementum accipiunt, cu-

V.
Cur plantarum aliæ citius, aliæ tardius crescunt.

curbitæ præsertim, quæ tantæ fiunt magnitudinis, ut scribente Plinio, *vix ferri queant*. E contra *mespilus, quercus* & similes tardius augentur, & non nisi ramos & truncum diu protendunt.

Ratio est, quod plantarum nutritio à succo pendet, qui à *radice* per poros tanquam totidem *venulas* impellitur, quippe illas ita replet, ut turgeant, & omnes ejus particulas capere non possint. Cum autem pororum latera duriora sunt, quam ut ab alimento extendi queant, fit ut non nisi lente augeantur, aut etiam omnino crescere desinant; ut *annosis* arboribus contingit, quæ nullum accedente materia proventum accipiunt, & in eodem statu remanent. Corpora autem mollia cum meatus habeant facile penetrabiles, mirum non est, si plantæ quæ iis constant augeantur & crescant. Hinc immanes *cucurbitarum* moles, quæ in India nascuntur, quæ uti apud *Scaligerum* refertur, tredecim palmas æquant, & quibus ferendis, non unius bajuli vires sufficiunt.

VI.

Quomodo fructus
insitione
furculi reddan-
tur meliores.

Si in Arbore sylvestri incisio fiat, & ei ex urbana proveniens furculus inseratur, fructus mansuescunt, & mitiores redduntur. Quod etiam contingit, si ex eadem arbore evellatur furculus, & ipsi postmodum idem restituatur.

Causa videtur esse, quod furculi appositi fibræ, non ita cum arboris fibris correspondent, ut succus ex unis means, libere in alias transire queat: quia *pororum* ordo mutatur, & aliæ viæ ad materiam alimentitiam transmittendam efformari debent: quo fit ut alimentum veluti in alio *stomacho* elaboretur, & novo modo occurrentes succi misceantur. Hinc fructus ex *bortensi* furculo

culo *sylvestri* arbori inserto meliores evadunt; quoniam succus nutritius, qui per plantarum partes ascendit, in priori stomacho decoquitur, & non nisi exacte digestus in secundo recipitur. Imo si aliquis incisiones multiplicaverit, & inserto furculo alio superinduxerit, experietur, mitiores semper gigni fructus, quoniam materia alimentitia per tot ductus transeundo, melius præparatur, & magis defæcata in posteriori stomacho recipitur. Hujus rei exemplum *Gassendus* ex *Plinio* refert de *Corellio Equite Romano*, qui cum in agro Neapolitano inseruisset *castaneam* suomet furculo, facta est castanea, quæ ab eo nomen accepit, inter laudatas; & cum postea *Hæres ejusdem libertus* iterum inseruisset, facta est minus quidem copiosa, sed melior tamen quam *Corelliana*.

Articulus octavus.

De Plantarum Germinatione.

OMnibus stirpibus ingenitum est, germen in *I.*
sublime emittere, quamvis in declivi se- *Cur planta sur-*
 rantur, & deorsum propendeant. E diverso *sum germen*
ra- *emittunt.*
dices loca inferiora petunt, & non nisi raro in
 terræ superficie versantur.

Hujus rationem reddere arduum non erit, si attendatur, qualiter germinatio fiat, & cujus opera vis seminalis humo se exerat. Cum enim germinatio quædam plantæ dilatatio sit, qua succi interventu protenditur, & versus cacumen excrescit: Cumque nulla expansio sine calore fiat, evidens est, illud quod è *planta* erumpit rudimentum,

dimentum, à calore proficisci, & ejus impulsu sursum tendere. Nam id Caloris est genium in sublime ferri, & eo obvia corpora propellere. Par est de plantis in *declivi* crescentibus ratio: nam sicuti ignis in deflexo loco accensus, non loci declinationem sequitur, aut ad *angulos* ipsi declivitati rectos ascendit, sed ad perpendicularum: Ita stirpes quæ in collibus nascuntur, sursum semper evehuntur, quoniam à calore diriguntur, qui eo tendit. Verum est quod radix, ob eandem causam sursum ferri debere videatur, quum calore utique dilatetur, & ejus opera, fibras suas protrahat; sed quod in contrarium pergat, & in terram demergatur, ejus alimento tribuendum est, quod talem situm occupat, ut omnes ejus partes debeant extendi. Nam sicuti funalis *flamma* sensim deorsum nutat, & ad ceram depascendam inferius devehitur, ut eam ad partes superiores transmittat: Ita calor intra radices contentus, ad imas earum partes pergit, ut attractum inde alimentum trunco, ramis, foliis, nutriendis transfundat.

II.

Quomodo capæ
à terra avulsæ
germinant.

Omnia bulbacea, cujusmodi sunt *Capæ*, *Aloes*, *Acetabulum*, *Crocus*, *Scilla*, *Porrum*, & aliæ similes rotundæ ac tunicatæ radices, humo avulsæ germinant, & caules proferunt. Imo in carneario laquearibus suspensæ, etiam per hyemem turgent & profiliunt.

Ratio est, quod *Bulbi* non quemadmodum cæteræ stirpes per radicum filamenta alimentum exsugunt, sed illud superne attrahunt, illum nempe succum, qui in eorum corporibus, & crassis illis, quibus cinguntur, tunicis, delitescit. Unde fit ut hæc radices humore affatim imbutæ,
mul-

multumque succi alimentitii intra membranas continentes, calore excitatæ, se proferant, & *caules* procreant. Id ita fieri cotidiana experientia demonstrat; Quia dum bulbacea pullulant, sensim imminuuntur, quia *succus* quo turgebant, exhauritur, & in *caules* & semina abit.

Rami & folia in quibusdam arboribus, non nisi in vertice profiliunt, quemadmodum videre est in *abiete*, *picea*, *cupressò* & *cedro*, quæ foliis comis virent. Aliæ autem ramos undiquaque protrudunt, & se omni ex parte foliis contegunt.

III.

Quare abies & similes, ramos tantum in vertice emittunt.

Oritur hæc germinationis diversitas à *poris*, per quos alimentum à radice ad fructum & ramos transmittitur. Quippe si recti fuerint, & perpendiculari linea deducantur, iis veluti fistulis, succus sursum defertur, eodem semper tramite servato, donec ad cacumen delatum; ob nimiam copiam illi erumpere cogatur, & in ramos abire. Accedit etiam quod succus qui in hujusmodi arboribus ascendit, viscidus sit, & quadam *Pinguedine* imbuatur. In iis vero Arboribus, quæ circumfusus habent ramos, meatus deflectuntur, & succus interfluens, à latere viam sibi aperit, & corticem penetrando in multam sobolem erumpit. Vel etiam quia non ita tenax est, ac viscidus, sicut in *resiniferis*: sed sicut copiosus ignis, per *tubulum* fistulæ instar pertusum ascendens, quædam illius partes per foramina exiliunt: ita *succus* per arborum poros sublatus, per patentem *vias* erumpit, præsertim ex furculis, ubi ob teneritudinem exitus est liberior, & facilius eruptio.

IV.

*Cur quædam
arbores semper
virentia folia
servant.*

Plurimas stirpes *folia* nunquam destituunt, & per *hyemem* summumque frigus ea incorrupto virore ferunt: ut *Laurus*, *Cypressus*, *Hædera*, *Rosmarinus*, *Abies*, *Buxus*. Aliæ autem sub finem Autumni virorem amittunt, & suis ornamentis exuuntur.

Causa *viriditatis* in quibusdam plantis ex eo provenit, quod folia solidiorem habeant materiam calidioribusque succis perfundantur, quam ut pori in quibus fluunt, à superveniente frigore intercludi queant. Defrondescunt autem aliæ, nudæque per totam *hyemem* remanent, quia earum folia delicatiora sunt, quam ut premente algore eorum meatus non obturantur, & ita sufficiens alimentum radicibus aut foliis nutriendis admittunt.

V.

*Surculi molles
ad insitionem
sunt inidonei.*

Surculi molles, & quibus nondum latera tempus firmavit, iis ad insitum ineptiores sunt, qui cum trunco ætate conveniunt, & aliquam duritiem sunt adepti.

Ratio potissimum ex eo petenda est, quod ut *Insitio* feliciter procedat, debeant *rami* fibræ ita cum *trunci* fibris adaptari, ut alimentum è radice proveniens, ad utrumque libere traducatur. Debent enim inter illas quædam oscula, vel potius *Anastomoses* interjacere, per quas cibus transeat, & ab una in aliam transferatur. Molliores autem surculi propter teneriorem fibrarum plexum, ita inter *libros* constringuntur, ut coarctatis eorum poris haurire alimentum haud valeant. Atque sic aut infelicitate crescunt, aut brevi extinguuntur. Surculum enim *anniculum* esse oportet, ut agglutinari possit, & cum trunco coherere. Sic è diverso stipites aridi, aut quos longa ætas

ætas sicciore efficit, infitioni inutiles redduntur, quia iis humor deest, quo tanquam glutine, utriusque fibræ connectantur, & in unam plantam abeant. Uti videmus *terram aridam* sterilem esse & vix aliquando semini excitando idoneam.

Fructus ubi ad maturitatem pervenerunt, arborem deserunt, & sponte in terram delabuntur.

VI.

Cur fructus maturi ex arboribus decidunt.

Id provenit quod eo tempore, nimium laterales fructuum fibræ intumescunt, nec amplius alimentum continere valent. Unde fit, ut quod ad partes superiores ascendebat, aditu negato, deorsum refluat, & ipsum pedicolum siccum & exsuccum relinquit. Hinc quidam fructus cum pedicolo, ut *Poma, Pyra*: alii sine pedicolo, ut *Pruna, Mala aurea, Armeniaca* &c. decidunt, prout transcurrentis materia proximius aut remotius pediculos destituit.

Articulus nonus.

De Plantarum interitu.

Plantæ solo avulsæ languescunt, & quamvis ligna tempore verno amputata, aliquamdiu in terra jacentia germinant, ab ea tamen sublata sensim deficiunt, & emoriuntur.

I.

Cur plantæ a solo avulsæ non statim emoriuntur.

Stirpes terra detractæ non statim marcescunt, quoniam succus aliquantisper fluere perseverat, nec tam cito pori immutantur, quin ad extremas ejus fibras alimentum pergere queat. Plantarum autem mors nunquam sequitur, nisi cum succus iners redditur, & à subtili materia, incallescere,

lescere, & sursum propelli amplius non potest. Calore enim deficiente, omnis *motus* cessat, ac proinde non amplius *germinatio*, non *nutritio* peragitur, in quibus plantarum vita consistit. Hinc stirpes tempore hyberno, non nisi improprie mortuæ dicuntur, quia licet tunc temporis, extra se nihil proferant, & sensibilis succi transcursus non appareat, negari tamen non potest, quin aliquis insit, cum eadem prorsus dispositiones maneant, quæ in viventibus corporibus reperiuntur, & alia sit earum conditio ab iis quæ exaruerunt.

II.

Quomodo *contusione* aut *terebratione* arbores moriuntur.

Arbores sæpe *contusione* tabescunt, & *fissione*, *terebratione*, similique alio vulnere enecantur.

Ratio est, quod *contusione* ordo partium perturbetur, obstruanturque viæ, ne alimentum decurrat, & ad partes inferiores traducatur. Unde fit, ut quæ supra *contusionem* sunt, succi inopia marcescant, & quæ infra illam sunt, præ nimia copia turgescant & suffocentur. *Fissione* quoque, seu alio inflicto vulnere plantæ intereunt, quia tunc materia alimentitia ejus poros permeare desinit, nec ut antea diffundi potest. Quod autem nonnullæ, ut *Pinus*, *Abies*, *Terebinthus*, vulnere accepto proficiant, & solito fecundiores reddantur id ob humoris exuberantiam provenit, cujus aliqua portione per vulnus elapsa, plantæ veluti pondere exoneratæ, fructus suos facilius proferunt, & vim suam *genitalem* expeditius exerunt.

III.

Cuius quædam plantæ calore, alia frigore percunt.

Quædam plantæ nimio æstatis fervore pereunt, præsertim *novellæ*, quas ætas nondum contra aeris intemperiem firmavit. Aliæ frigori cedunt

dunt & nimia hyemis asperitate obrigescunt & emoriuntur.

Causa est, quod plantarum vita in *calidi* & *humidi* temperie, ut dictum est, constituitur; Adeo ut *humor* in vivente sine calore admixto, aut *calor* citra *humorem* diu feveri non possit. Unde alterutro horum prædominante, & confortem suum destruente, necessum est corpus interire, & vita privari. Novellæ igitur citius aliis nimio æstatis ardore interimuntur, quia *calor* externus tenera earum corpora facile penetrat, quorum partes vehementius agitando, humorem non è truncis solum, sed & ex ipsis radicibus extrahit ac depascit; cujus jactura, cum à terra, quæ etiam nimium incalescit, reparari non queat, necessum est plantas *exficari* & *exarescere*. Aliæ autem *acri hyeme* perimuntur, quia poris præ frigore constrictis, calor intrinsecus exire compellitur, cujus absentia, cum *succus* non promoveatur, & non satis alimenti è radicibus eliciatur, oportet *nutritionem* in plantis cessare, & alias vitæ functiones interrumpi. Ob eandem rationem plantis mors à *ventis* imminet, qui si *fervidi* sint, & calorem in corporibus procreant, meatus laxant, & reconditum humorem exhauriunt. Si vero *gelidi* sint, & frigus intensum adferunt, poros comprimunt, & calore expulso, vim genitalem debilitant, ac depopulantur.

Plantæ *sylvestres*, & quæ locis montosis delectantur, longius vivunt, quam *urbane*, quæ in hortis crescunt & stercore saginantur.

Causa esse videtur, quod plantæ quæ in hortis adolescunt, nimia succi copia sese quodammodo ingurgitent, & nativum calorem ali-

IV.

*Sylvestres
plantæ longio-
ris vitæ sunt
quam horten-
ses.*

alimenti exuberantia extinguant. Nam cum *cultura* pro scopo habeat, lætiores aut præcoces fructus ex arboribus educere; tota in hoc occupatur, ut agros uberes & fertiles efficiat; parum autem sollicita, an robustæ evadunt, modo luxurient, & largius fructus profundant. Certum est autem nimia materiæ alimentaris copia *Plantarum* poros dilatari, & minus adhærente vitali humore, calorem quoque evanescere & elabi. Ad vitæ brevitem hortensium plantarum etiam conducit, quod *latamen* quo reficiuntur, illas undique ambiat, & haud longe à terræ superficie positum sit; quo fit, ut illarum radices, non ita profunde dimittantur, & non nisi leviter terram penetrent. *Sylvestres* autem quum macra materie circumcingantur, & hausto parcius alimento altius deprimantur, firmiores evadunt, & exterioribus incommodis magis resistendo, vitam longiorem ducunt. Ambigi enim non potest, quin radicum expansio & crassities ad plantarum diuturnitatem conferant, & longiori tempore durent, quo profundius *Terram* penetrant, & per majores *angustias* irrepunt.

HISTORIÆ NATURALIS PARS OCTAVA.

De Animalibus.

Articulus primus.

De Animalibus sponte genitis.



Nil magis inter Autores tritum,
quam Animalia absque *semine*
progigni; ut *Cimices* ac *pediculi*
ex fœdibus humanis; ex libris
blattæ, ex ligno *coffi*, ex vestibus
tineæ, & innumera alia, quæ sine

I.
*Ut nascuntur
quædam ani-
malia absque
semine.*

ullo animantis congressu nascuntur & prodeunt.

Nonnulli *Medici* specie tenus duntaxat verum
spectatores, quoniam harum productionum
principia non intuentur, & causas quæ hujus-
modi animalia generant, non oculis deprehen-
dunt, earum formationem *equivocam* appellant;
quasi à dissonis principiis proficiscerentur, & nul-
lam cum ipsis cognationem haberent: sed revera
eodem jure, quo cæteræ *generationes* univocæ
sunt nuncupandæ, quum eadem necessitate fiant,

& non minus quam aliæ semen prævium, requisitasque in eo dispositiones exigant. Quicquid enim in natura gignitur, à *semine* promanat, & nihil casu, aut ludente *natura* in terra producit. Verum est, quod illa semina potissimum interna sint, & non oculis semper sese offerant, sed talia in corporibus latere, negari non potest; quum videamus *pediculos, erucas, tipulas* &c. apprimè elaboratas esse, & omnes inter se partium similitudine convenire. Quippe nihil ipsis ad perfectionem deest, & non minus quoad internas quam externas partes completæ dicuntur. Quis enim imaginari potest tantam membrorum *varietatem*, tam concinnam singulorum *formam*, tam miram omnium *proportionem* ac nexum temerarie produci, & non determinatum aliquod semen supponere? Nam si *monedulam*, si *feles*, exempli causa, à semine derivari existimamus, quod nimis elaborata esse putemus, ut à vago agente compingi queant, quidni idem de aliis animalibus erit censendum, cum in eis non minus animadvertatur artificium, & eorum partes non minus inter se correspondeant? Nascuntur igitur *cimices, pediculi, eruce* & similes, dum multæ seminales particule à subtili materia seu calore agitatæ, ita inter se disponuntur, ut figuras organaque convenientia componant. Non autem hic motus temere, & casu perficitur, sed juxta naturæ leges, aut vires seminarias, ex materia scilicet idonea, & calore determinato procedit. Quo fit ut ita exagitatæ materiæ partes, non modo ad *cordis venarum* formationem, & earundem cum *arteriis* unionem concurrant; sed etiam ad principium *cerebri* sensorium, & *fibrarum*, nervorum & spirituum motorium concin-

concinmandum, quibus suppositis, ad perfectiora instrumenta sit progressus, ad ea nimirum, quæ sensationi, locali corporis motui inserviunt, & famulantur.

Mures ex quisquiliis, ex fimo bubulo *scarabæi*, ex humore rossido *papiliones*, *locustæ*, *cicadæ* progerminant. Imo ex ipsis *aquis* præsertim stagnantibus diversa animalcula, *Tipulæ* vocata oriuntur.

II.
Ut mures ex
sterquilis, &
papiliones ex
rossido humore
progignentur.

Causa alia esse nequit præter *semen*, quod inter *quisquilias*, *fimum bubulum*, *madorem aerem* eo modo coaluit, quo intra animalium corpora concrefcit & absolvitur. Nam quod aliud principium effingi potest, cum videamus post aquarum inundationes, multa insecta in agris progeneri, post pluviam *ranas* pullulascere, qua non oriuntur, nisi quia aut semina illuc devehuntur, aut antea derelicta humorem requirunt quo subigantur. Minutissimorum piscium meminit *Lemnius libro secundo de occult. natur. Miracul.* quos *Aphias* vocat, qui ex spuma maris apud *Batavos* copiose generantur, ubi post diuturnas siccitates copiosi imbres ingruunt. Siquidem cum ostia *Mosæ* ac *Rheni* assiduo oceani influxu falsescunt, æstivis præsertim mensibus, fulmina illa affluentia pluvia diluta, atque irrigata pisciculis hujusmodi undique scatent; qui ubi grandescere incipiunt, inito complexu posteritati insistant. *Mures* igitur ex putredine enascuntur (quod de aliis idem censendum) vel quia sordibus primordia à *muribus* relicta inerant: vel quia terrestres particulæ calore agitatæ ita concreverunt, ut primum earum rudimentum componerent, ex quo cætera sensim progenita sunt.

Vermes

III.

*Qui vermes
intra fructus
efformantur.*

Vermes intra fructus progenerantur, & *muscæ* quæ in æstate adeo numerosæ sunt, nullo concubitu efformantur, quum toto muscarum genere destructo, nullæ supersint quæ illas producant.

Vermes intra fructuum pulpas nascuntur, non sponte, quasi nihil in fructu præfuerit, ex quo oriri possint, sed semine præmisso, dum scilicet floribus *apes* aut *muscæ* infidentes, quædam semina post se relinquunt, quæ intra fructus intercepta, urgente calore explicata sunt, & in vermes abierunt. Ita non spontaneo motu *muscæ* prodeunt, sed coitu præmisso, ovisque editis, quæ in terra promiscue dispersis, calore verno postmodum fotis, natæ sunt. Quippe si *Plinio* credimus, *muscæ* sicut & *formicæ*, *scarabei*, *apes*, *araneæ*, *vespæ* & similia animalcula congregiuntur & commixtione generant. Quod hoc maxime argumento probatur, quod annis quibusdam *muscæ*, *locustæ*, &c. copiosiores sunt, magisque agros depopulantur, ac Homines infestant: Quod certe aliunde oriri non potest, quam quod clementi hyeme conservata sint semina, & parvam ex frigore aut telluris humore cladem subierint. Hinc *Plinius* lib. decimo cap. 65. Unde vis tanta messes populetarum murium agrestium, ita præsertim occidente deinceps multitudine, ut nec exanimis reperiantur, neque exstet qui murem hyeme in agro defoderit. Nisi quia semine propagantur, & eorum primordia in terra derelicta sunt.

IV.

An equi in Lusitania ex vento nascantur.

Quædam Animalia ex vento nascuntur, ut de Hispanicis & Cappadocicis equabus *Plinius* refert, lib. octavo cap. 42. *Constat*, inquit, in Lusitania circa Olyssiponem oppidum, & Tagum am-

nem,

nem, equas favonio flanti obversas, animalem concipere spiritum, idque partum fieri, & gigni perniciosissimum, sed triennium vitæ non excedere. Cui favet Siletius Poeta lib. 3.

*Hic adeo cum ver placidum, flatusque tepescit,
Concubitus servans tacitos, grex prostat equarum,
Et venerem occultam genitali concipit aura :
Sed non multa dies generi, properatque senectus.*

Id quidem à veteribus creditum est, sed vereor ne non satis exacta indagine ; quippe peragi generatio non potest sine maris & fœminæ interventu ; ni forte *Hippomanes* pro foetu accipiatur, quod equi dum vento exponuntur emittunt. Ego *Londini* degens *Lusitanos* quosdam rogavi, an verum esset quod de *Lusitanarum* equarum fœcunditate *Antiqui* Authores prodiderunt, an tantum apud eos Ventus valeret, ut viventium pater dici mereretur. Ex iis nonnulli rem se penitus ignorare profitebantur. Alii quos forte veterum lectio ad veritatem indagandam sollicitarat, asseriebant audiisse quidem equos interdum informes quasdam massas carneas enixas esse, sed quæ nihil cum *equina* forma haberent similitudinis. Idque etiam raro, & non nisi cum nimium faginantur, & nimia coeundi cupidine æstuantibus mares denegantur. Unde mirari subit *Plinium*, *Columellam*, & alios accuratos rerum naturalium scriptores hanc genituram pro certissima divulgasse, quam ipsi haud observant, nec satis firmis testimoniis assertam publicarent.

In *Cypro* insula, ærariis fornacibus, ubi *chalcides* lapis ingestus plurimis diebus crematur, be-
V.
Pyrausta nascuntur in flammis.

stiolæ *pyraustæ* nomine in medio igne nascuntur pennatæ, paulo *muscis* grandibus majores, quæ per ignem saliant atque ambulant. *Aristoteles libro quinto Histor. Animalium, cap. 19.*

Proveniunt *pyraustæ* non ex simplici ignis substantia, sed ex terrestri aliqua materia *chalcitidis* vaporibus admixta. Quippe facile mihi persuaserim chalcitidem in fodinis ex quodam succo coagulari, quo veluti vehiculo quædam semina *pyraustis* generandis idonea, ex vegetabili aliquo corpore esse profecta. Adeo ut *pyraustæ* ex pingui humore metallicæ materiæ admisto procreentur, quæ ideo intactæ in igne vivunt, quoniam ea est materiæ qua constant, temperies, ut ignem diu patiatur, & *Adianti* adinstar, flammæ vires eludat.

Articulus secundus.

De Animantibus ex semine productis.

I.
*An Rubelliones
unius sint tan-
tum sexus.*

Quædam Animalia unius tantum sexus esse existimantur, & absque maris adminiculo generare, & foetum emittere; ut de *Rubellionibus* & *Passeribus* inter pisces refert *Aristoteles quarto Hist. capite undecimo*. Qui dum capiuntur, omnes ova habereprehenduntur. Idem de *Testaceis* jactatur, quæ proprio semine impregnantur, & citra coitum sibi similia procreant & eniuntur.

Qui *Aristoteli* patrocinantur, & quæque ejus scripta defendunt, non ægre admittunt rem ita se habere, quoniam sic ille censet, sic scribit. Nos vero qui veritatem *Aristoteli* præferimus,
nihil-

nihilque amplectendum esse ducimus, quod cum ratione & experientia non consentit, illud ut fabulosum reiicimus; quum inculpatæ fidei homines noverimus, qui *Rubelliones* sine ovis aspexisse se asserant, & *Passeres* inter se commisceri. Enimvero rationi adversatur animal se solo propagari, & sine alterius opera suam protrahere propagari. Unde facile crediderim *Aristotelem* id recitasse, non tam propria ratione aut experientia innixum, quam piscatorum fide, quos ad piscium indolem detegendam conduxerat. Idem de *Testaceis* est opinandum, cum plurimi testentur se *buccinas* & *purpuras* congregi vidisse; imo certis quibusdam temporibus convenire ad rem generationis peragendam.

Catuli nonnunquam parentum defectus referunt, & ipsis per omnia assimilantur. *Canem* proponit *Gassendus*, quæ catulos integros enixa postquam deinceps habuit lapidis iēu crus confractum, catulos omnes edidit claudos. Mulieris cuiusdam à se in Barbaria visæ meminit *Eques Digbeus*, quæ duos in sinistra manu pollices habebat, eam puellæ quatuor, quas pepererat, in hoc vitio imitabantur.

Una apud medicos horum ac similium effectuum causa adfertur, nempe *seminis* ex omnibus corporis partibus defluxus. Quippe cum sanguis motu perpetuo per corpus Animalis deferatur, ambigi non potest, quin portio ejus subtilior, quæ generationi est subjecta, omnes ejus partes permeando, ab unaquaque illarum concoquatur, & quodam peculiari modo afficiatur. Adeo ut singularum *qualitates* induat, & secum ad *Cor*, ad quod proficiscitur, devehat,

II.

ut catuli parentum defectus referunt.

hat, in quo ab alia crassiori secernitur, & in receptaculis à natura destinatis reconditur. Et illud semen est, quo Animal ad sui similitum generationem utitur. Unde si contingat Animal, ex quo spermatica illa materia elicitur, membro aliquo carere, aut partis alicujus exuberantia onerari, Nulla illius membri virtus sanguini in-erit, ac proinde foetus mutilus nascetur, & certa aliqua parte destitutus. Si vero Animali partes multiplicentur, ut in *Afra muliere* memorat *Dig-bens*, aut exuberantia succrescat, deformitatem quoque in foetu adferet; nisi hæc redundantia alterius parentis semine temperetur, aut sanguinis superfluitas castigetur.

III.

*Cur fœminæ
ante proflu-
entes menses non
conciunt.*

Fœminæ (quarum nomine non mulieres modo, sed & *equæ, vaccæ, oves, fues, canes*, cætera-que vivipara intelliguntur) quibus menses non profluunt, conceptui sunt inidoneæ. Unde illæ quas menstruus sanguis deseruit, steriles fiunt, & omnem foecunditatem deponunt.

Ratio est, quod conceptus tunc temporis alimento caret, & semen in utero non satis firmiter adhærescit. Quippe vasis obseratis vulva lavis efficitur, & injectum in eam semen illico defluit, nec satis coagulari potest. *Aspera* enim magis humorem continent, & ægrius apprehensa relinquunt. Unde fœminæ quibus sicci aridique sunt uteri, liberis procreandis sunt inhabiles, quod genituram retinere non valeant, nec sufficienti sanguine madescunt. Menstrui enim stillicidio vulva irriganda est, ut impleri queat, & semine concepto in fructum intumescere. Hinc fœminæ inceptis mensibus, vel præcipue cessantibus, citius impregnantur & concipiunt :

Quo-

Quoniam tunc humore quodam rosido *uterus* madescit, & *semen* facilius allicit, & retinet.

Puellæ quæ tempestive concubitus admittunt quæque non satis adhuc firmo corpore congregiuntur, *fæminas* potius quam *mares* generant: sicut & ætate proveccta mulieres, & quæ aliquantulum in *senectutem* vergunt.

IV.

Puella, & seniores fæminæ fæminas potius quam mares procreant.

Conceptionis hujus causa in caloris defectum refundenda est, quæ in novellis mulieribus & senescentibus imperfectus est, & æstum virilem non æquat. A diversis enim *seminum* viribus *mas* aut *fæmina* provenit, & prout unum in aliud dominatur, varius sexus nascitur. Hinc si muliebre semen virili vigore antecedit, fœmina procreatur, sin autem masculinum præstet, maris progignendi vim utero confert. Cum autem juvenulæ & declinata jam ætate *mulieres*, modicum calorem habeant, nec tantum valeant, quantum ætate florentis; fit ut ad fœminæ conceptum aptiores sint, & in sui generis sexu proferendo accomodatioris reddantur.

Proles passim alterutri progenitorum similes sunt, aut etiam utriusque effigiem referunt. Aliæ autem *Avorum*, *Atavorum*, *cognatorumve* formas ostentant: ut filia illa *Sicula*, quæ non patri, sed ejus matri similis generata est. Sic mulier illa *Græca*, cujus meminit *Plinius*, quæ adulterii delata, quod filium atro colore tinctum genuisset, à crimine immunis judicata est, ubi constitit quod quarto gradu ex *Æthiope* esset procreata.

V.

Quomodo filii passim parentibus aut cognatis assimilantur.

Communis est medicorum opinio; si fœminæ semen abundantius præstet, *Genetrici* prolem assimilari: sin autem viro copiosius effluat, *genitori*:

tori: Si ex utroque vis æqualis emanat, amborum effigiem referre. Quod Lactantius libr. de opific. capite 12. his propemodum verbis expressit, quibus lubentius utor, ne juvenis videar illa arcana curiosius scrutari. Cum semina inter se mista coalescunt, si virile superaverit, patri similem provenire, sive marem, seu foeminam: si muliebre prævaluerit, progeniem cujusque sexus ad imaginem respondere maternam. Id autem prævalet è duobus, quod fuerit uberius, alterum enim quodammodo complectitur, ac concludit. Hincque plærumque fieri solet, ut unius tantum lineamenta prætendant, si vero æqua fuerit ex pari semine permistio, figuras quoque misceri, ut soboles illa communis, aut neutrum referre videatur, quia totum ex altero non habet, aut utrumque, quia partem de singulis mutuata est.

VI.

Unde fit ut in
Hollandia bi-
furcatis labris
infantes sæpius
nascantur.

Matronæ *Hollandicæ* ut animadvertit *Lemnius* ex leporis obtutu infantes edunt, labello supremo bifido, ac bifurcatim dissecto. Simili ratione nonnulli simis existunt naribus, ore distorto, labris indecore prominentibus, totoque corporis habitu deformi.

Id oritur quod mulier conceptus ac gestationis tempore, oculis totaque mente ac cogitatione in monstrosas quasdam species fuerit defixa. Ea enim est *Imaginationis* efficacia, ut ubi aliquid mulier defixis oculis intuetur, aliquid conspectis aut cogitatis cognatum efformet. Sic mulier illa quæ abjecto pudore, dum maritus abesset, alteri se submisit, infantem edidit non adultero similem, sed absentis mariti imaginem prorsus referentem. Cujus causam lepide *Tho. Morus* hoc epigrammate describit.

Quos

Quos ante conjux quatuor
Natos Sabine protulit,
Multum ecce dissimiles tui,
Tuos nec ipse deputas.
Sed quem tibi puellulum
Enixa jam nuperrime est,
Solum tibi simillimum
Pro quatuor complecteris,
Adulterinos quatuor
Vocas, repellis, abdicas.
Atqui graves tradunt Sophi
Quodcumque Matres interim
Imaginantur fortiter
Dum liberis datur opera,
Ejus latenter, & notas
Certas & indelebiles
Modoque inexplicabili
In semen ipsum congeri:
Quibus receptis intime
Simulque concrepcentibus
A mente matris insitam
Natus refert imaginem.
Quum tot abesses milibus,
Dum gignit uxor quatuor,
Quod esset admodum tui
Secura, dissimiles parit.
Sed unus omnium hic puer
Tui refert imaginem,
Quod mater hunc dum concipit
Sollicita de te plurimum,
Te tota cogitaverat,
Dum pertimescit anxia,
Ne tu Sabine incommodus,
Velutque lapsus in fabulam
Supervenires interim

VII.

Unde nascun-
tur Hermaphro-
diti.

Androgyni seu alio nomine *Hermaphroditi* aliquando nascuntur, qui utrumque sexum participant. Frequentes inter barbaros esse, præsertim in *Virginia*, *Americæ Provincia* referunt *Historici*, quibus ob robur corporis, *Indi* veluti jumentis ad Regum suorum annonam portandam utuntur.

Cum ex seminum victoria masculus foeminae generetur, videtur *Hermaphroditorum* origo æquali eorum vigori esse tribuenda; dum nimirum utriusque parentis genitalis materia tanquam in libra collocatur, & neutrum alteri præponderat. Nam sicuti *mas* generatur ex prædominante viri semine, *fœmina* vero, dum muliebri semen prævalet, & masculinum absumit: Ita *Hermaphroditi* progignuntur, dum utriusque genitalis materia æqualis est, & pari robore pollet ac commiscetur. Unde credendum est eos populos, è quibus passim *Androgyni* emergunt, plurimum *seminis* emitte, & æquam maris ac foeminæ esse superfluitatem, dum hujusmodi vitiosi infamesque conceptus efformantur.

Articulus tertius.

De monstris.

I.

Unde oriuntur
monstra.

BELLÆ nonnunquam *bicipites* generantur: ut de *Porco*, *agno*, *vitulo* refert *Licosthenes*. Imo in pago quodam qui ad *Argentinensem* Episcopatum spectat, *Sugenhein* nomine, *Anser* monstrosæ plane formæ in ovo inventus est, duobus capitibus, totidemque linguis, collo unico, quatuor pedibus, quorum duo eum locum occupa-

cupabant, ubi in aliis alæ emergunt, reliqui vero circa podicem apparebant, alæ vero duæ circa collum expansæ. *Licosthenes anno Domini 1496.*

Talium monstrorum origo, ex seminis copia, & *superfluitate* deducitur; dum scilicet genitalis materiæ portio ad caput, aut membrum aliud efformandum destinata, in plures partes dividitur, & multis ejusdem formæ delineandis inservit: Quod potissimum fit, dum *semina* non simul subeunt, sed unum alteri superinducitur; quæ cum in utero confundantur, necessum est, ut illa coalescant, & à se mutuo separentur. *Caput* autem præ cæteris aliis corporis partibus excrescit, quoniam spermatica materia, quæ illi effingendo inservit, abundantior est, utpote quæ ex capite derivatur, & ex illius nutritionis alimento est residua. Sic seminis superfluitas multiplicium in *Anseris* membrorum causa fuit, quod cum uni efformando nimium esset, & duobus non sufficeret, in partes alias erupit & discriminatum est.

Gemini aliquando nascuntur corporibus in unum conjunctis. *Constantiæ* ad locum Acronium duo infantes, masculus & foemina, duobus capitibus, quatuor brachiis, totidemque pedibus, membris omnibus absolutis, sed circa umbilicum conjunctis corporibus nati sunt. *Licosthenes anno 1563.*

Hic *bicorpor* foetus non ex redundantis materiæ influxu tantum, sed & ex ipsa uteri angustia oriri potest; dum aliqua feminis portio, quæ sita ab alia secreta, in membrum corporis aut *embryonem* ab alio distinctum compingi coeperat;

II.

Quomodo gemini nascuntur inter se conjuncti.

ob spatii angustiam, alteriusque vicinæ partis compressionem, incrementum accipere non valet. Unde necessum est, ut magnitudine debita careat, aut alteri membro connectatur & adhærescat. Sic provenit ut *Gemini pulli* ex ovis nascantur, non bicipites modo, sed & toto corpore impliciti: Quia cum *vitelli* ex quibus procreantur, gemini sint, & communi *membrana* involvantur, non possunt non inter se uniri, & veluti unum componere. Idem in *fructibus* contingit, si in arctis locis excipiantur, priusquam ad debitam magnitudinem pervenerint. Unde apparet quam inconsulte agunt *matres*, quæ toto gestationis tempore, domi inertes & otiosæ degunt, & cruribus decussatis, deflexoque nimium in genua corpore, acus operibus incumbunt, & foetus suos nimia compressione fatigant. Quippe illa corporis contractione, non raro *obstipos*, *gibbosos*, *loripedes*, membrisque aliis *distortos* infantes generant & enituntur.

III.

Hi oriuntur Infantes absque manibus & pedibus.

Nascuntur interdum infantes absque manibus & pedibus, quorum loco aliqui demissam cuspidem habent: ut *ille* cujus mentionem *Aldronatus* facit qui à vertice ad hypochondria, humanam figuram referebat, ab *umbilico* autem relicta hominis figura, in formam pyramidalem terminabatur, referens in cuspide similitudinem caudæ suis implexæ.

Causa hujus deformitatis à materiæ seminalis defectu petenda est, quæ cum in principio formandis omnibus corporis membris non sufficeret, ad quæ effingenda destinata est; residuo interius ejus corrupto, aut si quid superfluit: adeo tenue & exiguum fuit, ut firmum membrum

brum componere non valens, in exiles quasdam
& foetui indecoras abierit.

Mulieres quæ oras *maritimas* incolunt, rudem
sæpenumero, atque inelaboratam massam, quæ
ferri aciem respuit, proferunt: imo non raro
quiddam specie difformi, quod palpitet, ac vi-
tale existat, formamque inchoati operis obtineat.
Lemnius de occultis natur. mirac.

IV.

*Interdum massæ
informes foetus
loco procrean-
tur.*

Insueti hujus partus rationem idem *Lemnius*
refundit in virorum incontinentiam, qui muli-
eres indebito tempore ineunt, & non observato
à natura cursu congregiuntur. *Nautæ* siquidem
ubi ex longa diutinaque peregrinatione, in por-
tum sunt delati, confestim uxores subigunt:
nulla habita *menstrui* decursus ratione, quo tem-
pore congressus noxius esse solet, ac perniciosus:
Quippe tunc semen, ut dictum est antea, coa-
lescere nequit, nec debite cum mulieris sanguine
uniri. Quo fit ut genitura defluat; vel si omni-
no cohærere contingat, non possit natura con-
fusam maleque cohærentem materiam elaborare.
Aut si quid efficere tentet, operique manum ad-
moliatur, *monstruosam* quandam *formam*, ab ho-
minis specie prorsus alienam embrioni inducat.
Quam ob rem non est quod quisquam magno-
pere miretur, unde tot *monstruosi* partus, tot de-
formes hominum *species*, tot passim *vari. distorti,*
mutili; cum non aliunde quam ex enormi con-
cubitu, atque intempestiva venere hæc prove-
niant; vel potius ex vitioso corruptoque proge-
nitorum semine in posteros deriventur.

Moguntinæ duæ puellæ natæ sunt, in vertice
fronte tenus *inseparabiliter* connexæ, seseque
mutuo

V.

Due puella Moguntina fronte sibi adhaerentes.

mutuo inspicientes, quæ simul gradiri, somnum capere, & è lecto surgere cogeantur. Ambæ ad annum *decimum* vixere, sed una prius moriente, alia ab ipsa ferro avulsa, post paucos dies etiam extinguitur. *Monsterus in Cosmogra.*

Hujus monstri causa, alteri rei, meo judicio, tribui non potest, quam secundinarum, in quibus involvebantur, fracturæ, ex qua utriusque caput cohæsiō consecuta est. Quod quis facile admittet, si eventum, qui huic monstro occasionem dedit, perpendat. Dux *mulieres* inter se sermones miscebant, quarum *uni* uterus tumebat; superveniens inopinato altera, apprehensa utriusque capita concussit, & inter se collidit: quo facto prægnans terrefacta, embrioni percussionis notas induxit. Potuit enim *imaginatio* collisionis effigiem, spirituum animalium opera, ad tenera puellarum corpuscula devolvere, & ita utriusque capita afficere, ut inter se quoque colliderentur, & membranae, quibus à se invicem disjungebantur, frangerentur, & frontes se immediate contingerent. Unde adhaerentia illa in posterum perseverante, & membris illis alimento incrementibus, *puellæ* ita inter se connexæ sunt, ut separari amplius nequirent.

Articulus quartus.

De Partu Animalium.

I.
*Unde oritur
abortus in mu-
lieribus.*

CContingit haud rarò foeminas *immaturum* foetum edere, & ante tempus à natura præstitutum effluxum pati aut *abortum*.

Flt

Fit *effluxus* dum seminalis materia, primum dies aliquot coalita, ob uteri lævorem, ac lubricitatem præmature delabitur & effluit. Sic ut indigestum quiddam ac futuri tantum foetus adumbratio decidat, ad *salicis* istius modum quam *Plinius Frugiperdam* appellat, quæ semen amittit, priusquam omnino maturitatem sentiat. *Abortus* autem fit variis modis, interdum ex parte infantis, dum *coryledones* adeo infirmæ sunt, ut acetabula cito frangantur, vel *membrana* illum involventes ita tenues, ut præpropere diffringantur, & humoribus erumpentibus, langueat foetus & deficiat. Aliquando ex parte *gestantis*, si debilioris quam par est naturæ sit, & tanto oneri ferendo non sufficiat. Nonnunquam etiam subita aliqua consternatione aut noxia aeris temperie: Quo pacto censet *Ælianus* mulieres in plagis *Australibus* magis abortui obnoxias esse, quam quæ *Septentrionales* incolunt, quod illic artus magis laxentur, & quæ ad partum conducunt partes facilius solvantur.

Vipera nonnisi enecta foetus edit, quippe catulos tertia die intra uterum includens, singulos diebus singulis parit viginti ferme numero. Itaque cæteri tarditatis impatientes prærumpunt latera & matrem interimunt. Unde Mantuanus,

II.

An vipera dis-
sectis lateribus
pariat.

— *Et moriens infanso vipera morsu.*

Id ab *Herodoto* ad nostra ferme tempora pro indubitato habitum est, *Viperam* nimirum marem in coitu exanimari, capite in os *feminae* exserto & præ voluptate ab ea exciso. Deinde foetus intra se excludere, qui ejus uterum lace-

rant, & abroso demum pectore in lucem erumpunt. Verùm, hujus contrarium illi experientur qui *viperas* in valis vitreis asservant, aut illas in vivariis, pharmacis suis componendis alunt. Hanc fabulam ex eo originem habuisse suspicor, quod *viperæ* in membranis suis circumseptæ nascantur, quas cum aliquæ nonnisi post diem tertium à partu effringant; aliæ autem illis intra uterum exuantur, *membranam* nonnulli pro *utero* sumptierint scripserintq; viperarum *catellos*, earum latera perrumpere & matri mortem corrosione adferre. Verum est quod *Aco* pisci venter, dum parit, ob piscium multitudinem dehiscat, sed non id catellorum morfu peragitur, sed solius cutilaris rimæ apertura, sub imo ventre delitescantis, qua contra aliorum piscium morem *alvus* ejus distenditur, dum prægnans est, & in qua ova sua recondit. Quippe *Rondeletius Autopsia* edoctus, testatur dum hujusmodi piscem secaret, se in illa rima plurima ova invenisse: imo in duobus aliis, cum rimam inspiceret, ova quædam deprehendisse jam exclusa pluresq; alios foetus jam perfectos, quorum nonnulli grandiores movebantur, alios adhuc imperfectos, quorum oculi & rostra tantummodo deprehendebantur. Ex quo colligi potest *Acum* non tam *catulos* parere, quam illo aditu laxato expellere: & *viperam* catellorum partu nihil detrimenti pati.

III.

Unde post certum è suscepto femine tempus animalia pariunt.

Animalia certum & determinatum pariendi tempus servant. *Elephantes* enim biennio utero gravescunt: *Equæ* viginti & duobus mensibus: *Cameli* duodecim: *Vacæ* decem: *Oves* quinque: *Canes* duobus, &c. *Aves* definito tempore

pore à suscepto semine foetus emittunt: *Mulieribus* quoque nonus & decimus pariendi mensis assignatur, quod spatium si prætervehatur, partus non naturalis aut legitimus existimatur.

Communis horum omnium est causa, quod partus jam grandior non sufficienti alimento satiatas commoveatur vimque faciat, ut uberius nutrimentum sibi comparet: Tum etiam quod arctis limitibus inclusus & *membris* quibus involvitur nimium compressus, carceris sui parietes concutit & libertatem acquirat. Quod non in grandioribus duntaxat *animantibus* & viviparis contingit, sed & in *oviparis*. *Pullus* enim in *ovo* reclusus, quum vitello alatur, eo absumpto comparare aliud molitur, & putamine *matris* *tunitionibus* effracto, sponte egreditur. Sic ovum è *gallinae* utero erumpit, dum formatione perfecta, ita uterum gravat, ut eo quodammodo irritatus, nititur illud propellere, & ab importuno onere se liberare.

Cuncta Animantia, si juxta naturam nascuntur, inversa deferuntur, & in caput prona os uteri aperiunt.

IV.

Cur animantia capite demisso nascantur.

Ratio est, quod corporis pars ab *umbilico* ad caput multò ea sit ponderosior, quæ ab eodem umbilico *inferne* demittitur. Cùmque graviora propendeant & loca humiliora sponte petant, necesse est, ut infantis caput ad uteri orificium primò deducatur; sicut è duabus lancibus gravior declinat, altera ad locum superiorem tendente. Quod si aliter eveniat, partus ille non naturalis dicitur, quasi naturæ ordinem pervertat. Ut dum *pedibus* ad exitum accedit, vel uno tantum pede *porrecto*, alium ad latus inflectit,

Et it, aut dum una *manu* vel ambabus matricis ori se offert, &c.

V.

Cur infantes
septimo, non
autem octavo
mense vitales
sint.

Censent antiqui Medici partum *septimestrem* sive infantem mense septimo natum vitalem esse, *octimestrem* autem ut plurimum mortualem.

Hujus causam *Hippocrates* septem planetarum ordini attribuit, qui rebus humanis præsent, & alternis vicibus dominantur; adeo ut secundum illum primus mensis *Saturno* respondeat, secundus *Jovi*, & sic de aliis usq; ad *Mercurium* qui planetarum est infimus: quo circuitu peracto denuo ad *Saturnum* revertendum est, qui cum frigida sit indolis, & viribus deficiat, mirum non est, si foetus octavo mense editus vitalis non sit. Verum unde *Hippocrati* illa errantium siderum potentia constat? In quo vis tanta consistit? Quibus instrumentis involutum membranis infantem impetunt? Sed quia hæc ut sapientis seu potius vigilantis somnia esse existimo, magis *Plinio* adstipulor asserenti contrarium in *Ægypto* accidere, & nihil in ea regione familiarius quam *octimestres* partus vivere. *Cæsoniam* Caii principis uxorem in exemplum adducit, quæ in mense octavo in lucem edita est. Huic sententiæ favet *Cardanus*, qui *Cardinalem Sfondanum* & alios refert octimestres genitos esse, & longam etiam posthac ætatem duxisse. Quidni potius eo mense maxime vitales esse asseratur, quum vigorem potius testentur, dum ordinatum à natura tempus anticipant, & diutius carcere includi dedignentur, nisi maternæ infirmitatis id vitium sit & irritato nimis utero partus acceleretur.

Articulus

Articulus quintus.

De Fame & Siti.

OMnia Animantia fame interdum torquentur, & si *Chameleon* excipiat (penes auctores fit quod de illo asseritur) qui nec cibo nec potu alitur, nulla sunt quæ non ventriculi vellationem sentiant, vel exuccas fauces experiantur.

I.
Cur Animantia aliquando fame & siti torquentur.

Frequentis hujus molestiæ causa est, quod in ventriculum magna *acris* cujusdam *liquoris* copia defluit, qui illuc è corde per arterias delatus, ad modum Aquæ fortis, inter manducatorum ciborum particulas irrepit, & illos diluendo, *chylum* componit. Cum vero humor ille nullos in ventriculo cibos diluendos invenit, vim suam in *membranulas*, quibus ventriculus constat, exerit atq; hoc pacto *nervos*, quorum extremitates hisce membranulis adhærent, eo agitat modo, quo ad *esuriæ* sensum efficiendum requiritur. Unde mirum non est, si ventriculo inani, consumptisq; nativo calore cibis, fames succedat, & animalia ventris corrosionem sentiant. Pari ratione Animalia *bibendi* cupiditate ducuntur, dum *serum* sanguinis, quod per arterias ad ventriculum & guttur sub aquæ specie affluere solet, & ita illas partes humectare; interdum etiam sub *vaporis* specie advenit, atq; ita *guttur* & *Oesophagum* exsiccat, eademq; opera nervos eorum eo modo exagitat, quo ad bibendi desiderium excitandum requiritur.

Inter

ctit, aut dum una *manu* vel ambabus matricis ori se offert, &c.

V.

Cur infantes septimo, non autem octavo mense vitales sint.

Censent antiqui Medici partum *septimestrem* sive infantem mense septimo natum vitalem esse, *octimestrem* autem ut plurimum mortua-lem.

Hujus causam *Hippocrates* septem planetarum ordini attribuit, qui rebus humanis præsent, & alternis vicibus dominantur; adeo ut secundum illum primus mensis *Saturno* respondeat, secundus *Jovi*, & sic de aliis usq; ad *Mercurium* qui planetarum est infimus: quo circuitu peracto denuo ad *Saturnum* revertendum est, qui cum frigida sit indolis, & viribus deficiat, mirum non est, si foetus octavo mense editus vitalis non sit. Verum unde *Hippocrati* illa errantium siderum potentia constat? In quo vis tanta consistit? Quibus instrumentis involutum membranis infantem impetunt? Sed quia hæc ut sapientis seu potius vigilantis somnia esse existimo, magis *Plinio* adstipulor asserenti contrarium in *Ægypto* accidere, & nihil in ea regione familiarius quam *octimestres* partus vivere. *Cæsoniam* Caii principis uxorem in exemplum adducit, quæ in mense octavo in lucem edita est. Huic sententiæ favet *Cardanus*, qui *Cardinalem Sfondanum* & alios refert octimestres genitos esse, & longam etiam posthac ætatem duxisse. Quidni potius eo mense maxime vitales esse asseratur, quum vigorem potius testentur, dum ordinatum à natura tempus anticipant, & diutius carcere includi dedignentur, nisi maternæ infirmitatis id vitium sit & irritato nimis utero partus accederetur.

Articulus quintus.

De Fame & Siti.

OMnia Animantia fame interdum torquentur, & si *Chamaleon* excipiat (penes auctores fit quod de illo asseritur) qui nec cibo nec potu alitur, nulla sunt quæ non ventriculi vellationem sentiant, vel exuccas fauces experiantur.

I.
Cur Animantia
aliquando fame
& siti torque-
antur.

Frequentis hujus molestiæ causa est, quod in ventriculum magna *acris* cujusdam *liquoris* copia defluit, qui illuc è corde per arterias delatus, ad modum Aquæ fortis, inter manducatorum ciborum particulas irrepit, & illos diluendo, *chylum* componit. Cum vero humor ille nullos in ventriculo cibos diluendos invenit, vim suam in *membranulas*, quibus ventriculus constat, exerit atq; hoc pacto *nervos*, quorum extremitates hisce membranulis adhærent, eo agitat modo, quo ad *esuriæ* sensum efficiendum requiritur. Unde mirum non est, si ventriculo inani, consumptisq; nativo calore cibis, fames succedat, & animalia ventris corrosionem sentiant. Pari ratione Animalia *bibendi* cupiditate ducuntur, dum *serum* sanguinis, quod per arterias ad ventriculum & guttur sub aquæ specie affluere solet, & ita illas partes humectare; interdum etiam sub *vaporis* specie advenit, atq; ita *guttur* & *Oesophagum* exsiccat, eademq; opera nervos eorum eo modo exagitat, quo ad bibendi desiderium excitandum requiritur.

Inter

II.
Febri laboran-
tes difficiliter
sanantur, si sint
famelici.

Inter eos qui *febris* laborant, difficiliter ii sanantur, qui cibos appetunt, quiq; suo morbo magis edaces redduntur. Hinc medicorum observatio, diuturnas esse febres quæ *famelicos* homines efficiunt; breviores autem, quæ *siticulosos*.

Ratio est, quod *siticulosi* affuso liquore facile mitescunt, qui cum sudore extra corpus transmittatur, nihil residuum post se relinquit, quo febris alatur. *Famelici* vero, & quibus febris acido salsoq; humore accenditur, cum in cibum nimis avidi sunt, stomachum cibis fatigant, & ita morbum alunt. Irregularis est ciborum appetitus, nec semper eodem tenore nos movet.

III.
Unde accidit ut
aliquando nullo
vescendi desi-
derio teneamur.

Accidit sive ut bene etiam valentibus nulla insit ciborum cupido, & diu sine ullo dolore impassi maneamus.

Variis ex causis contingere potest hæc inappetentia, interdum *obstructionibus*, dum liquor *famem* generans arcetur, & omnis illi ad ventriculum aditus denegatur. Aliquando frigidis quibusdam ac glutinosis *humoribus*, quibus vis ejus retunditur, impediturq; ne viam suam in membranas exercent. Nonnunquam corrupto sanguinis *temperamento*, quo fit ut ille acer succus ab arteriis in ventriculum impulsus degeneret, & diversæ sit à solito naturæ. Quippe iis assentiri nequeo, qui famem à liquore è liene veniente fieri autumant: Nam brevis *vasis venosi* ligatura, quæ inter ventriculum & *lienem* interjacet, sua intumescencia in vivo animali obstat ne aliquid ex liene ad *ventriculum* effluat. Id quoque valvulæ in venoso illo vase existentes ostendunt.

ostendunt; cum ita sint dispositæ, ut aliquid quidem è *ventriculo* in *lienem* transmitti possit, non autem ex liene per venas aliquas in ventriculum effluere.

Sunt qui vix cibis saturantur, & nova semper edulia concupiscunt, cujusmodi sunt illi qui *canina* fame ducuntur. Meminit *Frisius*, lib. I. *Cosmocrit. cap. 7.* mulieris cujusdam sua ætate adeo grandævæ, quæ ne ad momentum quidem absque ciborum ingestione vivere potuit, quin illico anxia supra modum exiliret, & tanquam injecto laqueo strangulanda quamprimum videretur. *Maximinus Imperator* qui *Alexandro Mammææ* filio successit *quadraginta* carnis libras die uno esurabat, viniq; amphoram, hoc est, octo *congi*os hauriebat.

IV.

*Aliqui cur
semper cibum
appetunt.*

Potest illa voracitas ex duabus causis procedere: *primum* quod tanta sit acidi succi in ventriculo copia, ut licet alimentum ingeratur, adhuc tamen adeo acer pungensq; remanet, ut ab eo stomachus corrodetur, & vehementem adhuc vellicationem sentiat. Cum autem cibus in ventriculo, non eo quo par est modo solvitur, fit ut corruptus ille *chymus* plerunq; per os regrediatur, & tanquam inutile ac onerosum alimentum egeratur. *Secundo*, potest indefessa illa cibi cupiditas à vermibus oriri, qui in ventre scattent, & ni continuo pabulo alantur, ventriculum mordent & variis ictibus pungunt. Ut de muliere quadam narratur, quæ postquam duodecim digitorum *vermem* excrevisset, esurire conquivit: Et alia desuit postquam *centum* excrevisset vermiculos.

Quidam

V.

Qui fit ut aliqui absque cibo & sine edendi desiderio maneat.

Quidam dies aliquot nulla fame laborant, & quamvis inani stomacho, nullog; per nares aut aliunde adhibito refrigerio, nullum cibum appetunt, & jejuni diu citra aliquam molestiam permanent.

Hoc illis provenit, quod liquor ille, qui suo acore *membranulas* afficit, nimium dilutus fit, quam ut vellicare ventriculum possit. Vel quod id temporis possit à sanguine puro recedere, vel in sudorem abire, vel per transpirationem insensibilem, vel per urinam. Quæ ratione confirmari illa *Historia* potest de quodam *Homine*, quem sub terra tribus septimanis conditum fuisse referunt, hausta tantum propria urina vitam tuitum esse: Nam cum sub humo latens concluderetur, sanguis ejus per transpirationem insensibilem minus quam in aere libero minuebatur, arctiusque intra venas recludebatur.

VI.

Mulieres pregnantæ insolitis cibis vescuntur.

Mulieres *pregnantes* primis præsertim tribus mensibus, cum nimirum vomitus accedunt, & foetus minus absument, insolitorum ciborum usu delectantur. Nonnullæ *stercoribus* vescuntur, aliæ *corium*, aliæ *ex vestimentis fila*, *lacertas*, *carnem crudam*, *librorum cortices* devorant.

Insoliti hujus appetitus causa ex ipsius famis ratione deducitur; nam cum liquor, qui ex *sanguinis* massa, per arteriarum extremitates, in *stomachum* continuo illabitur, in illum, ciborum defectu, ut dictum est, vires suas convertit, nervorum ejus filamenta solito vehementius agitando. Si vero *humor* ille ejus sit temperamenti, ut vires suas in certos quosdam cibos exercere valeat potius quam in alios, ad eum modum

modum quo *aqua fortis* facilius metallum dissolvit quam ceram; singulari quadam ratione stomachi nervos afficit. Unde fit ut *anima* in hos potius quam alios cibos feratur, & vehementiori desiderio appetat quod alias respueret & averfaretur.

Articulus sextus.

De motu Cordis, è Sanguinis circulatione.

COr corpori exemptum diu Animantibus palpitat, & motum sensibilem præferat: Imo si in partes disseccetur, aut in minuta frusta dividatur, non statim motum suum amittit, sed aliquamdiu pulsât, præsertim in *piscibus*, quorum *Cor* diutius agitatur, quam Animalium terrestrium.

I.

Cur cor piscium à corpore avulsum & dissectum moveatur.

Quidam hunc motum ab animæ facultate proficisci existimant, cujus vim *Cor* à corpore ablatum intrinsecus servat, & aliquamdiu retinet, Verum, quo pacto humanum cor *pulsationem* suam ab *Anima* mutuari potest, cum illa indivisibilis sit, & partes à corpore sejunctas non attingat? Satiùs hunc motum *sanguini* intra cordis fibras contento acceptum referimus, qui in corde oculis etiam sæpe deprehenditur, vel intra ejus fibras delitescere supponendum est. Pauxillum enim sanguinis ex una cordis parte in aliam tantillo calidiorem illapsi, huic pulsationi efficiendæ sufficit. Imo quo minor est liquoris aliqujus copia, is eo facilius rarefcit & dilatatur. Nam sicuti quædam corporis nostri membra, eo facilius *motum* aliquem repetunt, quo frequentius

tius eam antea exercuerant: sic *eor* quoniam a primo suæ formationis momento, continua reciprocatione *diastoli* & *systoli* assuevit, minima vi ad hoc continuandum impelli potest. Unde quum nonnullæ sanguinis reliquæ in exemptis corpibus semper dilabantur, fit ut iis calore dilatatis, aliquamdiu pulsent, & vicissim intumescant, & deprimantur.

II.

*Arteria pulsus
fistitur immisso
in ea calamo
aut fistula.*

Si quis arteriæ *solidum* corpus aliquod intrudat, ut via sanguini occludatur, illico Arteriæ motus cessat: imo si incisæ arteriæ *fistula* argentea, aut *calamus* indatur, & arteria subinde vinculo super arteriam constringatur, idem plane effectus sequetur, quamvis illum sanguis permeet.

Prioris experimenti ratio evidens est, quia arteriarum pulsus à sanguine fit rarefacto per vires, in arterias defluente: dum nimirum sanguis arteriæ magnæ Cordi proximæ partem occupans, totum alium sanguinem in ea, ejusque ramis contentum protrudit, & concutit. Corpore autem crasso in arteriam detruso, sanguinis cursus impeditur, & illa sanguinis portio *aortam* ingrediens, alias in ea contentas partes trudere non valet. Quoad *secundum* experimentum distinctione opus est, ut rite explicetur; aut enim tubus arteriæ injectus, tantæ crassitiei est, ut totam arteriæ capacitatem oppleat, & ita internæ ejus superficiiei connectatur, ut in sanguine innatare non possit, & intus tam angustam cavitatem habeat, ut non nisi ægre à sanguine penetretur. Eo casu, constat *tubulum* etiam omni vinculo solutum, arteriæ motum sistarum. Aut intrusus in arteriam tubulus, ejus est cavi-

tatis

tatis ut liberum sanguini transitum præbeat, & tunc sive vinculo constringatur, sive non constringatur, nullo pacto arteriæ pulsationem impedit.

Venæ non pulsant, licet non minus quam *Arteriæ* sanguine oppleantur, & per varias *anastomoses* illis conjungantur.

III.

Cur venæ non pulsant sicut arteriæ.

Ratio est, quod venarum extremitates, per quas sanguis ingreditur, earum alveis, in quos defluit, angustiores sunt: Quo fit, ut ex angusto loco in latiore transeundo, magnam virum suarum partem amittat. Unde licet continuo affluxu *venas* implere possit, tumidasque reddere, non autem distinctis subsultibus agitare, qui ad sensibilem pulsationem efficiendam sufficient.

Si hominis *brachium* constringatur, adeo ut venæ omnes quæ eo tendunt, vinculi pressione, nullum amplius sanguini aditum præbeant, *brachium* illud brevi temporis spatio supra modum inflabitur; sed posthac paulatim detumescet, & si ligatura non solvatur, exsiccabitur, & arefcet.

IV.

Venæ ligatis brachium intumescit, & contrinuat ligatura exsiccatur.

Venis *ligatis* brachium intumescit, & præter solitum affurgit, quia *sanguis* ex arteriis in ipsas defluit, qui cum transitum non reperiatur, non potest non illas inflare, & earum molem augere. Paulatim autem minuitur hic tumor, flaccescuntque *venæ*, quia sanguis in venis ligatis stagnans, brevi tempore crassus efficitur, & nimis diu vinculo *venas* premente, non ramuli venarum modo obstruuntur, sed & ipsarum arteriarum meatus occluduntur, impediunturque ne amplius sanguinem in venas transmittant.

Unde *sero* sanguinis in iis contenti per insensibilem transpirationem elabente, necessum est, *brachium*, detumescere, exsiccari & arescere.

V.
Moribundi aliquandiu interdum vivunt sanguine non fluente.

Moribundi interdum citra omnem sanguinis circulationem aliquamdiu vivunt: Id *Anatomici* deprehendunt, dum cadaveribus dissectis venam cavam inanem, & omni sanguineo liquore destitutam sæpe inveniunt.

Id contingere potest per vasorum sanguini transmittendo inservientium contractionem. Nam licet sanguis *moribundi* in minoribus primum, & longe à Corde dissitis venis refrigeretur, calorisque detectu incrassetur, ac proinde solitus sanguinis motus ex arteriis in venas demigrantis listatur: potest tamen vena cava non nihil calidi & fluidi sanguinis continere, quem se contrahens *cordi* tanquam fomitem ministrat, ad eum modum, quo *Vesica* porcina aere distenta, ore ab ejus *urethra* amoto, spontanea contractione, aeris partem expellit, & foras agitat. Quippe non nisi moribundus, cessante sanguinis circuitu extinguitur, cum omnis vitalis fomes in vena cava contentus absumptus est, & omni propemodum sanguine *vena cava* eximitur.

VI.
Cur Chirugi brachium ligant in vena sectione.

Chirurgi ad *Phlebotomiam* instituendam, brachium mediocri cum *adstrictione*, supra locum in quo scissionem cogitant, ligant, quo venæ magis intumescant, & sanguis copiosius effluat.

Ratio apud eos luculenta est, qui sanguinis circulationem, per corpus humanum fieri admittunt. Quippe vinculum moderate adstrictum, obitare quidem potest, ne sanguis qui jam in brachio

brachio est, ad *Cor* per *venas* revertatur, non autem ne novus semper ex *arteriis* in *venas* *Cor*-dis motu trudatur & affluat. *Arteriæ* enim infra *venas* collocantur, & durior est ipsarum cutis, quam ut à levi arctione comprimi & deflecti queat. Accedit etiam quod sanguis è *Corde* proveniens majori cum impetu per *arterias* ad *manum* pergere nitatur, quàm inde ad *Cor* per *venas* regredi.

Quædam animalia corde abscisso adhuc moventur, ut lacertæ, anguillæ & similes. Vidi ipse ranam, quæ corde detracto, aliquamdiu subsistit, & non nisi post horæ quadrantem extincta est, sive moveri desit.

VII.

Quomodo quædam animalia corde extracto moveantur.

Ratio esse potest, quod motus in animalibus, ope *musculorum* fiat, sive subtiliorum earum sanguinis partium, quæ à corde ad cerebrum per magnam arteriam commeant: cum autem magna sit earum copia in cerebri *ventriculis* existat, factum est, ut *rana* aliquamdiu duraret, cum dubium non sit, quin novi etiam spiritus ex sanguine in *arteriis* contento effluerint. Capite autem truncato moveri omnino desit, quia nulli amplius spiritus ex *arteriis* in *musculos* migrare potuerunt. Unde si quæ animalium partes, capite exsecto adhuc moventur, id à solis spiritibus proficiscitur, qui in ipsis *musculis* adhærent; ut in abscissis lacertarum caudis cernitur.

Articulus septimus.

De Animantium actionibus.

I.
*ut Aiatchtlus
 ceruum decipit.*

Aiatchtlus five *Tatus* in Brasilia, cœlo plente supinus cubat, & in ventre inter laterum crustas aquam colligit; eoque in statu, imbre transacto, interdum per diem integrum perseverat: donec sitibundus *ceruus* incaute occurrat, qui ore admoto humorem hauriat; quem ubi haurientem Aiatchtlus sentit, se claudit, & duris laminis, quibus armatur, cervi labra & nares comprehendit, nec unquam prædam laxat, donec hinc & inde discurrentem, & spiritus angustia fatigatum interimat. Non minor in *vulpibus* nostris *astutia* deprehenditur, quæ mortuas se simulant, ut *gallinas anatesque* ad se alliciant, & omni semoto motu, imprudenter accedentes arripiant, & devorent.

Multi iudicium brutis Animantibus assignant, licet imperfectum, & ut eorum nomine utar, *umbratile*, quo actiones suas dirigunt, & cogitationis specie, quæ meditantur, efficiunt; ea ratione ducti, quod *lingua, auribus, oculis*, cæterisque sensuum *organis* prædita sunt: ac proinde probabile esse, illa sicut & nos sentire, quia vero in nostro sentiendi modo perceptio five cogitatio includitur, similem quoque iis assignari debere cogitationem. Verum, non satis ad *cogitationis* naturam animadvertisse videntur, dum illam brutis Animantibus tribuunt: quippe non illa corpori, sed soli menti propria est. Alioquin cætera animalia intellectu & voluntate dona-

donarentur, & non hominibus *aqualia* modo, sed & *superiora* asserere necessum esset; cum videamus illa solo intuitu objecta consequi, & id quod moliuntur, prima qua tentant vice, obtinere, quod vix sapientissimis inter homines conceditur, qui longo duntaxat discursu colligunt, quæ ipsa simplici apprehensione cognoscunt & assequuntur. *Affectus* quidem in *Brutis* agnosco, quibus ad sua agenda impelluntur, non autem *cogitationem*, & provenientes ex illa cogitandi modos. Unde *Aiatochlo* contingere potuit, ut lassatus & sub dio quiescens delapsam aquam in ventre post pluviam contineret, ad quam hauriendam *Cervus* accedens *Aiatochlum* evigilaverit, qui subito experrectus constrictis laminis, *Cervi* buccam comprehenderit, & prædam nactus sit, cujus casus postea memor, sollicitante fame, eo artificio usus fuerit, ad novam prædam comparandam. Quæ certe omnia sine ulla *rationis* ope aut consilio, sed sola partium corporis dispositione, & *organorum* ordinatione peragi possunt.

Canes amisso feræ vestigio consistunt, & si contingat plures semitas, exempli causa, tres occurrere, duabus *odoratæ* exploratis, tertiam absque ulla hæsitazione ingrediuntur, velut non amplius dubitabundi, sed certi *feram* illac iter suscepisse.

Hæc actio quæ aliquid rationis præse ferre videtur, solius corporei organi est opus. *Canes* enim dum summo ardore *feram* persequuntur, contingere potest, ut primam semitam leviter indagent, ac proinde illa neglecta, ad alias explorandas se conferant; sed nullum in ipsis be-

II.

An canes semitas eligendo discurrant.

stiz vestigiorum odorem percipientes, ad primam denuo, per quam fera elapsa est, revertuntur, in qua hausto odore, submota omni cunctatione, ductum ejus sequuntur, & feram vestigant.

III.

Quomodo Camelii saltandi modum addiscunt.

Cameli qui maxime musica delectantur, saltare docentur: visi sunt *Alcaici*, qui tripudia miscerent, & ordine servato, ad *tympani* sonum, interdum in orbem, interdum laxatis, disjunctisque corporibus moverentur.

Cameli hoc pacto instruebantur, cum adhuc juvenculi, tenerisque artubus essent: In hypocausto includebantur, cujus pavementum calorem imbiberat, mox *atrabata* aut *tympanum* præ foribus pulsabatur; bestię ob caloris molestiam alterum *pedem* exigebant, & motu continuo se agitare cogeantur. Sic continuato per multos menses hoc exercitio, ita assueti erant, & cum in publicum prodibant, liberoque *aeri* exponebantur, audito *tympani* sono, more solito pedes attollerent, & *saltationem* simili agitatione molirentur.

IV.

Unde oritur vocis diversitas in gallina.

Gallina cum pullos vocat, *erocitat*: cum pullos ad fugam ob milvum hortatur, *extendit vocem* in longum & extollit; cum capitur *clamat anxie*, repetitque quasi singultiens; cum ovum parit, *exultat*; cum pullos deducit voce *asperiore*, crassiore, atque rariore utitur, quam cum illos ad se vocat; cum cubat, *voce demissa*, & ab aliis dissimili utitur. Ut adnotavit *Cardanus* lib. 15. de *Varietat. cap. 82.*

Sonorum hæc diversitas quæ in gallina aliisve Animantibus, a variis eorum *affectionibus* sive passioni-

passionibus provenit, quæ illa agitant, & corporis dispositionem immutant. Nam cum vox per halitus emissionem ex ore, per *arteriam asperam* perficiatur, constat pro varia instrumentorum, quæ ad vocem formandam concurrunt, dispositione, peculiare voces oriri debere. Et cum pro diversis, quibus commoventur passionibus, organa diversam dispositionem fortiantur, inde fit, ut animantia differentes edant voces, & variis sonis suas molestias aut voluptatem testentur. Qui ad bestias ejusdem generis, aut etiam diversi delati, illas diversimode afficiunt, Sic *Cercopitheci* ejulatus, cæteros alios allicit & ad opem ipsi ferendam longe etiam distitos evocat. Sic *porcus* dum à *cane* impetitur, suo *grunnitu*, reliquos in locis proximis ad sui auxilium invitat. Ita *Gallina* diversis pipationibus varias suas passiones significat, pro varia organorum vocalium dispositione, quam dominatrix passio, in ipsius corde inducit. Adeo ut qui brutorum animantium interna penetraret, & reconditiores eorum affectus scrutaretur, posset sine ullo negotio, earum vocum causam detegere, & à quo cordis motu impellantur, manifestare.

Lepores ut insequentium canum odorem vim eludant, vestigia sua disturbant, fruticesque maxime vitant, ne *pili* iis affricati, odorem prætereuntibus *canibus* præbeant. Interdum ad sepes contendunt; alias se gregi *ovium* immiscunt, quatenus fortiori odore suo, is qui ex eorum corpore emanat, absorbeatur, & sensibilis amplius non fiat. Immo si nimium à *Canibus* premantur, multoties eandem viam remetiuntur,

V.

Quæ causa assuetudinis quam lepores ostendunt.

aut magno saltu in cavum seu cubile suum profiliunt.

Omnes illæ actiones, quæ à quibusdam leporum *astutiæ*, vel prudentiæ imputantur, non nisi unius passionis, *timoris* scilicet effectus sunt. Nam quod leporibus, dum insequuntur Canes, magis obvium esse potest, quam ea loca quærere, in quibus abscondantur, & eorum gratia, ab hostibus se incolumes servant? Cum *sylvæ* absunt, in quibus occultentur, objectæ *dame* aut *oves* eorum oculos feriunt, ad quas tanquam ad asylum feruntur; inter quas delitescunt, donec canum insequentium *latratu*, ad iter continuandum compellantur. Vel si prius quam ingruant Canes, fugam capeffant, eorum *pavori* adscribendum est, quo agitati cerebri spiritus, eos quiescere non sinunt: ut in *desessis* hominibus cernimus, qui statim quiescere non valent, sed aliquantulum ob commotos spiritus moveri coguntur. Quod forte causa est, quod *lepores* iteratis saltibus, huc & illuc profiliant, & cubile suum elato in aere corpore ingrediantur. Nec alia ratio reddi potest, cur fatigati lepores tot *flexus* agitent, & eadem vestigia læpius repetant, quam quod metu nimio concussi, disirahantur, & à cœpto itinere revocentur, ni canum in persequendo pertinacia ad cursum priorem tenendum adigant.

VI.

Quæ avium ars in nidis ædificandis & pullis educandis.

Aves miro artificio in fœtibus educandis polent; quippe statim à coitu *nidis* extruendis incumbunt, *muscum*, *paleas*, *festucas*, *plumas* congerunt, nidum in *orbem* compingunt, *ovis* emissis incubant, *pullos* excludunt, eos mira sollicitudine alunt, & *volatum* suum edocent.

Hæc

Hæc omnia absq; ratiocinio peragi possunt : manifestum enim est *Avibus*, statis temporibus, innatum esse congregari, ad quod vel anni *tempestate* vel *cibis*, quibus tunc vescuntur, impelluntur. Constat etiam ex coitu *ova* produci, quæ in foeminæ ventre conclusa, non possunt non gestanti, dum ad aliquam magnitudinem pervenerint, molesta esse, quo fit, ut se iis exonerandi cupientes, locum iis reponendis idoneum præparent, & rebus mollioribus, quibus tunc ob ovorum pondus maxime delectantur, instruant; non alio rationis ductu, quam *feles* & *canes*, quæ imminente partu locum catulis suis edendis commodum quærunt. Ovis sponte ex utero delapsis incubant, ob certum tunc temporis fibrarum plexum, quo ad hoc disponuntur; ut videmus in *gallinis* quæ certo anni tempore humi requiescunt, ac si ovis assiderent, quamvis illis nulla supponantur. Quod satis ostendit, illas ea tempestate aliqua corporis intemperie affici, quam *incubatus* levat & tollit. Ex quo patet hæc omnia non discursu aliquo aut cognitione fieri, sed spirituum motu, vel reliquarum corporis partium dispositione: Sicuti *Fontes* artificiales, *Horologia* & similia *Automata* humano artificio elaborata, quæ per solam suarum partium concinnitatem, admiranda quædam facere videntur.

Echeneis seu *Remora* navem retardat, & validis etiam ventis magnoq; remigum conatu propulsam sistit ac remoratur. Navem *Francisci Cardinalis Turonensis*, cum aliquando è *Gallia* maritimo itinere pergeret, ferunt, narrante *Petro Melata Bononiensi* in medio detentam cursu.

Tanta

VII.

Quid censendum de Remora qua naves in mari sistit.

Tanta Echeneidis vis, omnium quos legi. Philosophorum subtilitatem obtundit & remoratur; qui lubenter ingenii sui tenuitatem agnoscences, se tam stupendi effectus causam ignorare profitentur, & ultro ad *Asinorum* asylum, occultam nempe qualitatem recurrunt: Nec immerito, arduum enim est, rei alicujus quæ nunquam extitit virtutem nosse, & quomodo nondum *editum* animal mira operetur. Quippe si authorum scripta, qui Remoræ meminerunt, attente pervolvantur, luculenter apparebit, illius vim non ex propria sententia, sed aliena duntaxat fide asserere. Unde *Aristoteles secundus Historiar.* postquam Echeneidis naturam ac effectus recensuit, subjungit, *ut aliqui volunt.* Plinius *lib. 9.* *Hoc carinis adherente, naves tardius ire creduntur.* Plutarchus *lib. 2.* *Quæst. conviv. Erant tunc qui Chereimonianum riderent, tanquam commentum fabulosum.* Et multi alii quos hic recensere nimis longum esset, qui hunc pisciculum ut mere fabulosum & à fide alienum esse existimant.

At constitere naves & ulterius pergere subito prohibitæ sunt: Esto. An propterea id pisciculus *expes* secundum Aristotelem; *murex* & *limaci* similis secundum alios, & vix *cubiti* longitudine effecit? Quidni potius ad maris æstum extemporaneum recurrunt, qualem in freto *Siculo* multi experti sunt, cujus occursum naves plenis etiam velis investæ retardantur, aut etiam omnino immotæ detinentur? Quis nautarum ignorat vehementissimos flatus è maris fundo nonnunquam erumpere, & aquam summa vi contra carinas propellere? Annon hæc retardandis aut sistendis navigiis sufficiunt absq; exiguæ

quæ molis pisciculi opera? Imo certè, & quæ solum ut causas immobilitatis navium agnosco. Præterea, si tantum remora præstare potest, quidni idem in navi recepta efficit, dum sæpe gubernaculo adhærentem exceperet nautæ, & in navim secum detulere? Unde non absq; causa *Caius Imperator* ab *Astura* *Antium* remigans, admiratus est, quomodo *Echeneis*, qui ejus quinquere mi adhæsisse ferebatur, in navigium delatus, non item polleret, & vim suam non transfunderet.

Bruta Animantia *Ventos, Serenitatem, Pluviam, &c.* protendunt; *Echini* sese affigentes tempestatis signa sunt; *Halcyones* nidulantes futuram tranquillitatem loquuntur. Imo *aves* nostræ domesticæ, ut *anates, anseres, galli, &c.* non dubiam fidem imminenti mutationis coeli faciunt.

VIII.

Ut bruta animantia tempestates, pluvias &c. indicant.

Hoc habent Animantia à perfectæ organorum suorum dispositione: Nam cum in aere quædam sint earum mutationum præludia, Animantia ob sensuum quibus pollent, vivacitatem, facilius illas quam *Homines* præsentiant, quorum imaginationes objectorum varietate distrahuntur, & sensus obtusiores habent. Nonnisi tamen improprie Animantia prædicere dicuntur, nili quis velit *tubercula* in pedum digitis eminentia, & *luxatos* olim artus præscientia, & rerum futurarum cognitione præditos esse.

Articulus octavus.

De Animalium Aversione & Concordia.

I.
An basiliscus
hominem visu
enecat.

Basiliscus ea est veneni acuitate, ut serpentem quantumlibet magnum immisso spiritu suffocet: Imo si Historicis habenda fides est, ejus cavernis admotum hominem si aspiciat, solo intuitu perimit. Hinc Mantuanus,

*Natus in ardenti Libyæ basiliscus arena,
Vulnerat aspectu luminibusq; necat.*

Haud mihi facile persuadere queo basiliscum solis oculis posse tantam homini perniciem adferre. Nam unde tam funesta visui malignitas? Quavi ejeti ex oculis radii, ut totum hominis corpus trajiciant, & vitam etiam distanti extinguant? Crediderim potius, si verum est quod de basilisco jactatur, non tam spiritibus ex oculis emissis, quam protuso ex ore halitu exitiosum esse. Cum constet eum frutices necare, frangere saxa & herbas non contactas modo, sed & afflatas duntaxat exurere. Hinc ejus venenum reliqua serpentium genera fugiunt, & illum ut communem pestem averfantur. Unde Lucanus lib. 9.

*Sibilaq; effundens cunctas terrentia pestes,
Ante venena nocens, late sibi submovet omne
Vulgus, & in vacua regnat basiliscus arena.*

Tam

Tam noxius igitur halitus ore efflatus ad hominem, cum casu aspicientem perveniens, sua subtilitate & violentia, totam ejus *substantiam* pervadit, & *fibrarum* plexum invertendo, ita affligere potest, ut minus ad vitæ muniaabilem efficiat.

Tanta est inter *Gallum* & *Leonem* antipathia, ut ille crocitante suo sonitu, alarumq; plausu huic formidinem terroremq; incutiat. *Elephas* suis grunntu pavet, & quamvis ferarum fortissimus, ita eo strepitu concutitur, ut omnibus pene artubus contremiscat.

II.
Leo gallum horret & elephas suis grunntum non tolerat.

Talis aversio in utroq; hoc animante oritur ex organorum contextura, quæ talis est, ut galli cantus & suis grunntus ad ipsa delati cum quadam vellicatione penetrent, & cum aliquo acore discerpant: quo fit, ut hujusmodi strepitus eorum auribus excepti, illos cerebri poros aperiant, non in musculos duntaxat, membris movendis idoneos, sed etiam in illas cordis fibras, quæ timori excitando inserviunt. Manifestum est enim multos *sonos* nobis ingratos esse, & ad varias passiones excitandas nos commovere. Quis non experitur se ad *ferre*, aut rerum aliarum *stridorem* exhorrescere, & omnem dissonantiam averfari? pavet igitur *Leo* ad *Galli* cantum, & *Elephantus* ad *suis* grunntum terretur, quoniam ita sunt disposita eorum organa, ut iis offendantur, & sine læsione penetrari non queant.

Camelus equum odio prosequitur, nec unquam absque rixis & pugna cohabitare queant. *Mustela* *bufonem* exhorret, nec nisi reluctans & invita

III.
Camelus equum mus fectem, &c. averfatur.

invita ad illum accedit. *Mus felem* fugit, & ut hostem evitat. *Attagines Cervis* insidiantur, qui eorum tergis insidentes, pilos vellicant, & carnem rostro impetunt &c.

Peripatetici nudo nomine *antipathia* has omnes inimicitias explicant, difficultati se satisfecisse existimantes, si dicant naturale quoddam odium inter animalia intercedere, quo se fugiunt & averfantur. Verum, quis illud ignorat, an hoc responso doctiores fimus? non an dissentiant animantia quaeritur, sed quo pacto, & in quibus motibus illa discordia consistat. Certe alio modo fieri non potest, quam à passione aliqua in cerebrum per sensus externos nervorum ope traducta. Ea enim est in animalibus cerebri dispositio, fibrarumque plexus, ut à tali specie exterius proveniente talis affectio oriatur. Non alia ratione quam calor quædam corpora indurat, alia autem emollit & liquat. Odor igitur *Cameli*, adeo *equi* cerebrum perturbat, ut penitus ad certamen ineptus reddatur. *Equi* halitus tantum in *Elephantem* potest, ut eum in rabiem agat, & furore percellat. Qui certe effectus, non in aliud quam in talem organorum dispositionem, talemque fibrarum plexum refundi potest. Eo modo quo sanguinis color *Elephantem* & *taurum* exasperat: *Pantheræ* odor *simias* attrahit, & leoni timor viso gallo incutitur.

IV.

An sanguis ad
intersectoris
præsentiam de-
currat.

Sanguis ex vulnere exprimitur, tametsi obligatum obductumque sit, si ille qui facinus admisit ex adverso constituatur. Unde *jurisperiti* in quibusdam regionibus, semi probationis locum habere dicunt, si interfecti hominis cadaver, sanguinem emittat.

Lem-

Lemnius libr. 2. de occultis naturæ miraculis, Causam hujus effectus in imaginationem rejicit. *Tanta, inquit, ac tam valida latentis naturæ vis, atque imaginatio, modo aliquid vitæ superfit, aut corpus mortuum incalescat, ut sanguis ebullire, accensaque bile effervere incipiat.* Alii ad Antipathiam inter cadaver & homicidam recurrunt, quasi adhuc quædam spirituum colluctatio restet, ei similis, quæ necis tempore horrorem incussit. Sed illa apud me parum ponderis habent, qui rem dubiam esse existimo, imo si fas est tot hujus casus assertoribus contradicere, omnino falsam. Cum ipse cruorem ex occisi naribus & ore effluere post tertium aut quartum diem aspexerim, sicario absente, imo defuncto. Deinde nemo adhuc visus est, qui rei veritatem ausus fuerit juramento attestari, sed sola referentium fide, vel scriptorum autoritate innixi.

At interdum contingit, ut ad homicidæ conspectum, cruentum cadaver fiat, non repugno: Igitur quoniam intersector adest, aut adesse suspicio est? Cur non potius naturalibus causis id adscribunt; quod factu facile est, si quæ circa cadavera passim contingunt, examinent? Corpus in conclave deferitur, quo multi spectaturi confluunt, aer tot hominum halitu incalescit, & sanguis jam frigidus tepido illo calore excitari potest, & tantillum è naribus aut ore erumpere. Unde colligi potest, quam iniquus testis sit ille sanguis, quamque leves sint illæ conjecturæ, quæ à iudicibus sumuntur ad intersectoris præsentiam; nisi cum Platone occisorum animos, illos persequi velint, à quibus luce orbi sunt.

Omnibus umbra locis adero, dabis improbe penas
Virgil. 4: Eneid.

V. Bestiæ sibi similium interfectores averfantur, & eos suo modo persequuntur. Miratus sum ipse cum nuper ruri versarer, unius pagi *porcos*, *scrofas*, imo & ipsos etiam *porcellos*, viro prætercunte grunnire, & omnes velut invasuros in eum obtutum vertere. Tantæ novitatis causam sciscitanti, à muliere responsum est, virum *lanionem*, qui eo die quosdam porcos in eodem pago mactarat.

Causa istius averfionis in *suius* esse potuit, quod interfectorum porcorum odor, aut aliquid sanguinis viri vestimentis adhæserit, qui jam corruptus, & à naturali temperie degenerans, sensum illorum offendebat, & quendam in ipsis horrorem creabat. Ambigi enim non potest, quin naturalis *temperamenti* depravatio, ingratham impressionem animantibus, præsertim ejusdem speciei reddat, efficiatque, ut illa animantia ea magis lædantur, quam si ab aliis diversæ speciei efflueret & derivaretur.

Articulus nonus.

De Somno & Vigilia.

I. Infantes & pueri somno facile capiuntur, & eo correpti diu dormiunt, nec facile expergiscuntur.

Cur infantes
multum sint so-
mno dediti.

Pueri enim multo *humore* perfunduntur, cujus crassitie pori plexus *choroides*, aut arteriarum

caro-

carotidum obducuntur, & nullam amplius spiritibus animalibus viam præbent. Quemadmodum enim videmus navium *vela* nonnunquam corrugari, eo quod ventus placidius spiraret, nec satis illis expandendis sufficiat: Ita ubi non tanta est animalium *spirituum* à corde proficiscentium copia, ut *cerebri* medullam impleant, omnesque ejus meatus apertos teneant, necessum est *Somnum* oriri. Cum autem in pueris ac infantibus magna humorum vis exundet, eorum ad cerebrum appulsu, spirituum animalium motus minuitur, & cerebri pori facile obstruuntur.

Papaver, *Crocus*, *Mandragora*, & similia, *narcotica* virtute pollent, & stuporem sumentibus inferunt.

II.

Papaver, crocus &c somnum conciliant.

Causa videtur esse, quod hujusmodi plantæ multo *uliginoso* humore abundant, quo oppleti choroidis plexus *pore*, spiritus à corde venientes ad cerebrum transmittere nequeunt. Nam sicuti quædam plantæ *lienem*, aliæ *hepar* obstruunt, impediuntque ne munere solito perfungantur. Ita *Papaver*, *Mandragora*, *Crocus* &c. sentientem plexum obducendi vim habent, efficiendique ut pauciores spiritus à corde, ad cerebrum mittantur. Somnifera enim sive extrinsecus applicentur, sive intra sumantur, humectationem quandam per Corpus spargunt, refrigerationemque inducunt, quibus spirituum copia minuitur, vel eorum motus retardatur. Pari ratione qui *rhumate*, aut *catharro* laborant, facile in somnum incidunt, & quodam marcere premuntur, ob humoris copiam quæ nervorum *capita* occupat, & eorum meatus obstruit.

III.

*Lethargia ut
Hominem in
somnia indu-
cit.*

Quidam morbi, ut *Lethargia* & alii gravedinem conciliant, & demum stuporem pariunt.

Quia materia morbifica, quæ apud medicos frigida *pituita* esse existimatur, multum humoris suppeditat, qui in cerebrum delatus, nimium illud madefacit, & ejus ventriculos præsertim posteriores occupat: Unde fit, ut talis somnus non modo sensuum exteriorum ligamen sit, & vinculum, sed & omnium rerum oblivio. Quo circa qui *peste* corripiuntur, cum somnolenti sint, si se somno & *quieti* dedant, citius inficiuntur, ac segnius natura contagioni resistit: Et homines si in *venenatis* potionibus, somno opprimantur, gravius affliguntur, & virus promptius vitalia corripit; quoniam nimius vapor, naturales facultates opprimit, & inertes, atque ad expugnandum malum inhabiles reddit.

IV.

*Cur gallus circa
noctem me-
diam experge-
sat.*

Gallus media nocte expergescit, & somnum circa id tempus constanter abrumpit. Unde Mantuanus

Jam cecinit mediam volucris Titania noctem.

Cicero secundo libro de *Divinat.* arbitratur *Democritum* optimis verbis causam explicuisse, cur ante lucem Galli canant: Depulso enim de pectore, & in omne corpus diviso, & mitificato cibo, cantus edere, quiete satiatos, qui quidem silentio noctis, ut ait Ennius, *favent faucibus rursus cantu, plausuque premunt alas.* Verum non, satisfacere videtur *Democritus*, quoniam si à somno post mediam noctem, ob cibum digestum, Gallus cessaret, sequeretur quod postmodum non amplius quieti indulgeret, quod experientia

perientiæ aduersatur. Preterea in *meridie* satur canit, necnon a *coitu*. Dicitur potest melius, quod Sol noctis meridianum prætergressus, & ad auroram jam declinans, gelidam noctis auram antea immotam agitat & propellit, cujus frigido appulsu expergefactus *Gallus*, alis perstrepat, & cantum edit. Vel quidni ipsi Gallo certa dormitionis tempora, sicut & cæteris animantibus concedatur, ad quæ motu sibi innato evigiletur, & spiritibus concitatis in cantum prorumpat, & vigiliam sua crocitante voce testetur.

Statim à prandio aut cæna facile somnus conciliatur: Hinc plurimorum post cibum contracta dormiendi *consuetudo*, ad quam natura invitatur, & cui nisi ægre obluantur.

V.

Unde post cibum in somnum proclives sumus.

Causa hujus propensionis, ex ipsa ciborum concoctione petenda est: cum enim tunc temporis spiritus in ventriculum, ad ciborum *concoctionem* evocentur, necessum est, cerebrum spirituum jactura eo tempore refrigerari, & quandam soporem contrahere, adeo ut qui remanent, ad nervorum meatus apertos retinendos non sufficiant, aut impediendum ne sponte laxentur, & inter se complicantur. Hinc experimur externas corporis nostri partes, post cibum sumptum refrigerari, *caput* tantillum demitti, *palpebras* cadere, ni serio rei alicui incumbamus, & spiritibus animalibus utamur.

Difficilius somnus abrumpitur in luce, quam in tenebris. Id enim *verno*, aut *æstivo* tempore experimur, in quo Solis lumine cubiculi fenestras pervadente, segnius, majorique cum diffi-

VI.

Qui fit ut difficilins in luce quam in tenebris expergis-
camur.

cultate expergiscimur, quam *hyeme*, dum Sol à nobis abest, & caligine undique circumcingimur.

Non illud à lumine tanquam à causa effectrice provenit, quasi lumen conciliandi somnum vim habeat; sed ex accidenti duntaxat, in quantum imbecilles jam oculi, & subito fulgore percussi, connivere & obduci denuo coguntur. Cum enim tunc *palpebras* aperimus, lumen instat, feritque oculos, qui in assueti radios remittendi, eorum percussu offenduntur, & contractis iterum palpebris, occasionem dant in somnum relabendi.

VII.

Qui incommode decumbunt, facile excitantur.

Qui incommode decumbunt, & sine *lodicum* plicis, *cubilis* duritie, vel etiam *vesicae* levandæ desiderio molestantur, sæpe evigilant, somnumque interrumpunt.

Ratio est, quod animales spiritus, qui tempore somni fiunt, & continuo per *Cor* sanguinis motu generantur, possint in tanta copia tandem convenire, ut nervorum orificia referandi vim habentes, illos eo modo complent, quo necessarium est, ad illorum filamenta extricanda, & dandam animæ occasionem, ea objecta percipiendi, quæ corpus infestant. Quodcumque enim gravamen sensum aliquem ac motum supponit, qui somno inimicus est, illumque impedit.

Articulus decimus.

De Morbis Animalium.

Nulla sunt Animalia morbis penitus exempta : Sed pro varia eorum temperie , diversis corporis malis affliguntur. Quædam artuum tremore laborant : Aliorum fauces Angina stringuntur : nonnullis jecur vel pulmones intumescunt.

I.
Quæ causa
morborum in animalibus.

Causa in promptu est ; quod Sanitas quædam corporis dispositio est, qua suis muniis perfungeadis idoneum redditur : Unde si contingat partium temperamenta alterari, aut ejus organa intercipi, necessum est, eo ordine inverso, Animal egrotare, & à primævo statu delabi. Sic artuum tremor, à nervorum debilitate, aut prava affectione oritur, quam forte transacta convulsio post se relinquit ; vel frigidus humor, per occultos meatus irrepit, & ad hunc motum sollicitat, & adigit. Sic Angina quorundam fauces perstringit, ut vix respirare, nedum quicquam deglutire valeant, quoniam inflammatio, aut malignus humor, ita nervos occupat, ut motui pene inhabiles reddantur, & faucibus aperientis, vix sufficiant. Sic jecoris intumescencia iis provenit, quibus ventriculus à quibusdam humoribus oblituitur, nam cum per jecur sanguis percoletur, contingere potest, ut ille qui à liene per vas splenicum traducitur, aut à Mesenterio defluit, corruptus sit, porosque quos transiturus est, obducatur, & viam sequenti occludat. Pari modo de cæteris morbis, qui animalibus contingunt,

gunt, differendum est, qui semper eorum actiones pervertunt, & facultatibus impedimento sunt, ne vitæ munera libere exequantur.

II.

*Origo morbi
gallici.*

Morbus quem passim *Gallicum* vocant, in Neapolitana obsidione initium accepit, cum antea ignotus esset, & non nisi Indis, & Canibalis familiaris,

Causam tam foedæ ac diræ luis, *Galli* in quosdam mercatores referunt, qui ex Mauritania, mercibus vendendis ad obsidionem appulsi, carnem hominum nuper interfectorum sale conditam, loco *Ibunnorum*, seu porcorum marinarum pretio commutabant. Quo cibo milites pasti, morbum illum contraxere, qui postea contagione irrepsit, & mulieres quibus cum congregiebantur, infecit. Nec Gallorum ratio à vero dissentit, quum manifestum sit *Canibalos*, qui carne humana vescuntur, hoc morbo maxime affligi, atque etiam *Indos*, cum primum detecti sunt, venerea lue infectos esse. Quod caro humana foedos & graves vapores generet, quibus appetitum caput vitatur, & cerebri fibrarum plexus corrumpitur.

III.

*Unde quidam
morbi nunc
mitiores sunt
quam superioribus
annis.*

Elephantiasis seu *lepra* vulgaris, tum is qui *Stomacacce* & *Scelotyrpe* dicitur, nunc mitiores sunt, quam annis superioribus, quibus homines mirum in modum cruciabantur, & intolerandos dolores sentiebant.

Causa est, quod aut sumptis medicamentis mitigata sit mali sævitia: vel natura iis malis assueta *callum* obdlexerit, & leviora videantur, quæ diu tolerata sunt. Ita nonnulli observantur in vegeta ac florenti ætate, oppido excarnificari, qui minus propecta ac declinante minus torquen-

torquentur. Cujus ratio esse potest, quod ardor ebullitioque minuatur; vel *natura* diuturno malo assueta, tanquam familiari ac domestico obluſtari definat, aut etiam corruptis humoribus nutriatur, aut illis haud lædatur. Sicut enim viles illi *Homines*, qui *latrinas* evacuant, aut *cloacas* proluunt, tetrum odorem non percipiunt, ita lue *Venerea*, exempli causa, correpti, tanquam sensum amiserint, non amplius corporis vitia, non naturæ detrimenta percipiunt. Quod natura & morbus inter se consentiant, & unius *humores*, cum alterius *humoribus* commisceantur.

Quædam febres à frigore incipiunt, quo non extremæ membrorum partes duntaxat frigescent, sed & quodam horrore totum corpus contremiscit & concutitur.

Hujus causa est, quod febres à quodam humore manant in *mesenterium*, aut aliam corporis partem, delapso, qui per *venas* fluens, seque eo pacto sanguini admiscens, ad *Cor* demum cum eo deferitur, ubi obſtet quominus sanguis, prout suevit, illic caleſcat & dilatetur, atque eum calorem, quem à *Corde* mutuatur, ad cæteras corporis partes deferat; ex quo necessum & quendam tremorem oriri, & febricitantes membrorum succussu corripit. Quod nunquam nisi in initio *paroxyſmi* contingit. Nam quemadmodum *lignum viride* recens injectum, ignem extinguit, aut ejus ardori obluſtatur, ſemel vero accensum, acriorem flammam emittit, quam aliud lignum: Sic postquam vitiatus ille humor fuerit aliquamdiu sanguini permixtus, demum caleſcit, & magisquam ipſe *sanguis* in corde di-

IV.

Cur febres
nonnullæ à frigore incipiunt.

latatur, quod quidem *paroxysmi* æstum facit, qui durat quoad corrupta illa materia tota exhalata fuerit, aut ad naturalem sanguinis constitutionem redacta.

V.

Unde oritur fe-
brium diversi-
tas quæ homi-
nem affligunt.

Febres quæ tantopere Homini familiares sunt non eodem semper modo corpus ejus affligunt. Quædam enim *indefinenter* fervescunt: Aliæ *intermittuntur*, & inducias præbent: nonnullæ *cunctantius* tardiusque invadunt: Alteræ *anticipant*, & præter insolitum invalescunt.

Tota harum omnium febrium differentia, à morbifica materia oritur, quæ febris *paroxysmum* accendit. Nam licet illa in priori paroxysmo tota expurgata fuerit, quidam tamen *fomes*, seu perversa dispositio eo in loco remanet, in quo humor primum vitatus est, quo fit, ut is qui eo de novo tendit, illic coaguletur, & denuo corrumpatur, qui post certum aliquod tempus maturefcens, adinstar prioris versus cor defluit, & eadem *symptomata* procreat. Unde si humor morbificus qui in eundem locum succedit, in quo prior corruptus fuerat, trium dierum maturatione indigeat, priusquam sanguini immisceatur, febrem *quartanam* efficit: si duobus duntaxat illi opus est, *Tertianam*; ubi autem materia illa continuo appulsu cor subit, & illud indefinenter vellicat, *continuum* procreat. Demum si sanguis ita vitatus est, ut intra tempus, illud quo ultima depravati humoris gutta effluxit, & illud quo prima coaliti recens humoris gutta fluere coeperit, purificari nequeat, novum *incrementum* febris accipit, & ardentius inflammatur.

Qui febre laborant, aut calore insolito stimulantur, sensim extenuantur, & macilenti evadunt.

VI.

*Cur macilenti
sunt qui ag-
rant.*

Ratio est, quod *sanguinis* particulæ, quæ corpori alendo inserviunt, & in membris ad quæ accedunt, subsistere debent, celerius agitentur, quam ut in iis immorari possint, & nutrimentum præstare, sed membra illa sub sudoris specie pertranseunt, aut per insensibilem transpirationem trajiciuntur. Unde corpus exhauriri necessum est, & alimenti defectu extenuari: pari modo quo stirpes exsiccantur, viroremque omnem amittunt, dum nimio solis æstu, succus ad earum nutritionem deputatus, intra earum poros nimium celeriter percolatur, & nulla facta ibi mora elabitur & defluit.

Morbos acutos frequenter deliria comitantur, quibus ægroti maxime discruciantur, & in varias ac molestas cogitationes distrahuntur.

VII.

*Unde nascuntur
deliria in mor-
bis acutis.*

Id ex eo contingit, quod animales spiritus qui fortuito, citraque aliquam determinationem in cerebro divagantur, motibus propriis feruntur, ad quosdam ejus *poros* aperiendos, eo modo quo antea ad objectorum præsentiam aperti sunt. Quo fit, ut objecta illa sub iisdem imaginibus percipiantur, ac si revera adessent, & ita *animam* in cerebro residentem afficiant, ac si eorum speciebus feriretur,

HISTORIÆ NATURALIS PARS NONA.

De Homine.

Articulus primus.

De Sensu Tactus.

I.

*De muliere
quæ quærebatur
se in abscisso
crure adhuc
dolores sentire.*



Uidam nobili in *Delphinatu* fœminæ amputatum est crurum alterum, quod gangrena invaserat; sed ita solerter, tantaque industria, ut cruris amissio ne quidem illi in suspicionem venerit, fallente eam crure ligneo, quod pannis involutum *Chirurgi* apposuerant. Diu tamen post abscissionem conquerebatur, se puncturis & acerbis cruciatibus affligi, non in crure modo, sed & in ipsis digitorum extremitatibus. Nec ab illo quæstu desit, etiam postquam ipsi res detecta est, asserens se dolores adhuc in *crure* sentire.

Causa alia esse nequit, quam quod talis est corporis nostri constitutio ut nulla ejus pars ab alia parte aliquantum remota agitari queat, quin pari

pari ratione ab intermediis moveri possit, quamvis remotior nihil ad motum prorsus conferat. Qui enim funis A B C D ultimam partem D trahit, eodem modo prima pars A movebitur, quam moveri posset, si ab una ex intermediis B vel C traheretur, ultima parte D remanente immota. Ita cum nobilis mulier, *cruris pedisque* articulorum dolorem sentiret, id contingebat, quod nervi qui prius ex cerebro ad pedem descendebant, tuncque in femore juxta genu terminabantur, ibi eodem modo moverentur, ac prius moveri debuissent in pede, ad sensum hujus vel illius digiti dolentis, animæ in cerebro residenti imprimendum.

Dum quis ex improvise, & mente ad alia distractus, contingitur, statim contremiscit, & quodam horrore subito corripitur.

II.

Cur quis ex improvise tactus, horrescit.

Causa videtur esse, quod repentino illo ictu, sibi malum aliquod inferri apprehendens, illud refugit, & in sese contrahere nititur. Tunc enim spiritus animales repente concitantur, & in majori copia ad cerebrum tendunt, quam ut inde ordine in musculos deduci possint. Quod enim ad animam per *sensus* venit, eam magis afficit, quam quod illi à *ratione* repræsentatur, licet ut plurimum minus veritatis habeat. Unde quia in opinato illo contactu levis fit in corpore impressio, & malum quod sibi imminere apprehenderat, minus esse cognoscit, illico ad se redit, & omnem horrorem, post exiguum tempus, deponit.

III.

Titillatio, in pedum *plantis* maxime excitatur, quæ patientem quadam lætitia afficit, & gratia pruritu delectat.

Cur Titillatio maxime in plantis pedum excitatur.

Gignitur titillatio dum nervi in universi corporis *cutem* desinentes, solito vehementius agitantur: sed ita tamen, ut nulla inde læsio sequatur, sive cum filamenta quæ a cerebro ad cæteras remotiores corporis partes deferuntur, pari impetu trahuntur, sic ut nec rumpantur, nec à membris, quibus adhærent, separantur. Qui pruritus in pedum plantis potissimum percipitur, ob cutis tensionem, quæ levi contactu impellitur, & motum ad nervos sensuum organa transmittit. Vel etiam ob insolentiam, qua spirituum agitatio promovetur, & ipsis vis nova accedit. Sic *penna* aut *juncus* labia aut malas leviter percurrentes, titillationem excitat, ob cutis tenuitatem, & rarum in illis partibus contactum. Quippe si res illis durior apponatur, aut frequentius urgeantur, *Tiillationem* non admittunt, aut insolito modo concutiuntur. Lætitia vero ex Titillatione sequitur, quod objecta motum aliquem in nervis excitant, qui ipsis nocere posset, nisi satis virium haberent ad resistendum illi, aut nisi corpus bene dispositum esset, quod in cerebro efficit impressionem, quæ cum à natura instituta sit ad contestandam hanc bonam dispositionem ac robur, eam Animæ exhibet ut bonum quod ad ipsam spectat, quatenus cum corpore conjuncta est.

IV.

Homo tactu cætera animalia superat.

Inter omnia Animalia Homo *sentiendi* facultate præcellit, & primas rerum qualitates, aliasque ad tactum in genere spectantes qualitates, ut *Humiditatem*, *siccitatem*, *duritiem*, & *gravitatem*, & similes distinctius percipit.

Eam prærogativam *Araneæ* passim tribuunt, quæ uti *Aper* auditu, gustu *Simia*, *Vultur* odoratu

ratu nos præcedunt, ita sentiendi facultate vegetiore pollere creditur. Sed non nisi Tactus vigor *Araneæ* assignatur, ob sensum motus, dum in telæ medio residens, *muscam* in remotissima etiam parte imegisse sentit. Quod certe mirum videri non debet, cum lineæ æquales sunt, quæ à centro deducuntur. Unde in *medio*, insidiis inhærens, & filorum extremitates pedibus tenens, facile quæ circa illam geruntur, deprehendit. Homo vero sentiendi prærogativa eminet, ob insignem *cutis* temperiem, subtilemque fibrarum plexum, quibus cætera animalia antecedit. Exquisita ejus tangendi vis in *vola* manus, extremisque *digitis* potissimum dignoscitur, quoniam in illis partibus, nervorum filamenta exilia sunt, & facili negotio commoventur. Unde fit, ut naturæ instinctu, dum aliquid tactu explorare aggredimur, manum admoveamus & digitorum extremitatibus utimur.

Si diu hyberno præsertim tempore sedeamus, *formicationem* in pedibus sentimus, adeo interdum molestatam, ut vix terram absq; sensibili dolore contingere queamus, veluti *spinis* pes pungeretur, & innumeri *aculei* omnes ejus partes percurrerent.

Oritur hic formicans pruritus ab *humore* frigido, qui intra nervos illapsus eorum orificia obstruit, & nova pressione illos constringit & afficit. Quo fit, ut admota *pedit* manus non sentiatur, & pars illa perinde se habeat, ac pondus aliud extrinsecus appensum; quo fit ut non cesset, nisi accedente exterius calore, qui humorem dilatet, & nervorum poros de novo aperiat.

V.
Unde provenit
formicatio in
pedibus.

Articulus secundus.

De Gustu.

I.
Cur idem ci-
bus non semper
nobis gratus
est.

Non semper idem cibus placet; qui enim je-
juno acceptus est, depasto ingratus reddi-
tur, & potus qui sitibundos delectat, ebriis fa-
stidium facit.

Ratio est quod res sapida affectionem in orga-
no gustatorio imprimit pro contexturæ ac dis-
positionis ratione, qua imbuitur. Sic lingua
exucca, & quæ nimium arefcit, nihil esculenti
percipit; & è contra, quæ nimio humore tur-
get, ejusque pori liquidisque corporibus opplentur,
nullo *sapore* moveri potest. Cum igitur
diversa sit linguæ jejuni ac saturi dispositio, fit
ut idem cibus, aut etiam idem potus non eodem
modo in ejus rimis & exiguis poris excipiat,ur,
ac proinde variam in illa affectionem inducit.
Vel illud oriri potest ex temperamenti mutati-
one, dum saliva ex stomacho profecta, *qualita-
tibus* humoris, quo stomachus repletur, se cibo-
rum particulis immiscet, quæ ori insunt, & ea-
rum actionem promovet.

II.
Laborantes
Ictero omnia
amara gustare
se putant.

Qui *Ictero* laborant, cibos quos gustant,
amaros esse arbitrantur, & noxia ipsis qualitate
imbutos.

Hic error à flava *bile*, quæ per linguam dis-
funditur, provenit. Talis enim humor salivæ
admixtus, cibos inficit, & *gustus* instrumentum
sua amaritudine imbuit & depravat. Quare hu-
jusmodi homines falluntur, non circa affectio-
nem

nem impressam, quia revera amarum gustant, organumque male afficitur, sed circa illius causam, quod saporem illum cibo acceptum referant, qui tamen soli humori est assignandus. Nonnulli enim sine *nullo cibo* quempiam saporem gustare sibi videntur, quoniam illapsus humor linguam vel fauces vitiat, & eorum temperamentum corrumpit. Idem in *Tactu* contingit, dum quis caloris vim sentire se judicat, ignemque corpori suo applicari, cum interim ignis ab illius corpore absit, & solum defluens humor, vel partium tensio, aut etiam *tumor*, eam affectionem imprimat, quam flamma doloris instrumentum imprimeret.

Lingua morbum maxime prodit, & qua premimur infirmitate, signa exhibet. Hinc *medicis* in more linguam, ut exerant, ab ægrotis postulare. III.
Quomodo lingua morbum detegit.

Ratio est quod lingua partium corporis tenerima est, & facile subigitur. Cum enim spongiosæ sit naturæ, multoque sanguine irrigetur, statim vi morbi corripitur, aut sanguinis *vicio* inficitur, à quibus male affecta, mirum non est, si corporis alterationes exhibeat, & quibus urgeatur infirmitatibus, detegat. Hinc *rubet*, hinc *flavescit*, & cum plexus ejus singularis sit, singulari quoque affectioni est obnoxia.

Qui frustum *panis* in jentaculum cum *vini* haustu sumunt, *spinas* quodammodo in intimo linguae recessu sentire videntur. IV.
Panis mane admodum spinarum linguam vellicat.

Quoniam farina ex qua fit panis, cum fermento & *sale*, ut plurimum subigitur, quorum alterum aliquid acuminis impertit: implexæ enim

enim partes aciores efficiuntur, quam quæ solutæ sunt, & minori nexu sibi adhærent. Hinc panis recens magis placet, sitque gustus organo gravior, quia minus intertextæ ejus particulæ, à saliva melius subiguntur, & lenius intimum palati tractum movent & afficiunt.

IV.

*Quare qui
cibos non sapi-
unt, eos olfa-
cere non viden-
tur.*

Qui Sapores percipiendi facultate carent, olfactu quoque destitui videntur.

Hujus consequentiæ causa à corpusculis pendet, quæ utrique sensui famulantur. Quippe illa eadem sunt, & non nisi secundum variam expansionem discrepant. *Odoris* enim sensus à particulis halituum in aere volantibus proficitur, quæ aeri, quem inspiramus, admixtæ, ad nares advehuntur. Particulæ autem quæ *gustui* inserviunt, minus quidem subtiles sunt, & humore aliquo imbibendæ sunt, ut linguæ organum ferire possunt, eadem tamen sunt, & in hoc solum distinguuntur, quod humore dilutæ, *saporem* faciant, & exhalatæ perque aerem transmissæ, *odorem*.

VI.

*Cur ægri dul-
ces cibos aver-
santur.*

Ægroti & qui invalido sunt corpore, dulcia omnia respuunt, solisque acidis & acribus delectantur.

Ægri dulces cibos averfantur, ob vitiatum sanguinem, malignamque humoris morbifici qualitatem, qui cum ut plurimum *bilis* sit, & in linguam utpote teneram irrumpat, innumeras obstructions facit, impeditque ne admotos cibos rite percipiat. Hinc ægris *acria* placent, quod eorum lingua uliginoso quodam tegumento cooperiatur, quod *dulcia* subire & pervadere non possunt. Secus *acida*, quæ partibus longis & parum

parum flexilibus constant. Nec aliam ob causam pecora *salem* appetunt, ejusque esu maxime capiuntur, quam quod eorum lingua scabra asperaque sit, & quadam crusta obtegatur.

Articulus tertius.

De olfactu.

INter animantia Homo hebetioris esse *odoratus* existimatur, & emissos è corporibus halitus obtusius excipere.

I.
Homo hebetior
est odoratus.

Hujus causa ex ipsius *cerebri* constitutione petitur, quod cum spongiosum sit, multoque humore perfundatur, odoris vim retundit, minusque ab illis afficitur. Hinc qui *catbarro* laborant, supervacaneoque humore corripiuntur, scēpius nihil olfactu hauriunt, quod *pituitosus* humor nares & os crebri-forme obsideat, ad quod appulsi halitus concresecunt, & quodammodo suffocantur. Sic etiam sub aquis nullus propemodum *odor* excipitur, humore nimirum exhalata corpuscula excipiente, eorumque diffusionem impediēte.

Qui patulas *nares* habent, quibusque ossis spongiosi meatus ab initio distrahuntur, facilius fortiusque odores excipiunt.

II.
Habentes lar-
gas nares me-
lius olfactunt.

Quia major halituum copia per illas cavitates ad cerebrum defertur, qui in illis collecti, mutuoque impetu cerebri nervos appetentes, majorem affectionem imprimunt; haud dispari modo quo vibratus aer per amplam & excavatam aurem, copiosius meatum *auditorium* subit, & *fumus*

melius per patentem *caminum* ascendit, quam per angustiores.

III.

*Odor continuus
desinit sentiri.*

Qui rem odorem diu naso admotam retinent aut in loco odoribus referto, per aliquid tempus degunt, nullum amplius odorem percipiunt.

Id ipsis contingit, quod è corporibus halitus perpetuo evaporentur, & successive ad nares per aerem devehantur, quas ubi subierint, non illico regrediuntur, sed illic aliquamdiu inhærent, & cerebri appendices ita opplent, ut qui superveniunt, penetrare eas nequeant, & vim novam sensorio facere. Illud in iis manifestum apparet, qui vestes *felis sudore* vulgo *civette*, aut castoris *testiculis* refertiunt, aut etiam *jasmينو* pulvere crines aspergunt: Quippe post tempus aliquod, olfacere illa desinunt, & tanquam non amplius respirarent, nullo halitus odore afficiuntur. Quare qui flores, exempli causa, odorantur, aut loci fragrantiam explorare volunt, illos naso per vices admovent, & locum sæpius repetunt, ut aromatum particulis ex organo discedenti tempus concedatur, & supervenientibus viæ pateant.

IV.

*Quomodo inter-
dum prægnans
gravi odore a-
bortum patiatur.*

Contingit nonnunquam ut prægnans tetra odore aboriat: novi ego in *Anglia* foeminam, quæ lucernæ extinctæ suffitu, partum nondum maturam emisit, nec sine vitæ discrimine enixa est.

Ratio est, quod foedi odores stringendo præterlabantur, & ita organum comprimant, ut talis motus ad cerebrum transmissus, uteri quoque fibras, quæ cum foetus fibris connectuntur, afficiat, talemque determinationem inducat, ut foetus,

foetus, ruptis *umbilicariis* vasis, erumpat & excutiat. E diverso gratus odor prægnantes refocillat, viresque ejus reficit, quoniam eo tempore gravi foetidoque halitu inficiuntur, ac proinde odore suavi tanquam lenimento recreantur, & quodammodo reviviscunt; ni forte *ulva* nimium corrupto humore laboret, & cruditatibus turgescat.

Odores minus tempore *hyberno* percipiuntur, quam *æstivo*. Hinc *Canes* venatici melius æstate quam frigidis mensibus feram insequuntur.

V.
Odores æstate
melius quam
hyeme percipi-
untur.

Alia hujus experimenti causa esse nequit, quam quod *calor*, qui æstate dominatur, corporum meatus expandat, atque dilatat; quo fit, ut halitus facilius diffundatur, & circumcinctum aerem percurrat. Frigus vero per condensationem poros comprimit, obstatque ne corporum particulæ resolvantur, & in vaporem abeant. Eo fere modo, quo fumus calore ignis excitatus extenditur, contrahitur vero, dum gelu circumambitur, & per frigidum aerem ascendit. Quamquam etiam dici possit æstatem odoribus recipiendis magis aptam esse quam hyemem, quod *hyeme* corporum meatus contrahantur, parumque halitus ex illis educatur: Æstate vero odores ob aeris calorem nimis dissipentur, & eorum copia perturbetur organum ac distrahatur.

Qui *fimis* naribus sunt, foetidum halitum ut plurimum spirant. Hinc tot Poetarum in *Simos* scommata, quibus eorum graveolentia taxatur.

VI.
Quare simi ut
plurimum fo-
etidum halitum
emittunt.

Id contingit quod *pori*, per quos defluens ex cerebro humor ad nares pergit, obstruuntur, aut nimis angusti sunt, ut per illos libere delabi queat:

quo fit ut illic concrefcendo corrumpatur & putrefcat. Addi etiam poteft, quod fimiliter vitiatos pulmones ut plurimum habeant, quia cum aer per breviorē narium cochleam traduci purgarique nequeat, neceffum eft cerebrum ac pulmones infici, & graveolentiam procreare.

VII.

Ingeniofi hebetiores funt olfactu.

Qui ingenio priſtant, obtuſiore funt olfactu, imo hanc ſentiendi facultatem interdum penitus amittunt.

Cauſa eſt, quod ii maxime ingenioſi ſunt, quibus *cerebrum* probe deſecatur, exonerato ſcilicet ſuperfluo ac excrementitio pituitoſo humore, quo expeditum cerebrum promptius efficitur, ad ea opera exequenda quæ ab ingenii facultate pendent. Illi autem quibus *pituita* defluit, & ad nares continuo delabitur, non poſſunt non hebetiore olfactu fieri, quod pituita nares abducit, & advenientes odores arceat, & vim eorum obtundat.

Articulus quartus.

De Auditu.

I.

Cur auribus muti confuſe ſonos excipiant.

HI quibus abſciſſæ ſunt auriculæ, referunt ſe omnes ſonos confuſe haurire, adeo ut ſibi quendam *cicadae* ſtridorem, aut defluentis *aque* murmur audire videantur.

Ratio eſt, quod aures exteriores, ad modum infundibulorum excavatæ ſunt & ampliatae; ita ut vibratus aer per earum *belices* & amfractus tranſeundo colligatur & intendatur. Aer enim eo copioſius meatum auditorium ingreditur, quo
ex

ex ampliori spatio veniens, ad angustias defer-
tur. Unde *surdastri* facultatis suæ defectum ad-
mota *manu*, aut *cornu* imposito suppleat, qua-
tenus in tortuosis sinubus sonus amplietur, &
vi majori aures subeat. Abscissis itaque auricu-
lis, sonus recta in meatum auditorium incidit,
deestque illa determinatio, quam ex tali illapsu
& incidentia adipiscitur. Ac proinde sonus non
alio modo illis advenit, quam si ex variis parti-
bus proveniret; ut contingit in *cicada* stridore,
& murmure *aquæ defluentis*.

Cantilena si *tibiæ* conjungatur, suavior red-
ditur, magisque *Auditus* organum demulcet,
quam si ad *lyram* cantetur.

Quia *tibiæ* sonus magis continuus est, minus-
que distrahitur. Nam quum modulis delecte-
mur, magisque volupe sit motus proportionatos
audire; illis magis capimur, qui quendam teno-
rem servant, & repetitis ictibus animum pul-
sant. Addi etiam potest, quod Sonus *tibiæ*
quemadmodum vox flatu perficiatur, ac proinde
facilius inter se commisceantur. *Lyra* enim as-
peritatem quandam efficit, & quomodocumque
pulsetur, quandam acerbitatem auribus generat.

II.

*Cantilena tibiæ
juncta suavior
fit, quam lyra
conjuncta.*

Qui *Tarentula* veneno infecti sunt, *Musica*
curantur: Unde si quis illis admotus *Barbyto* aut
cythara desideratum soni vel cantus modum ca-
nat, æger veluti somno expergefactus, subito
cubili assurgit, & tanto conatu per aliquot horas,
pedes movet, ut *saltando* virus è corpore sudori-
bus expellatur.

III.

*A Tarentula
perculsi, musica
sanantur.*

Tam mirabilis effectus causa, *musica* instru-
mento motui tribuenda est, quo *Tympanum*,

mox *cerebrum* percussa, eorum opera arteriæ, nervi, & muscoli excitantur: Adeo ut pulsata vehementius *cythara*, æger se ab illo veneno liberaturus saltet, atque eo modo prohibeat, ne vis veneni ulterius grassetur, sed continuo corporis concussu excutiat, & per sudores transmittatur. Sic ut *cytharæ* motus, in nervis agitationem sollicitat, ut veneni vim, quod arterias occupat dissipat.

IV.

E cubiculo melius verba foris prolata audiuntur quam è contra.

Si quis intra cubiculum constituatur, clarius distinctiusque verba, quæ foris prolata sunt, excipit, quam *foris* positus voces audit, quæ intra cubiculum pronuntiantur.

Id oritur quod sonus per aerem diffusus, corporum objectu reflectatur, ut *Echo* satis prædicat; nam cum intra cubiculum multi sunt obicees, exempli causa, *parietes, tabulata* &c. quæ appulas voces remittunt, fit ut sonus robustior sit, magisque aures feriat, quam in aere libero, ubi illa obstacula non reperiuntur, è quibus soni resultent, hinc qui de summo aliquo loco loquitur, melius ab eo auditur, qui in inferiore est, quam è diverso, de imo loquens ab eo qui supremum locum occupat: quoniam plura corpora occurrunt, è quibus reflecti vox potest, dum deorsum tendit, quam dum in auras evolat, & per aerem divagetur.

V.

Cur Campana non semper in loco ubi est, auditur.

Sonus campanæ ita nonnunquam audiri accidit, ut non è loco *ubi est*, & à quo profectus est, provenisse iudicetur, sed ex loco *opposito*.

Illa fallacia procedit à soni reverberatione, qui ultimo aures feriens, ex eo loco proficisci existimatur. Nam sicuti res per radiorum reflexionem

onem non *ubi* est, sed illic ex quo radii ultimo derivantur, apparet: ita *campana* aliudque sonorum corpus eo in loco esse judicatur, ex quo sonus ultimo ad aures pervenit.

Si quis utramque aurem, aut earum alteram probe obturet, tremulum quoddam murmur audiet.

VI.

Unde oritur murmur quod clausis auribus percipitur.

Hujus causa ab aeris agitatione in auribus inclusi petenda est: nam cum ex auribus plurimum halitus continuo effluat, si obice appposito effluviū istud sistatur, aer intra aurium cavitates constrictus, & angustius spatium nactus, in *tympanum* agit, impellitque: Ex qua agitationis vehementia quoddam murmur oriri necesse est, & aures eo modo afficere, ac si ab objecto sonoro esset profectum.

Urinator ille tam celebris in *Gallia*, *Machina* sua obvolutus, quæ degenti in aere auditionem non adimit, testatus est, se cum in fundo Oceani decem plus minus orgyas non procul *Diepa* verfaretur, non obaudiisse prorsus ictus tormentorum aliquot, quibus è portu solvens navis jussit, jussaque fuit solvere. *Gassendus.*

VII.

Quare sonus sub aquis non audiat.

Quia Sonus procreari nequit, nisi in mobili subiecto: Adeo ut si medium illud, per quod transferendus est, nullum tremorem concipere valeat, aut aliorum corporum tremori obluetur, nullum strepitum producere possit. Quare cum tanta sit *aque* moles, ut à commoto aere agitari nequeat, ejusque tremoribus resistat: mirum non est, si strepitus supra aquas excitatus ad fundum usque non perveniat. Nam sicuti videmus *lapidem* ex alto etiam loco in *fluvium*

caden-

cadentem, nullum sonum cum ad fundum pervenit, edere, quamvis in alios lapides impingat : ita exterior Sonus notabilem aquarum altitudinem sic penetrare nequit, ut ab ullo excipiatur ; Cum ipsi qui *supini* natant, vix quicquam audiant, quamdiu immerfas aures habent, & infra aquæ superficiem reconduntur.

Articulus quintus.

De Visu.

I.
Quomodo pulex
& equus ejus-
dem magnitudi-
nis videri
possunt.

SI quis proprius *pulicem* intueatur, & in *equum* aut aliud similis magnitudinis animal procul distans, oculos conjiciat, æquales apparebunt, & sub eadem magnitudine conspicientur.

Illud ex *Opticâ* manifestum est, quod nimirum videndi facultas, seu potius *Anima* in cerebro residens, objecta majora vel minora apprehendat prout sub majore vel minore angulo oculis offeruntur. Cum autem *Pulex* proxime visus, & *equus* remotius, sub eodem angulo videantur, ab *Anima* æquales esse judicantur. Evidens enim est, objectum majus percipi, quod majorem nervo optico live retinæ affectionem imprimit : minus autem, quo minor organi portio afficitur. Hinc quo res à nobis magis recedit, eo *minor* apparet, & quo magis accedit, nobisque propius admovetur, *major* : eo quod objectum quo amplius à nobis removetur, eo acutiore minoreque angulo apparet, atque minorem affectionem imprimit. Horum omnium ratio est, quod dum objectum recedit, seseque paulatim oculis subtrahit, non solum secundum circum-

circumferentiam minuitur, sed etiam secundum omnes, quæ ad oculum obvertuntur, partes; Quia licet semper pari modo radios ex singulis punctis remittat, eorum tamen plurimi pro ratione recessus & elongationis oculum præterlabuntur, & alio distrahuntur.

Objecta pupillæ contractione interdum penitus evanescent: Ut si quis oculos in illustre aliquod sidus, exempli causa, *Venerem* aut *jovem* dirigat, & pupillam arte aliqua constringat, sidus antea visum, paulatim disparebit, & demum oculum effugiet.

II.
Contracta pupilla objecta interdum desinunt videri.

Hujus Phænomeni ratio ex parte ipsius *pupille* desumitur, quæ pro coarctionis, aut dilatationis ratione, efficit ut objectum videatur aut evanescat. Cum enim *contracta* pupilla pauciores radios sub minori angulo excipiat, efficit ut objectum minus appareat; ac proinde si ita pauci sint, ut in sensibili angulo comprehendantur, retinam nullo modo, quantum ad visionem requiritur afficient; & sic ut illa affectio non percipitur, ita nec objectum, quod illa mediante sentiri debet, amplius deprehenderetur. Juvat etiam ad insensibilem illam affectionem reddendam, quod in pupillæ contractione *Chrystallinus* aliquantum laxetur, quo fit ut retinæ *fundus* tantulum retrogrediatur, debiliorque fiat elapsorum radiorum incidentia; quæ duo sufficiunt, ut ad pupillæ *contractionem*, objectum dispareat, & quod antea videbatur, postmodum videri desinat.

Strabonem constat tam certa oculorum acie fuisse, ut à *Lilibæo*, portu Carthaginensium egre-

III.

Ut aliqui ad
longam distan-
tiam objecta
deprehendunt.

egredientes classes intueretur, in iisque singulas naves numeraret. Distantia vero centum triginta quinque millia passuum erat. Refertur etiam *Hispanum* quendam *Lopem* in Gadibus fuisse, qui ex edito monte, quem vocant *Calpen*, per fretum illud oppositum acie penetrabat, & ex Europa, Africae littus (cujus tractus vel teste *Cleandro* in Epistol. ad *Jacob. Labocum*, mari tranquillo trium aut quatuor horarum est) collustrabat, quæque ibi agebantur, indicare poterat. *Jonston.*

Tam mira oculorum acies, ab eorum duplici dispositione maxime pendeat. Primum à chrySTALLINI docilitate, facilique processuum ciliarium usu, dum nimirum secundum diversam radiorum ab objectis reflexorum incidentiam, *CbrySTALLINUS* ita adaptabatur, & eo modo disponebatur, quem exacta projectio requirebat. Secundo, oportuit ut retinae capillamenta, ita fuerint exquisitè disposita, ut minimam affectionem reciperent. Quia licet quæ oculis intuemur, non nisi quatenus colore quodammodo discrepant, dignosci queant: non tamen distinctæ colorum perceptio ex eo duntaxat pendet, quod omnes radii à singulis corporum punctis provenientes, in fundo oculi in totidem aliis circiter coeunt: sed etiam ex multitudine capillamentorum nervi optici, quorum extremitates in illo spatio continentur, quod imago in oculi fundo occupat. Unde dubium non est quin *Strabo* & *Lopes* ille *Hispanus* tam accurato retinae plexu gauderent, tamque docilem *CbrySTALLINUM* habuerint, ut præ cæteris distinctius objecta contemplari possent, & illa ad tam ingentem distantiam prospicere.

IV.

Montis fastigium longe ultra visibilem *horizontem* exporrecti, nobis apparet cum ipso colle junctum; & sol dum *oritur* & *occidit*, cum ipso horizonte adhærere & uniri videtur.

*Cur montis
summitas longe
distantis conti-
gua monti vi-
deatur.*

Hujus apparentiæ causa est, quod res à nobis indistantes cernuntur, dum radii coherent, & absq; aliorum corporum interpositione ad oculos nostros appellant; quod in casu posito contingit. Quippe licet inter *Solem* & *Horizontem* immensa distantia interjaceat, multaq; corpora in ea contineantur; quia tamen ex illis nulli ad nos radii perveniunt, sed ex ipso tantum Sole & Horizonte, fit ut illa inter se contigua & cohærentia cernantur. *Horizontis* enim distantia non alio pacto à nobis cognoscitur, quam ex corporum diversitate inter nos & illa interpositorum: Unde si contingat spatia illa intermedia obtegi, nihilque eorum ad nos transmitti, illa quæ ita procul videmus, contigua esse judicamus, & nullo intervallo dirimi.

V.

Experimur cotidie res quæ in *luminoso* loco sunt, à nobis in *tenebris* existentibus deprehendi; non autem è diverso, è loco lucido, ea notantur, quæ in tenebris ponuntur.

*Cur è tenebris
videmus quæ
sunt in luce, &
non è contra.*

Ratio est, quod ad oculum in caliginoso loco constitutam, luminis radii dirigi possint, aut ex eo ita reflecti, ut nonnulli eorum in locum obscurum penetrent, si interjectum foramen satis pateat, & per illud lumen in intuentis pupillam illapsum, ad retinam usque perveniat. Non potest autem is, qui in medio lumine est, res quæ in obscuro loco sunt, deprehendere, quoniam ab eo nulli radii proficiuntur, qui directe aut per *reflectionem* retinam contingere queant;

queant; ni forte tenebræ aliquo modo dilutæ sint, & quosdam luminis radios remittant; quia tunc, nihil obest quo minus pauci radii è rebus reflexi, oculum sensibilibiter afficiant, & aliqualem rerum imaginem repræsentent.

VI.

*Cur simplex
objectum a duobus oculis
cernitur.*

Objectum quod per *geminos oculos* ad cerebrum transmittitur, *simplex* apparet, quamvis nervi etiam optici non coeant, ut patuit in quodam juvene, quem *Vessalius* disparatos habuisse deprehendit.

Simplicitatis objecti causa in quandam glandulam in cerebri medio sitam, quam medici passim *Conarion* appellant, refunditur; in qua duæ illæ imagines quæ à duobus oculis proveniunt ununtur, antequam ad Animam perveniant. Nulla enim in cerebro pars reperitur, quæ non sit *gemma*. Nam quod ad *Cerebellum* spectat, non nisi superficie & nomine tenus unum est; imo manifestum est ejus *processum vermiformem*, & medullam *spinæ* dorsi ex quatuor partibus consistere; quarum quidem duæ ex duabus cerebri medietatibus, aliæ vero duæ ex duabus cerebelli medietatibus proveniunt: septum vero lucidum quod duos anteriores ventriculos separat, *geminum* quoque est. Ac proinde sola illa *pinealis* glandula restat, in qua species à geminis oculis venientes convenire possint, priusquam ad Animam deferantur.

VII.

*Unde homo pictus singulos
adstantes respiciere videatur.*

Homo pictus in omnem partem circumjacentem obtutum dirigere videtur, & singulos quodammodo intueri.

Hujus ratio est, quod Hominis *picti* oculus in *plano* sit, ac proinde ab omnibus ejus punctis ad

ad spectantis oculum radii duci possunt. Cum vero viventis hominis oculus *convexæ* sit figuræ, & magna ejus pars occultetur, undique radios remittere non valet, ut in sculptis imaginibus cernimus, quarum effecti oculi cum porrigantur, & curvitatem quandam præ se ferunt, radios quoquoversum emittere nequeunt.

Articulus sextus.

De Imaginatione.

Multa inadvertentibus nobis occurrunt, quæ antea *sensibus* nostris nunquam fuerunt obvia, aut aliquod sui vestigium reliquerunt; ut dum *Hippocentaurum*, exempli causa, *Scyllas*, *Scropodes*, *Chymeras* imaginamur, quæ qualia ea formamus, nunquam se oculis ingesserunt.

I.

Unde multa nobis obveniunt, de quibus antea non cogitavimus.

Licet forte quæ imaginatione percipimus, non prius in *sensibus* quoad eorum compositionem fuerint; ambigi tamen nequit, quin eorum partes è quibus illa conflata sunt, cerebrum aliquando subierint; aut si fortè per seipsa, saltem per quædam alia, quæ aliquam cum illis cognationem habebant. Etenim cum *equus* & *homo*, exempli causa, passim oculis nostris objiciantur, & utriusque species super *imaginationis* organo exarentur, illas facile componimus, & *Hippocentaurum* sive Animal ex homine & equo constans apprehendimus. Pari ratione de cæterarum rerum vestigiis differendum est, quorum intuitu multa efformamus, quæ antea sub sensus nostros non ceciderunt.

Quidam

II.

Quomodo febri-
citan-tes, imagi-
nantur se pati
quæ non pati-
untur.

Quidam morbo correpti, ut solent *febricitantes*, multa se facere arbitrantur, quæ revera non faciunt, & illos dolores sentire, quorum omnino expertes sunt. Quendam enim novi, qui *tertiana* laborans, sæpius quærebatur, se humeri vulnere multum torqueri, cum nullum tamen vulnus haberet.

Illud ex eo contingit, quod species quæ super glandula *pineali* per cursum spirituum exarantur, aut ope vestigiorum memoriæ excitantur, æque vivæ sint, nec minori robore polleant quam quæ à *sensibus* proficiuntur. Cum enim spiritus animales tunc temporis plus æquo agitentur, quam sanitas exigit; ad aliquarum specierum creationem, cum memoriæ vestigiis concurrunt; quæ nobis omnia repræsentant, tanquam extra nos existentia, & sensibus nostris præsentia. Accidit etiam nonnunquam in morbo, ut objecta nullam impressionem faciant, cum qua mens species illas conferre possit, quas memoria, aut spirituum impetus illic procreant.

III.

Quæ est causa
notarum in fa-
tibus impressa-
rum.

Quædam notæ seu characteres, vi *imaginationis* maternæ foetibus inuruntur: ut patet in illis matribus, quæ rem aliquam vehementer appetunt; nam si se in *gena* aut alia corporis parte tangant, rem illam, exempli causa, *cerasum*, aut *uvas*, in tali foetus membro impriment. Cujusdam nobilis sceminæ meminit Forestus, quæ gravida cum brachium fregisset, filium peperit, cujus quoque brachium fractum est.

Hoc oritur, quod *cerasi* aut *uvæ* imago in cerebro parentis impressa, motu spirituum, ad infantis partem deferretur, propterea quod eadem dispositio, quæ in matris cerebro inest, illique
istius

istius fructus desiderium movet, in *infantis* etiam cerebrum transit, & parti signatæ respondet. Unde mater se in illa parte fricans, quo tempore istiusmodi cupidine tenetur, imaginationis suæ effectum illuc producit. Quia mater se tangendo, statim illi in mentem subit character *fatni* imprimendus, ex quo *pudoris* cuiusdam, vel etiam *timoris* motus nascitur, sine quibus nulla infantium corporibus nota inuritur. Cum itaq; unumquodque infantis *membrorum*, unicuique parentis *membro* respondeat, & utriusque fibræ ac humores continuentur, mirum non est, si nobilis illius foeminæ filius cum rupto brachio editus est, & iisdem remediis ad infantis & matris brachium adhibitis, ambo separatim sanati sunt.

Personæ *Æthiopissa* imaginem albi infantis in congressu contemplata, candido vultu *filium* produxit: E contra Regina alia *alba* nigrum infantem genuit.

IV.

Quomodo factum ut Æthiopissa filium album pepererit.

Quidam medici id *Spermati* tribuunt, quod pro varia qualitatis ratione, diversas formas inducit: Unde si subflavescat, colorem *rufum* tribuere asserunt: si cinericium colorem præferat, *pullum*: si candidi coloris est, *Album*. Quamvis hæc vulgaria sint, & forte etiam vero, nihilominus majorem sibi partem hoc in opere imaginatio vendicat. Quia cum nervi, per quos spirituum cursus indefinenter feruntur, à cerebro in omnes corporis partes protendantur, *imaginationis* vis præsertim, si paulo vehementior sit, in viscera operando, humorumque motus excitando, nigrum vel album colorem inducere potest. Sic *Oves Jacob*, pro diverso appositarum virgarum *intuitu*, foetus varii coloris ediderunt.

Quo-

V.

Cur deliri quidam eundem semper sermonem retinent.

Quorundam mentes tanta infania occupat, eorumque iudicium ita pervertitur, ut perpetuo eadem loquantur, nec ad aliorum verba attendant aut respondeant. Phreneticum *Parisiis* vidi, qui integro die sermones eosdem repetebat, & si casu interrompebatur, à loquentis ore pendebat, tanquam ad singula responsurus, sed finito alloquentis sermone, eandem quam prius *fabulam* recitabat.

Id talibus obvenit, quod tanta spiritus animales eorum perturbatio occupat, ut aliorum verborum impressionem haud sinat, nisi exiguo tempore *glandula* inhærere: quo fit, ut prima rerum imagine, quæ detinebatur, illico revertente tanquam dictorum obliti, ad ea respondere non valeant: sed tantum conformiter ad ea, quæ glandulam impellunt, & menti eorum, tunc temporis, obijciuntur. Mihi enim facile persuadeo huiusmodi Homines *Phrenesi* non infici, nisi dum illorum Anima, in glandulæ motus imperium non habet; aut quia ita commoti sunt animales spiritus atque adeo *inequali cursu* super ea feruntur, ut eam citra modum ac mensuram concutiant, innumerasque species super ea excitant, quæ statim effluunt & elabuntur. Aut etiam quod cursus spirituum glandulam quibusdam *memoriæ* vestigiis ita tenaciter imbuunt, ut eadem semper imago repræsentetur, à qua se explicare anima nequeat.

VI.

Quidam in morbo se Reges esse imaginantur.

Aliqui sibi persuadent *nasam* tantæ molis habere, ut nullæ eis januæ perviæ sint. Alii se *Reges* esse credunt; ut servus ille *Hispanus* cujus *Joannes Huartus* meminit, qui se regem arbitratus, prudentissimos in morbo de regimine faciebat dis-

*Cur infantes
parum memo-
ria valeant.*

dum grandiores sunt, & ad ætatem mediam pervenerunt.

Ratio est, quia memoria ex quibusdam *vestigiiis* in cerebro manentibus pendet, postquam rei aliqujus species illi impressa est: unde si contingat aliquas cerebri partes per *accretionem* aut *diminutionem* immutari, necesse quoque est vestigia illa perturbari, & nonnulla ex illis evanescere. Cum autem *pueri* & infantes continuo augeantur, illisq; semper aliquid novæ substantiæ accedat, *plicæ* in cerebro, spirituum animalium transcurso efformatæ, facile pervertuntur, & pristinum suum ordinem amittunt. Quemadmodum *plicæ* in *papyro* facile evanescunt, si quæpiam deterantur, & nova aliqua substantia superinducatur. Addi etiam potest, quod puerorum cerebrum nimis molle ac humidum sit, ut tenaciter commissa retineat: nam licet facile ea recipiat, non tamen eorum distinctionem retinet, perinde se habet ac lutum plurima aqua maceratum.

II.

Senes non recordantur ea quæ nuper fecerant, bene autem quæ in juventute.

Senes ubi ad decrepitam ætatem pervenerunt, omni pene *memoria* cadunt, nihilque eorum quæ paulo ante fecerunt, recordantur. *Juventutis* autem suæ gesta meminerunt, atque illa pertinaciter retinent.

Perit *Senibus* memoria, ob nimiam cerebri siccitatem. *Arida* enim non ita facile dimoveri, & impressionem suscipere queunt: aut si penetrari se patiuntur, statim se pristino statui restitunt, & loca priora occupant. *Senes* vero quæ olim memoria complexi sunt, retinent, quod cerebri partes *induruerint*, & ejus pori, quibus antea spiritus curfitarunt, quandam facilitatem acquisierunt ad alicujus objecti præsentiam, spiritibus ad eos venientibus,

venientibus, eadem ratione se aperiendi. Hinc *exacta* tempora maxime extollunt, quoniam olim factorum memores sunt, & quæ nuper ipsis contingere, statim obliviscuntur.

Si res aliqua, quam antea novimus, memoria excidat, & denuo postmodum illius recordemur, statim etiam illud occurrit, quod cum illa conjunctum est. Ut si *Hominis* recordemur, statim mentem subit *injuria*, quam ab illo accepimus.

Ratio est, quod quando memoriæ vestigiæ rei alicujus imaginem super glandulam reduxerunt, spiritus simili modo per eosdem poros revertentes, aliam quoque speciem reducunt cui prior fuit conjuncta: Quo fit, ut spiritus in eisdem musculos fluentes, corpus nostrum disponunt ad easdem iterum actiones edendum, quas edidit occasione objecti, quod eos primo excitavit. Id non in Homine tantum, sed & in *bestiis* contingere experimur. Si enim *canem* in nos involaturum *fuste* excipiamus, & ad fugam adigamus; quamvis postmodum eidem cani absque *baculo* occurramus, non minus se fugæ cominittet, quam si nos armatos cerneret. Quoniam ope *Plagarum*, quibus exceptus est, cursum spirituum junximus, quem noster aspectus excitabat, cum eo cursu, quem flagella produserunt. Adeo ut duabus illis viis in cerebro occurrentibus, & in unam confusis, parvi referat, quænam illarum aperiatur, ad motum *musculorum* efficiendum, & easdem actiones excitandas.

Quæ *matutino* tempore mente revolvimus, facilius memoriæ mandamus, firmitusque inhzrent, quam quæ reliquo diei decursu.

D d 2

III.

Currem unam sine alia, cui conjuncta est recordari non possumus.

IV.

Magis mane memoria valemus quam alias

Quia

Quia eo tempore cerebrum liberum est, & nullis adhuc rerum vestigiis impeditur, nam quemadmodum in *charta* plicarum multitudo & in *aere* sonorum copia confusionem parit: Ita in *Cerebro* rerum multarum delineatio, vestigia perturbat, & non finit ut illa in debitis locis reponantur, & secundum naturam propriam percipiantur. Sensus enim pluribus intentus facile distrahitur, & minor fit, quo magis ad distincta contemplanda occupatur. Accedit etiam quod cerebrum tempore *matutino* minus vaporibus impediatur, utpote ciborum digestionem jam peracta, ac proinde fibræ magis expeditæ fiunt, ad celeriores cerebri motus, & novam affectionem induendam.

V.

*Quidam post
morbum suorum
parentum nomi-
na obliui sunt.*

Morbus interdum omnem memoriam adimit, & illam ita labefactat, ut qui antea memoria pollebant, rerum pene omnium post infirmitatem obliviscantur. Quidam, teste *Plinio* ex alto delapsus, parentum, cognatorum & propinquorum nomina, quoad vixit, oblitus est. *Messala Corvino*, ex morbo, non famulorum & affinium modo, sed & proprii nominis memoria excidit.

Id contingit, quod a graditudinis vis, relictus capiti inflicta cerebri dispositionem immutat & poros ope spirituum efformatos pervertit. Quo fit, ut vestigia expungantur, vel fibrarum plexus eo statu relinquatur, ut ad prædictam functionem minus idoneus evadat, nam sicuti infusus *papyro* humor, omnes ejus plicas eluit, sic ut dum aruerit *papyrus* nullæ amplius supersint: ita fieri potest, ut Humor morbosus ita invalescat, ut omnes cerebri plicas tollat, & nulla amplius vestigia earum rerum remaneant, quæ ægrotus antea noverat. Ex opposito evenire potest, ut qui obtusæ antea erant memo-

memoriæ, *felicem* ac vegetam iisdem de causis acquirant : Ut de *Clemente* sexto Pont. Max, referatur, qui felicitis adeo fuit memoriæ, ut quod semel legisset, non amplius olivisceretur. Quam facultatem ei obvenisse *Petrarcha* scribit ex inflicto capiti vulnere, quo indubie quædam obstructions dissolutæ sunt, & cerebri meatus aperti, quibus commoda transcurrendis spiritibus via fieret. Alterius meminit *Fulgosius lib. primo cap. 6.* tempore *Friderici* secundi Imperatoris, qui hausto è vena sanguine, servata rerum cæterarum memoria, non *legere* amplius, non *litteras* exarare noverat, ac si utrumque nunquam didicisset. Anno autem transacto, renovataque venæ sectione, legendi scribendique scientiam recuperavit, & sibi ipsi quodammodo restitutus est.

Articulus octavus.

De Somniis & Insomniis.

Somnia ut plurimum *interrupta* sunt, & non nisi raro aliqua connectione coherent.

I.
Cur somnia interrupta sunt.

Illud ex eo procedit quod spiritus diversimode agitati, & variarum impressionum vestigia repersistentes, per quosdam poros potius quam per alios, cursum suum dirigunt. Spiritus enim animales *cerebri plicas* percurrendo earum series quodammodo instant, & pro varia eorum agitatione, uno tenore illas commovent, aut ab una in aliam transfiliunt. Hinc si contingat quod spiritus una vestigiorum serie relicta, in aliam atque aliam, & ita porro subsiliat, necessum erit, varias *imaginationes* oriri, quæ nullo inter se nexu coherent, & se cum

quadam interruptione comitentur. Unde *Aristoteles* tales impressiones, quæ per somnum in cerebro formantur *Ranis* ex subere confectis comparat, quæ *sale* graves in aquam demerguntur, quæque *sale* demum colliquato, alternatim enituntur, & nullo ordine servato, in *aquæ* superficiem emergunt.

II.

An sint aliqui
qui nunquam
somniaut.

Aristoteles libr. de insomn. capite ultimo, nonnullos citat qui nunquam somniasse observati sunt. Talem fuisse temporibus suis *Cleonem è Danlia* *Plutarchus* memorat. Cum quodam *Londini* medicinæ doctore familiaritate sui conjunctus, qui mihi non semel protestatus est, se nihil unquam per quietem vidisse.

Quamvis forte hujusmodi Homines somniasse se haud fuerint recordati, non tamen somniorum expertes fuisse dicendi sunt. Anima enim nunquam ab omni cogitatione cessat, & quantumcumque corpus sopiatur illa essentiam suam non amittit, quæ in cogitatione constituta est. Quod igitur tales Homines cogitationum nocturnarum non meminerint, non inde convincitur eos nullas habuisse; quum nobis usu veniat, non somniorum duntaxat, sed & cogitationum quas expergefacti habuimus non reminisci, quamvis interim certissimum aliquid nos per somnum vidisse, aut rem aliquam distincte percepisse. Sic *Cleon*, sic memorati ab *Aristotele* viri non à somniis liberi fuerunt, sed eorum solum immemores, quorum species propter temperamenti qualitatem obliterarentur.

III.

Unde oritur
incubus inter
dormiendum.

Nonnulli inter dormiendum se opprimi imaginantur, veluti *Dæmon* aliquis pectori eorum incumberet, & respirandi facultatem adimeret. Hinc talis

talis suppressio, quam Latini *incubum* vocant, à græcis *veluti insultor* appellatur.

Talis corporis fatigatio ab humore crasso ac pituitoso, ut vult *Fernelius*, provenit, quæ intestinis adhærens, *diaphragma* & *pulmones* fatigat, quorum impulsibus agitata glandula illud menti repræsentat, tanquam *phantasma* quoddam quod in pectus insilit, & respirationem suffuratur. Nam quæ nobis per somnum offeruntur, cerebrum fortius afficiunt, quam quæ per Sensus vigilando eidem ingeruntur. Sic dum somno indulgemus, si *pituita* in ore abundet, fit ut certos aliquos cibos masticare, & multa iteratione moliri videamur, quod nunquam nobis per vigiliam contingit. Ita licet forte humor ille fuliginosus, dum *supini* decumbimus, leniter irrepit, & nervos tactorios commovens, levi impetu *glandulam* agiter, nihilominus opprimi videmur, & molestis suppressionibus fatigari, quæ nobis vigilantibus nunquam contingunt.

Quibusdam solenne est intempesta nocte è cubili surgere, & ea perficere, quæ vigiles aggredi non audent. Quidam sursum deorsumque rapiuntur, & nullo fulti adminiculo, *summa arborum* ac domuum fastigia ascensu superant. Cujusdam nobilis meminit *Horstius*, qui turrim conscendit, & spoliatis avium nidis, se iterum funis ope dimisit.

Medici illa à sanguine turgido, & spirituum fervescencia fieri autumant, quæ in mentis sedem delata, ea motuum in rumenta agitant, & ad illos effectus peragendos impellunt. Quo fit, ut corpus *spiritus* animalis impulsu, in sublime feratur, ejusque vi etiam per somnum ad tales actiones incitetur. Sed hæc omnia sine *imagina-*

IV.

Quomodo nonnulli dormiendo è lecto surgunt & ambulans.

tionis adminiculo evanida fore existimo, quæ pene sola difficilia illa præstat, & operatur. Imaginatio enim non solum ab objectis externis incitatur, sed & ab illis quæ per somnum repræsentantur: Unde reservatis rerum speciebus agitata, facultatem motricem stimulat, & ad ea peragenda impellit, quæ spectantibus admirationem stuporemque incutiunt.

V.
De iis passim
somnia quæ
per vigiliam
somniaur.

In somniis eadem munia & actiones nobis observantur, quibus interdum intenti & occupati sumus. Unde Claudianus lib. 3. præfationis.

*Omnia quæ sensu voluntur vota diurno,
Tempore nocturno reddit amica quies,
Venator defessa thoro dum membra reponit,
Mens tamen ad sylvas, & sua lustra redit.
Judicibus lites, aurigæ somnia currus,
Vanaque nocturnis meta cavetur equis,
Gaudet amans furto: permutat navita merces
Et vigil elapsas querit avarus opes.
Me quoque musarum studium sub nocte silenti
Artibus innumeris sollicitare solet.*

Ratio est, quod partes cerebri, quæ antea objecti exterioris actione concussæ fuerant, facilius à spiritibus animalibus commoveantur, quam illæ quæ in quiete manserunt. Unde cum rerum earum vestigia, quas primum sumus imaginati, aperta sint, & quodammodo hiantia remaneant, spiritus ea transcurrente easdem imaginationes animæ referunt, quas vigilando ei imprefferant. Quare nisi male constitutum sit corpus, & noxiis humoribus perturbetur, non aliæ cogitationes animo obversari possunt, quam quæ illum per vigiliam occuparunt.

Qui-

Quidam inter dormiendum lotium emittunt, & quasi *parieti* adstarent, aut *matulam* manu tenerent, urinam faciunt.

Id nunquam accedit nisi cum *Vesica* turget, & contra solitum extenditur, quoniam tunc sphincteris vellicatio, ita poros in superficie interiore ventriculorum cerebri aperit, ut spiritus super *glandem* discurrentes, cursum suum versus nervos illos capiant, qui *lotio* emittendo inserviunt; ac proinde talem motum procreant, ut in Anima non solum urinæ faciendæ appetitus producat, sed & *parietis*, aut *matule* imago oriatur, quibus qui somniant ad hunc finem uti antea solebant.

VI.

Qui accedit ut quidam per somnum lotium emittunt.

Articulus nonus.

De Externis Passionibus.

LÆtæ indolis Homines & sanguinei facile in *risum* prorumpunt, nec se continere valent, si alius rideat, aut aliquid *Ludicrum* in eorum sensum inopinato incurrat.

I.

Sanguinei in risum maxime proclives.

Hæc passio in hujusmodi hominibus oritur à fibrarum mobilitate, quæ ad objecti ludicri præsentiam concitantur & tripudiant. Quæ affectio in *diaphragma* traducta, quædam vultus actio cum voce sonora & *inarticulata* conciliatur. Quippe in hoc sita est *Risus* ratio, quod sanguis ex *dextra* cordis cavitate, per venam *arteriosam* profectus, subito & iteratis vocibus pulmones inflat, efficitque ut aer quem continent, vi per asperam arteriam erumpere cogatur, in qua format vocem in articulatam & sonoram, & tam *pulmones* sese inflando, quam hic *aer* exeundo, omnes

omnes musculos diaphragmatis, pectoris, & gutturis impellunt: quo pacto vultus musculos movent, qui aliquam cum illis connectionem habent. Unde mirum non est, si *ingeniosi* interdum, & multæ rationis compotes, cohibere se nequeant, quantumvis ad motum illum reprimendum, summas vires adhibeant.

II.

*Subita lætitia
in lipothymiam
interdum etiam
mortem inducit.*

Quidam animo deficiunt, lipothymiamque patiuntur, si summa lætitia corripiantur: ut *mulier* illa, cujus meminit Valerius maximus quæ ad conspectum filii, quem jamdudum in prælio interfectum esse credebat, exanimata est. Audivi in *Anglia* de cujusdam mercatoris uxore, quæ maritum in Indias Orientales profectum, & amicorum *rumore* defunctum desleverat: ubi post tres annos vivere audivit, & præ foribus adesse, complexura accurrens, cecidit, & in limine ad mariti pedes extincta est.

Id fieri existimo, quod ingens illa *lætitia*, præter solitum cordis orificia referando, sanguis venarum tanto cum impetu, & ea copia cor ingressus est, ut illic non satis cito dilatari & rarefieri potuerit, ad *valvulas* illas removendas, quæ harum venarum ostia claudunt: quo factum est, ut ignis in Corde suffocaretur, & vita quæ in ejus *motu* consistit, periret.

III.

Cur Tristes facile lachrymas emittunt.

Tristes & qui animo dejiciuntur, facile lachrymas profundunt, præsertim si extremus non sit mœror, & eum aliquis amoris sensus comitatur.

Quia licet ex omnibus corporis nostri partibus vapores prodeant, nulla tamen est, quæ plures quam *oculi* suppeditet, tum ob nervorum opticorum magnitudinem, tum etiam ob *venularum* mul-

multitudinem, per quas eo tendunt. Cum vero *tristitia* sanguinem refrigerando, oculorum meatus contrahat, & vaporum agitationem remoretur, non ad lachrymas eliciendas sola *tristitia* sufficit, nisi accedat *amor*, qui sanguinem versus cor emittat, & vaporum quantitatem augeat. Unde constat Tristes non perpetuo lachrymas fundere, sed nonnisi per intervalla, dum objectum quod amant, recurrit, & de novo imaginationi obijcitur. Antiqui hunc effectum brutis animantibus tribuere; equi, *Plinio* teste, amissos dominos lugent, & eorum desiderio lachrymantur. De Palantis equo ita scribit *Virgilius*.

*Post bellator equus, positus insignibus Æthon,
It lachrymans, guttisque bumeclat grandibus ora.*

Gemitus sæpe cum fletu miscetur, præsertim in *pueris* & *mulieribus*, qui quamvis ambo in Risum proni sunt, acutiores tamen clamores in fletu quam in risu emittunt.

IV.

*Unde oriuntur
gemitus in lachrymantibus.*

Producuntur *ejulatus*, dum pulmones à sanguinis copia eos ingredientis momento inflantur, qui inde aerem quem continebant, expellit, qui aer per guttur transmissus eos ejulatus & clamores procreat, qui *fletum* comitantur. Quoniam vero nervi qui vocis organis expandendis coarctandisve inserviunt, ad eam vocem magis acutam vel graciliorem efficiendam cum illis annectuntur, qui in lætitia, cordis orificia aperiunt, & illa cum mœrore contrahunt, fit, ut hæc organa eodem tempore dilatentur aut contrahantur. Hinc in planctu supercilia contrahuntur deprimunturque, cujus contrarium in *Risu* experimur.

Aman-

V.

Cur Amantes
sæpenum ro
suspiciunt.

Amantes passim suspiria ducunt, & in sollicitudinis ac doloris argumentum, anhelitus ab imo pectore trahunt.

Illud ex eo provenit, quod in *Amore* spei aut lætitiæ imaginatio arteriæ venosæ orificium aperit, quod moeror antea contraxerat: unde cum paululum illud sanguinis, quod in pulmonibus restabat, momento in *levam* Cordis cavitatem, per hanc venosam arteriam delabatur, eoque cupidine eam lætitiæ obtinendi impellatur, quæ eodem tempore, omnes diaphragmatis & pectoris muscoli agitantur; fit ut *aer* celerrime per os in pulmones propellatur, ad locum eum occupandum, qui ab illo sanguine derelinquitur.

VI.

Tristes in vultu
varium colorem
præferunt.

Tristes non eundem semper vultum referunt: Interdum enim *palescunt*, alias *rubeo* colore perfunduntur.

Tristitia ad pallorem adigit, quoniam cordis orificia contrahendo, efficit ut sanguis tardius in venas defluat, & frigidior spissiorque factus minus loci occupat: quo fit, ut in latiores tantum & cordi proximiores se recipiens, remotiores derelinquat, quarum magis conspicuæ sunt, quæ in vultu apparent: Et eo pacto *pallidus* redditur & *macilentus*. Dum vero Tristes *rubent*, & quendam ardorem in facie præferunt, id non tam tristitiæ, quam aliis affectibus, qui huic passioni junguntur, tribuendum est, Amori scilicet aut Desiderio vel etiam aliquando ipsimet odio. Quippe hæc passiones sanguinem commoventes, & calefacientes, qui ex jecore, intestinis, aliisque partibus interioribus proficiscuntur, eum ad cor propellunt, & inde per *aortam* ad venas faciei eam rubentem reddunt.

Arti-

Articulus decimus.

De Naturalibus quorundam Inelinationibus
& Aversionibus.

SI in duos Aleatores casu incidamus, ambos
æque nobis *ignotos*, nescio quo naturæ in- I.
flectu uni potius favemus quam alteri: Atque *Unde fit ut uni*
si duos in spæristerio *pila ludentes* aspiciamus, eo- *aleatorum ma-*
rum alteri victoriam optamus. *gis favemus.*

Id ex eo potissimum provenit, si ea propensio non diutius perseveret, quam eorum lusus durat, quod *voluntas nostra*, quæ indifferentiam fugit, affectatque circa aliquod objectum determinari, occasionem reperit, se alicui parti jungendi, quamvis mens nulla evidenti ratione ducatur, quæ ad favendum uni potius quam alteri alliciat, & ad *victoriam* uni parti exoptandam sollicitet: sed solum versus aleatorem aut lusorem protrahi se sinat, qui suavius ejus cerebrum pro dispositionis ejus ratione, eo tempore demulcet. Si vero affectio illa lusui superstes est, & finito certamine adhuc Cordi inhæret, id ex vestigiis inclinationum nostrarum oritur, quarum originem satis dilucide, ni fallor in *Institutione Philosophiæ ostendi part. 7. artic. ultimo*. Quod ne actum agam, à repetitione abstinco.

Multi in qualibet Regione aut etiam provincia reperiuntur, qui *casum* averfantur, quorum aliqui non ab ejus duntaxat esu abhorrent II.
Qui fit ut male
si casum aver-
sentur.

rent, sed etiam ne videre quidem eum sine molestia possunt.

Causam hujus aversionis *Eques Kenelmus Digbaeus* esse existimat, quod infantes è prægnantibus nutricibus lac suxerint, in quarum uberibus, ob conceptum foetum coagulatum est & tenerum infantis stomachum offenderit. Unde fit, ut *infans* per totam vitam ab eo cibo abhorreat, quem post vitæ primordia fastidivit. Sic advocatus quidam *Londini*, postquam semel in forbili ovo *pullum* pene formatum imprudentius deglutisset, ova in posterum ita averfatus est, ut ad illa denuo sumenda, *medicorum* etiam hortatu nunquam adigi potuerit. Hanc quidem in plurimis causam esse facile admiserim, cur caseum tantum nauseant; sed adduci nequeo, ut admittam omnes qui lac coagulum sugunt, caseum averfari, cum videamus plurimas mulieres præsertim è plebæis & ignobilioribus ita foecundas, ut quotannis prolem effundant, quas toto gravitatis decursu lactant, nec eas ablactant, nisi fuerint partui proximæ. Ac proinde si omnes infantes caseum fastidirent, qui prægnantium lac haurirent, quam immensus foret eorum numerus? Quamque brevi temporis spatio caseus vilefceret? Existimo igitur variam esse hujus aversionis causam: una caseatum illuc lac esse potest: Alia vehemens matrum *pica*, sive irregularis quorundam ciborum appetitus, quibus si infantes fraudentur, illud non raro post natiuitatem abhorrent. Aut etiam certa stomachi ac ventriculi dispositio, cui talis cibus adversatur.

maxime notus, tantum candelæ ſebaceæ recens
extinctæ ſuffitum horret, ut ſi caſu famulorum
negligentia contingat huiusmodi candelam ex-
tingui, ejus odore ita percellitur, ut totus com-
moveri, & artubus contremiſcere videatur.

Id illi alia ratione contingere non poteſt, quam
quod ejus organum ita ſecundum inſenſibiles
particulas attemperetur, ut ſubtiliores *ſumoſi* il-
lius halitus particulæ in ejus naribus *motum* in-
gratum, hoc eſt, odorem abominandum gene-
ret, eo fere modo, quo *ſumus* in oculos incidens,
ad lachrymas ſollicitat, & linguam ipſam pun-
git & vellicat.

Nonnulli quorundam animalium aſpectum
haud patiuntur, imo non mediocriter perturban-
tur, ſi in eodem loco cum illis etiam non viſis
manere compellantur. Quidam adeo *felis* præ-
ſentiam averſantur, ut illa conſpecta, in *lipo-
thymiam* incidant.

Ratio eſt, quod illi tale habeant ſanguinis &
ſpirituum temperamentum, ut halitus è *felis*
corpore jugiter emanans, & ad *pulmones* atque
cerebrum per reſpirationem tranſmiſſus ſangui-
nem & ſpiritus, quibus immiſcetur, coagulet,
figat, aut modo inſolito exagitet. Unde mirum
non eſt, ſi tantam perturbationem ſentiant, &
lipothymiam quandoque patiantur. Si contin-
gat alios Homines non his paſſionibus corripi, id
oritur, quod diverſi ſint temperamenti, & ab ha-
litu *felis* per circumſtantem aerem evaporato non
afficiantur.

Quidam à natura ad quaſdam paſſiones inci-
tantur: nonnulli enim indolem ad *iram* propen-
ſam

*Quare candelæ
extinctæ ſator
aliquos male
afficiat.*

IV.

*Cur nonnulli
feles aut alia
animalia tanto
pere horrent.*

V.

*Causa varia-
rum inclinatio-
num naturali-
um in Homini-
bus.*

sam habent, & levi ex causa effervescunt: Alii ad *Tristitiam* propendent: Alteri *Letitia*, *Timori* &c. sunt obnoxii.

Harum passionum diversitas ex vario fibrarum plexu, & diversa humorum habitudine proficiscitur. Quippe flava bilis ad *iram* stimulat, *Atra* ad *Tristitiam*, pituita ad *metum*; Copiosior sanguis ad *letitiam*. Quoniam *bilis* fibras vellicat, *melancholia* comprimit, *sanguis* dilatat, *pituita* obstruit. Quos effectus non per vigiliam modo, sed & per somnum deprehendimus. Quibus flava bilis redundat, *faces*, *incendia*, *pugnas*, *rixas* mente concipiunt: ut sanguinei *tripudia*, *cantilenas*, *risus*, *Jocos*, ac *lasciva* quæque. Pituitosi *largam aquæ copiam* & ita de cæteris, prout humoribus abundant, & turbatis spiritibus concutiuntur.



FINIS.

Index Rerum.

A.

A Bies cur ramos in vertice emittit	321
Abortus in muliere unde	542
Absynbium vermes enecat	294
Acma chalibea cur aqua innatat	152
Adamas an Igni cedat	230
Adamantis fulgoris causa	ib.
Adiantum aquam refugit	308
Aer ut rarefit & condensatur in thermometra	21
Aer cur vi erumpat è vasis pneumaticis	33
Aer Terra proximior, magis calidus	190
Aer ut gravis redditur	ib.
Aeri gravitas unde probetur	192
Aeris vis elastica in sclopetis	191
Aegroti dulces cibos averfantur	384
Aethiopiſſa ut filium album genuit	399
Aegyptus non pluviā experitur	251
Aestuum maris diversitas unde	170
Aestus in plenilunio majores	172
Aetna ut ardet	181
Es nisi accensum liqueſci potest	217
Es facile æruginem contrahit	218
Acolipila non admittit vacuum	11
Aleatorum cur uni favemus	413
Allium coſſione amaritudinem exuit	299
Amantes ſæpe ſuſpirant	412
Animantia abſque ſemine ut procreantur	327
Animantia cur capite demifſo naſcantur	345
Aqua in vapores dilatatur	20
Aqua opacior nebula	29
Aqua ut è vaſe exilit digiſi circumductione	34
Aqua qualitates per concoſſionem variantur	38
Aqua cur effluat è cacabo igni appoſito	40
Aqua rareſcit dum gelatur	48
Aqua difficilius quam oleum congelatur	149
Aqua an in fundo fluminis lentius decurrat	151
Ee	Aqua

INDEX.

<i>Aqua non semper elevatur ab alia copiofiore</i>	152
<i>Aqua gravitas non sentitur in fundo fluminis</i>	149
<i>Aqua in Antliis altius quam ad 31 pedes ascendere non potest</i>	193
<i>Aqua salsa quomodo percolatur</i>	166
<i>Aqua salsa igni extinguendo inepta</i>	167
<i>Arborum trunci cur sunt rotundi</i>	289
<i>Arborum corticis durities unde</i>	250
<i>Arbores quadam cur semper virides sint</i>	322
<i>Arbores ut contusione moriuntur</i>	324
<i>Argentum quomodo album est</i>	211
<i>Argentum acutiorem sonum edit quam aurum</i>	212
<i>Argentum injecto sulphure in pulverem redigitur</i>	213
<i>Arteria pulsus immisso calamo quomodo sistitur</i>	352
<i>Arcus cur post inflexionem recurrit</i>	31
<i>Aries indicant mundum non diu extitisse</i>	91
<i>Astutia Tati animalis in Brasilia</i>	356
<i>Ascleptarion ut mortem Domitiani praescivit</i>	142
<i>Avium ars in nidis exstruendis</i>	160
<i>Auribus mutili non nisi confusi sonos excipiunt</i>	388
<i>Aurum an detur portabile</i>	210
<i>Aurum igne consumi nequit</i>	206
<i>Auri ductilitas unde proveniat</i>	207
<i>Aurum calefactum ceteris metallis acrius urit</i>	208
<i>Aurum ut Regia aqua dissolvitur</i>	ib.
<i>Aurum fulgurans accensum, magnum strepitum edit</i>	209
<i>Aurum nullis morbis succurrit.</i>	

B.

B <i>Aculum post longam inflexionem frangitur</i>	31
<i>Barbiti sonus à surdo audiri potest</i>	65
<i>Bestiae avertantur sui similium intersectores</i>	368
<i>Basiliscus non Hominem visu necat</i>	364
<i>Bononiensis lapis lumen in tenebris retinet</i>	73
<i>Brassica quomodo degenerat in rapam</i>	313
<i>Bruta animantia ut tempestates indicant</i>	362

C.

C <i>Æpæ quomoda terra avulsa germinant</i>	320
<i>Calx aqua aspersa cur calefit</i>	42
<i>Calculus, ut oritur in corpore humano</i>	224
<i>Camelus equum avertatur</i>	355

Camel-

INDEX.

<i>Cameli ut saltare edocentur</i>	358
<i>Campana non semper ubi est auditur</i>	390
<i>Canes semitas eligendo non discurrunt</i>	352
<i>Canes odoratu alia animalia excedunt</i>	63
<i>Candela extincta fætor aliquibus noxiis</i>	415
<i>Candela lumen majus noctu apparet</i>	74
<i>Canicula nullam vim habet ad morbos procreandos</i>	137
<i>Carbo ut ignem conservat</i>	188
<i>Carbo addita aqua incalcescit</i>	ib.
<i>Carbo ingreditur compositionem pulveris pyrii</i>	189
<i>Castor & Pollux quomodo boni sunt augurii</i>	265
<i>Catuli parentum defectum ut referunt</i>	333
<i>Casum cur aliqui averfantur</i>	413
<i>Castanea in igne crepitat</i>	22
<i>Chirurgi cur venam ligant in vena sectione</i>	354
<i>Chalibi mollior evadit, si lente refrigeretur</i>	221
<i>Cbordarum unisonarum, una pulsa, altera contremiscit</i>	66
<i>Chordæ longitudine inæquales diversum sonum edunt</i>	68
<i>Chordæ sonus cur cessat appposito digito</i>	ib.
<i>ChrySTALLUS non à frigore fit</i>	219
<i>Cicuta frigore Animalia interimit</i>	302
<i>Cibus ad somnum allicit</i>	371
<i>Cibus idem non semper nobis gratus est</i>	382
<i>Cineres multum aquæ hauriunt</i>	186
<i>Cineres apti maculis detergendis</i>	187
<i>Cineres plantas hyeme à frigore tuentur</i>	188
<i>Coati lignum Mexicanum varium colorem in aquam inducit</i>	80
<i>Cælum non obstat, corporum motibus</i>	103
<i>Cælum cur cærulei coloris apparet</i>	104
<i>Collismariensis fons patitur interruptionem</i>	155
<i>Cometæ ut ex uno loco in alium migrant</i>	102
<i>Cometæ vagantur per cælos</i>	128
<i>Cometæ sub eadem semper magnitudine videntur</i>	128
<i>Cometæ post paucos menses evanescent</i>	129
<i>Cometæ tardius in fine sui motus progrediuntur</i>	130
<i>Cometarum barba & cauda</i>	131
<i>Cometæ nihil certi portendunt</i>	132
<i>Coralium sub aquis molle, acri expositum durescit</i>	231
<i>Corde extracto quedam animalia vivunt</i>	355
<i>Corpus ut existere deprehenditur</i>	1
<i>Corpus quid secundum Antiquos</i>	2
<i>Corpora non admittunt vasuitates</i>	3

INDEX.

<i>Corpus mathematicum à Physico non distinguitur</i>	4
<i>Corpora locum suum secum adferunt</i>	5
<i>Cucumeres oleum refugium</i>	305
<i>Cucumerum semina lacti imponenda, ut facilius crescant</i>	317
<i>Cucurbita citius quam alia plantæ crescant</i>	316
<i>Cyrene sylva absque semine è terra erupit</i>	311

D.

D <i>eliriorum causa in morbis acutis</i>	377
<i>Deliri se Reges esse aliquando imaginantur</i>	400
<i>Demersi cur emergunt post aliquod tempus</i>	ib.
<i>Dierum singulorum in mundi origine productiones</i>	51
<i>Distantia partium non probat Epicuri vacuum</i>	92
<i>Divisibilitas corpori propria</i>	4
<i>Divisibilitas non est æqualis. in omnibus corporibus</i>	16
<i>Diſſamnis ferrum è corpore extrahit</i>	27
<i>Dodonæ fons accensas faces extinguit</i>	303
<i>Dormientes ut interdum ambulant</i>	155

E.

E <i>dendi desiderio omnino interdum caremus</i>	350
<i>Egroti cur macilentis fiunt</i>	377
<i>Entia rationis quomodo formantur</i>	397
<i>Elephas ut suis grunnitum horret</i>	365
<i>Equi in Lusitania an ex ventonaſcantur</i>	330
<i>Entebris videmus quæ sunt in luce, non è contra</i>	395
<i>Exercitus quid sint, qui in aere videntur</i>	280
<i>Echo ut pluries vocem repetit</i>	68
<i>Elementa ad mundi destructionem conspirant</i>	98
<i>Eibesiurum origo</i>	244
<i>Exhalationes quæ è corporibus salutaris & noxiæ</i>	239
<i>Exhalatio difficilior sursum fertur quam vapor</i>	240
<i>Eurus passim mane sentitur</i>	241
<i>Euripus an in die pluries motus reciprocet</i>	173

F.

F <i>ax noctu agitata in speculo distantis, eodem instanti cernitur</i>	79
<i>Famis & sitis causa</i>	347
<i>Fame cur interdum non teneamur</i>	348
<i>Fames in nonnullis pene perpetua</i>	349
<i>Fatui ignes quomodo homines ad flumina ducunt</i>	276
<i>Fatui</i>	

I N D E X.

<i>Fatui ignes fugientes sequuntur</i>	277
<i>Febricitantes famelici cur difficulter curantur</i>	348
<i>Febres quadam à frigore incipiunt</i>	375
<i>Febrium diversitatis causa</i>	376
<i>Febricitantes imaginantur pati quæ non patiuntur</i>	398
<i>Feles aliqui maxime horrent</i>	415
<i>Feles ut noctu vident</i>	75
<i>Ferrum in ignem injectum augetur</i>	20
<i>Ferrea pars quæ lima teritur, calefit, non autem ipsa lima</i>	41
<i>Ferrum interdum in \odot & Es commutatur</i>	219
<i>Ferrum durius evadit, si in aquam candens injiciatur</i>	220
<i>Filii passim parentibus similes</i>	335
<i>Filtratio non fit nisi in panno humido</i>	150
<i>Fixæ cur tantum noctu apparent</i>	111
<i>Flamma circa crines puerorum unde</i>	277
<i>Fluvius lethe inebriat</i>	158
<i>Flumina tantum in declivi decurrunt</i>	161
<i>Flumina in mare delabuntur</i>	165
<i>Flamma cur sursum accendit</i>	175
<i>Fluxus & refluxus maris causa</i>	168
<i>Fluxus cur nullus in fluminibus</i>	173
<i>Fœniculum lactis quantitatem auget</i>	294
<i>Fœminæ ante profuentes menses non concipiunt</i>	334
<i>Foliorum diversitas in Arboribus</i>	290
<i>Fontes quomodo in vertice montium oriuntur</i>	159
<i>Fontes quidam tantum hyeme decurrunt</i>	161
<i>Fontes unde subito scaturiunt</i>	163
<i>Formicatio pedum unde</i>	381
<i>Fortis aqua metalla dissolvit</i>	154
<i>Frigus quadam corpora à corruptione servat</i>	48
<i>Fraxinus serpentis abigit</i>	303
<i>Fructus immaturi cur acerbi</i>	56
<i>Fructus varium habent saporem</i>	59
<i>Fructus frigore corumpuntur</i>	48
<i>Fructus odorem mutant</i>	297
<i>Fructuum saporis diversitas unde</i>	298
<i>Fructus maturi cur decidant</i>	323
<i>Fulgur prius videtur quam tonitru</i>	67
<i>Fulmen aurum in bursa, illa intacta consumit</i>	269
<i>Fulmen cur in Turres decidit</i>	267

INDEX.

G.

G Allina vocis diversitas unde	358
Gallus circa mediam noctem cur expergiscitur	370
Gaulici morbi origo	374
Gallendi opinio de divisibilitate materie	16
Gemmarum & unionum eadem est figura	227
Gemini quomodo nascentur	339
Glans stantia magis corpori noxia, quam plumbea	215
Gravitas corporum unde	52
Gravia descendendo motum accelerant	54
Grandinis insolita magnitudinis causa	256
Grandinis minora grana perspicua, non autem majora	255
Græci ignes non possunt aquis extinguui	176
Gutta pluvie latiores æstate quam hyeme	254

H.

H Alones non nisi dum serenum est, apparent	281
Halones ut fiunt duplices	282
Halones non videntur circa solis occasum	282
Haure de graces æstus	171
Heliotropium unde ad solem vertitur	85
Herbarum odor unde nascitur	296
Herba viva manus contactum refugit	305
Hirundines cur imminente tempestate circa terram volitant	264
Homo tactu cetera animalia excedit	380
Homo pictus cur singulos adstantes intueri videtur	396
Hominum variarum inclinationum causa	416
Homuncionis vultus in luna apparentis ratio	126

I.

I ctero laborantes nullum saporem percipiunt	57
Ictero laborantes omnia amara gustare se putant	382
Ignis scintilla videri potest ad 50 leucas	71
Ignis quomodo ex ligno generetur	99
Ignes lucentes sine calore	174
Ignes qui urunt & non micant	ib.
Ignis ut è chalibe educitur	177
Ignis subterraneus ad summitatem montium quomodo ascendit	182
Ignes in aere geniti non durant	279
Incubus unde oriatur	406
Infantes parum memoria valent	402
Infan-	

INDEX.

<i>Infantes in Hollandia multi bifurcatis labris</i>	336
<i>Infantes octavo mense nati vitales</i>	346
<i>Infantes multum somno dediti</i>	368
<i>Ingeniosi hebetiore sunt olfactu</i>	388
<i>Inſitio iuvat ad fructus meliorationem</i>	318
<i>In luce difficilius quam in tenebris expergiſcitur</i>	371
<i>Iris primaria vegetior quam ſecundaria</i>	272
<i>Iridis inverſe cauſa</i>	273
<i>Iris ut pluviā inſinuat</i>	273
<i>Irides tres aliquando viſe</i>	274
<i>Iris non omnibus eadem apparet</i>	ib.
<i>Iridem etiam luna generare poteſt</i>	276

L.

L acte & ſanguine interdum pluit	252
<i>Lachrymantibus unde gemitus oriuntur</i>	411
<i>Latitia ſubita Lipothymiam & mortem interdum inducit</i>	410
<i>Lapidum durities unde</i>	22
<i>Lac & ſanguis cur opaca</i>	30
<i>Lapides frigore corrumpuntur</i>	48
<i>Lapis cur eſt inſipidus</i>	55
<i>Lapides in Provincia Gallie Rhombi figuram habent</i>	222
<i>Lapides vitrei quomodo naſcuntur</i>	223
<i>Lapides an in fluminum fundo recreati</i>	225
<i>Lapides ut oriuntur in ſuperficie terre</i>	ib.
<i>Lapidum origo in fontibus</i>	226
<i>Lapidum pretioſorum color varius</i>	227
<i>Lapidum navi qui oriuntur</i>	228
<i>Lapis ut in fulmine generatur</i>	268
<i>Laurus an à fulmine exiatur</i>	270
<i>Leo ut gallum horret</i>	365
<i>Lethargia ut hominem in ſomnum inducit</i>	370
<i>Leporum aſtutiarum cauſa</i>	359
<i>Lingua morbum detegit</i>	383
<i>Lingua nihil ſapit, ſi nimium humida ſit, aut ſicca</i>	56
<i>Lignum in quibuſdam ſt gnis in terrā evadit</i>	222
<i>Liquida quomodo firma fieri poſſunt</i>	23
<i>Liquor interdum ad co porum duritiem conducit</i>	25
<i>Lumen tranſmiſſum per duos parietes cubiculi, non cernitur ab iis qui in eo ſunt</i>	70
<i>Luna ſemper eodem modo terre obverſitur</i>	114
<i>Luna eſt corpus ſcærum</i>	115

INDEX.

<i>Luna discus interdiu minor apparet</i>	ib.
<i>Luna celerius quam terra moveatur</i>	116
<i>Luna velocior in plenilunio & novilunio</i>	117
<i>Luna cur in Terram non labatur</i>	118
<i>Luna macula quadam temporaria</i>	124
<i>Luna crescens cur apparet denticulata</i>	127
<i>Luna nihil habet dominii in hac inferiora</i>	135
<i>Luna cur tota nitida in plenilunio</i>	127
<i>Lupus an raucidinem inducat</i>	84
<i>Lucernae ardentes in sepulchris reperta</i>	178

M.

M acula solis circa Eclipticam apparent	120
Maculae solis interdum in faculas abeunt	122
Macularum extrema interdum fulgida	120
Magnes cur versus polum borealem dirigitur	231
Magnes talesfactus vim suam amittit	235
Magnetis declinationis causa	233
Magnete in partes diviso, poli ejus mutantur	232
Mahamedis sepulchrum non sustinetur à magnetibus	236
Manna diversitas in variis regionibus	262
Manus frigida igni admota corripitur	44
Mare non est Terra altius	163
Mare cur salius in aestate	165
Marina aqua fluviatili gravior	167
Mammonis fons an frigeat, & algeat	157
Marmor cur semper frigidum est	45
Marmor frigidum reddit aerem	47
Marmor politum nigrius apparet quam asperum	77
Mathematici nihil certi prædicere possunt	140
Massa informes à mulieribus ut emittuntur	341
Mel ut fit ab apibus	261
Mens finita non potest aliquid de infinito determinare	17
Memoria magis matutino tempore vegeta	403
Memoria penitus in quibusdam morbo deleta	404
Memnisse unius rei non possums, sine alia cui conjuncta fuit	403
Mercurii gravitas unde	198
Mercurii fluiditatis causa	199
Mercurius quomodo dicitur attrahere aurum	200
Mercurius noxius lumentibus	ib.
Metallorum diversitas unde oriatur	195
Metalla	

INDEX.

<i>Metalla in radicibus montium versus orientem proveniunt</i>	196
<i>Metallica Terra quare sterilis</i>	197
<i>Metalla inveniuntur in quibusdam fluviis</i>	198
<i>Monstra unde oriantur</i>	338
<i>Monstra absque pedibus & manibus</i>	340
<i>Monstra quomodo geminata</i>	342
<i>Morborum causa in animalibus</i>	373
<i>Morbi temporis lapsu mirescunt</i>	374
<i>Moribundi interdum sine sanguine vivunt</i>	354
<i>Montis summitas longe distantis horizonti contigua videtur</i>	395
<i>Motus fieri potest sublato vacuo</i>	6
<i>Motus corporum fit per circulum</i>	7
<i>Moventur corpora in circulo non perfecto</i>	8
<i>Mulier abscisso crure, querebatur se pedis digitis dolere</i>	378
<i>Mundi partium dispositio</i>	88
<i>Mundi fabrica opificem prædicat</i>	ib.
<i>Mundus est corruptibilis</i>	89
<i>Mundi ortum historia testantur</i>	90
<i>Mundus quo anni tempore productus</i>	91
<i>Mundi finis ex rerum defectione</i>	
<i>Mulierum menstrua ferrugine sistuntur</i>	221
<i>Mures ut ex sterquiliniis nascuntur</i>	329
<i>Mus quare selem fugit</i>	365

N.

N <i>Apellum & Arsenicum animalia enecant</i>	303
<i>Nardum absque semine nascitur</i>	309
<i>Nebula in vere frequentiores</i>	247,
<i>Nebule circa auroram nascuntur</i>	249
<i>Nebula quando est pluviae nuntia</i>	249
<i>Nili inundationis causa</i>	162
<i>Nivem contrescantibus manus incallescunt</i>	258
<i>Nix rosea aut pilosa unde</i>	256
<i>Nix agris fertilitatem conciliat</i>	258
<i>Notarum in fœtu impressarum causa</i>	398
<i>Nubes ut librantur in aere</i>	246
<i>Nubium ordo supra se invicem unde</i>	248
<i>Nubes altissima ex glacialibus particulis constant</i>	ib.

INDEX.

O bjecta, contracta pupilla, desinunt videri	393
Objectum quomodo à duplici aspectu simplex videtur	396
Odore animalia sibi convenientia explorant	60
Odor non nisi ad certam distantiam semitur	61
Odor suavis & teter in certis hominibus, unde proveniat	62
Odor continuus desinit percipi	386
Odore gravi pragnantes sæpe abortum patiuntur	ib.
Odores æstate melius, quam hyeme sentiuntur	387
Ossa non magis in plenilunio replantur	86
Omphacii acerbitas unde	59
Ovis quare lupum fugit	383

P.

P alma semina maris confinio delectatur	304
Panis ad modum spinarum linguam vellicat	383
Panis recens, ut liquorem attrahit	82
Panis ut in sanguinem convertitur	100
Papaver quomodo somnum conciliat	369
Papaveri vis inest sanguinem sistendi	293
Pariendi tempus in animalibus varium	345
Pavonis cauda veras refert colores	75
Parhelia an clades prænuntient	184
Phases in venere quomodo contingunt	101
Phoca non est fulmini impenetrabilis	271
Piscium cor à corpore avulsum movetur	351
Pomum concussum qualitatem novam acquirit	39
Polita aliquid asperitatis habent	26
Polita corpora fortius agunt quam aspera	27
Portulaca Veneno obstat	303
Plantarum affectiones secundum loca in quibus crescunt, varia	312
Plantæ requirunt ubique eundem situm	314
Plantæ felicius crescunt in agro plano quam declivi	317
Plantæ à solo avulse non statim moriuntur	323
Plantarum aliæ frigore, aliæ calore enecantur	324
Plantæ sylvestres longioris vitæ, quam hortenses	324
Plantæ non humiditatem procreant	338
Plantæ in Arabia odorifera	362
Plantarum quædam sunt cavata	389
Plantæ cur passim virides sint	295
Plantarum vis purgativa	299
Plantarum vis vomitum excitantia	301

INDEX.

393	<i>Plato quid censuerit de mundi exordio</i>	87
396	<i>Principium quod habuit, habiturum est finem</i>	95
60	<i>Pluvia gutta cur rotunda</i>	250
61	<i>Plumbum cur facile liquecat</i>	215
62	<i>Plumbum quibusdam morbis occurrit</i>	217
386	<i>Plumbum liquatum baculo agitatum in pulverem redigitur</i>	217
ib.	<i>Priscorum opinio de mundi duratione</i>	96
387	<i>Pruina efficit quasdam herbas teneriores</i>	261
86	<i>Pruina partes connectuntur, cur non etiam grandinis</i>	ib.
59	<i>Pregnantes mulieres unde insolitis cibis vescuntur</i>	350
83	<i>Prussia lachryma in pulverem redigitur</i>	38
	<i>Pudiana arbor hominis afflatum odit</i>	307
	<i>Putei aqua an in hyeme calidior</i>	158
304	<i>Pumex non potest levigari</i>	27
383	<i>Pulex & equus quomodo ejusdem magnitudinis esse videntur</i>	392
82		335
100	<i>Puella Juniores non nisi puellas generant</i>	331
369	<i>Pyraultæ nascuntur in flammis</i>	
293		
345		
75		
84		
02		
71		
51		
39		
26		
27		
03		
4-		
12		
14		
7		
3		
4		
4		
8		
2		
9		
5		
9		
1		
0		

Q	<i>Qualitates ut vulgo explicantur, intelligibiles</i>	36
	<i>Qualitatum natura</i>	37

R.

R	<i>Adices plantarum alia rotunda, alia exiles</i>	288
	<i>Radices plantarum cur albæ sunt</i>	296
	<i>Radix omni plantæ necessaria</i>	287
	<i>Ranis quomodo pluit</i>	253
	<i>Remora non naves sistit</i>	361
	<i>Ros in locis humidis frequentior</i>	259
	<i>Ros si mane abest signum est pluvie</i>	ib
	<i>Rubelliones non sunt unius sexus</i>	332

S.

S	<i>Al ut dissolvatur in aqua</i>	12
	<i>Sal cur non nisi in certa aqua quantitate dissolvitur</i>	13
	<i>Sal aquæ motu dissolvitur</i>	23
	<i>Salis ope aqua in glaciem convertitur</i>	46
	<i>Salis tres species</i>	202
	<i>Sal in ignem immissus cur crepitat</i>	203
	<i>Sal quomodo linguam pungit</i>	204
	<i>Sal est carniū conservativus</i>	205
	<i>Sal</i>	

INDEX.

<i>Sal Terræ fertilitatem conciliat</i>	205
<i>Salis graxum oleo mixtum, impedit ne lampas tam cito consumatur</i>	206
<i>Sanguinei in risum proclives</i>	409
<i>Sapores melius mane distinguuntur</i>	57
<i>Sanguis an ad intersectoris præsentiam decurrat</i>	366
<i>Sene oleo tartari admixtum, colorem aquæ immutat</i>	32
<i>Sensus quoad substantiam rei non decipiuntur</i>	2
<i>Simi fetidum halitum habent</i>	387
<i>Situla in aqua non ponderat</i>	55
<i>Sol est calidus</i>	105
<i>Sol spæricam habet figuram</i>	197
<i>Sol sub eadem magnitudine semper cernitur</i>	ib.
<i>Sol oriens major apparet quam meridianus</i>	108
<i>Sol quomodo tremere videtur</i>	109
<i>Sol per telescopium obscurus apparet</i>	119
<i>Sol quomodo per aliquot dies tenebrosus fuit</i>	123
<i>Sol operum naturalium pater</i>	133
<i>Sol est causa humiditatis & frigiditatis</i>	134
<i>Sol quomodo tempestates producit</i>	ib.
<i>Sol ut noctu interdum apparet</i>	284
<i>Soles unde multi nascuntur in uno circulo</i>	283
<i>Somnia cur interrupta sunt</i>	405
<i>Somnia omnibus hominibus communia</i>	406
<i>Somniamus passim de iis quæ vigilantibus occurrunt</i>	408
<i>Somniantes ut lotium aliquando emittunt</i>	409
<i>Sonus à liquidis corporibus fieri potest</i>	64
<i>Sonus in ovali cubiculo à distanti facilius auditur</i>	70
<i>Sonus auribus clausis unde oritur</i>	391
<i>Sonus sub aquis non percipitur</i>	391
<i>Sorga fons salsas habet aquas</i>	160
<i>Spongia cur liquore extenditur</i>	18
<i>Spiritus vini refrigerat</i>	47
<i>Spærica corpora aequaliter descendunt, etsi mole inæqualia</i>	49
<i>Spongia ut aquam attrahit</i>	82
<i>Stannum illitum vas ab igne tuetur</i>	213
<i>Stannum calcinatum est non calcinato gravius</i>	214
<i>Stellæ ut quædam evanescent</i>	105
<i>Stellæ fixæ propria luce fulgent</i>	110
<i>Stellæ apparent interdum ubi non sunt</i>	111
<i>Stellæ novæ interdum nascuntur</i>	112
<i>Stellæ ut in Cometæ abeunt</i>	113
	Stel-

INDEX.

<i>Stellæ noctu cadentes quid sint</i>	278
<i>Stirpes quædam vim habent calefaciendi, alia refrigerandi</i>	291
<i>Surculi molles ad infisionem inuiles</i>	322
<i>Sulphur ubi maxime abundat</i>	201
<i>Sulphur cur facile inflammetur</i>	203

T.

T <i>Actus fit per nervos</i>	378
<i>Tactus quis ex improvise, inhorrescit</i>	379
<i>Tarentula percussæ, musica sanantur</i>	389
<i>Terræ & cæli productio</i>	92
<i>Terræ novales aliis fertiliores</i>	318
<i>Titillatio maxime in plantis pedum excitatur</i>	379
<i>Toricelli experimentum ad probandum vacuum</i>	14
<i>Tristes facile lachrymantur</i>	410
<i>Tristes varium colorem præferunt</i>	412

V.

V <i>Acuum non requiritur ut corpus moveatur</i>	5
<i>Vacuum non probatur per bombardam pneumaticam</i>	9
<i>Valvæ secundum tempestates facile aut difficulter clauduntur</i>	19
<i>Vapores ut in aquam convertuntur</i>	101
<i>Vapores copiosiores in æstate, quam hyeme</i>	237
<i>Vapores non aequaliter ex omni parte Terræ assurgunt</i>	238
<i>Venæ cur non pulsant</i>	153
<i>Venis ligatis cur brachium intumescent</i>	353
<i>Ventus aere frigidior</i>	240
<i>Venti orientales sicciiores occidentalibus</i>	242
<i>Venti circa littus maris noctu à terra proveniunt</i>	243
<i>Venti artificiales quomodo conficiuntur</i>	245
<i>Vermes ut intra fructus nascuntur</i>	330
<i>Vesuvius certis tantum temporibus flammam emittit</i>	182
<i>Vipera non dissectis lateribus parit</i>	343
<i>Visus acutissimi qui sint</i>	394
<i>Vitrum cur est charta pellucidius</i>	27
<i>Vitrum ut redditur obscurius</i>	29
<i>Vitrum contusum album videtur</i>	79
<i>Vitrum oblongum diversos refert colores</i>	ib.
<i>Vitrum cur est fragile</i>	184
<i>Vitrum frigidum igni admotum frangitur</i>	185
<i>Vitri</i>	

INDEX.

<i>Vitri rigiditas ex quo oritur</i>	ib.
<i>Vitri pelluciditas unde</i>	183
<i>Vitrum vi ignis liquefcit</i>	186
<i>Vitulus an pluerit fecundum Avicennam</i>	153
<i>Voces melius intra quam extra cubiculum audiuntur</i>	394

Z.

Z <i>Ephyrus, paffim sentitur vefperi</i>	241
Z <i>ephyri certo tempore in mari Mediterraneo flant</i>	244

Errores

Errores Corrigendi.

Pag.	Lin.	Errores.	Correñi.
2	30	illo	ille
24	1	rientur	cientur
28	13	quia	qui a
29	27	solum	solem
36	22	pendant	pendant
39	20	reducitur	deducitur
45	5	sopita	sopita
66	26	concremisicit	contremisicit
77	18	acro	atro
78	27	sebeantes	subeantes
86	14	celiores	celeriores
88	27	intueri	intuere
99	13	exitetur	excitetur
108	31	tum	cum
111	27	compulatione	copulatione
121	3	actionis	actionis
122	2	fi B	fibi
126	11	paulo	parulo
132	1	cometæ	Hæc quidem
140	30		Constat inspecto
146	10	labrata	librata
148	29	suadet	evadet
159	8	utantur	utuntur
160	2	animalis	animalis
164	29	undiquoque	undiquaque
167	1	vas	eas
187	10	tergindis	tergendis
199	14	relinquant	relinquat
221	27	mellior	mollior
228	13	&c	a
229	11	quæstionem	quæstionum
232	11	ollique	oblique
247	7	constant	constant
262	12	distanata	distinata
262	32	non nisi	[adde] in
268	16	prosterнат	prosterнат
270	27	geitebat	geitabat
278	5	excitendas	excitandas
279	2	&c	ut
289	1	perforentur	perforantur
296	26	oliteribus	olitoribus
309	18	hedaram	hederam
313	9	avinam	avenam
313	23	fatis	fatis
317	11	dicatur	ditatur
319	12	inferuisse	inferuisset
327	8	verum	rerum
333	8	propagari	propaginem
335	19	florientis	florantes
352	6	corpibus	cordibus
372	14	fine	five
399	25	vero	vera
403	10	vestigæ	vestigia
404	23	relictus	vel ictus
407	30	in rumenta	infrumenta